


中華文史叢書之九十三
清·光緒二十一年刊本影印
王有立主編

庚辛泣杭錄 (一)

丁氏纂輯

華文書局股份有限公司印行




中華文史叢書之九十三
清·光緒二十一年刊本影印
王有立主編

庚辛泣杭錄

(二)

丁氏纂輯

華文書局股份有限公司印行



庚辛泣杭錄

光緒二十一年冬月

仁和蔡玉瀛題

錢塘丁氏刊行

庚辛泣杭錄卷一

欽定剿平粵匪方略

咸豐十年庚申三月初一日

上命軍機大臣傳諭羅遵殿曰逆賊竄陷廣德窺伺杭湖並已闌入安吉情形實屬喫重和春已令鄭魁士統兵赴浙並派曾秉忠等統帶水陸官兵三千名由蘇常徑赴湖州合之何桂清所派兵勇爲數已屬不少周天孚又帶兵於四安獲勝著羅遵殿卽將前項援軍飛提前進速將安吉攻復賊衆尙未深入自不難於擊退李定太此次猝然遇賊以致受傷退守湖

州俟江南兵到仍令會同出勦不可株守一隅黃灣南陵防兵一經撤動則蕪湖青繁賊眾必與廣德聯爲一氣羅遵殿切不可輕率調動致有疏虞曾國藩遠在皖北未能赴浙卽江西之兵亦恐緩不濟急已諭令張芾酌量抽撥協濟矣

三月初五日瑞昌羅遵殿來存奏言臣等探知

武康縣城已有賊蹤該縣距省城祇百里內外

一日可到其時浙省兵勇均分防湖州孝豐餘

杭等處正擬調回扼紮而離北新關三十里之

安溪地方突有騎馬之賊焚掠而來臣來存趕

赴武林門攔截臣瑞昌馳赴錢唐門扼堵臣羅
遵殿卽將兵勇分派各門防守布置未定該逆
已大股麇至闖武林門當將各城門封閉爲登
陣守禦之計賊已在錢唐門外之棋盤山築壘
二十一二二十二等日又在正陽門外之萬松等
嶺徧插旗幟窺伺城中臣等晝夜巡防不敢稍
懈幸杭城百姓敵愾同仇協同官兵守禦臬司
段光清甯紹台道仲孫懋遊擊胡應元各帶兵
勇回省兵力稍厚節據和春等咨稱續派副將
向奎總兵張玉良各帶兵勇二千援浙李定太

亦派參將周天孚等管帶兵勇二千餘名總兵
曾秉忠分撥長龍船二十隻及知縣馮佩珩礮
船十六隻駛赴省河援剿其總兵米興朝所統
三千六百人由徽州前來聞已行抵江口臣等
惟有固守待援俟大兵雲集方能合力痛剿乍
浦距省尙近惟有仰求

恩飭下乍浦副都統錫齡阿再派官兵四百名連前
調四百名湊足八百名卽由該副都統管帶來
省以資剿守二十三日接該副都統函稱帶兵
協領祥瑞於十九日行抵塘棲詢知省垣北新

關已有匪徒搶掠勢難前進擬折回嘉興駐守
查該協領既知省城緊急更當催兵救援乃竟
擁眾折回實屬畏葸不職擬請將該協領先行
摘去頂戴飭令仍統全隊來省隨同剿賊以贖
前愆

同日

上命軍機大臣傳諭和春張國樑何桂清瑞昌羅遵殿
來存曰皖南之賊由廣德徑竄四安逼近浙境業經
和春等派兵赴援乃該逆竟由武康直撲浙省羅遵
殿等登陴守禦布置蒼黃徒爲守城之計並未派兵

迎擊實屬無能之至向奎等帶兵援浙何以任令該
逆逼近浙省恐各軍未能確探賊蹤以致節節落後
著和春張國燦何桂清迅速催令前進以解省城之
圍瑞昌等現在固守待援務卽激勵兵勇妥爲防範
米興朝統兵三千六百名已抵江口卽可迎提協勦
一俟江南援兵雲集卽應內外夾擊痛殲醜類毋得
株守省垣致成坐困之勢瑞昌等請飭錫齡阿再派
官兵四百名來省助勦連前調之兵共八百名卽著
瑞昌飛飭錫齡阿管帶赴省協領祥瑞帶兵行抵塘
棲旣知省城危急竟敢折回嘉興實屬畏蕙著先行

摘去頂戴仍令帶兵赴省隨同剿賊如再不知奮勉
卽著從嚴參辦

三月初六日何桂清徐有壬奏言逆匪撲犯湖
州攻陷武康逼近杭州省城二月十九二十等
日在武林門外放火撲城適江南派援之副將
向奎所帶二千人已於二十二日早行過吳江
縣之平望鎮當飭由嘉興一路兼程前赴杭州
總兵李定太由湖州抽調周天受派援浙江之
參將周天孚等軍二千八百餘人江南派援之
曾秉忠所部長龍船二十隻及知縣馮佩珩所

帶礮船十六隻於三十一日由湖州拔隊馳援
杭州總兵米興朝統帶兵勇三千九百名於十
六日由徽州拔隊從於潛一路進發屆計亦可
到杭尙有獨松關防堵之甯紹台道仲孫懋一
軍現亦無事必已折回杭州並有兩次截留江
南大營招募新勇三千四百名合計兵力不爲
不厚乃二十五日探知浙江撫臣羅遵殿將援
湖水陸各軍全數調赴杭州臣等查逆匪大股
屯聚湖州府屬僅分一股撲犯杭州顯係湖州
援兵漸集故作此狡獪伎倆使我分兵援救杭

州彼得逞志於湖州也羅遵殿未識賊情致墮其術幸總兵張玉良於二十四日早馳抵蘇州聞知情形將羅熙賢一軍調回湖州並飭曾秉忠將畱防湖州之長龍船不准再行擅動而羅熙賢能否追回長龍船已未赴杭均不可知浙江軍務本應聽羅遵殿調度惟該撫主守不主戰且守近不守遠李定太雖曾幫辦浙江軍務而自梅溪失挫威望頓失亦不足以資統率可否請

旨飭下和春兼辦浙江軍務而以張玉良總統援浙諸

軍所有江浙徽甯官軍悉聽調度庶事權歸一
不致貽誤大局

同日

上命軍機大臣傳諭羅遵殿曰皖南逆匪擾及浙境直
撲省垣該撫將援湖水陸各軍全數調赴杭城不識
逆匪分我兵力墮其術中已屬調度乖方而且主守
不主戰守近不守遠株守省垣致成坐困之勢現在
已命和春兼辦浙江軍務並命張玉良總統援浙諸
軍所有江浙徽甯官軍悉聽調度羅遵殿卽飭令聽
候張玉良調遣勿庸歸李定太總統該撫亦不得率

行更調致失機宜此時惟當激勵將士固守省城一
俟援師雲集內外夾擊以解城圍

三月十二日和春奏言接浙江臬司段光清稟
稱逆匪在省城西南隅清波門外暗掘地道埋
伏火礮於二十七日將城轟塌三十餘丈該逆
卽從此處蠶擁入城惟見滿營官兵接仗殺賊
其餘兵勇紛紛潰散該司與副將王邦慶招集
潰勇退保海甯嘉興一帶一面趕招艇船堵截
錢塘江口以保甯紹門戶各等語現在何桂清
奏派總兵張玉良總統諸軍恐未能深悉地勢

據江蘇藩司王有齡稟稱情願自帶一旅以圖
補救足徵忠義奮發臣擬咨商督臣先令王有
齡與張玉良會辦俾臣等得以專心督飭將士
迅拔金陵

同日何桂清徐有壬奏言查杭城倚山面江形
勢險峻約計在防兵勇尙可守禦何以未及旬
日堅城遽陷臣與藩司王有齡反覆籌商湖州
已由張玉良分派兵勇擇要堵禦嘉興府城亦
准李定太來咨卽日馳往扼守張玉良一軍已
由湖拔隊赴杭熊天喜所帶勁旅三千前隊已

抵蘇州臣等飭催倍道馳往察看緩急分別畱
防進紮一面咨請和春速派勇敢大員多帶精
兵星馳會勦現又由署蘇松太道吳煦招募上
海礮船四十隻駛赴嘉興一帶迎頭進擊張芾
所派援浙之米興朝一軍聞亦不日抵杭並卽
咨催迅從於潛一路抄出賊前會同兜擊其自
浙入蘇要道平望鎮有署臬司蔡映斗統帶礮
船防守上游新市烏鎮及太湖一帶現亦分派
員弁扼堵並勸辦團練協力巡防以期周密

同日

上命軍機大臣傳諭和春張國樑何桂清徐有壬曰杭州係全省領要毗連蘇省爲財賦之區斷不容該逆久踞致誤東南大局和春現旣兼辦浙江軍務著卽與張國樑何桂清王有齡通盤籌畫一面進攻杭城一面嚴截竄路毋令擾及附近各處力保完善之區並咨催前調閩兵二千及饒廷選所部兵勇迅速赴浙以厚兵力其米興朝一軍已到江口卽可飭令攻城蘇州與杭州脣齒相依何桂清徐有壬務卽嚴密布置毋得臨事蒼黃江蘇藩司籌辦大營兵餉責任綦重著何桂清徐有壬保奏一員先行署理候旨簡

放所有杭州文武下落著和春等查明具奏昨據楊載福奏稱水師應仍在蕪湖以上巡扼沿江要口儻金陵尙須礮船請飭和春將蕪湖以上紅單師艇調往下游等語著和春等體察情形酌量辦理

同日

上諭內閣曰據和春何桂清等馳奏杭城失陷覽奏焦憤竇深和春等疊次所派援兵爲數已及萬餘何以全未趕到著和春張玉良查明各路帶兵員弁如有託故遷延卽立予正法王有齡著署理浙江巡撫會同張玉良督飭諸軍迅圖克復其在城文武各官下

落著和春何桂清王有齡迅速查明具奏

三月十三日和春何桂清徐有壬奏言江蘇藩
司王有齡探知杭州失守卽飛咨張玉良乘賊
設守未堅趕緊馳往克復張玉良得信後卽飭
副將馬占葵管帶兵勇二千嚴守石門以固江
蘇門戶本月初一日親帶二千數百人星夜遄
行是夜卽至塘棲鎮探知杭州將軍臣瑞昌堅
守駐防之城連日與賊鏖戰張玉良卽派弁改
裝易服溷入城中面見瑞昌互相約會初二日
張玉良親赴大關一帶看明賊勢初三日早出

賊不意將武林錢塘門外及昭慶寺賊壘全行
掃蕩該逆疑從天降奔逃進城瑞昌調派八旗
官兵縋城攔剿斬獲頗多張玉良挑選兵勇緣
城而上瑞昌亦督隊登城擊剿互相援應我兵
大隊一擁登城將城隍山校場等處屯聚逆匪
斬馘殆盡臣等查此次杭州被擾將軍瑞昌堅
守駐防城至六日之久以待援兵厥功甚偉張
玉良於得信後卽出奇制勝兩日而克復省城
王有齡密告機宜籌濟軍火糧餉其功亦不可
泯撫臣羅遵殿等或云殉難陣亡或云爲瑞昌

救入駐防城內皆探無確信總兵熊天喜行抵
蘇州適聞杭州捷報王有齡商令行至前途如
杭州無須添兵卽由嘉湖閒道攻復德清再定
進止總兵李定太前由浙江撫臣羅遵殿咨調
於二月二十四日自湖州起程赴杭二十七日
始至離省數十里之長安鎮傳聞省城失守卽
退至嘉興府後知張玉良已至杭州於三月初
三日又由嘉興起程初四日仍至長安鎮張芾
派援杭州之總兵米興朝於杭州失守時紮營
在富陽縣境內合併陳明

同日

上命軍機大臣傳諭和春何桂清徐有壬王有齡曰逆匪於二月二十七日攻陷杭城將軍瑞昌堅守駐防城六日之久待張玉良援軍內外夾擊得以迅克省城辦理甚爲妥速惟杭城甫經收復逆匪必在附近一帶盤踞尙須痛加勦洗以除後患著和春卽飭張玉良協同瑞昌將城中防守事宜嚴密布置李定太米興朝所帶兵勇卽歸張玉良調遣以厚兵力此次逆匪由廣德竄入浙西若不截其來路必至皖南之賊麇集於浙雖省城已復而到處蔓延亦屬可慮廣

德州是否尙爲賊踞現派何員攻勦四安爲入湖州
正衝參將周天孚等前次挫敗恐不足恃鄭魁士帶
兵四千由溧陽馳赴宜興自應迅速前進克復長興
熊天喜一軍經王有齡商令如杭州無須添兵卽由
嘉湖閒道攻復德清著和春卽飭該提督等探明賊
蹤奮力攻勦不得稍涉遷延其孝豐武康之賊亦應
一律掃蕩毋令久踞和春距浙較遠何桂清等與浙
密邇消息易通正可就近策應王有齡現授爲浙江
巡撫責無旁貸所有浙省應防應勦事宜著卽與瑞
昌張玉良悉心籌辦以副委任羅遵殿等或稱殉難

陣亡或稱救入駐防城中詳細情形著瑞昌王有齡查明具奏臬司段光清防守獨松關迨武康失守折回救援省城何以一聞杭州被陷卽與副將王邦慶退保海甯嘉興顯係聞警先逃著瑞昌等查明嚴參懲辦蘇常等處防務仍著何桂清徐有壬妥爲布置毋稍大意

同日

上諭內閣曰和春何桂清等奏江南援兵會同杭州駐防官兵克復杭州省城覽奏實深欣慰將軍瑞昌於省城被陷後尙能堅守駐防城至六日之久以待援

兵會同克復厥功甚偉著賞穿黃馬褂並賞給二等
輕車都尉世職候補提督張玉良出奇制勝於兩日
內克復杭城實屬謀勇超羣著賞穿黃馬褂並賞給
騎都尉世職署浙江巡撫王有齡密告機宜籌濟軍
火糧餉不遺餘力著補授浙江巡撫迅帶兵勇馳赴
浙省剿除餘匪辦理善後事宜欽差大臣江甯將軍
和春兩江總督何桂清派兵援救不分畛域深堪嘉
尙均著先行交部從優議敘江蘇巡撫徐有壬著交
部議敘衢州鎮總兵李定太汀州鎮總兵米興朝赴
援杭州遷延不進殊堪痛恨著卽革職畱營効力仍

著瑞昌等查明如有畏葸退縮情事卽著嚴參治罪
其在城文武官員下落並著瑞昌王有齡迅速查明
具奏

三月十五日瑞昌來存奏言逆匪用地雷轟破
黃泥潭城垣外城盡失滿兵固守營門勢甚危
迫臣等督兵死戰該逆爭撲錢塘門外一帶城
牆竹梯林立滿兵深知大義矢志敵愾毫無畏
避一時鎗礮齊施無不以一當百登城之賊皆
經殺斃無遺賊勢稍怯其時營門外漢街復有
賊眾分撲亦經各該旗協領等官帶兵防勦殺

賊甚多初三日早官兵正與該逆爭持幸張玉
良領兵到省我兵知有外援勇氣百倍該逆知
大兵來援驚慌遠遁所有被陷各門漸次收復
大城內外一律肅清張玉良力解危城厥功甚
鉅惟該逆未經大創恐其復行回竄非有重兵
來援難期固守惟有仰懇

天恩飭催和春張國樑迅撥重兵來浙助剿至漢城文
武各官巡撫羅遵殿藩司王友端鹽運使繆梓
等皆已殉節應請

飭下何桂清速派明練司道數員來浙專辦地方事務

同日何桂清奏言據張玉良報稱克復杭州省城後城外萬松嶺尙有賊壘三座因天晚未及進攻是夜賊卽棄壘西竄張玉良督隊追剿二十餘里殺賊擐旗勢如破竹杭州西路係富陽餘杭二縣有張芾派援杭州之總兵米興朝帶兵二千駐紮富陽副將王夢麟等帶兵二千駐紮餘杭張玉良飛咨該鎮將相機截剿適總兵李定太到省張玉良囚其所部不甚得力卽飭副將馬占葵帶領所部兵勇同李定太探明賊蹤所向跟蹤追剿與米興朝王夢麟等兩面夾

擊以期聚而殲之張玉良隨同瑞昌在省彈壓
布置以防回竄浙江巡撫羅遵殿署浙江布政
使督糧道王友端署兩浙鹽運使金衢嚴道繆
梓杭嘉湖道葉莖均於省城失守時被害浙江
臬司段光清於二十七日出城暫紮海甯等處
張玉良函囑其赴省乃克復業已三日尙未見
到俟查明現在何處將其追回隨同辦理一切
同日

上諭內閣曰浙江省城被陷六日旣經克復巡撫羅遵
殿暨司道等於城陷後同時殉難深堪憫惻浙江巡

撫羅遵殿官聲素好到浙後畱心吏治籌畫軍儲頗能實心任事著照巡撫例從優賜卹任內一切處分悉予開復應得卹典該衙門察例具奏署浙江布政使糧儲道王友端著照布政使例議卹署浙江鹽運使金衢嚴道繆梓杭嘉湖道葉莖均著照道員例從優議卹至該撫等死事情形仍著瑞昌王有齡詳細查明具奏

閏三月初二日瑞昌來存奏言逆匪竄至武林
臣瑞昌來存先與接仗賊勢太眾未便深追因率兵防守二十七日卯時城陷夏寶慶之勇類

與賊通佯爲敗退以至闔城兵勇同時潰散賊
卽由彼處擁入臣等率領滿兵迎勦在湧金門
斃賊五六百人我兵亦傷亡不少祇得退至滿
洲營駐守二十八日差人偵探賊蹤見漢城四
面火起段光清等早已縋城逃走臣等督兵固
守五小營門仍隨時出兵追勦柰該逆已將滿
營合圍兵力已竭惟有仰懇

天恩速撥勁兵以圖恢復郵遞文報不通此摺專人齎
遞合併聲明

同日

上命軍機大臣傳諭和春何桂清王有齡曰前因杭州
省城失陷臬司段光清等藉詞接仗失利退至海甯
嘉興疊經降旨將該臬司革職拏問交和春等嚴審
從重定擬具奏本日據瑞昌等三月初二日專差齎
遞一摺內稱二月二十七日卯時城陷夏寶慶之勇
類與賊通佯爲敗退以致闔城兵勇同時潰散又二
十八日漢城四面火起段光清等早已縋城逃走各
等語兵勇遁賊首先潰退帶勇之員何以毫無覺察
殊堪痛恨著和春何桂清王有齡詳細查明將通賊
之勇盡法懲治並將夏寶慶一併訊明正法以肅軍

律至已革臬司段光清如何縋城逃走並著和春等查明與副將王邦慶一併按軍法懲辦

閏三月二十一日王有齡奏言臣督帶親兵於

閏三月十一日馳抵杭州探得昌化之賊意欲

分股內竄業由瑞昌分飭都司李龍等帶勇前

赴餘杭富陽等處扼要堵遏惟是逆蹤飄忽慣

走山僻捷徑杭州新復人心未固且存城兵勇

不過五千有餘近又分起調遣益覺城大兵單

設該逆由閒道窺伺難保不繞出我兵之後臣

現會商瑞昌就現有兵力將城守事宜趕爲布

置並飭遊擊王振聲統帶親軍在附城松毛場
地方屯紮以扼餘杭等處入省要路仍隨時探
明何路緊要或堵或剿再行相機調度

七月初三日王有齡奏言逆匪自竄入於潛後
旋東竄貴芳橋離臨安約四十里而地風山牧
亭村等處均有賊蹤逼近分水水道亦可直達
桐江其大股仍在於潛盤踞臣屢接探報均稱
四眼狗陳逆由蘇糾黨五六萬意欲竄擾杭湖
以解嘉興之圍又思先取徽甯等語查於潛地
方東可達臨安餘杭南可達新城分水桐廬均

可內犯省城若賊占踞嚴州則江西福建數省
之餉道不通援兵隔絕杭垣亦爲之坐困現在
雖調蘇鏡蓉一軍由武康折赴餘杭並令副將
周萬遠督帶所部千餘人由衢來嚴兼派錢江
礮船上駛嚴州桐廬等處然兵力過單不足以
當大敵彭斯舉一軍向稱敢戰近在孝豐遇賊
退至昌化分水軍士器械亡失過半已不足恃
省城兵勇雖有一萬數千人勁旅固屬無幾且
城外營盤均已紮定一經抽調布置卽不能周
萬一該逆乘虛內犯防勦必致兩失

與瑞昌

來存再四籌維實無萬全之道因思曾國藩已
抵東流若一徑入徽卽由涇安嚴州轉戰而東
先將此股逆匪剿滅則皖浙俱可保全而以次
削平江蘇諸郡縣亦不難矣相應請

旨飭下曾國藩迅速前來以挽危局

同日

上命軍機大臣傳諭曾國藩曰前諭曾國藩俟左宗棠
李元度鮑超張運蘭等到齊分道進兵規復蘇常茲
據王有齡奏逆匪盤踞於潛東可達臨安餘杭南可
達新城分水桐廬均可內犯省城若占踞嚴州則江

西福建餉道不通援兵隔絕杭城亦爲坐困省城兵勇雖有一萬數千能守而不能戰該撫接據探報並盤獲姦細有四眼狗陳逆由蘇糾合賊黨欲竄杭湖以解嘉興之圍又思先取徽甯之語省城萬分危急曾國藩現抵祁門若由此入徽卽由涇安嚴州轉戰而東先將此股逆匪剿除則皖浙可以保全然後進兵削平江蘇諸郡縣庶大局可以挽回如曾國藩尙未能督兵前往卽著催調張運蘭鮑超等迅速到齊兼程前進以顧全局

七月初九日瑞昌來存王有齡奏言六月十六

日賊自於潛竄陷臨安分股竄至餘杭富陽境內臣等調彭斯舉一軍前赴富陽防勦並調副將劉芳貴一軍來富協同彭斯舉勦辦又令副將黃金友管帶各起礮船在桐廬富陽一帶江面分布巡防以扼該逆東渡惟餘杭僅有知縣蘇鏡蓉台勇千數百人兵力實形單薄省城又無勁旅可撥不得已飭令該縣激勵民團共資守禦十七日賊匪已薄餘杭城外十九日分股撲營我軍分路迎敵斬馘甚多忽另股繞至南門外放火西北兩股又復回撲我軍前後受敵

勢遂不支勇丁傷亡過半蘇鏡蓉身受重傷不能入城卽於是晚回省餘杭縣城不守現惟有先顧省城根本重地而畱省兵勇不過一萬四千人殊有賊衆兵單之慮張玉良攻勦嘉興正在得手其軍斷不敢多撤閩省援兵能否前來尙不敢必惟派防石門兵勇四千餘人係總兵劉季三統帶尙可就近赴援二十日賊騎已由餘杭塘而來約有六七千之衆劉季三連夜趕回於北新關拱宸橋一帶突與賊遇奮勇迎敵斃匪無數賊遂退出二十餘里是役也劉季三

一戰而捷克挫其鋒然此股逆匪有七八萬人
實係四眼狗糾集並未大受懲創臣等前請曾
國藩入徽由嚴州轉戰而東現聞該署督已抵
祁門離浙尤近相應請

旨飭催前來大局幸甚

同日

上命軍機大臣傳諭曾國藩曰前因浙省於潛竄匪有
內犯省城之勢當經諭令曾國藩由祁門取道入徽
卽由潛安嚴州轉戰而東先除此股逆匪以保全皖
浙大局茲據瑞昌等奏於潛大股賊匪疊陷臨安餘

杭二縣並由餘杭塘竄偏省垣雖經總兵劉季三一
軍擊退而省城兵勇能守而不能戰張玉良攻勦嘉
興之軍正在得手亦難撤調福建江西之兵雖經催
調到尙需時待援情形自屬非常緊迫著曾國藩仍
遵前旨迅速取道入徽卽由淳安嚴州轉戰而東先
將此股逆匪撲滅保全浙省再圖規復江蘇諸郡設
或該大臣不能親往亦須先派得力之兵前往救援
以冀挽回大局再據王有齡奏連日探得蘇省逆賊
紛紛北走終日水陸不絕且據團勇奪獲賊匪僞文
內有賊目李侍賢尙在蘇城盼望其黨速往省垣之

語蘇城賊勢單薄似乎可信著曾國藩乘此機會應由何路進兵迅圖規復地方仍遵前旨體察情形迅速辦理

七月二十三日瑞昌來存王有齡奏言餘杭逆匪敗退後卽在三十里外紮住總兵劉季三派參將劉志仁等隊三千餘人於六月二十二日親統進剿饒廷選復派隊三千餘人隨同前進署藩司麟趾督帶親兵五百名臣等又派協領恆全帶旗兵五百名同知甘應槐帶小隊五百名在後策應並抽派千人赴餘富一帶山路設

伏劉季三行抵三墩地方賊營開礮相拒我軍
兩路並進把總雷成龍於鎗礮叢中冒死登牆
各勇相繼躍上賊卽棄巢奪路而遁沿途追殺
斃賊尤多追至餘杭城上賊幟如林意在拒守
當派劉志仁等奮勇力攻矢石交下未能得手
我軍卽在距城三里紮營探聞西城守備稍懈
二十三日該鎮督隊進攻東南二門密令後隊
繞至西路安設竹梯蟻附而登守備李忠砍倒
守垛數賊賊始驚覺東南各門之賊紛紛往救
我軍轟塌東城一角卽乘勢攻入兩隊合於一

處殺斃賊匪不計其數賊出南門而逃立將餘
杭縣城克復其分股竄往富陽之賊遇我伏兵
齊起甘應槐亦帶隊接應該逆兩面受敵自相
踐踏死者無算餘匪竄回臨安二十三日甘應
槐督率各隊折回正當餘杭攻城喫緊之際併
力相助遂一擁入城麟趾等先行凱撤回省是
晚大兵卽在該縣暫駐訪問居民均稱當賊撲
縣城時知縣蔣鳳祥與賊接戰身受重傷城陷
後該縣赴鄉收集潰勇希圖進剿二十四日帶
傷來見劉季三飭令委辦善後旋據探報首逆

四眼狗尙踞臨安青山頭一帶亦有賊營駐紮
惟聞該逆患病甚重逆黨亦多病疫當無固守
之志二十五日挑派六成隊伍令劉兆選等統
帶前進劉志仁爲後路策應行未數里有賊五
六千人分左右兩翼來撲勢甚兇猛我軍堅陣
以待約半時許其氣漸衰我軍連環攻擊賊卽
驚潰追至青山頭收隊次日西路援賊大至各
軍皆懼劉志仁指揮迎敵首斃執旗賊目一名
賊勢稍卻我軍追殺數里與攻壘之兵夾擊之
該處民團亦齊出助戰該逆首尾不能兼顧落

澗死者以千計餘向山後遁去卡內之賊見援
賊敗退亦卽遁回臨安我軍卽因賊壘據守青
山一面進攻臨安賊堅壁不出二十八九等日
探聞該逆竄至瓦罐村黃畝溪又有分竄餘杭
之雙溪瓶窰者卽派隊追剿賊已折由獨松關
幽溪兩路而去僅獲餘匪數名據供四眼狗已
於二十八日夜半扶病潛出北門官軍分隊攻
城賊匪開礮抵拒無隙可乘三十日復分兵進
攻南北兩門難民數百人開東門以納官軍我
軍亦從南城躍上城中之賊大亂被殺千餘人

餘匪逃出北門經官軍截擊轟斃者不少餘均
鳧水過河遂於是日巳刻克復臨安縣城此外
於潛昌化等縣均被賊擾昌化經副將劉芳貴
迎勦獲勝復得徽師助防苦竹嶺賊卽退去未
曾深入六月初十日賊匪竄入於潛縣境知縣
包容會同教諭王玉文等帶團堵勦接仗一時
之久賊勢愈眾王玉文力竭陣亡於潛並無城
郭賊已從西門而入遂於十一日失守該縣與
典史夏章壑等分赴各鄉催集民團奮勇進勦
賊匪分路進竄卽於十六日收復於潛其竄富

陽篠嶺青樹嶺之賊經該縣蔣貴斌督率民團據嶺開鎗賊不能上而退二十二日又分股攻撲各嶺四路並進該縣適在篠嶺併力迎拒仰攻之賊率多受傷卽行遁去至新城各紳董糾集民團不下五六萬之衆十三十六等日逆匪數千欲犯該邑之浮雲嶺百丈嶺等處俱經團勇擊退其臨邑之章村紮有賊營亦經團勇前後夾擊賊爲披靡追至章村十九日團勇潛至章村四面攻撲該逆猝不及防斬馘無數賊多翻山而逸其後屢犯黃嶺觀音嶺復經團勇攻

擊大獲勝仗二十九日富新地面之賊均已退
盡先是檄調總兵吳再升自嘉郡回援省城當
令統率所部馳赴富陽會同道員彭斯舉堵剿
現在賊匪竄過獨松關武康安吉等縣又將喫
緊已令吳再升取道瓶窰追出長興而止一俟
全境肅清卽當分布嚴防務保浙西門戶此次
劉季三首挫兇鋒今又跟蹤追剿克復兩城洵
屬勲勞懋著可否懇

恩將署直隸通永鎮總兵劉季三以提督

記名簡放出自

逾格鴻慈其在城固守在事出力之文武員弁等可否
擇尤酌保之處恭候

聖裁署餘杭縣知縣蔣鳳祥平日官聲尙好且力戰受
傷署於潛縣包容自行催集民團收復縣城功
過尙足相抵應均請革職暫行畱任以觀後效
於潛縣教諭王玉文歷年辦理團練實心實力
現又禦賊捐軀殊堪憫惻應請

飭部從優議卹以慰忠魂

同日

上諭內閣曰逆匪竄踞餘杭經總兵劉季三等督兵進

勦當將餘杭縣城攻克其盤踞臨安之賊劉季三督隊進攻我軍奮力夾擊民團亦齊出助戰遂將臨安縣城克復其竄撲富陽新城昌化賊匪均經民團擊退於潛之賊亦經民團會勦旋即退去仍著瑞昌等督飭在事員弁兵勇跟蹤追勦無畱餘孽總兵劉季三著以提督遇缺題奏其失守地方之署餘杭縣知縣蔣鳳祥著卽革職署於潛縣知縣包容帶團收復著革職暫行畱任以觀後效於潛縣教諭王玉文禦賊捐軀殊堪憫惻著交部從優議卹其餘打仗守城出力之文武員弁及各縣團練紳董著瑞昌等查明

保奏候朕施恩

十一月初九日瑞昌王有齡奏言據富陽縣官
弁稟報十月初八日副將劉芳貴與賊接仗中
礮陣亡初九日賊撲富陽西門劉季三派隊迎
戰力竭被害都司張順守備王應選蕭玉林千
總許凱勛同時陣亡賊遂衝入縣城等語查賊
踞臨安富陽二縣勢將分路圖犯省城而由富
陽渡江又可窺伺甯紹防不勝防因乘夜傳令
城外各營抽撥馬隊五百名步隊千餘名馳抵
富陽乘虛掩襲賊出西北門遁去遂於十一日

將富陽縣城收復先是臨安之賊竄近餘杭而
大股復自富陽竄至餘杭縣城旋即被陷是時
上而壽昌下而桐富次第收復沿江幸得肅清
雖可稍紓甯紹之警而全股萃於餘杭省垣尤
形喫重臣等將駐紮石門之副將吳再升調回
並派遊擊劉長培會同進勦十三日賊已由餘
杭塘而來劉長培行抵賣魚橋遇賊開仗吳再
升以後隊繼之臣等與饒廷選署藩司麟趾分
赴武林錢塘各門親自督戰副都統傑純督同
協領瑞慶等並派副將文瑞千總顧錫儒各出

六成隊伍在觀音橋旁擊奮勇爭先轟斃賊匪
無算傑純吳再升等均手刃執旗賊目數名斬
獲首級數十顆賊爲氣奪退往觀音橋對岸紮
卡三座我軍守住賣魚橋江漲橋北新橋等卡
相持一夜臣等亦率在城文武嚴爲之備十四
日賊衆分股衝撲賣魚橋並竄至古蕩桃園嶺
等處經水陸各軍分投迎擊賊卽敗走探聞僞
侍王李侍賢自率大隊屯離城五六里之秦亭
山相持三時之久經我軍三路分追均退往東
嶽廟而去據獲賊供稱賊因杭城兵多擬調蘇

州僞忠王李秀成會合攻撲等語李侍賢由徽東來連陷郡縣直犯杭城非大受懲創不肯輕退今該逆又欲求助於李秀成更恐爲虎傅翼至吳再升來省後石門畱防僅二千餘人海甯馬德昭一軍平湖米興朝一軍共不滿四千之眾萬一有警實屬萬分爲難所幸省城人民安堵文武齊心臣等自可竭力保全現已與饒廷選等各派隊伍分路攻擊如能先將此股逆匪聚殲即使西路賊至亦不難獨當一面所有在事出力各員應俟賊退之後再行保奏劉季三

十載從戎戰功累著本年擊退餘杭犯省之賊
並收復餘杭臨安兩城劉芳貴自江西援浙克
復長安力保海甯厥功甚偉茲以扼守富陽先
後陣亡均堪憫惜應請

旨將候補提督署通永鎮總兵劉季三照提督例

賜卹副將劉芳貴照總兵例

賜卹其都司張順守備王應選蕭玉林千總許凱勛應
請一併交部議卹以慰忠魂

同日

上諭內閣曰逆匪撲犯省城迎剿獲勝著瑞昌等卽督

飭將士迅將此股逆匪殲除毋任紛竄記名提督署
通永鎮總兵劉季三副將劉芳貴疊著戰功此次在
富陽力戰陣亡深堪憫惻劉季三著照提督例議卹
劉芳貴著照總兵例議卹隨同打仗陣亡之都司張
順守備王應選蕭玉林千總許凱勛均著交部議卹
十一月十四日瑞昌王有齡奏言十月十五日
逆匪由秦亭山古蕩觀音橋三路進撲傑純吳
再升等分投迎擊槍礮環施鏖戰六時之久該
逆愈聚愈多署藩司麟趾親帶小隊往來策應
殲賊甚眾臣等復飭文瑞由寶叔塔抄襲將賊

隊衝爲兩截又令水軍繞至秦亭山後縱火該
逆仍死拒不退傑純揮戈陷陣立斬黃衣賊目
二名賊勢稍卻吳再升等身先士卒縱馬衝入
賊隊左右馳突賊勢披靡屍骸滿地文瑞居中
截殺斃賊無算該逆首尾不能相顧蒼黃奔竄
官軍追至畱下地方賊衆棄營遠遁臣等恐該
逆退踞餘杭終爲心腹之患飭吳再升等乘勝
攻剿旋據馳報十六日官軍直逼餘杭該逆不
敢抵禦由西北二門逃竄我軍跟蹤追擊沿途
斬殺及中槍斃死者不計其數當將縣城收復

查此次大股圍撲省垣危險萬分幸蒙

聖主威福文武和衷將士用命血戰三晝夜竟能以少克衆城圍立解又乘勝逐北收復餘杭縣城初非意料所及除饒廷選係提督大員不敢擅擬獎敘外所有尤爲出力之署杭州副都統傑純等自應奏懇

恩施以昭激勸其餘出力文武員弁容查明擇尤請獎
同日

上諭內閣曰此次逆賊大股竄撲杭州兇燄甚熾經瑞昌等調兵勦辦以少勝衆力解城圍並克復餘杭縣

城寶屬調度有方杭州將軍瑞昌著加恩賞給一等
輕車都尉世職浙江巡撫王有齡著加恩賞給頭品
頂戴浙江提督饒廷選著交部從優議敘在事尤爲
出力之署杭州副都統甯夏副都統傑純著賞給額
騰依巴圖魯名號杭嘉湖道麟趾著賞給績勇巴圖
魯名號副將文瑞著免補副將交軍機處記名遇有
總兵缺出請旨簡放副都統銜協領恆全著交軍機
處記名遇有副都統缺出請旨簡放已革副將楊金
榜著開復原官副將銜遊擊王振聲劉長培均著以
副將補用江蘇候補知府孫士達著免補本班以道

員用並賞戴花翎其餘出力文武員弁著瑞昌王有齡查明保奏

庚辛泣杭錄卷一終

庚辛泣杭錄卷二

欽定剿平粵匪方略

咸豐十一年辛酉十月二十三日薛煥奏言逆
首李秀成糾合賊黨由江西竄入金衢嚴三府
屬侍逆李侍賢又由昌化武康等縣分道直逼
杭城該省文武各官率同士民登陴守禦人心
尙固惟無十日之糧情形危急湖州在籍道員
趙景賢督率兵勇民團正欲進攻德清以通杭
湖之路突有另股逆匪由宜興廣德等處復陷
長興趙景賢祇得回保湖郡當杭湖並警之際

又有賊匪竄陷蕭山紹興兩城餉道已斷杭湖
兩郡軍火米糧匱乏難支萬一曠日持久力竭
不能保全則松滬一隅更形孤立臣飭知府趙
炳麟查詢海道可通之處現由海甯入龍子壘
可抵杭州江口卽與司道籌商速覓海船購米
三千石並撥火藥二千斤洋礮洋鎗各一百件
交趙炳麟派員分解杭湖稍資接濟惟自九月
二十五日以後浙省之報隔絕謹將近日偵探
情形先行馳奏

同日

上命議政王軍機大臣傳諭薛煥曰浙省杭湖並警
軍火米糧匱乏難支該撫現由蘇省籌解接濟著
迅速雇覓海船由甌子疊運入江口毋稍遲誤現
在浙省逆氛徧地處處告警蕭山紹興一經失守
則甯波道途梗阻省城無路可通不獨軍火米糧
無可取資卽餉銀亦無從籌措江海關稅入較多
籌措尙易著薛煥迅速分撥接濟紹興府城是否
克復並杭州近日戰守情形仍著該撫確實探明
隨時具奏

十一月十六日護理浙江提督參將陳世章奏

言金嚴逆匪分股竄擾蕭山縣城於九月二十四日不守諸暨縣城與紹興府城隨於二十九等日失陷杭省自十月初一日以後文報不通探聞該逆圍撲省城勢甚緊急亟應撥兵往援迅解城圍惟刻下賊勢蔓延全省震動兵力不敷抽調惟有仰懇

天恩飭下附近鄰省迅調勁旅分由水陸來浙相機進剿並多撥餉銀以救眉急庶全省尙有轉機用敢瀝陳以達

宸聽

同日

上命議政王軍機大臣傳諭曾國藩左宗棠慶瑞曰
本日護理浙江提督陳世章及王履謙奏紹興蕭
山諸暨俱陷並杭省萬緊各等語此時張玉良於
鳳山門外搶紮營盤中隔逆壘未能直抵城下杭
城未有一旅應援何能力解城圍前經疊次寄諭
曾國藩等速籌援浙之師此時惟有左宗棠一軍
能由常山玉山一路飛速進兵取道三衢與李元
度一軍設法援杭尙爲切近著曾國藩左宗棠迅
卽妥籌務遵前旨星速馳援毋稍延緩慶瑞尙未

督兵出省此時杭甯情形萬緊閩浙海道可通務
將派援浙省兵勇及糧餉鉛藥先由海道駛運甯
波出賊不意方能有濟抑或水陸分道設法赴援
之處卽著該督迅籌辦理李元度一軍現在衢州
並著曾國藩左宗棠飭令與入浙楚師會合分投
攻剿迅解杭圍克復紹郡賊踞江浙膏腴之地勢
將聯成一片諒該大臣等必能迅籌援剿掃蕩逆
氛定不視同隔膜致蹈遷延貽誤之咎

十二月初五日薛煥奏言十一月初七日據陽
湖縣知縣楊溥稟稱委解軍火米糧運至澈浦

卽換船駛進鼈子疊直達錢塘江螺螄埠探悉
杭州十城門均有賊營阻隔不能運送入城江
干有總兵況文榜紮營四座該總兵因陸營及
礮船均缺火器當將洋礮驗收配用又因兵勇
乏糧先支米一千數百石散給各營餘俟設法
解圍再行送入城中該委員自杭回滬臣面詢
杭州軍情據稱省城被圍四十餘日賊匪有數
十萬之多廣西提督張玉良前在聞家堰收集
潰軍赴省救援由江干滾營前進連獲勝仗急
欲攻破賊壘與守城官軍聯絡疊次躬親督仗

致受礮傷殞命係況文榜接統其軍該逆堅築木城數十里使內外不能通氣遂以全力攻城

撫

臣

王有齡自九月二十日登陴駐守鳳山門

會同將軍副都統分派司道府縣嬰城固守人心尙爲鎮定惟兵民無從得食勢難持久上下游均已賊隔絕現祇澈浦海上可換小船入江而賊踞海鹽縣城距澈浦僅二十餘里慮其斷我餉道等語臣卽飛飭守備張大剛管帶原防吳淞口礮船十五號星夜馳往澈浦駐泊以保糧路一面飭司再行籌款接濟並飛咨況文

榜及總兵吳再升等派隊疏通進城之路連將
餉糈等物護送入城聞道員李元度一軍現由
衢州轉戰而前如能速到當可力解城圍前聞
太常寺卿左宗棠駐紮河口奉

命援浙儻能督率勁旅與李元度合軍馳至先解杭
州之圍再行東渡以圖甯紹庶大局得有轉機
同日

上命議政王軍機大臣傳諭薛煥曰賊匪於攻陷甯
波後擄掠釣船爲縱橫海上之計薛煥業已抽撥
礮船前往吳淞口駐紮著卽責成該帶兵官會同

都興阿等派出師船實力防剿毋稍疏失惟蘇浙利害相關總須力援杭湖方免唇亡齒寒之患現在鼈子壘入江之路尙屬可通著薛煥悉心籌畫如能雇募水勇一二千人派委得力員弁統帶卽由鼈子壘駛赴杭州與況文榜等軍聯絡聲勢力解城圍最爲妥善該撫接奉此旨務卽迅速辦理毋稍延誤至銀米軍火等項除業經解往外仍須源源接濟不得觀望遷延致有貽誤

十二月十四日薛煥奏言查杭城被圍甯波失守此時僅有由澈浦入鼈子門一綫之路可冀

與浙省信息相通十一月二十七日浙江撫臣王有齡寄到帛書係初七日所發據稱杭城四面被圍江路阻絕城中民食已盡饑斃者三萬餘人兵米亦將告罄知臣所解米糧軍火已到江干無路可以運進該撫臣在城樓督戰衣不解帶者五十餘日近因感冒患瘧仍與文武勦力誓死有一日之糧爲一日之守現在挨戶勸捐懸立重賞選募敢死之士以期速通餉道所有奏明准撥之廣東每月協餉五萬兩江西湖南湖北每月各三萬兩現均無從催取囑臣奏

請於中外商人運赴各省貨物過滬時由滬匯
繳應納之稅給發收單執赴各該省抵稅扣收
協餉卽將所收銀兩隨時購辦米石源源接濟
餘銀解杭充餉以救陸危至李元度一軍尙在
龍游與賊相持不能速來該撫臣自十月二十
三日繕摺拜發之後差弁出城屢被賊阻是以
不能具奏特繕蠅頭帛書蓋用關防專勇乘夜
泅水來滬投遞臣將大略情形代奏等語又
據江蘇候補知府趙炳麟稟稱十三日由火輪
船裝載銀錢軍械拖帶運解火藥等物之船出

吳淞口連日風潮猛烈船身擱淺以致輪船受傷行駛不能自主於十九日飄至甯波之金塘山內洋沙綫不熟隆冬潮汎日枯能否收泊激浦殊無把握等語臣查杭州省城被圍業經兩月糧盡援絕危急萬分李元度募勇僅有七千而自龍游至杭州五六百里一片賊蹤攻入殊爲不易惟有籲請

飭下太常寺卿左宗棠迅赴浙江督同李元度埽除龍游富陽之賊直抵杭城以解重圍至臣於三次籌解米糧軍火銀錢後趙炳麟續備米糧等

件委知縣趙景遠航海運浙現除趙炳麟領運
輪船遭風未到外其餘各船未知有無阻滯守
備張大剛管帶礮船亦未知曾否駛到澈浦現
據王有齡發信之日又閱兩旬杭城情形未得
續報臣惟有飛飭確探再行設法接濟王有齡
所請將廣東等省應解協餉在滬籌匯商稅劃
抵撥款實屬萬不得已之計合無仰懇

飭下廣東湖南湖北江西各督撫臣迅速籌解浙江
協餉一面由臣督同上海關道與中外商人熟
籌劃收稅餉以濟要需

同日

上命議政王軍機大臣傳諭薛煥曰浙江省城被賊圍困王有齡所籌於上海中外商人運貨過口先行納稅給單執赴兩湖江粵各省扣充每月應撥浙餉自係於萬難之中設法以期運濟本日業經寄諭兩湖廣東江西各督撫遵照辦理昨據曾國藩奏已令左宗棠一軍赴援杭州一時尙難卽達而杭城呼吸存亡之際非由滬速籌運濟他路更屬緩不濟急此時僅有由澈浦入鼈子壘一路可通前由火輪船載運軍火銀錢飄至甯波內洋後

月三十一日
能否收泊激浦該委員有無飾詞須確切查明其
疊次籌解米糧等件各船與守備張大剛管帶礮
船曾否駛到陸續運入杭城此外有無另籌運送
糧餉可期速達之處仍著薛煥竭力籌辦務使堅
城早得接濟以待援師其運貨過滬商人等由滬
匯繳稅銀給發收單抵稅扣餉一節均照所擬辦
理並著薛煥取銀後卽設法購辦米石星速解往
仍不得專指此項致稽時日此時杭州萬緊惟恃
滬瀆一途運濟並著添雇火輪兵船派委智勇將
弁迅圖援救或有別項海船可以另籌運濟更爲

妥速著責成該撫竭力籌辦毋得稍存膜視近日浙省軍情仍著確探迅速馳奏

十二月二十五日薛煥奏言據守備張大剛稟稱奉委管帶礮船十五隻駛至海鹽縣屬澉浦相近之黃道關駐泊卽將陸續運到米糧軍火各件設法撥進鼈子壘本月初一日忽有杭州逃出兵勇據云省城於十一月二十八日卯時失守城中各官毫無信息惟聞將軍瑞昌巡撫王有齡均已殉難等語又據總兵況文榜咨稱省城被圍日久餉道隔絕節經晝夜攻勦冀圖

力解城圍十一月二十五日督隊接仗被賊礮子穿入頸項登時昏絕倒地親兵搶護回營不能督戰卽日將陸路諸軍一切事宜咨交總兵羅大春暫行接辦等語並據羅大春咨稱前在嚴州突圍出城身受重傷至今傷尙未愈十一月二十六日因上海解到米糧軍火帶傷護解赴杭值況文榜受傷沈重卽經會同水陸諸將不分晝夜極力進攻二十七日各軍在望江門外鏖戰通宵瞥見賊匪已由鳳山清波兩門搭架雲梯上城城中火光燭天城上黃旗滿布卽

於二十八日卯刻失守該總兵督率陸軍仍守營盤與江中水師互爲聲援二十九日該逆圍城之衆萃於江干我兵寡不敵衆兵勇傷亡甚多祇得潰圍而退統率水師之副將貴廷芳所帶戰船相繼亦潰貴廷芳未知下落現抵黃道關者惟該總兵與況文榜及總兵吳再升副將陳步高暨將弁二十餘員所存陸軍未及千人水師僅存廣艇等語查浙江省城自九月下旬被圍兩月有餘撫臣王有齡會同將軍副都統及文武各員登陴固守日督諸軍出城擊賊屢

經獲勝曾於十月初間暫解城圍無如賊眾二
三十萬旋復分布十門環而數重隔絕外援城
中米糧罄盡兵勇飢困難支城外各軍晝夜力
攻不能疏通餉道以致爲賊所乘城陷之後賊
蹤徧地無人出城報信傳聞將軍巡撫殉難其
餘文武各員均尙未知下落臣已飛飭委員赴
浙探查詳細情形俟得有確音再行奏報一面
飛咨兩江總督臣曾國藩太常寺卿臣左宗棠
星夜進兵並咨閩浙督臣慶瑞督軍會剿迅圖
克復

薛煥又奏言據江西候補道胡光墉稟稱奉委航海赴杭前詣總兵況文榜等軍營懸立重賞激勵攻剿冀將米糧軍火等物運入城中無柰賊圍重疊未通一綫之路十一月二十八日城垣竟致失陷旋有兵勇縋城逃出稟述浙江巡撫王有齡在鳳山門城上殉難其餘文武員弁未悉存亡又有營弁於十二日奉差密齎帛書出城不能偷越重圍直至城陷後始至江干遞交該道齎送前來臣披閱浙江撫臣帛書內有與杭州將軍臣瑞昌聯銜摺橐一紙囑臣代爲

恭繕拜發謹卽照繕恭呈

御覽伏思該撫臣任事實心不避艱險上年蒞任浙
省正值殘破之餘防禦拊循不遺餘力此次嬰
城固守六十餘日糧盡援絕力疾登陴平日恩
義所孚兵民感戴故雖死亡垂盡合城無有貳
心卽今在滬浙人聞其力竭捐軀無不同聲悲
痛合無仰懇

天恩飭部從優議卹以慰忠魂至該撫臣殉難情形
及將軍以下文武各員仍俟查明續奏

十二月二十五日瑞昌王有齡奏言查臣有齡

於本年十一月初七日專勇齎帛書將杭城四面被圍江路阻絕城中兵民交困各情形交江蘇撫臣薛煥據情代陳現在十門圍緊賊眾愈集愈多疊次督同飢軍並密約江干各營會合夾擊計大小晝夜數十戰竟不能開通一綫餉道城內糧食淨盡兵弁忍飢固守勢將無力舉戈初虞糧盡內變經臣等涕泣拊循均各效死相從絕無貳志臣等奉職無狀致軍民坐以待斃久已痛不欲生第喘息尙存總以多殺一賊多持一日爲念杭城經去年兵燹之後戶鮮蓋

藏米糧一切均由甯紹販運卽軍餉亦資該處接濟自金蘭不守後臣等早經籌計須重防以固甯紹一綫餉源乃始飭甯紹道張景渠繼又疊飭運司莊煥文候補道彭斯舉各帶兵勇設防均經王履謙議格不行又復袒庇紳富因之捐借俱窮固執已見諸事掣肘臣等猶思設法防禦查有廖宗元與湖紳趙景賢厯守危城一載有餘調署紹興府力籌布置乃違大紳不願設防之意人遂誣以通賊痛毆王履謙從旁袖手比及城陷而走卒致廖宗元城亡與亡從此

甯紹各屬相繼失陷而杭城已成孤注無可救
解矣貽誤全局臣死不瞑目刻下餉絕援窮危
在呼吸辜負

聖恩罪無可逭惟求

皇上簡撥重兵迅圖掃蕩則臣等雖死之日猶生之
年謹將杭城決裂情形合詞備具摺藁密遞上

海交江蘇撫臣薛煥代繕具奏

同日

上諭內閣曰薛煥奏據報浙江省城失守並代遞瑞
昌王有齡奏摺杭城久困危急情形等語浙江省

城被圍已逾兩月卒以糧盡援絕於十一月二十八日被匪攻陷覽奏曷勝憤懣閩浙總督慶瑞身任兼圻遷延不進以致杭城失陷實屬救援不力慶瑞著卽革職暫畱本任仍責令帶兵迅圖克復浙江失陷各城以贖前愆兩江總督曾國藩有節制浙江全省之責咎亦難辭著交部議處杭州將軍瑞昌浙江巡撫王有齡殉難情形及在城文武下落著曾國藩慶瑞左宗棠查明具奏再降諭旨補用總兵況文榜記名總兵羅大春吳再升副將貴廷芳陳步高等先後潰退並著曾國藩慶瑞查

明如有先期潰散情事著卽嚴參治罪

同治元年正月初四日浙江巡撫左宗棠奏言

臣蒙

恩命督辦浙江軍務當茲全省鼎沸何敢稍事遷延
正擬布置進兵接署金衢嚴道江允康等稟報
十一月二十八日逆衆攻陷杭城臣奉

旨援浙坐視列郡淪胥罪何可逭查浙江軍務之壞
由於歷任督撫全不知兵始則竭本省之餉以
濟金陵皖南各軍圖藉其力以爲藩蔽而於練
兵選將之事漫不經心自金陵皖南大局敗壞

後又廣收潰卒糜以重餉冀其復振卒之兵增
餉絀軍令有所不行局勢遂至決裂現在通盤
籌畫非就現存兵力嚴爲淘汰束以營制不可
非申明賞罰予以實餉不可非另行調募豫爲
換補不可然欠餉已久則有不能汰遣之患餉
需不繼則有不能調撥之患經費不敷則有不
能募補之患臣名雖節制提鎮實則營官哨長
呼應不靈此事之應辦而不能辦者前經奉

旨令江西撫

臣

籌解

臣

軍餉銀十萬兩此時江西司

庫空虛恐難速解至慶瑞前請

飭催臣軍入浙時已豫將臣軍之餉諉之江西迨經

奉

旨按月籌撥銀十萬兩臣即與慶瑞咨商揀派寶缺

司道設立糧臺督臣派江允康辦理其事而江

允康來稟轉向臣請領米糧軍火明知臣軍欠

餉已多故意刁難臣軍入浙後餉需無出縱令

竭力圖維何從措手應請

旨飭下部臣查明各省應協浙江之餉閩省及各省

奉

旨撥解援浙軍餉趕緊徑解廣信府交臣後路糧臺

以應急需一面由部臣開單知照如各省撥解
遲延及委員逗畱遺誤均由臣隨時咨部查取
銜名據實參奏

左宗棠又奏言再臣自上年襄辦軍務卽召募
勇丁五千餘訓練兩月率以東行轉戰江皖之
閒尙能得力曾國藩屢次函商募足萬人臣以
謀餉維艱人才難得未敢徑諾現雖續增至八
千餘人除畱防婺源四營外能戰者不滿七千
兩浙徧地賊氛臣以孤軍轉戰而前勢難分布
查廣西臬司蔣益澧任事勇敢本年春間以臣

軍太孤願率所部助剿廣西巡撫劉長佑新授
貴州巡撫江忠義湖北巡撫李續宜署四川布
政使劉蓉皆臣氣類相許之人所部素多勁旅
江忠義亦曾函商願爲臣募選將士助剿劉長
佑已擬派副將戴盛寬挑勇五百名前來尙未
見到湖南撫臣毛鴻賓亦願助臣一營月餉現
在浙江全局已壞急宜挽救應請

旨飭令廣西撫臣劉長佑速催蔣益澧統帶所部募
勇數千並飭副將戴盛寬速帶所部一營星速
前來以當一路並請

飭令江忠義李續宜劉蓉各選一兩營前來又貴州
提督田興恕所部亦多驍勇之士一併請

旨令其遴選勇丁千名派總兵沈宏富管帶來浙由

臣調遣以上請調各營蔣益澧所部應請

飭下兩廣督臣勞崇光等給行資其由湖南江西經

過各營行資應由各該省發給臣現咨商毛鴻

賓毓科派員勸捐軍餉並請

飭下戶部速發實職虛銜等項執照一千張分交湖

南江西撫臣飭司轉發以期集事

同日

上命議政王軍機大臣傳諭官文勞崇光耆齡李桓
嚴樹森毛鴻賓薛煥曰浙江全省糜爛東南財賦
之區豈能任賊久踞左宗棠一軍待餉孔亟所關
匪細著官文勞崇光耆齡李桓嚴樹森毛鴻賓薛
煥等各遵前旨迅將浙省協餉仍由薛煥收集抵
匯餉銀解交曾國藩轉解左宗棠軍營一面由各
省通浙路徑分途撥解左宗棠軍營無稍延緩本
日已將蔣益澧飭授浙江布政使並飭該員卽率
所部赴浙調遣著勞崇光籌給行資口糧俾得星
速成行其曾國藩所請廣東每月協浙餉銀十萬

兩著該督等迅速籌撥運濟上海餉源寬裕並著
薛煥於匯抵餉項外先行設措接濟左宗棠軍餉
並按月源源解往毋許推諉

正月二十七日閩浙總督慶瑞奏言據署金衢

嚴道江允康稟稱杭州將軍瑞昌力戰陣亡浙

江撫臣王有齡於城陷後回署殉節浙江提督

饒廷選處州鎮總兵文瑞同時被害署福建漳

州鎮總兵繼興血戰捐軀前廣西提督張玉良

儘先副將楊金榜督軍援救杭垣張玉良於十

月二十日中礮陣亡楊金榜亦在城外接仗陣

亡等情查瑞昌上年克復杭州勲勞懋著此次
杭城被陷復率旗兵固守滿城相持數日嗣因
寡眾不敵全城遭難王有齡戰守兼施力持危
局賊匪疊次攻撲屢挫凶鋒本年賊勢益張浙
東幾無完土省城孤立四面被圍猶復親自登
陴嬰城固守卒以糧盡援絕與城俱亡饒廷選
雖屢次督軍未能得力惟見危受命尙知大義
文瑞繼興楊金榜久歷戎行戰功疊著繼興統
帶閩省兵勇紀律嚴明防守杭城尤爲出力張
玉良上年克復杭城著有功績此次杭城被困

尚能奮力救援疊獲勝仗先後死節深堪嘉憫
仰懇

天恩一併從優議卹並在殉難地方建設專祠既入
祀各本籍昭忠祠瑞昌王有齡文瑞繼興楊金
榜仍請入祀京師昭忠祠以慰忠魂

同日

上諭內閣曰杭州將軍瑞昌浙江巡撫王有齡浙江
提督饒廷選處州鎮總兵文瑞總兵銜署福建漳
州鎮總兵副將繼興廣西提督張玉良於杭州失
守時先後殉難洵屬忠勇卓著大節凜然均堪憫

惻瑞昌王有齡業經降旨分別給予世職並從優
賜卹瑞昌著再加恩入祀京師昭忠祠王有齡並
著入祀本籍昭忠祠饒廷選文瑞繼興張玉良楊
金榜均著交部從優議卹並入祀各本籍昭忠祠
與瑞昌王有齡一併在殉難地方建立專祠以慰
忠魂

同治二年十二月二十四日左宗棠奏言杭州
餘杭兩處賊匪經官軍疊次痛剿後復於餘杭
東門至杭州之倉前長橋女兒橋等處糾添悍
黨欲出何母橋繞截餘杭各軍後路均經官軍

擊退蔣益澧派副將周廷瑞等於天水橋太平橋等處添築營壘十月十八日長橋女兒橋之賊來犯復經官軍擊走其杭城踞逆亦於十八日由萬松嶺直撲我軍營盤都司張志功等憑濠堅守高連陞等督隊馳擊賊勢稍卻時劉連陞等三板師船將沿河之賊擊退登岸衝殺該逆分股迎拒酣戰兩時賊匪大敗殲斃數百名其由清波門所出之賊被王月亮督軍截殺潰退回城康國器一軍於十一月初五初七等日攻擊餘杭東門埭賊壘亦疊有斬擒臣馳抵富

陽後於初十日馳赴餘杭察看形勢當調駐紮富陽之朱明亮等五營駐紮分水之張聲恆等四營齊至餘杭會剿一面飭副將劉明珍率駐嚴州兩營潛安兩營填紮分水由皖調回之黃少春一軍亦檄其由分水新城以出餘杭進扼西北一路十七日令魏喻義等列隊南門康國器列隊東門以制賊勢羅大春楊昌濬等由丁橋分路繞出西北隅城賊壘賊及東北門外之賊悉眾來撲官軍分投接仗鏖戰逾時殺悍賊百餘名生擒黃衣賊目十餘名該逆敗回追近

城邊賊爲水阻各軍偪之戮斃溺斃無算二十四日令張聲恆等進紮餘城西北隅蔣益澧黃少春楊昌濬等各率馬步繞出西北一帶官軍排列甫定該逆悍黨萬餘由北路前來拒戰西門之賊亦皆出隊負城壘而陣黃少春從左路先進擊斃先鋒悍賊數十名蔣益澧楊昌濬各率所部衝入賊陣賊分數十支拚死拒抗官軍三面蹙之節節偪壓而進賊敗至城北沿途屍骸枕藉僞王鄧光明僞朝將汪海洋猶揮其死黨苦相格鬪蔣益澧策馬陷陣各軍乘之首逆

鄧光明被擡礮轟穿左脅立斃陣前自辰至酉
斬大小賊目百數十名悍賊五百餘名其東路
康國器一軍攻破柯埭賊卡乘勝進攻牛畝太
平橋賊壘斬馘亦多賊敗後凶餒頓衰於餘城
西北門外連夜濬濠築壘官軍日夜搗戰賊鼠
伏不出臣與蔣益澧楊昌濬黃少春等商議由
北路築壘分軍襲取瓶窰絕其糧路臣暫回富
陽大營清理積牘擬卽拔營進駐東西兩路適
中之橫溪頭以便督剿蔣益澧暫回畱下鎮老
營布置杭州一路戰守登山遙瞰各路援賊趨

重杭州西北餘杭東北一帶凡自賊中逃出者均言鄧逆授首羣賊洵懼十二月初一日蔣益澧親督馬步各營列隊錢塘門外秦亭山棲霞嶺一帶牽制城賊令提督高連陞洋將德克碑等會同水陸各營徑攻鳳山門外各壘該逆揚旗而出高連陞德克碑等大呼陷陣賊勢披靡退入壘中官軍躡蹤追入破其一壘乘勝分攻各壘羣賊望風逃竄自辰至午共破九壘追賊直抵城隍山腳劉連陞等師船排礮轟擊江邊石壘亦破之計共斃賊二千有奇現在杭州城

外祇餘古塘賊壘及近城兩壘未破蔣益澧卽
令高連陞分所部五營駐賊五壘德克碑所部
駐賊二壘偏之臣維杭州形勢所恃爲屏蔽者
餘杭一城悍酋鄧光明汪海洋拚死爭之今鄧
光明業已伏誅而杭州城外各壘掃除幾盡餘
杭之賊自不能不回顧杭城老巢旦夕必有可
乘之機如兩城有一先下則浙西三郡大局可
以漸定蔣益澧擬卽移紮饅頭山雷峰塔秦亭
山並調橫溪頭各營力攻古塘堅壘臣函飭楊
昌濬如探知餘杭賊勢變動卽相機截之令其

首尾不能相顧復檄劉培元統各營水師下剿
以扼錢江之險而助陸路聲威臣拜摺後卽拔
營進駐餘杭之橫溪頭以便相機督剿

同日

上命議政王軍機大臣傳諭左宗棠曰此次官軍猛
攻餘杭陣斃僞王鄧光明克獲全勝杭城外踞賊
又被官軍破其九壘僅餘古塘賊壘及近城兩壘
未下攻剿甚爲得手現在杭城之賊聞風洵懼餘
杭賊勢亦將回顧杭城老巢均有可乘之機左宗
棠卽日拔營進紮餘杭之橫溪頭相機督剿令蔣

益澧進攻古塘堅壘復飭楊昌濬偵探餘杭賊勢
相機截擊所籌均極周密卽著督飭各軍乘勝進
取力圖恢復兩城迅奏捷音以舒殷盼昨據李鴻
章奏滬軍收復嘉善縣城已諭令該撫進規嘉興
牽制杭湖各賊之勢左宗棠前奏亦已分兵進規
湖州杭賊向賴嘉湖援賊接濟糧運此時各軍同
時並舉該逆實有兼顧不遑之勢如杭餘兩城一
處得手則浙西三郡可期功收破竹漸次底定卽
著該督妥爲籌策用副馳厘洋將德克碑此次會
攻杭城賊壘甚爲出力著左宗棠仍飭令勉籌會

此次擊敗後勢愈窮，賊堅匿不出，我軍若乘勢
逼攻，往往爲其槍礮所傷，非取遠勢包圍絕其
糧道，不足制賊死命。臣卽日進駐餘杭之橫溪
頭，相機進剿，以期迅拔。堅城其蔣益澧，攻杭一
軍已分紮錢塘湧金等門，裹賊中央，惟地勢太
寬，兵力不敷分布。臣已將徐文秀駐紮橫溪頭，
五營調歸蔣益澧一處，併力規杭。其水師劉連
陞等營於初五日進攻清泰門外觀音堂賊壘，
將附城房屋燒燬。劉培元復飭蔣榮彩等招水
師三板戰船由錢江入西湖，奪賊礮船三號，小

長江木金卷二
三
划船十餘號斃賊多名平湖乍浦海鹽之賊俱
已投誠海甯州城賊酋亦有獻城之說蔣益澧
委陳思燭前往辦理如杭州各屬以次收復漸
漸移軍西向則杭賊勢孤自亦無能久踞現在
杭州餘杭兩城必須有一先下則全局皆活嘉
湖兩郡乃可次第肅清

同日

上命議政王軍機大臣傳諭左宗棠曰左宗棠所部
黃少春等軍攻剿餘杭踞逆東西北路均破壘獲
勝蔣益澧攻杭一軍分紮錢塘等門裒賊中央不

容竄走復進攻清泰門外之觀音堂賊壘水陸進
逼杭城平湖乍浦海鹽之賊俱已投誠海甯州賊
亦有獻城之說杭賊勢孤左宗棠已進駐橫溪頭
督剿餘杭與蔣益澧攻杭之師必須有一先下嘉
湖乃可次第肅清卽著督令所部迅圖攻取

二月二十日左宗棠奏言蔣益澧收復桐鄉縣
城後卽飭署杭州府知府陳思燝會同副將葉
炳忠及蔡元吉各營進規嘉興以與蘇師聯絡
浙師駐城之西南蘇師駐城之東北正月二十
二十一等日湖州悍賊二萬餘分撲烏鎮雙橋

營壘杭州亦出賊萬餘徧近桐鄉焚掠冀解嘉
郡之圍經蔣益澧督飭各軍擊退二十四日嘉
興城外東北賊壘數座經蘇師攻克西面賊壘
數座經蔡元吉攻克城賊之勢愈蹙其杭州城
外官軍偵知賊援嘉興於二十五日乘勢將望
江門外賊壘三座攻克斃賊千餘直徧城根城
上礮石如雨官軍仰攻數時始行收隊臣維嘉
興一城米糧充足杭州餘杭之賊俱仰給於此
自何培漳扼紮烏鎮雙橋杭嘉之氣中斷賊謀
益沮現在蔣益澧飭副將劉樹元亦進紮烏鎮

局勢可期穩固蔣益澧已於二十八日回留下
老營臣當督飭各軍相機攻取

三月十一日左宗棠奏言杭州餘杭兩城經官
軍晝夜環攻賊勢日蹙二月二十一日蔣益澧
督水陸諸軍分路進攻鏖戰竟日力拔古蕩觀
音塘堅壘十座斃賊無數生擒二百餘名復於
饅頭山開放大礮轟塌城堞數丈其餘杭各軍
於四鼓環攻城壘斃賊尤多次日復出隊猛攻
賊衆齊出官軍奮勇衝殺斃賊千餘名遙見杭
城西南一帶濃煙四起知杭軍業已得手乃收

整隊以待是日見城中火起各營分路跟追至
瓶窰鎮逆賊憑壘死拒臣親率各營前往追剿
俟將瓶窰竄賊肅清再進省垣布置一切所有
克復兩城詳細情形容俟查明再行具奏

同日

上諭內閣曰杭州餘杭兩城踞逆經官軍於二月二
十一日攻剿得獲大勝賊勢極爲窮蹙蔣益澧親
督各軍於二十三日乘勢奮攻慶春艮山等門晝
夜不息賊膽愈寒是夜啟武林門向德清一路竄
走蔣益澧督隊入城殺賊無算卽於二十四日將

房三
卷二
四

杭州省城克復餘杭之賊亦於二十四日由東門
逃竄經左宗棠豫飭各營整隊以待是日見城中
火起各營分路跟追餘賊敗竄瓶窰此次官軍
將杭州餘杭二城同日克復辦理甚爲得手所有
竄逸餘匪卽著左宗棠督飭兵勇迅速追剿盡鐵
醜類毋畱餘孽閩浙總督左宗棠自督辦浙省軍
務以來連克各府州縣城池茲復將杭州省城餘
杭縣城攻拔實屬調度有方著加恩賞加太子少
保銜並賞穿黃馬褂浙江布政使蔣益澧自調任
浙江戰功卓著屢拔堅城茲復親督各軍克復杭

州省城實屬奮勇異常著賞穿黃馬褂以示優獎
所有在事出力將士著左宗棠查明擇尤保奏

臣等謹案浙省被陷以來居民備遭蹂躪

朝廷軫念民依

獨申乾斷

特命左宗棠督辦浙省軍務

授鉞專征

宸算既周兵威丕振遂使櫟雲濁霧次第掃除茲又
攻克省垣并復要邑兩浙郡縣漸就肅清出
民水火而登衽席非我

皇上知人善任曷克臻此哉

三月二十日左宗棠奏言杭州餘杭兩城經官軍於二月二十四日同時攻克業將大概情形先行馳奏二月二十一日蔣益澧派提督高連陞等率各營攻清泰門外觀音堂賊壘派副將周廷瑞等率各營攻古蕩賊壘派洋將德克碑用大礮轟攻鳳山門城垣蔣益澧分親兵五哨助之自率四哨爲諸路策應卯刻高連陞等齊抵觀音堂督隊猛進立破賊壘二座賊卡數處聽逆陳炳文率悍黨萬餘來援蔣益澧與總兵

劉清亮等馳至將賊擊退時德克碑在饅頭山
開放大礮已將鳳山門城垛轟塌三丈餘蔣益
澧調轉大隊搶上高連陞等緊逼城根我軍奮
勇先登城賊拚死抗拒高連陞王聯芳均受鎗
傷猶裹創力戰逾時始收隊而還其周廷瑞等
進攻古蕩賊壘因賊營隔水環攻未下乃分兵
先攻葛嶺之賊忽悍賊千餘由錢塘門外來援
都司賀國輝等擊敗之周廷瑞等乘勢將葛嶺
賊壘兩座攻克共斃悍賊七百餘名遊擊徐文
秀等又連破武林門外二壘並古蕩二壘追至

武林門外十里街始收隊而還二十三日蔣益
澧復派水陸各營分攻武林錢塘鳳山望江清
泰各門自率親兵往武林門督戰徐文秀等督
隊疾至十里街躍進內濠奮勇環攻首逆陳炳
文率悍黨萬餘來援劉清亮等各營分頭堵擊
賊勢稍卻時周廷瑞等奮攻賊壘勢已垂破城
中又出援賊數千蔣益澧筋都司謝茂勝等率
洋鎗隊緊逼城門轟擊陳逆拚死相持鏖戰三
時斃賊極多而官軍傷亡者已四百餘名攻至
酉刻收隊是日賊壘雖未攻拔然悍賊已多傷

亡聽逆是夜四鼓潛啟武林門逃竄蔣益澧急
派徐文秀等軍分兩大隊由武林錢塘等門衝
殺而入蔣益澧率親兵繼之將匿賊悉行駢戮
賊屍枕藉高連陞等及德克碑亦各率所部同
時由鳳山清波清泰慶春等門梯城而入四路
搜殺斃賊數千名生擒千餘名拔出難民無數
卽於二十四日卯刻將杭州省城攻克蔣益澧
一面分軍移紮各門一面抽派馬隊跟追沿途
又斃賊數百名其餘杭踞逆壘經官軍奮擊攻
克倉前李家塘等處賊壘斃賊近千名二十日

夜臣飭各軍環攻城壘賊勢驚亂至曉收隊已刻復出康國器令遊擊林本等爲前隊同知康熊飛等繼之倉前援賊經參將吳光亮等衝擊斃賊不少乘勢將附近蔣元壩賊卡焚燬僞裕王劉逆率悍黨來援官軍立將劉逆轟斃並斬黃衣賊目多名賊敗走時倉前援賊由橫渡橋斜抄而出遊擊蔡盛恩中鎗落河身死參將古捷芳亦力竭陣亡勢甚危迫遊擊林珠等率所部突圍而入奮力衝殺賊始奔潰官軍又斃賊數百名其西門南門所出之賊復被截殺無算

賊勢窮蹙將城中輜重婦女悉搬出城外壘中
臣知該逆將遁當飭各營輪流猛攻並令礮船
駛入餘城南湖以備轟擊城賊益怖二十四日
汪逆海洋率黨由東門向瓶窰一路竄走當將
餘杭縣城收復已革總兵羅大春等各營分路
追殺斃賊甚多追至瓶窰而杭城之賊亦已竄
至與瓶窰踞逆憑壘抗拒臣得報飛飭各營躡
蹤緊追自率親兵繼進賊連夜竄走臣馳抵瓶
窰卽飭各營疾追抵安溪關該處悍賊半伏壘
中半匿林內妄冀分股包抄羅大春等先將伏

賊搜剿殆盡乘勢攻壘賊匪紛紛潰竄當將安溪關要隘攻克餘賊向武康德清等處敗走臣飭各營緊追武康之賊飭道員楊昌濬率親兵暫駐瓶窰爲各路策應蔣益澧分督各營速攻德清石門之賊以期規復湖州斷賊回竄之路竊維杭州爲全浙根本餘杭又爲杭州西北屏蔽逆首陳炳文汪海洋負嵎死守大軍數月以來攻剿殆無虛日茲幸兩城同克浙西大局漸可次第肅清現據探報逆首黃文金李遠繼等麇聚湖州侍逆李侍賢及各悍賊又復竄入是

湖州爲諸逆淵藪最爲喫重臣自當殫竭心力
慎以圖之賊在湖境則圍攻賊出湖境則追剿
務將巨寇聚殲免致流毒完善地方此次克復
兩城在事文武不無微勞足錄浙江布政使蔣
益澧等先行懇

恩分別優加獎敘其餘出力員弁兵勇可否容臣查
明從優保獎出自

恩施陣亡參將古捷芳等均請

飭部從優議卹臣拜摺後卽入省辦理善後事宜

同日

上命議政王軍機大臣傳諭左宗棠曰據奏攻克杭
州餘杭兩城詳細情形蔣益澧前已賞穿黃馬褂
現復賞給雲騎尉世職提督高連陞亦賞穿黃馬
褂以示優獎左宗棠當飭令蔣益澧等益加奮勉
立功自効杭州餘杭之賊併竄瓶窰經左宗棠督
兵攻克該逆踞壘並將安溪關要隘攻奪敗匪分
趨德清武康該督派兵追躡武康之賊而令蔣益
澧督兵速攻石門德清以期進拔湖州郡城著卽
嚴督將士奮勇進攻湖州爲各路賊匪麇聚之區
黨羽尙多必思出竄江西不肯坐困孤城左宗棠

當會同蘇皖各軍分布要隘杜賊出走之路以期聚而殲旃降日錢貴仁既經事前通款投誠尙可貸其一死餘黨卽著分別遣散挑畱

同日

上諭內閣曰杭州踞逆經蔣益澧督率各軍分路環攻二月二十一等日疊破城外賊壘德克碑在饒頭山開放大礮轟塌鳳山門城垛三丈餘該逆屢率悍黨抵死抗拒官軍奮勇攻擊殲斃甚多賊勢愈蹙二十三日夜該逆啟門潛遁官軍梯城攻入搜殺餘匪數千名生擒千餘名卽於二十四日將

杭州省城收復餘杭踞逆經左宗棠督飭各軍晝夜環攻疊有斬擒賊衆洵懼二十四日該逆率黨由東門向瓶窑一路竄走當將縣城收復左宗棠馳抵瓶窑派兵追殺立將安溪關賊壘攻克餘賊向德清武康等處敗走剿辦甚屬得手仍著左宗棠督飭各軍乘勝進攻湖州郡縣迅掃逆氛廓清全浙浙江布政使蔣益澧奮勇剿賊克拔堅城前經降旨賞穿黃馬褂著再加恩賞給雲騎尉世職提督高連陞著賞穿黃馬褂權授浙江省總兵德克碑帶兵助剿尤爲出力著賞給頭等功牌並賞

銀一萬兩以示嘉獎道員楊昌濬著賞加按察使
銜康國器著遇有福建道員缺出請旨簡放並賞
加按察使銜總兵王月亮劉榮合均著賞加提督
銜並賞給三代從一品封典劉清亮著交軍機處
記名遇有提督缺出請旨簡放楊政謨劉連陞均
著賞加提督銜副將周廷瑞劉樹元王聯芳均著
交軍機處記名遇有總兵缺出請旨簡放彭大光
著交軍機處記名遇有閩浙水師總兵缺出請旨
簡放簡桂林著交軍機處記名遇有閩浙總兵缺
出請旨簡放並賞給傑勇巴圖魯名號已革總兵

羅大春著開復原官遇有閩浙總兵缺出請旨簡
放總兵楊和貴著賞給揚勇巴圖魯名號副將曹
魁甲著賞加總兵銜並賞給兩代二品封典遊擊
徐文秀著免補遊擊以副將仍留浙江遇缺卽補
並賞加總兵銜參將李運榮著以副將補用並賞
加總兵銜副將羅啟勇著賞加總兵銜並賞給確
勇巴圖魯名號參將馬德順著以副將仍留浙江
補用並賞加總兵銜吳光亮著以副將仍歸江西
補用並賞加總兵銜四川補用副將劉清望著以
副將改留浙江補用並賞給勁勇巴圖魯名號遊

擊余朝貴著以副將仍畱浙江補用林珠林本均
著以參將仍歸江西補用並賞加副將銜翁桂秋
著以參將補用並賞加副將銜席得元等均著以
參將仍畱浙江補用並賞加副將銜都司王東林
著以遊擊仍畱浙江儘先補用並賞加副將銜賀
國輝等均著以遊擊畱於浙江補用並賞加副將
銜謝茂勝等均著以遊擊畱於浙江補用胡榮著
以遊擊補用守備姜子豹著以都司補用千總李
國棟以守備補用並賞加都司銜道員朱明亮著
賞加按察使銜同知魏光邴等均著免補本班以

知府仍畱浙江遇缺卽補補用同知直隸州知州
吳作梁著免補本班以知府仍歸湖南遇缺卽補
並賞給該員祖父母父母正四品封典同知康熊
飛著免選本班以知府畱於浙江補用遊擊高有
志著以副將儘先補用參將丁應龍等均著賞加
副將銜陣亡之參將古捷芳遊擊蔡盛恩均著交
部從優議卹其餘出力陣亡各員弁著左宗棠查
明分別奏請獎卹

杭之躡於粵寇也庚申之變越五日而復其
城自辛酉迄甲子陸沈又逾兩載賴天之仁

愛

國之威靈得以盪除毒蕨重慶昇平杭之人誦
舞休息至於今不敢忘所自惟是兩役以來
凡

朝廷之

諭批疆臣之奏報閒關擾攘之中人不及覩覩亦不
能詳識欲彙而錄之以貫徹事之終始難矣
光緒辛巳浙之

文瀾閣成蒙

頒欽定剿平粵匪方略則

兩朝之廟謨睿斷以及當事之履險冒危摧陷廓清
之烈胥於是在申兩遇城圍備嘗艱險追思

曩昔幸覩

瑤函謹就其關係於杭者哀成副墨以備志乘
亦將有觸於痛定之思也夫

賞給四品頂戴五品銜候選主事臣丁申恭紀

庚辛泣杭錄卷二終

庚辛泣杭錄卷三

范承堃昭忠祠志

恩綸

同治二年四月初七日內閣奉

上諭左宗棠奏查明浙江殉難大員懇恩賜卹一摺
浙江學政刑部右侍郎張錫庚於杭州城陷後見
危授命大節懍然業經降旨照尚書例賜卹著再
加恩予諡按察使甯曾綸於城陷後投繯自盡大
節無虧可嘉可憫著照按察使例從優議卹張錫
庚甯曾綸並著入祀浙江省城昭忠祠湖州協副

將鄂爾霍巴固守湖州府城屢挫賊鋒城陷後闔
室自焚尤屬慘烈鄂爾霍巴著照副將例從優議
卹並於湖州府城建立專祠以彰忠藎該部知道
欽此


同治十二年閏六月二十八日內閣奉


旨楊昌濬奏浙省建造昭忠總祠列入祀典豁免祠
基錢糧一摺著該部議奏欽此

同治十二年十一月初五日內閣奉


旨禮部奏遵旨會議浙省建造忠義總祠列入祀典
豁免祠基錢糧一摺依議欽此

昭忠祠圖






昭忠祠祀位圖



祠主舊園皋	婦女流寓 慶	婦民 谷	婦民 端名聖	婦民 惟羊詩
	尺	傳字	春 法正 德	詩 行 克
		聖 民 習	堂 民 習	福 民 習
得 莫 彼 園	改 必 能 忘 談	關 齊 專 夜 海 果	號 士 神 崗	巨 劍 珍 奈 光
婦 神 信 已 長	婦 神 短 靡	士 神 羽 潛	士 神 淡 鹽 河	士 神 淡 鹽 河
欲 器 聯 可 豐 豐	悲 豐 豐 豐 豐	秋 列 冬 問	官 辰 辰	張 宿 辰 收 藏
員 官 女 慕	員 官 女 慕	官 員 律 成	官 員 律 成	官 員 律 成
過 攀 知 女 婦 防 駐	過 攀 知 女 婦 防 駐			

義取 祠忠昭 仁成

昭忠祠畝分圖



月子江木金卷二

圖說

右昭忠祠圖繪二千分寸之一祠基東起放生池西
訖官路南廣九十九弓無甚屈曲北則參差不齊大
致東長於西者十之八焉右爲縣轄籽粒屯地縱二
十一弓五分橫三十弓其西南一角爲進路者縱五
弓五分橫九弓共積六百九十四弓五分籽粒以三
百弓爲畝計二畝三分一釐五毫左爲杭嚴衛屬屯
地縱八十六弓五分橫三十八弓五分又東縱八十
四弓七分橫十八弓五分再東縱八十二弓四分橫
三弓共積五千二百四十四弓三分零畝以二百四

十弓計之得二十一畝四分三釐有奇又左爲衛屬
屯蕩十三畝三分共計縣轄衛屬屯地屯蕩三十七
畝四釐九毫七絲九忽總祠居中兩進祀官紳右兩
進祀官眷紳眷左祀武弁後凡平屋四十二間祀軍
民婦女西北爲臯園舊主祠東南爲臯園舊址而加
葺焉作祭時憩息之所其張文貞繆武烈李吳二邑
侯張文節四祠均在總祠之右建總坊於路口惟每
歲應納祠基地蕩錢糧自同治十二年起已邀豁免
既不徵糧卽不入冊恐年後無稽爰將弓口畝分詳
其說於圖後

建置

光緒杭州府志

浙江全省昭忠祠在清泰門內金衙莊先是咸豐十年粵匪陷杭城死難者十萬餘人紳民建崇義祠於吳山工甫竟而城再陷克復後祠宇重成採訪未徧僅奉總牌十年紳民請建斯祠門堂恭摹御書匾額正饗堂二前祀官後祀紳東堂二前祀弁

勇後祀民人西堂二前祀官眷後祀紳婦北堂一祀民人婦女分龕立位次序秩然祠旁舉園水木亭館之勝則備祠祭憩所園之外爲太湖蕩蓄魚放生禁

止網罟同治十二年巡撫楊昌濬奏入祀典豁免錢糧并撰碑記

東城小錄

清泰門內忠義祠原名全省昭忠祠以配吳山崇義祠同治八年沈司業祖懋李閣學品芳章祭酒鋆先後請建巡撫楊公昌濬奏請列入祀典豁免錢糧戶禮二部會奏以官紳軍民並祀有忠義合祠之語奉旨允准始易今名祠分三路中兩進各五楹前祀官員後祀紳士左一進祀武職右二進祀官紳眷屬東北環列廡屋祀軍民及婦女西偏餘地則分建張文

貞繆武烈李吳二邑侯及張文節四祠祠爲前明金
省吾中丞學曾別業中丞撫閩後奉養太夫人特造
望江樓盡覽風帆沙鳥之勝至今尙稱金衙莊云
國初餘杭嚴顥侍郎沈割其半築爲臯園中有滄
浪書屋梧月樓跨谿小太湖墨琴堂綠雪軒芙蓉城
怡雲亭諸勝吳慶百施愚山宋荔裳杭大宗厲樊榭
符聖幾汪西顥諸名流先後題詠後孫牧堂給諫宗
溥購而新之居十七年杜門謝客一意承歡晚耽禪
悅戒殺惟謹增購宅東太湖蕩爲放生池乾嘉閒又
爲舒曉山大令元顥所得曉山舊宰如皋以名吏管

名園一時如應叔雅澧梁曜北玉繩李謹墀芝諸君
咸觴詠爲樂未幾章桐門相國以足疾乞歸主斯園
花酣酒熟輒招一二故人流連文酒時稱綠野堂獨
樂園焉喬木雖存平泉又換嚴小農河帥煇又改爲
居第滄浪重得舊主人競稱羨自遭庚辛之變僅留
遺址吳曉帆煦萬篋軒啟琛兩方伯濮少霞詒孫許
緣仲道身兩觀察劫後同遊略加修築顏曰四閒別
墅不二年閒雲有出岫者管領無人大吏乃從紳士
之請給價購之改建爲祠三百年來六易其主終之
於千忠萬義聚於斯哭於斯地靈人傑謂非湖山正

氣所鍾也哉

附昭忠彙祀祠

昭忠彙祀祠在太廟巷紫陽書院之東咸豐五年知府王有齡建入祀者自粵匪首亂之年起凡官於浙而死事者位堂之中浙人之官於外而殉難者在左浙人之隨宦而死者右附祀兵役勇丁

光緒杭
州府志

王有齡昭忠彙祀祠記

西湖詁經精舍有三祠焉自六一泉金沙港轉輾遷

建於此曰正氣合祀唐宋以來鄉賢名宦中忠節之臣曰先覺曰遺愛則鄉賢名宦之分祀也朱文正阮文達兩公及前撫黃公鳴傑記之詳矣蓋祠宇之建恆以典守無人易致頽廢故移其祀於講

榜	瀾	孔	敝	三	院	亦	祠	之	以	泥	分	既	不	於	浙	非	生	舍
目	樓	固	者	湖	屋	惟	中	人	上	也	別	願	於	浙	故	止	復	而
昭	下	有	葺	歷	宇	附	正	未	武	典	入	身	者	宴	為	又	有	
忠	亦	過	圯	有	傾	於	氣	有	職	至	祀	致	自	然	湖	以	司	
彙	以	於	者	年	圯	請	問	合	二	隆	於	命	封	無	山	時	之	
祀	正	前	建	所	將	舍	之	祀	品	也	其	遂	疆	烽	增	灑	以	
起	氣	既	闕	聞	為	意	於	於	以	鶴	殉	志	大	燧	色	掃	課	
白	顏	落	者	言	宜	彙	省	省	上	稽	難	指	吏	之	已	而	士	
粵	其	成	增	欣	適	建	會	會	大	諸	地	不	以	警	也	保	來	
匪	堂	迺	射	躍	紫	一	者	者	員	令	方	勝	至	而	近	護	者	
滋	別	設	親	力	陽	祠	有	有	直	甲	及	屈	一	浙	年	之	既	
事	建	立	督	贊	監	以	給	給	省	京	原	命	命	人	粵	俾	得	
之	一	諸	率	成	庫	志	忝	忝	郡	師	籍	建	天	之	醜	前	瞻	
年	門	忠	不	焉	告	陳	守	守	城	昭	建	子	士	出	賢	仰	前	
凡	於	臣	憚	乃	君	景	杭	杭	各	忠	立	獎	偏	仕	馨	型	學	
曾	書	之	勤	涓	其	仰	州	州	祀	祠	專	恤	禪	者	香	學	官	
官	院	位	勞	吉	其	度	思	思	文	司	又	蓋	及	勿	替	官	儒	
於	之	於	於	興	余	地	做	做	職	得	恩	蓋	曾	江	固			
浙	左	觀	碩	工	守	經	三	三	三	全	全	臣	官	漢				

而死者事者位堂之正中左則為浙人之在官而殉
 難者右則為浙人之隨宦而捐軀者而兵丁鄉勇
 則書版懸一堂壁以存其名於是十一郡昭忠之祀
 始得萃於一堂有齡之倦倦於此者一郡昭忠之祀
 朝廷褒揚忠烈之盛意一以使都人士升堂慨慕
 有以激發其志氣也而故吏之謳思亦如是乎寄
 焉其子以前死事者耳目所未周蓋有待也書
 院翔自康熙中鹽運使高公熊徵正中為樂育堂
 奉祀朱子故院以紫陽名嘉慶初鹽政豐公建觀
 瀾樓遷祀樓下今復其舊以正祀位至建修之歲
 月暨土木丹雘之所費具載院長錢司業振倫重
 修書院記中茲不具鳴呼諸公成仁取義之大節
 與西湖正氣閣諸賢後先輝映仰其樹績於官式
 範於鄉亦豈無當於先覺遺愛之稱者有齡識見
 謙陋且生而同時不敢謬加論列後之君子或有
 取於斯乎其姓氏爵里俟詳考而備書之亦仿三
 祠之式刻於碑陰是為記
 咸豐五年十一月庚申朔

昭忠彙祀咸豐五年權設於紫陽別墅之左入

祀者凡數百人十年壞於粵賊牌位無可稽也
同治十一年兩浙昭忠祠成前之彙祀於紫陽
者幾無顧問近於東偏築室三楹遷移原碑更
立總牌略存舊義春之蘭秋之菊虛靈不昧必
有享其馨香者承堃謹識

公牘

請 卹浙省殉難文武官紳摺

兵部侍郎右副都御史浙江巡撫督辦浙江軍
務臣左宗棠跪

奏爲查明浙省殉難文武官紳請

旨議卹以勵忠節事竊浙江省城自咸豐十一年十一月失陷在城殉難各員疊奉

諭旨交臣查明具奏除將軍瑞昌巡撫王有齡副都統傑純已奉

旨優卹學政張錫庚署布政使麟趾等已奏請

賜卹外其餘各員節經臣飭司詳查茲據代辦藩司

蘇式敬臬司劉典將各屬殉難文武官紳查明彙詳請

奏前來臣細加覆核該員等或臨陣捐軀或集團遇害或勵官常而見危授命或篤儒行而矢志

不淪孤忠亮節實足光史冊而振綱常理合開
具清單恭呈

御覽飭部分別議卹以慰忠魂其團董及殉難婦女
應併由臣分造清冊咨部

題請旌卹至此外殉難各員容再查明具
奏伏乞

皇太后

皇上聖鑒施行謹

奏

續行查明浙江殉難官紳奏請 賜卹摺

護理浙江巡撫浙江布政使司臣蔣益澧跪

奏爲續行查明浙江省陣亡殉難文武官紳懇請
恩予旌卹以彰忠節恭摺奏祈

聖鑒事竊照浙江省城自咸豐十一年十一月失陷

經前撫臣左宗棠查明各屬殉難官紳奏准

賜卹在案迨省城克復以後卽經援照蘇省採訪章
程設立忠義總局飭委湖州府知府楊榮緒會
同在籍紳士國子監司業沈祖懋四品卿銜吏
部郎中張景青江蘇補用道章嗣衡及幫辦各
委員紳士等認真採訪以專責成茲據該局具

詳凡奉都察院

奏准咨交飭查之件及各處移咨之文並各屬造送之冊以至殉難親屬呈報之案均經分別飭查逐一採訪先將查明確實陣亡殉難官紳暨各該員殉難眷屬分晰彙造清冊呈請具

奏前兼署撫臣左宗棠未及具

奏移交前來臣細加覆核該員等或臨陣捐軀或集團遇害或罵賊而慷慨授命或臨難而闔室自裁均屬大節無虧洵足光昭史冊除將殉難書識眷口暨官紳家屬婦女各冊咨部查核請

卹外所有各屬陣亡殉難官紳眷口請繕清單
合無仰懇

天恩俯准敕部照例分別議卹其各該員等殉難家
屬婦女並請

敕部照例旌卹以慰忠魂而表節烈理合恭摺具
奏伏乞

皇太后

皇上聖鑒施行再其餘殉難官紳士民容再續查具
奏合併陳明謹

奏

同治二年四月初六日巡撫左宗棠奏請
旌卹首次吳蓋臣等一百名

同治三年十一月十四日護理巡撫蔣益澧奏
請

旌卹第一次邢吉甫等四千八百七十六名

同治三年十一月二十九日護理巡撫蔣益澧

奏請

旌卹第二次馬桂林等一萬五千四百十一名

同治四年二月十四日巡撫馬新貽奏請

旌卹第三次陶定求等九千九百四十一名

同治四年五月二十四日巡撫馬新貽奏請
旌卹第四次余寶棻等三千一百六十三名

同治四年閏五月二十日巡撫馬新貽奏請
旌卹第五次豫立等五千六十六名

同治四年八月二十五日巡撫馬新貽奏請
旌卹第六次畢長齡等三千八百六十二名

同治四年十一月十四日巡撫馬新貽奏請
旌卹第七次吳瑞龍等二千一百五十四名

同治五年正月二十四日巡撫馬新貽奏請
旌卹第八次王秉森等一萬一百九十七名

同治五年二月二十七日巡撫馬新貽奏請

旌卹第九次宋階明等五千六百六十九名

同治五年四月二十二日巡撫馬新貽奏請

旌卹第十次彭斯舉等六千五百二十八名

同治五年六月十六日巡撫馬新貽奏請

旌卹第十一次楊湘等七千三百五十一名

同治五年八月二十九日巡撫馬新貽奏請

旌卹第十二次閻朝貴等八千六百十五名

同治五年十一月十一日巡撫馬新貽奏請

旌卹第十三次唐銑等四千三百四十六名

同治六年正月二十七日巡撫馬新貽奏請

旌卹第十四次陳驥等一千四百八十九名

同治六年六月二十六日巡撫馬新貽奏請

旌卹第十五次曹鉞等二千二百七十六名

同治七年正月十五日巡撫馬新貽奏請

旌卹第十六次陳韜等一千九百七十三名

同治七年閏四月二十四日巡撫李瀚章奏請

旌卹第十七次牛森等四千七百八十四名

同治七年九月二十六日巡撫李瀚章奏請

旌卹第十八次陳鴻棟等二千九百五十名

同治八年二月初九日巡撫李瀚章奏請

旌卹第十九次邵慶增等二千三百八十五名

同治八年六月二十八日巡撫李瀚章奏請

旌卹第二十次莊鳳翰等三千一百六十九名

同治八年八月二十六日巡撫李瀚章奏請

旌卹第二十一次陸祖同等一千七百二十六名

同治九年二月初四日署理巡撫楊昌濬奏請

旌卹第二十二次施文恩等一千八百五十四名

同治九年四月初十日署理巡撫楊昌濬奏請

旌卹第二十三次江柵等二千一百十四名

同治九年六月二十八日署理巡撫楊昌濬奏

請

旌卹第二十四次盛鍾瑄等一千五百六十名

同治九年九月二十八日巡撫楊昌濬奏請

旌卹第二十五次培善等一千三百八名

同治十年二月十二日巡撫楊昌濬奏請

旌卹第二十六次曹祖九等二千二百名

同治十年十月十八日巡撫楊昌濬奏請

旌卹第二十七次定裕等一千三百二十九名

同治十年七月二十九日巡撫楊昌濬奏請

旌卹第二十八次黃世幹等一千六百五十三名

同治十年十一月十六日巡撫楊昌濬奏請

旌卹第二十九次馮懋志等一千七百二十二名

同治十一年四月十二日巡撫楊昌濬奏請

旌卹第三十次吳寶仁等四千一百八十六名

同治十一年九月初二日巡撫楊昌濬奏請

旌卹第三十一次楊尙瑛等二千二百七十四名

同治十二年三月二十二日巡撫楊昌濬奏請

旌卹第三十二次吳敬榮等二千二十名

同治十二年閏六月二十八日巡撫楊昌濬奏

請

旌卹第三十三次吳瀛綬等九百三十二名

同治十二年九月二十五日巡撫楊昌濬奏請

旌卹第三十四次訥爾機泰等一千三百七十二名

同治十三年三月初十日巡撫楊昌濬奏請

旌卹第三十五次孫紹德等三千三百八十二名

同治十三年十月十六日巡撫楊昌濬奏請

旌卹第三十六次劉玉衡等二千八百名

光緒元年二月十五日巡撫楊昌濬奏請

旌卹第三十七次巴達喇布等二千七百六十五名

光緒元年五月二十六日巡撫楊昌濬奏請

旌卹第三十八次沈光復等一千三十二名

光緒二年四月十五日巡撫楊昌濬奏請

旌卹第三十九次劉元良等五千四百九十九名

光緒三年二月二十八日巡撫楊昌濬奏請

旌卹第四十次吳中和等四百六十八名

光緒四年二月二十一日巡撫梅啟照奏請

旌卹第四十一次長庚等五百六十九名

光緒五年閏三月十四日巡撫梅啟照奏請

旌卹第四十二次恆祥等六百二十九名

光緒六年二月初六日巡撫譚鍾麟奏請
旌卹第四十三次志尙等五百二十五名

光緒七年二月二十七日巡撫譚鍾麟奏請
旌卹第四十四次清海等五百六十九名

光緒八年二月二十一日巡撫陳士杰奏請
旌卹第四十五次彭昌熾等六百八十八名

光緒九年三月二十日巡撫劉秉璋奏請
旌卹第四十六次露麟等一千一百名

光緒十年四月二十七日巡撫劉秉璋奏請
旌卹第四十七次鍾裕春等八百九十三名

。光緒十一年三月十九日巡撫劉秉璋奏請
旌卹第四十八次莊溶等八百二十四名

光緒十二年三月十四日巡撫劉秉璋奏請

旌卹第四十九次王瑞有等八百九十二名

光緒十三年閏四月二十二日巡撫衛榮光奏

請

旌卹第五十次張鑑南等七百十七名

光緒十三年十二月十九日巡撫衛榮光奏請

旌卹第五十一次陶同福等三百三十二名

光緒十四年十二月十九日巡撫衛榮光奏請

旌卹第五十二次鄧驍等四百四十七名

光緒十六年閏二月十三日巡撫崧駿奏請

旌卹第五十三次尹長清等五百八十一名

光緒十六年十二月初八日巡撫崧駿奏請

旌卹第五十四次陳雲龍等二百七十七名

光緒十九年二月初六日巡撫崧駿奏請

旌卹第五十五次秦光翰等六百九十九名

光緒十九年八月初五日巡撫崧駿奏請

旌卹第五十六次余鎮等六百六十三名

光緒二十年八月十二日巡撫廖壽豐奏請

旌卹第五十七次阮雯等二百七十一名

光緒二十一年八月初二日巡撫廖壽豐奏請
旌卹第五十八次盧錦等四百六十名

請建全省昭忠總祠總坊呈批

前國子監司業沈祖懋等呈爲請建浙江全省
昭忠總祠總坊欽遵

諭旨崇闡幽光事竊照咸豐十年二月十一年十一
月杭州省城兩次失守上下游郡邑均遭寇陷
官紳陣亡殉難克復以來設局採訪自巡撫羅
壯節公巡撫王壯愨公以下節經詳奏二十餘

次不下二十萬人自五年以來迭次奉到

諭旨浙江官紳准建專祠及陣亡殉難官紳士庶准
入祀昭忠祠致祭題名總坊仰優渥之

恩綸實足以闡幽潛而昭激勸惟採訪已歷數載而
祠宇尙未肇興從前杭紳曾購省城皮市巷民
屋原備祠用嗣以地偏屋狹無可展拓而止六
年四月省紳議復宗文義塾卽將所購忠義祠
基修葺爲塾呈請

馬升憲批准飭遵在案本年正月准

軍需局咨稱奉

撫憲批本局呈詳採訪未盡事宜予限一年辦竣撤局緣由奉

批通飭各屬勒限具報除由本局飭知各屬外伏思昭忠祠欽奉

諭旨

大典攸關事屬浙江全省本局採訪各案人數眾多其已經奉

旨准建專祠之殉難官紳僅建有王壯愍公祠宇一區此外均未興建現在採訪未盡事宜將次辦竣撤局有日伏祈

憲公祖大人飭下有司遴擇省城基地籌撥款
項建立昭忠總祠先將奉

旨准建專祠諸公牌位供奉祠宇中堂再將官吏紳
士男婦牌位分解供奉卽於祠前建造堅實題
名諸坊俟採訪撤局之日盡舉局存案牘冊籍
並刻兩浙忠義錄板片交守祠人敬謹存奉以
備稽核刷印至殉難官紳中忠烈最著者仍應
建立專祠俾修秩祀自當隨時會商另行呈請
紳等爲欽遵

諭旨崇闡幽光起見事關採訪忠義總局合詞呈請

建立祠宇並造總坊伏乞

批示祇遵實爲公便謹呈

右 呈

浙江巡撫李

同治七年十一月二十八日

同治八年二月二十日奉

批 該紳等呈請擇地籌款建立昭忠總祠總坊表揚忠義期於不朽所有省城昭忠祠自應趕緊興建按時致祭以崇祀典仰布政司會同軍需局先行籌款一面委員遴擇基地

分別勘估興建此次被難人眾應分官紳婦女爲三室仍歸大門出入以昭謹肅而免混雜其已設位供奉者是否仍應題名總坊並卽查明例案飭遵辦理可也

請撥款購產建造總祠總坊呈批

具呈紳士前內閣學士李品芳前光祿寺卿許乃釗前安徽學政朱蘭前廣西學政周學濬前國子監祭酒章鋆內閣中書張應昌翰林院庶吉士劉崧駿前署江蘇布政使吳煦前署江蘇布政使杜文瀾前署江甯布政使孫衣言山東

鹽運使鄭蘭前四川成綿龍茂道濮詒孫坐補
四川永甯道高應元前直隸天津道周家勳江
蘇卽補知縣丁丙爲欽遵

諭旨請建浙江全省昭忠總祠總坊崇闡幽光事竊
照咸豐十年二月十一年十一月杭州省城兩
次失守上下游郡邑均遭寇陷官紳士庶陣亡
殉難者甚眾克復後設局採訪自 前巡撫羅
壯節王壯愨兩公以下節經詳奏二十六次不
下二十餘萬人口迭次欽奉

諭旨准建專祠並准入昭忠祠題名總坊各等因欽

遵在案計採訪已歷數年而祠坊尙未刱建曾
由採訪局紳士沈祖懋等先後具呈蒙
准行司先行籌款經杭州府委員相度祠地初
擬在於武林門內大街建造因民地難以全購
以致議而未定茲紳等會同公議查有城東清
泰門內金衙莊屋一所係前明金子魯中丞別
業傍有皋園爲嚴顯亭侍郎所築素擅水木之
勝現爲前大學士章文簡公遺業其皋園一帶
爲前東河總督嚴小農河帥典產兵燹以後屋
宇雖不全存規模頗爲宏敞以之購建全省昭

忠總祠較之平地起造工費當可撙節查章嚴故紳裔有在外出仕者亦有現住杭州者章係原業今願變價出賣嚴本典產亦願聽贖紳等熟商至再照時估值需屋價錢一萬千文又應召還續修及裝折并中金等款約錢二千串應由章姓分別贖回出立賣契卽以改建昭忠總祠似甚相宜仍遵

前撫憲李 劄飭此祠應分官紳婦女爲三室尙有士庶兵勇亦擬酌增兩室祠前合建總坊逐一題名規度基址均可敷用仍歸大門出入

以昭謹肅合無仰乞

大公祖大人俯賜察核行司撥款給領以便分別購辦並請

飭派委員勘估監修俾祠宇早日落成忠魂得所憑藉其沐

皇恩

憲澤實足以闡幽潛而垂永久除文明畝分另報仍先繪圖呈送外合將遵

旨請建昭忠總祠總坊緣由聯名具呈伏祈

批示祇遵同深感戴上呈

右 呈

浙江巡撫楊

同治九年十一月二十三日

十二月初三日奉

批 該紳等呈請購買金衙莊舊址建立全省
昭忠總祠洵屬妥善候飭司給價購買一面
委員勘估興辦可也

移會奉飭給價購基建祠委員估辦咨札

浙江布政使盧 爲移知事同治九年十二月
二十一日奉

撫憲札開據闔省紳士公呈內稱浙省昭忠祠未建查有城東清泰門內金衙莊一所購建全省昭忠總祠較之平地起造工費當可撙節請行司撥款給領購辦並請飭派委員勘估監修等情到本部院據此除批候飭司籌款給領購買一面委員勘估興辦外札司立即會同軍需報銷局籌款給領購買一面由司遴委委員勘估興辦等因奉此查此案前據各紳具呈到司卽經批示在案奉札前因除移牙釐總局於善後款內籌款解司先行給領購

置一面另行委員往勘將修造做法逐細核估
開冊稟候核飭興辦外擬合移知爲此合移
貴局請煩查照施行須至移者

右 移

浙江軍需總局

同治十年正月二十日

浙江布政使盧 爲咨會事案奉

撫憲札開據闔省紳士公呈內稱浙江全省昭
忠總祠尙未翔建查有城東清泰門內金衙莊
一所購建昭忠總祠較之平地起造工費當可

樽節請行司撥款給領購辦並請飭派委員勘估監修等情到本部院據此除批候飭司籌款給領購買一面由司遴委委員勘估興辦等因奉經移請

牙釐總局籌款解司購買並移

軍需局查照在案茲准

牙釐總局籌解前來除將解到前項金衙莊房價錢一萬二千串發交杭州府憑同各紳轉給產主將莊屋書契存府備案具報外擬合咨會爲此合咨

貴局請煩查照施行須至咨者

右 移

省城軍需總局

同治十年二月二十日

浙江布政使盧 爲咨會事案奉

撫憲札開據閩省紳士公呈內稱浙江全省昭
忠總祠尙未荆建查有城東清泰門內金衙莊
一所購建昭忠總祠較之平地起造工費當可
樽節請行司撥款給領購辦並請飭派委員勘
估監修等情到本部院據此除批候飭司籌款

給領購買一面委員勘估興辦外札司立即會
同軍需局籌款給領購買一面由司遴委委員
勘估興辦等因奉經移准

牙釐總局籌解房價錢一萬二千串放給杭州
府領回憑同各紳轉給產主將莊屋書契存府
備案在案茲查前項莊屋既經購買作為統省
昭忠總祠應將做法修費及如何分別安設牌
位委令候補知府周守李燮會同杭州府籌議
勘估稟辦除報明委員會同杭州府前往勘估
籌議稟辦外合就移知為此合移

貴局請煩查照一體飭遵施行須至移者

右 移

浙江軍需總局

同治十年四月二十八日

軍需報銷總局司道

爲飭遵事准

藩司衙門咨開案奉

撫憲札開據合省紳士公呈內稱浙江全省昭
忠總祠尙未剏建查有城東清泰門內金衙莊
一所購建昭忠總祠較之平地起造工費當可

樽節請行司撥款給領購辦並請飭派委員勘估監修等情到本部院據此除批候飭司籌款給領一面委員勘估興辦外札司立即會同軍需報銷局籌款給領購買一面由司遴委妥員勘估興辦等因奉經移准

牙釐總局籌解房價錢一萬二千串放給杭州府領回憑同各紳轉給產主將莊屋書契存府備案在案茲查前項莊屋既經購買作為統省昭忠總祠應將做法修費及如何分別安設牌位委令候補知府周守李燮會同杭州府陳守

籌議勘估稟辦除報明委員會同杭州府前往
勘估籌議稟辦外咨局一體飭遵等因到局准
此合亟札飭札到該府即便遵照會同
周守 杭州府
前往勘估籌議稟辦毋違特札

同治十年四月三十日

祠圖工冊呈送撫憲會稟

杭州府知府陳魯候補知府周李燮稟

敬稟者竊奉

藩司札開以購建統省昭忠總祠莊屋

飭卽會同前往該處勘明將修造做法應需修

費逐細核估開具清冊並如何安設牌位妥議稟候核辦等因並奉

憲臺札同前因奉此遵卽會同傳集各工匠前往該處查勘莊屋一所係坐北朝南擬於甬道之西添造石牌坊一座以壯觀瞻頭門新改造三閒塘內自南至北造三洞平石橋一座原舊正廳三進擬將頭二兩進拆去新建五開間大殿二殿兩進以作安設官紳牌位之所惟所折第一進正廳係年久失修一經拆卸其閒木料難保不無朽壞至第二進三閒樓屋矮小只可

改造旁屋東首五福廳及旁屋三間裝折類多不全自應添料修整作爲安設士庶牌位之所西首樓三間並基地一進亦應大加修改以作安設婦女牌位之所北首餘地添建平屋十間作爲安設兵勇牌位之所至於各處牆垣及四面圍牆均須分別修築庶幾規矩整齊制度嚴肅當經飭匠再四核實擗節估計實需工料洋一萬九千一百元四角九分五釐除將祠屋款式木料大小詳細繪具圖說並造清冊呈送電鑒除稟

藩憲外合將遵札勘估緣由稟候

察核示遵實爲公便再奉

飭估建 前浙江學政張文貞公專祠容再會
勘估計明確另行稟辦合併聲明

計呈

圖說二張 清冊二本

同治十年六月 日

會辦昭忠祠暨張繆二公祠工程冊結詳文

浙江布政使司軍需總局司道 爲會詳請銷

事案奉

憲臺札開據合省紳士公呈內稱浙省昭忠祠未建查有城東金衙莊一所購建昭忠總祠較之平地起造費可樽節請行司撥款給領購辦並請飭派委員勘估監修等情到本部院據此除批候飭司籌款給領購買一面委員勘估興辦外札司立即會同軍需報銷局籌款給領購買一面由司遴委委員勘估興辦等因奉經移准牙釐總局籌解房價錢一萬二千串放給杭州府領回憑同各紳轉給產主將莊屋購買書契存府備案並委候補知府周守李燮會同杭

州府籌議勘估稟辦除報明外咨局一體飭遵等因到府卽經札飭遵辦去後旋據杭州府陳守會同候補知府周守李燮稟稱遵卽傳集各工匠前往該處查勘莊屋一所係坐北朝南擬於甬道之西造石牌坊一座頭門新建三閒塘內自南至北造三洞平橋一座原舊正廳三閒擬將頭二兩進折去新建五開閒大殿二殿兩進安設殉難官紳牌位東首五福廳及平屋三閒應添料修整安設殉難士庶牌位西首樓屋三閒并基地一進應大加修改安設殉難婦女

牌位北首餘地添建平屋十間安設殉難兵勇牌位至於各處牆垣及四面圍牆均須分別修築當經飭匠擷節估計造具清冊並將祠屋款式詳細繪具圖說呈送督核示遵等情當查冊開共估工料洋一萬六十六元零照市價約合錢一萬二千七十餘千文又工料錢九千五百六十千零兩共錢二萬一千六百三十餘千按款查核均有浮多擬請以九折除零實給錢一萬九千四百千文飭令就款建造詳奉

憲臺批准給領並據具報於同治十年八月十

九日興工嗣於上年正月據杭州府陳守等申據各紳會商以設立士庶各位較多所建屋宇未敷供奉查祠內五福樓後面尙有餘地當傳各匠勘估丈量計可添建平屋十二間計工料一再核減實給洋一千七百六十元詳奉

憲臺批准趕建至上年秋閒工程將次告成不意該匠人等不慎於火將後殿十間全行焚燬當卽責令照舊起造核計需工料實洋七百十五元又錢八百三十千文本應著落賠補據各匠以手藝營生傭工度日實難賠此鉅款環求

准予給領稟經杭州府轉稟請將前項重建工程造冊報銷等情又經詳奉

憲臺批准免其賠補飭造具固銷冊結詳銷各在案又據合省紳士呈請於金衙莊屋地基建造前浙江學政張文貞公專祠奉

憲臺批司會同軍需局飭委勘估詳辦又經飭據候補知府周守李燮會同杭州府勘得金衙莊屋西首基地一塊不在購建祠基之內當向產主言明地價洋一百元卽飭工匠估計擬建頭門三間正殿三間二殿三間左右廊屋照牆

及四面圍牆一律新築各項工料連地價核給錢二千九百八十千文詳奉

憲臺札准給發興建又據紳士呈請將殉難前任署鹽運使司金衢嚴道繆梓應得祭葬銀兩作爲建祠經費奉

憲臺批准所呈事屬可行仰布政司會同軍需報銷局核明詳辦等因奉經札飭候補知府周守李燮勘估詳辦嗣據周守申稱遵往金衢莊勘得現建張文貞公專祠之旁尙有隙地堪建大殿三間並添建住房三間爲張繆二祠看管

人役住宿并春秋祭祀之用傳集各匠估計工料一再核減實給洋一千一百七十九元飭令領辦詳奉

憲臺批准給辦又據杭州府陳守會同候補知府周守李燮申稱奉委建造通省昭忠總祠暨張繆兩祠將近告竣所有祠內添置應用各件及改造四柱牌樓各匠工料造冊呈請示遵等情又經本局擬請核給洋三百七十元錢二千一百千文詳請

憲臺批飭如詳辦理等因均經報明給領趕辦

復據杭州府陳守會同周守申稱卑府等遵卽督令各匠分別趕辦於十一年十一月二十七日將所建通省昭忠總祠暨張繆二公祠及添置各件一律告成理合分別造具詳細清冊申請委員驗收詳請等情隨經發冊札委署杭州府知府余守勘驗去後茲據余守申稱卑府遵卽會同周守前赴金衙莊將建造通省昭忠總祠暨張繆二公祠及添置各件逐一勘驗均係工堅料實並無草率苟簡情事冊開工料亦無浮冒出具不扶印結申送前來除移藩司衙門

查案詳敘請

奏並將應行撥給祭品銀兩及祠基應豁糧賦飭
縣查報核例分別詳辦外合將送到報銷冊結
會銜詳送仰祈

憲臺俯賜咨銷再此案係軍需報銷局主稿合
併聲明爲此備由呈乞照詳施行

今呈送

銷冊五本 固結一紙 驗結一紙

右 呈

浙江巡撫楊

同治十二年三月初二日

同治十二年三月十二日奉

批 據詳已悉仰軍需報銷局移會藩司衙門
查案籌撥祭品銀兩並飭查祠基畝分應豁銀
米數目一併敘具妥詳聽候

奏咨繳冊結存

移知會詳昭忠祠列入祀典豁糧請 奏批詳
浙江布政使司盧 爲移知事本年六月初五
日奉

撫憲楊 批司局會詳省城建造昭忠總祠請

入祀典致祭並將祠基豁免錢糧請 奏由奉
批仰候會核具

奏另札行知並候鈔摺分咨

戶禮兵工各部查照仍候

督部堂批示繳等因奉此擬合鈔詳移知爲此
合移

貴局請煩查照施行須至移者

計鈔詳

右 移

浙省軍需總局

同治十二年閏六月初九日

布政使司
軍需總局

會詳爲省城昭忠總祠請列入祀典
致祭並祠基豁免錢糧詳祈核

奏事竊照浙省前被粵匪兩次肆擾旋於同治三
年全省恢復凡陣亡殉難之官紳士庶兵勇婦
女人等歷次奏奉

恩旨分別入祠設位致祭均經飭屬遵辦在案伏思
旌揚盛典原爲彰正氣而勵人心苟以全省之忠義
節烈合祠於耳目會萃之區則瞻仰不獨偏隅
而激勵尤堪推廣爰據紳士前內閣學士李品

芳前光祿寺卿許乃釗等公同呈請於省城建
造昭忠總祠查有清泰門內金衙莊地屋一所
爲前大學士章文簡公遺業基址寬廣屋宇宏
敞章氏後裔願爲出售恐同李紳等轉給產主
書契存府備案一面飭據候補府周守李燮會
同杭州府將應行修葺折改添建之處分別勘
辦并於隙地分造奉

旨准建之前浙江學政文貞張公前署運使金衢嚴
道武烈繆公專祠二所於同治十年八月開工
十一年十一月一律告竣委驗均屬堅固其總

等會查酬德報功

聖世之恩施特厚揚清激濁下民之歌頌同聲省城
現建昭忠總祠暨張繆二公專祠既協於紳民
企仰之忱亦合於維持風教之旨應請

奏懇

恩施准予併列入祀典按年給祭銀八兩三祠合
給祭銀二十四兩於同治十二年爲始在於兵
餉截曠項下支銷春秋遣官致祭其祠基共屯
地屯蕩三十七畝四釐九毫七絲九忽並請將
應徵錢糧自十二年起永遠豁免以順輿情而

昭

曠典至是項所需錢洋係另籌捐給辦其繆祠經費亦以應領卹葬等銀抵用均不動支正項請免造冊報銷理合會同詳請仰祈

察核

會具

奏并請咨

部查照除詳

撫憲核督憲會

奏外再經管祠宇籌撥歲修等事容另議定詳辦此案係本藩司主稿合併聲明呈乞照詳施行

鈔摺飭知移文

浙江布政使司盧 爲移知事本年六月二十
五日奉

撫憲楊 札開照得省城建造昭忠總祠懇

恩列入祀典並豁免祠基錢糧緣由經本部院於同
治十二年六月二十日會同

督部堂李 恭摺具

奏札司會同軍需局移行知照毋違計粘鈔摺等
因奉此查此案前奉

撫憲批司卽經鈔詳移知在案茲奉前因擬合

鈔摺移知爲此合移

貴局請煩查照施行須至移者

計鈔摺

右 移

浙江軍需總局

同治十二年七月二十九日

奏爲省城建造昭忠總祠懇

恩列入祀典並豁免祠基錢糧以順輿情而垂久遠

恭摺仰祈

聖鑒事竊照浙江省前被粵匪兩次肆擾旋於同治三

年全省恢復凡陣亡殉難之官紳士庶兵勇婦
女人等歷次奏奉

恩旨分別入祠設位致祭均經飭屬遵辦在案伏思
旌揚盛典原爲彰正氣而勵人心兼以全省之忠義
節烈合祠於耳目會萃之區則瞻仰不獨偏隅
而激勵尤堪推廣爰據紳士李品芳等呈請於
省城建造昭忠總祠訪有清泰門內金衙莊屋
一所基址寬廣屋宇宏敞屋主情願出售議定
價值一萬二千串如數放給收領書契存府備
案一面飭委候補知府周李燮會同杭州府將

應行修葺折改添建之處分別勘辦并於隙地分造奉

上諭准建專祠之前浙江學政張錫庚前署運司金衢嚴道繆梓祠宇二所於同治十年八月閒開工十一年十一月一律告竣委驗均屬堅固其總祠內區別品類各分屋宇安設牌位以壯觀瞻通計修建工料及添建傢伙神龕等項共用錢二萬五千三百一十千文洋四千二十四元均於善後捐款項下陸續籌撥給領並據該紳士等呈請列入祀典按年籌給祭銀并請將祠

基豁免錢糧復據杭州府錢塘縣杭嚴衛查丈
前項祠基計縣轄籽粒屯地二畝三分一釐五
毫衛屬屯地二十一畝四分三釐七絲九忽又
屯蕩十三畝三分共計地蕩三十七畝四釐九
毫七絲九忽由府詳經藩司盧定勳會同各司
道彙核詳請具

奏前來

臣

查酬德報功

聖世之恩施特厚揚清激濁下民之歌頌同聲省城
現建昭忠總祠暨張錫庚繆梓專祠既協於紳
民企仰之忱亦合於維持風教之道合無仰懇

天恩准予一併列入祀典按年各給祭銀八兩三祠
共給銀二十四兩自同治十二年爲始在兵
餉截曠項下支銷春秋由官致祭其祠基計屯
地蕩三十七畝四釐九毫七絲九忽並將應徵
錢糧自同治十二年起永遠豁免以順輿情
昭

曠典所用銀洋係另籌捐款其繆祠經費亦以應領
卹葬等銀抵用均不動支正項應就免其造冊
報銷除分咨查照外臣謹會同閩浙總督臣
瀚章恭摺具

奏伏乞

皇上聖鑒訓示謹

奏

浙江布政使司盧 爲移知事本年八月初六日奉

撫憲楊 札開照得省城建造昭忠總祠懇

恩列入祀典並豁免祠基錢糧緣由經本部院於本年六月二十日會同

督部堂李 恭摺具

奏當經行知在案今於同治十二年八月初三日

奉到奉

硃批該部議奏欽此恭錄札司會同軍需局移行知
照欽遵等因奉此查此案前奉

撫憲鈔摺行司卽經轉移在案茲奉前因鈔合
移知爲此合移貴局請煩查照一體轉飭施行
須至移者

右 移

浙江軍需總局

同治十二年九月二十四日

禮部議准昭忠祠祀典祭銀豁糧摺子

禮部謹

奏為遵

旨會議具奏事同治十二年閏六月二十八日內閣

鈔出浙江巡撫楊昌濬

奏請省城建造忠義總祠列入祀典豁免祠基錢

糧一摺奉

硃批該部議奏欽此欽遵到部據原奏內稱浙江省

次彼陷陣亡殉難之官紳士庶人等歷經奏准

人祠致祭今購得省城清泰門內金衙莊屋一

所價值萬一千串合建忠義總祠以隆祀典

又於隙地分造前浙江學政張錫庚前金衢嚴
道繆梓專祠二所其總祠修建工料於善後捐
款項下撥錢二萬五千三百一十千文洋銀四
千二十四元一律告竣懇均列入祀典每年給
三祠祭銀各八兩在兵餉截曠項下支銷春秋
致祭其祠基合計錢塘縣轄杭嚴衛屬共屯地
屯蕩三十七畝四釐九毫七絲九忽應徵錢糧
自同治十二年爲始永遠豁免其繆祠經費卽
以應領卹葬等銀抵用均不動支正項請免造
冊報銷等情由該撫轉據該管官紳詳請具奏

前來核與成案相符臣等公同酌議擬如該撫所請准其列入祀典以順輿情並准於兵餉截曠項下每年動支三祠祭銀各八兩至建造祠基合計錢塘縣轄並杭嚴衛屬屯地屯蕩三十七畝零應徵錢糧自同治十二年爲始永遠豁免仍令浙江巡撫將每年給過祭品銀兩並應豁免錢糧各數目分別造入該年兵餉截曠並奏銷冊內題報查核所有臣等會議緣由是否
有當伏候

訓示恭候

命下臣部行文該撫遵照辦理爲此謹

奏

嚴禁告示

兵部侍郎右副都御史浙江巡撫楊爲

出示嚴禁事照得金衙莊忠義祠係奉祀浙省
殉難官紳士庶之所欽奉

恩旨列入浙省祀典春秋遣官致祭理宜誠肅以妥
忠魂惟該祠地近城東曠僻散漫恐有無知愚
民認作遊玩處所祝壽宴客聚賭演戲借寓養
病寄匱開弔攀折花木寄堆物件並有不法之

徒在太湖漢內私捕放生魚苗以及任意躑躅
借端滋事等情殊失崇奉忠義之意合亟出示
嚴禁爲此示仰諸色人等知悉爾等須知各伸
景仰以表潔誠倘敢故蹈前轍許該祠董事扭
送地方官從重究辦不貸其各凜遵毋違特示
同治十二年十二月初十日

議覆歲修經費分派章程照會

署理兩浙鹽運使司豐 爲照會事本年三月

十二日奉

督憲楊 批本署司詳議浙省左丞祠等處祠

費一案緣由奉批查此案已據該司另文錄報
奉

浙撫部院衛 批示此項三祠歲修經費應照
督部堂來咨以一萬兩之數發交該紳董經理
似可敷用餘銀三千五百兩照舊作爲醫局經
費等因前來核與本部院前檄所指意見相同
仰卽遵照辦理一面將紳董會三祠各首士如
何分派妥議章程通詳立案察奪毋延等因理
合照會爲此照會貴紳請煩查照卽將分派章
程迅速議覆以憑轉呈備案施行須至照會者

右 照 會

省城同善堂紳董

光緒十三年三月二十一日

善堂紳士應寶時等 爲遵議詳請立案事竊

本年三月二十一日奉照會內開本年三月十

二日奉

督憲楊 批查此案已據該司另文錄報奉

浙撫部院衛 批示前來核與本部堂前檄意

見相同仰卽遵辦一面將紳董會三祠各育士

如何分派妥議章程通詳立案等因奉此照會

卽將分派章程迅速議覆以憑轉呈備案施行
等因奉此紳等遵卽會同三祠首士集議謹議
左文襄祠項下擬派息本銀四千兩省城楚湘
忠義祠及餘杭一祠湖墅楚湘義園三處擬派
息本銀三千兩兩浙忠義祠擬派息本銀三千
兩查忠義祠地有五十餘畝文武官紳士庶暨
婦女各歸堂座設立牌位共計堂廡十數所又
有張文貞祠繆武烈祠張文節祠及地主章嚴
二公祠屋宇寬廣牆垣層疊卽尋常蓋漏添瓦
易換簷竹塗牆補壁用費甚繁且地極低潮必

須通溝砌審備工拔草歲修數次擬派息本銀
三千兩月息六釐每年應得息銀二百十六兩
遇閏加銀十兩以之儘數修蓋牆屋通溝砌
地拔草等用連修數年可期堅實現在祠內設
有採訪局有局使數人可資管理目前專辦歲
修尙虞不足所有管理工食應俟採訪局停以
後議歸管理費銀一百兩遇閏加銀八兩餘銀
一百十六兩仍儘數歸作歲修由同善堂幫理
董事范承堃經理每屆年終附入善堂報銷以
昭核實紳等伏思祠雖三處加以附列祠廟共

有十處萬金之息分派應用數已無多惟當分
往稽查實事求是俾垂永久爲此將分派數目
管修章程各節備文呈請仰祈

俯賜核詳立案施行實爲公便須至呈者

右

呈

署理兩浙鹽運使司豐

光緒十三年四月初七日

兩浙鹽運使司德 爲照會事本年四月二十
九日奉

撫憲衛 批前署司詳據省城紳董議覆浙省

左公祠等處歲修管理祠費分派章程立案緣
由奉批披閱該紳等集議分派經費管理章程
均屬妥善應如詳立案仰卽移行遵辦務須實
心經理以垂久遠仍候

督部堂
鹽政衙門

批示此繳等因奉此除移行外合並
照會爲此照會

貴紳董查照施行須至照會者

右 照 會

省城同善堂紳董

光緒十三年閏四月初九日

兩浙鹽運使司德 爲照會事本年閏四月十
四日奉

督憲楊 批前署司詳據省城紳士議覆浙省
左公祠等處歲修管理祠費分派章程立案緣
由奉批咨閱來詳所議左公祠等處歲修管理
分派章程甚爲周妥應准如詳立案以垂久遠
仰卽知照並候

撫部院批示繳等因奉此查此案前奉

撫鹽憲批示當經鈔詳移行在案今奉前因除再
移行外合再照會爲此照會

貴紳董查照隨時赴祠稽察督率工役人等勤
加看管收支一切分別報銷以重官款施行須
至照會者

右 照 會

省城同善堂紳董

光緒十三年閏四月二十三日

議請祠旁官蕩作放生池呈

董理浙省善堂紳士應寶時等 爲呈請事竊

照光緒十三年閏四月疊奉

兩浙鹽運使司德照會內開本年四月二十九

日奉

撫憲衛 批前署司詳據省城紳董議覆浙省
左公祠等處歲修管理祠費分派章程立案緣
由奉批披閱該紳等集議分派經費管理章程
均屬妥善應如詳立案仰卽移行遵辦務須實
心經理以垂久遠仍候

督部堂 鹽政衙門 批示此繳又開本年閏四月初二日
奉

鹽政憲衛 批如詳立案仰卽分飭遵照仍責
成董事時往各祠稽察督率工役勤加看管毋

稍疏懈並候

督部堂 批示此繳又開本年閏四月十四

日奉

督憲楊 批督閱來詳所議左公祠等處歲修
管理分派章程甚爲周妥應准如詳立案以垂
久遠仰卽知照並候

撫部院批示繳各等因奉此照會隨時赴祠稽
察督率工役人等勤加看管收支一切分別報
銷以重官款等因奉此查此案鈔詳內開兩浙
忠義祠地有五十餘畝文武官紳暨士庶婦女

各歸堂座設立牌位共計堂廡十數所又有張文貞祠繆武烈祠張文節祠及皋園舊主祠屋宇寬廣牆垣層疊卽尋常蓋漏添瓦易換簷竹塗牆補壁用費甚繁且地極低潮必須通溝砌甃傭工拔草歲修數次擬派息本銀三千兩月息六釐每年應得息銀二百十六兩遇閏加銀十八兩以之儘數修蓋牆屋通溝砌甃拔草等用連修數年可期堅實現在祠內設有採訪局有局使數人可資管理目前專辦歲修尙虞不足所有管理工食應候將來採訪告成以後議

歸經理費銀一百兩遇閏加銀八兩餘銀一百十六兩仍儘數歸作歲修由同善堂帮理董事范承堃經理每屆年終附入善堂報銷以昭核實等因紳等遵經偕同范董赴祠自上年僱匠購料修理以來費已六七百元今年尚須接修方可扶頽葺敝以期堅固惟查祠後有太湖蕩一區周廣十三畝據管理人稱蕩本養魚自建祠後改爲放生池經 貴局每年認租錢十三千文充祠歲修等用茲祠既有歲修專款且放生善舉與祠相爲表裏所有賃租錢十三千文

爲數無多似可停止免致隨後轉轉致湮廢
一面由紳等按歲蓄養魚苗仍循放生之舉而
免網罟之慘庶

大憲崇祠育物之懷兩有裨益爲此呈請

俯察前因

准與移咨立案見復施行實爲公便須至呈者

右

呈

督辦採訪浙江全省忠義局

光緒十四年二月二十六日

放生官蕩永禁捕魚告示

調署杭州府事正任金華府正堂陳

爲

出示永禁事本年二月二十六日奉

採訪忠義總局憲

札開准浙省善堂紳士文

稱省城兩浙忠義祠後有太湖蕩一區周廣十

三畝據管祠人稱蕩本養魚自建祠後改爲放

生池經費局每年認租錢十二千文充祠內歲

修等用茲祠既有歲修專款且放生善舉與祠

相爲表裏所有賃租錢十三千文爲數無多似

可停止免致隨後轆轤轉致湮廢一面由紳等

按歲蓄養魚苗仍循放生之舉而免網罟之慘

庶於 大憲崇祠育物之懷兩有裨益爲此呈
請俯察准與立案見復等因准此查兩浙忠義
祠旁有太湖蕩一區周廣十三畝與金衙莊地
址毘連向係出租養魚歲收租資十三千文兵
燹以後金衙莊房屋官爲購買改建兩浙忠義
祠經承建祠宇委員周守李燮查悉前情卽欲
照舊召租一時乏人承租時本道在軍需局提
調局務當以素喜放生故卽承租並繕租契送
府存案自同治十三年起歲繳租資十三千文
於薪水內扣存軍需局抵放看祠月支工食之

用十數年從無短少惟本道年已七十瞬將歸
老田閒逐年捐租本非久計茲經紳士議歸各
紳經理籌有專費事屬久長最爲妥協慨人壽
之幾何憫眾生之無識若不爲之計久長誠恐
事遠年湮將來難保無牟利之徒循行前轍改
歸召租取息則網罟之慘仍所不免此事之未
可逆料者不得不慎之又慎本道擬樹立碑石
數塊上鐫放生官蕩永禁捕網違者立予重懲
分置河濱留垂永久而遠近居民漁戶人等見
之知爲放生官產犯之有干禁令不致有覬覦

偷竊之漸似較周密除移復并咨支應局查照
外合行札知札府即便遵照出示永禁捕網如
有偷竊立提重懲切切等因奉此合行出示嚴
禁爲此示仰軍民人等知悉爾等須知忠義祠
旁係屬放生官蕩只准放生不准設網如有偷
竊情事一經訪聞立提重懲決不寬貸各宜懍
遵毋違特示

光緒十四年三月十一日給

藝文

浙江昭忠祠碑銘

楊昌濬

浙水東西禮義而文顧近弱國生斯土者與官斯土
而用其人則亦曰近弱也然而句踐以報彊吳抗中
國錢氏立國傳世戰守卒完其域譚戚名將以浙兵
雄九邊則夫血氣之奮禮義之歸時爲之與

國家全盛博大之氣或漏氛氳芽孽日星晦李於是
乎有廣西之亂令長不職遂勦將帥縱橫萬里鋒鏑
塞乎中原狂走十餘年卒逃死於浙江浙江復而兵
事漸解遂以救平浙江之繫於天下大矣唐宋以來
袁鼂董昌方臘張士誠亦云代有然所殘掠或數城
數十城已耳若夫外寇憑陵肢體折腹心潰枝葉槁

本根拔千百年所未有也夫浙江四達襟帶江海而背甌吳咸豐八年戊午三月賊犯上海旁略數縣形勢尙格遂巡遁走自皖南魚爛廣德績溪門戶盡撤而後有庚申之事省會不守大臣死封疆賢傑死扞衛匹夫匹婦慷慨於水火繩藥者相望何其烈烈與援師如雨五日而歐豺虎顧未大創也東南蠶食已徧壯健日死亡東壩陷而喉吭絕蘇州亡而唇齒失糧匱鄰蹙智勇困矣備分力單賊來無方而後有辛酉之事當是時列郡淪沒未下二三城皆甌杭無濟可謂危矣文武官吏抗橫草之憤膏血塗野而不顧

身三 江村金卷三
三三
士大夫之有志節者提義號召前殲後繼赴義如渴
百戰悍暴投死包村析骸易子湖州比於睢陽時乎
艱難則莫彊乎禮義矣豈多文者固必弱哉今恪靖
伯左公奉

命於鼎沸之日誓師於荆棘之野三衢一隅開府以
謀克復揚威靈時蔣公益禮爲前驅而昌濬亦以書
生參軍事馳驅知己效鉛刀之用擐甲數十百戰窮
獸猶噬大鞞大鞬羣力允宣師武不匱浙東旣下乃
以同治三年甲子之春攻復杭州廓清郡縣子遺黎
民十不得五國殤之哀貴賤同之

朝廷教忠典制顯顯一命以上晉階錄孤尊者易名
崇祀下不遺於氓庶既厚且廣左公乃延攬賢大夫
士資其聞見采掇遺烈網羅幽潛開採訪忠義局於
甯波府城後移杭州具籍入告仰邀

褒卹歲月淹久以名達者二十餘萬人蓋繼左公者
荷澤馬端敏公合肥李公湘鄉蔣公及昌濬封事既

陳

恩施沛然前後入

奏者三十有三京曹陳請恆有增益欽承

詔書考之成憲擇地東城金衙莊糜公府巨金闕建

祠堂奉文武官瑞忠壯羅忠節王壯愍而下鄉大夫
戴文節趙忠節而下需次之吏庠序之士逮夫庶人
婦女死封疆死扞衛死水火繩藥者堂夾房室粟室
類從復崇坊表一如律令其有浙人而死事於外者
附祀焉主採訪者今湖州知府楊榮緒金華府知府
徐寶治浙江候補道秦緝業王景澄吳大廷林聰彝
梁恭辰王蔭堂前國子監司業仁和沈祖懋前四川
永甯道富陽高應元前內閣中書錢塘張應昌忠義
祠創始同治十一年四月落成十二年二月庀工者
浙江候補知府周李燮仲春宜祀俎豆肅雝衣冠在

列車馬來下周旋興起乃銘麗牲之碑銘曰

皇帝中興沐浴日月重輪重光宵辰南顧女牛所照
如沸如羹篤生將率運民水火掃厥櫬槍漸水之流
大越之山重秀而明奪人虎吻還女餽粥弔死扶傷
溝壑原野無完家室嗟乎遺眈爰咨爰詢疇殉疆場
疇抗戈兵萬死不視陷胸決脰凜乎若生上告

天子榮賁九原禮在太常贈卹秩後復啟崇祠牲物
來享相茲棟宇鬱乎沈沈翼然東城旁延林皋妥幽
降靈百世馨香痛深創鉅職守土者內安外攘彼都
人士毋狃於故忘危忘亡羣靈在天消展化慝百殺

用成孫子忠孝蹈乎賢智肅承王章庶幾古語永無
兵燹來眎斯銘同治十二年歲在癸酉仲冬之月

擬兩浙昭忠祠碑文

孫樹禮

宋室肇興在昔建表忠之觀吳山無恙於今尊崇義
之祠凡以勁節激昂英靈赫濯宜百世祀增一代光
矧浙省當辛酉再陷之時洎同治至甲子初元之日
下則長鯨牽掣妄思連營而合圍上則瘕犬狂奔復
因窮追而反噬彌天毒燄甚大槍青犢之羣卷地
鱗盡嚼鐵銜刀之輩鴟吻張而鬪驪哭獍牙磨而血
肉飛向非武臣赴義一擊當于志士成仁九死無二

安見蘇臺秣陵之憇惡聚殲於會垣包村湖郡所摧
殘崇封爲京觀然而赤手搏敵雖沈党項之軍碧血
填渠已甚田橫之島或馬革裹尸而膏塗原野或龍
驤建節而身殞疆場或糧盡而合室殉夫危城或援
絕而全師沒於荒谷道辟鮮司徒之女伊誰免乎國
殤及汪氏之童嗚呼慘矣說者謂時事阽危之日正
人臣致命之秋登明堂之中晉先軫但求死所鑿凶
門而出周隱侯不望生還是卽壁散符采劍匿光芒
精衛爲之銜冤杜鵑於焉泣恨大都皆含笑入地自
明其不共戴天豈復計一己榮名千秋血食然而崇

月三 江村金卷三
三三
川文川
德報功者

國家褒忠之典也發潛闡幽者大吏教忠之權也用
是設採訪之局金管書名陳奏乞之章

彤廷報可經始於同治十一年四月鳩丁庀材聿興
土宇落成於十二年二月燕饗奏樂用展明禋禮也
嗟嗟粵氛煽惡率士含冤浙水蒙污同仇共憤自天
目萬山而下皆昔時狐鼠所憑依卽嘉湖一水所通
亦曩日鯨鯢所出沒痛定思痛悲不勝悲苟非億兆
人舍生以挫其兇鋒曷由一二年迅掃而收其餘燼
今者湖山依舊棟宇維新箕尾同騎正氣獨完於天

壤精靈不沫英光上燭於斗墟來游過中正巷前瞻
拜至金衙莊側碑碣則風雲呵護愧無北海之詞勛
名則日月不刊請勒南山之石

昭忠祠小記

丁致元

昭忠祠在城東隅清泰門路北爲前明金子魯中丞
別業饒有水木之勝順康閒餘杭嚴灝亭侍郎割其
半以築皋園事載東城雜記輾轉歸章桐門相國後
又爲嚴小農河帥第宅遭庚辛兵火僅存餘址克復
數年萬篋軒吳曉帆兩方伯濮少霞許綵仲兩觀察
並居武林鳩資修葺顏曰四閒別墅未幾主人雲散

同治八年紳士沈司業祖懋李閣學品芳等先後請於浙江巡撫合肥李公湘鄉楊公總建祠宇以伸崇報相度斯地僉以爲宜卜吉於同治十年八月開工拓地向南啟門三楹巡撫楊公題一額曰終古不朽進而爲沼橋架其上引城外沙河之水從水門曲折入園中藝以長溝達於東河過橋折而東爲廳中奉御書湖山正氣宸翰石刻左右二門一爲成仁一爲取義再進爲饗堂五楹上奉浙省殉難文武官神位自瑞忠壯羅壯節王壯愍以下分龕供奉位次秩如楊公復題一額曰浩氣同流聯曰合數十萬人爲一

龔武穆忠肅以還此成創局願幾千百年無再厄越
 水吳山之畔永展明禋而一時大吏如按察使吳江
 蒯公賀蓀聯曰勝地此重遊最憶椿庭宦績蓮幕行
 踪三十年雪印鴻泥往事追尋增感喟前塵經浩劫
 祇留一片湖光四圍山色千百里風安鶴靜巍祠聳
 峙表忠誠跋云浙中爲先大夫宦游之地余隨侍南
 從事幕府者數年帽影鞭絲舊遊歷歷今復奉命
 陳臬是邦湖山無恙風景頓殊不勝今昔之感爰於
 展謁忠祠之後撰句攜分巡杭嘉湖道何公兆瀛聯
 懷藉證夙因之非淺焉曰一例效孤忠食舊德服先疇各有精誠昭日月兩
 浙留正氣振綱常光史冊更新祠宇壯湖山督糧道

如公山聯曰億萬眾化鶴同歸城郭依然濁劫幸銷
滄海變千百世椎牛招祭步騎羅些英魂羣湧浙潮
來補用道萍鄉王公景澄聯曰蒙難溯當年歎劫幻
沙蟲聲驚猿鶴祇今節著丹青取義成仁無二致褒
忠徵鉅典荷恩頒綸綍績紀旂常同此棊流俎豆英
名浩氣各千秋其後則殉難紳士之饗堂在焉堂亦
五楹左右翼以東西序自戴文節趙忠節而下位以
府分秩然不紊布政使上饒盧公定勳題一額曰萬
古如生聯曰臨難無論賢愚全憑頃刻閒矢心忠烈
取義含生峻節與吳山並壽食報何分貴賤悉萃億

萬人授命英靈升馨合饗芳名偕浙水長流兩浙鹽
運使宗室靈燕聯曰烽火熾錢江磨盾枕戈酬二百
年養育恩覃試聽滾滾濤聲猶未洩三軍遺憤劫灰
飛粵嶺析骸易子較十七省摧殘禍烈惟此巍巍廟
貌差堪慰兩浙精魂其右爲堂仍舊名曰遂初文武
官眷屬位焉其後爲正氣堂分祀各屬紳士婦女又
折而東則平屋四十二間凡浙省各屬武弁義民暨
殉難民人婦女悉分祀於斯堂後別啟一門築室三
楹附祀金中丞學魯嚴侍郎沈文淵閣大學士諡文
簡章公煦河道總督嚴公烺以存地主之舊其左則

舉園在焉修竹一林平山數級山前爲滄浪書屋其
額猶吳梅村祭酒遺墨自甲子至今卅載以來凡大
吏設局採訪殉難諸公事實及編輯忠義錄案牘雕
版悉萃於斯前爲水榭梁山舟學士題曰竹煙波月
之間其東則長廊一帶以達於墨琴堂綠雪軒諸勝
曲楹之外則小太湖也清流皎潔波影同漪憑欄俯
瞰益慨然於殉難諸公冰清玉潔有白水盟心之操
焉祠成於十二年仲春之望糜費二萬九千餘緡有
奇庀工者爲周太守李燮利旣成省紳又請將張文
貞公繆武烈公張文節公暨仁和邑侯李公吳公各

祠埵建於祠之西偏俾守祠者灑埽祭祀相與維繫於不替更樹坊於祠前上題日星河嶽以表之而規模始備越十餘年旁風上雨棟宇漸摧大吏更籌歲修之費責范君承塋董其事更次第而修葺之范君懼祔位之久而易漈也屬予別錄於冊自官紳兵民暨婦女凡一百八十五龕彙錄四十冊藏之吳山崇義祠以垂久遠前祀至四十一次今增祀十五次錄既畢乃記其事如右

古皋園改建忠義祠記

丁午

孝經曰資於事父以事君而敬同又曰君子之事親

孝故忠可移於君忠之所極義卽在焉司馬溫公曰
死黨友存孤兒非義也明君臣之大分識天下之大
義守死而不變斯可謂義矣夫明君臣之大分非忠
也耶忠義之必基於孝也明矣會垣東之臬園孝子
之地也前明金中丞學曾築以奉母

國朝嚴侍郎沆繼以讀禮者也中丞視楚學時江陵
奪情起視事公致書政府中有不顧綱常廢斥正人
之語侍郎則立朝嶽嶽清標照耀國史如二公者非
移孝作忠之明驗歟二百年來園亭未墜願日涉其
中者競愛其泉可楔石可倚木可蔭而二公之流風

餘韻知之者亦漸尠矣咸豐庚申辛酉粵逆兩陷浙垣十一郡之官紳士庶攫鋒鏑蹈湯火先後死忠義者奚止數十百萬其間井邱墟廬黔垣赭者更不計焉同治上元甲子仲春大軍克復會垣皋園獨存迨仲秋浙省悉平置吏

奏開忠義局旣纂有傳紀有表復以前撫軍王壯愨所建瑞石山椒之昭忠祠與都人士於峨嵋山麓建立之崇義祠限於堂宇未克按位分題於

聖朝褒崇顯揚之義尙有未盡因謀擴而充之僉曰與其度地庀材役民糜費不若皋園之因地制宜也

且顧名思義有合乎移孝作忠也於是邑申郡郡申
監司與廉訪方伯更達撫部咸以爲善乃出金以贖
之倚者扶朽者易黜者堊湮者飾廳則更爲龕廊則
更爲廡葺葺焉秩秩焉向之櫻鋒鏑者今則奉俎豆
矣向之蹈湯火者今則薦馨香矣將見園之泉不僅
可禊也有清光不滓之性焉園之石不僅可倚也有
介然不屈之慨焉園之木不僅可蔭也有歲寒後雕
之操焉則斯祠之所由改建者豈偶然哉後之拜祠
下者不獨忠義之氣得所景而孝思亦油然而生矣
卽金嚴二公之清風亮節亦藉以傳矣

浙江昭忠祠記

章炳麟

事君不死難守土不殉亡忠之臬也賢者以自任而不肖者以自汙則忍讓詬爲寇臧獲者輪較交乎天下知恥者矯之曰吾甯爲彼蔑爲此矣雖然知恥不與楛窳期而楛窳從之楛窳不與死亡期而死亡從之死亡不與禮義期而禮義從之此雖後乎臬猶躡其景者也乃者海隅有事尖險阻屬國數千里而將帥士大夫布裂四肢盤肝涉血而蹈者所見不幾有風波之民且不變市肆以訝之余觀海隅之役然後觀於粵寇之役而歎浙江諸吏民其楛窳雖不與沅

湘齒其死難知禮義猶踊於今日一檜省城清泰門
故有昭忠祠合祀兵死者名先後得至於光緒二十
一年

奏五十六更其最數在牒嗟乎浙江之心天下之心
也睨其

君重其身國人與有之當是時齒流徧東南甯斷脰
絕項而不肯鞠窮以事寇者相望也今當寇之沫浸
尋三十年死者衄矣而父老至今道之猶泣涕沾衿
袍人心之摯幅宜無息者然後生偷樂以外寇爲玩
志不及曩人一嬉於祠祇便其譁囂之美耳歛夫祠

者非以弔國殤而報之牢醴也將作其屑鬻以振董
後之人後之人已不能績而遯逃伏匿以爲君父羞
而區區欲藉寵名以劫之嗚呼其亦有傳一旬之權
火而冀胡與鄂人羣見之而躍也雖然使得有心者
視之憤恧動毛髮誓終古不疵其身考工記注齊人
言終古猶言常
也雖一祠猶足與助故曰是景也於景之中又躡其
景也光緒二十一年夏六月

謁浙省昭忠祠記

孫紹康

同治十二年歲癸酉族人偕赴省試試畢聞東城昭
忠祠落成與羣季往遊見棟宇宏敞栗主整肅祠祀

庚辛殉難者二十萬人吾族之創義殲賊以身殉國者咸與焉遂相與言曰斯蓋涵濡我

聖朝之德化與吾祖宗忠孝之訓久矣自咸豐十一年賊酋李秀誠李世賢率烏合之眾自衢婺陷紹興直犯省城以吾邑爲孔道九月二十二日賊歟至二十四日復至十月朔衝突者復億萬計竊七日嗣是往來蹂躪越二載其荼毒不可勝紀時暨陽包立身創義軍拒賊殺賊數十萬賊築長圍攻之吾里當其衝益被蹂躪先是賊之將至也拔貢生秉元曰吾輩不可屈也酌酒盟神前毋降賊賊猝至男婦不及避

者或唾罵死格鬪死溺死縊死武舉人顯清手刃賊數十人以死無一屈者旣而賊踞邑城分千數人卡吾里族人復羣聚宗祠而相與謀曰吾輩義不屈豈容賊巢茲土當奮勇誅之卽不成亦願以一死報國家耳何生爲壬戌二月二十一日夜半數百人潛伏卡左右黎明各帕白大呼殺賊賊驚覺倉卒不及備礮焉投屍姜家潭積如邱山賊怒甚率黨數百艘張帆剡浦泊而上奮呼曰不降則不免族人叱應曰降死也戰一死耳於是戰於柏樹鎮且戰且走死相枕藉乃奔入龍門山賊追之張大幟以上幾登搏水

御族人飛石礮擊之賊始駭走焚村居而去秉元歎
曰事亟矣非併力以攻之恐不敵也遂率子壽彭往
包村乞師無何包村陷父子殉焉族人更憤甚裹創
以戰卒不屈會

王師平兩浙吾里始安越一年

朝廷旌諸死難者贈冠帶賜蔭襲異數也嗚呼自癸
亥迄今吾族享

聖朝旃幟之福又十年矣吾族自宋家茲土惟

國朝建鼎時一罹方石之難厥後食舊德服先疇二
百年不見兵革猝然遇大難不惟薦紳文學曉大義

捐軀不少怯卽編戶之農類能攘臂一呼奮竿槌與羣兇血鬥其孱弱婦女亦復舍命不渝嗚呼烈矣今者

旌卹之典光及泉壤嗟此毅魄必感且泣於地下卽躬與賊抗死失舉報

詔訪所不及者彼豈庸有悔歟爾子弟或及見或不及見益當守祖宗忠孝之訓而謹識

聖天子崇報之恩不使忘羣季曰諾謹識之不敢忘然不可不記之以爲族之子孫勗爰歸寓泚筆而爲之記

昭忠祠春秋祭文

王震元

惟我

皇上御極之某年某月朔越某日浙江布政使司布政使委主祭官杭州府仁和縣知縣錢塘縣知縣率同與祭紳耆謹以羊豕黍稷酒醴蔬果之奠致祭於浙省殉難

滿漢文武官紳軍民婦女之靈曰嗚呼生而爲英死而爲靈千古不朽河嶽日星爲

國捐軀成仁取義照耀湖山兩閒正氣撫綏萬姓節鉞東南罡風乍起心照寒潭堅守柳營三軍司命願

與時違將星忽隕京江風度士林所宗滿城桃李荆
棘蒙茸布化承流旬宣兩浙事不可爲登陴泣血詰
姦禁暴執法維嚴清河遇寇志決身殲裕課通商權
衡禹筴守禦軍譁首撓鋒鏑繡衣直指任重糧儲室
如懸磬時異勢殊防海備兵分巡邊徼止水一泓死
忠死孝龔黃媲美暫縮銅符五日京兆命也何如治
宰錢江花分百里巷戰身亡後先一揆策名需次百
爾寅僚憤同胥種氣湧江湖臺閣宣猷林泉養望身
退優游志非高尚青年勵學皓首窮經束身自好惟
吾德馨出作入息八口之家先疇是服老圃桑麻弓

治箕裘各操長技居肆百工通功易事懋遷有無利
權子母百貨駢闐左宜右有璇閨賢媛繡闈女貞心
堅金石節勵松筠總總林林百千萬億水火刀兵同
罹浩劫城存與存城亡與亡有死無二甘爲國殤運
值中興篤生柱石埽厥欃槍登民衽席褒忠卹義表
微闡幽賁榮泉壤報享春秋鬱彼東城崇祠斯闢妥
幽降靈几筵森列冠裳濟濟俎豆莘莘羣靈在上來
格來歆嗚呼尙饗

祭昭忠祠文

洪錫承

惟光緒十四年二月二十七日及十一月二十八日

爲浙江省城庚申辛酉遭難之期某等謹以清酒庶
羞致祭於浙省殉難

滿漢文武官紳軍民婦女之靈曰嗚呼天帝醉夢兮
沐猴之年鬪雞之歲再毒吾杭民於火湯狼千羣而
貉一邱兮狂寇橫噬殲厥良吾杭之人雖荏弱兮怒
髮抉眚斷頸湛胸以義自彊從疆之吏聞之率兮誓
城存與存亡與亡田橫島兮睢陽憶處士兮有言兵
菑兮永無患何湖山乾淨土兮惜啞喋乎腥羶豈天
欲激斯人之正氣兮照青燐碧血於千年雲幕兮日
韜賊蝟集兮如毛絕糧兮春磨塞委命兮赫連刀長

平代兮兄瘦伯道棄兮兒號昆明灰兮汨羅水荒谷
兮莫敖恆河沙兮劫運何所遇兮虐且饕日月出櫬
槍息俎豆莘莘兮崇碑屹痛巢卵兮木禁樵蘇懲釜
魚兮池迴釣客委厥靈爽兮桐門之故宅旃檀供盂
蘭設兮仲春仲冬之夕恍雲旗風馬兮翩翩而出入
覩屢聞鼓吹兮昇平之猶昔故鬼新鬼相逢兮唏噓
而於邑浙水安流兮吳山生色願貞魂毅魄兮長保
障於無極尙饗

爲庚辛殉難士民募建水陸道場啟

曹 籀

蒼生何罪慘遭浩劫之難回赤子無知苦念游魂之
莫奠光陰瞬息於今十年靈爽鑒觀自有千古雖然
欲登道岸須乘寶筏同歸將入法門尤賴慧鐙普照
震旦以音聲作佛事天竺以名句度羣迷法自西來
教由東盛是以經宣貝葉散花雨於色天臺繞金蓮
扇香風於淨域無非木慈悲以救苦難轉煩惱而化
清涼也吾杭庚申辛酉兩遭兵燹城隍顛覆社稷傾
危邑有流亡民多死喪或攫鋒鏑或蹈火湯或赴水
以捐軀或懸梁而隕命或遇在陳之厄或罹過宋之
艱遺嬰泣歧棄尸臥野皆臨節而就義能殺身以成

仁慘何可言悔將奚及伏思人生固重不朽之名我佛徧示無常之說演揚顯密喚醒癡孽成功德林越生死海心持半偈勸凡愚培羅漢之因口念千聲教善信受彌陀之記今則寒暑遷流甲癸轉易歎音容之已邈幸祠宇之新成極目於無何有之鄉魂歸夜月設想在是邪非之境影隔天河謹擇於十一月二十四日爲始至十二月初一日圓滿遵雲棲水陸儀軌於浙江昭忠總祠啟建普利道場七晝夜追薦兩次城陷殉難士民出五濁雜處之邦入萬善同歸之地聞斯妙諦示以眞詮發菩提心證涅槃果願現在

卽求自在卜來生定獲無生瑤壇徧覆乎慈雲縣苑
均沾乎法雨金剛現相壞色施不染之衣香積分身
搏食借難消之飯赤瑛盤獻菴摩勒白玉瓶持布瑟
波妙樹皆七寶成行法炬亦一燈分烈鏡開月大旛
動風輕芬散梅檀鷲嶺之仙踪未墜韻流鐘磬魚山
之梵唱頻聞供養多儀莊嚴如法功圓行滿率以七
日爲期利溥德周無使一夫不獲惟是願海難填結
社要希夫掛樹福田共種布金差比夫買園所望仁
人君子物我同胞怨親一體不惜解囊相助便可通
神若教操券能償還將使鬼謹啟

追薦殉難忠義建水陸道場疏 釋宏熹

伏以靈山高會溥利益於當年法海慈航濟艱危於奕世應羣機而降格大啟無遮建眾德之功勛用資冥福仰干聖意俯鑒凡情錢塘雲栖寺沙門據本省忠義祠董事某等叩稱竊以刀兵慘惕慨天道之難知俎豆馨香見人心之不死是以褒忠表義

聖恩特報崇祠導滯宣幽佛力端超浩劫蓮宗在望檀烟宜伸繫惟粵逆肆狂浙疆載陷痛城破者六十餘邑弔國殤者百十萬人碧血與漸水爭流白骨並吳山高峙嗚呼慘矣薦拔云何嗣逢甲子於上元蛾

賊潛消兩浙今際辛巳於光緒駒陰倏歷廿年不憑
覺路之垂靈曷慰劫餘之追痛謹以光緒七年十一
月二十八日爲始恭就武林龍興寺延請戒德啟建
法界聖凡水陸普度大齋勝會道場一壇先於二十
六日甲寅啟經十二月初二日庚申圓滿伏祈大啟
更生之會宏開普度之門專申拜薦咸豐庚申辛酉
兩次浙省殉難滿漢文武官紳士庶暨官眷職婦烈
女等忠魂毅魄浩氣靈風同赴法筵咸聆妙道玉毫
布彩金臂垂神仗經功而蕩滌罪愆藉懺力而蠲除
災戾劒戟變爲寶樹旌旗化作金幢如集萬二千人

聽陀羅尼之眞偈重現五十四顆瞻舍利子之圓光
三有均霑四恩總報祝

皇圖之鞏固慶

壽寓之昇平謹疏

浙江忠義錄序

馬新貽

賊起廣西十數年而始滅蹂躪徧東南人之化爲沙
蟲猿鶴者不可勝數而浙之被禍爲尤烈庚申辛酉
杭城再陷自羅壯節王壯愍以下文武官吏殉難者
百數十人而士民婦女以億萬計至於趙忠節之守
湖州包立身之守包村以彈丸之地當方張之賊經

年累月力竭乃亡數萬人悉遭屠戮無一降者嗚呼
奇矣他省未聞有是也於時浙幾盡爲賊有所未破
者溫衢二府耳迨湘陰左撫軍督師來浙以次戡定
諸郡縣卒復省垣厥功偉焉楚湘各軍中之血戰而
死者豈少哉蓋我朝二百年來百姓之涵濡於德澤
者深漸摩於教化者久人人知有殺身成仁見危授
命之義上而疆臣闔帥下而一命之吏一介之夫以
及婦女童孺罔不激於義憤雖斷首剖心九死而靡
悔固不止浙省爲然而天地忠義之氣一若獨鍾於
浙者則又何也先是省城設有採訪忠義局新貽撫

浙以來爲之上聞而請卹者已十有餘次不下十萬餘人

朝廷褒忠之典有加無已死者固可無憾顧姓氏雖得表揚事蹟尙多茫昧使後之人無以感發而興起此亦有風化之責者所當用心也於是在事諸人有撰刻忠義錄之請因聘能文之士數人爲纂修略參史家之體凡有行事可表見者悉次爲傳其他無所考而以死著者則係之表焉草創於丙寅之秋逾年而傳先告成名之曰浙江忠義錄共得若干卷授之剞劂而請序於余余謂古來忠臣義士若先軫汪錡

縣賁父之屬往往散見於簡策而唐宋以上不聞有
專書昭忠錄則昉於元人所記爲宋末忠節事實明
正德中桑瑾著有節義林正續二編自三代及元搜
羅頗富然其書皆不甚傳於世尤可怪者史記兩漢
多爲貨殖游俠方術列傳而忠義反無得而稱焉晉
書及北史始有節義傳五代史又分爲死義死事二
傳而所傳皆寥寥數十人歐陽氏之所謂死節者則
止有王彥章等三人焉豈作史者其難其慎而故從
其略與抑當時莫爲之傳而後世遂無述與然則是
編之作一以備

國史之采擇一以正草野之傳疑信乎爲不可少之書也同治六年歲在丁卯仲冬序

浙江忠義錄跋

王景澄

從來忠義之事載於史籍者甚多然少專書若元人之昭忠錄明桑瑾之節義林正續二編此亦專書之類也竊以爲人臣之遭際時當無事則颺拜承庥運值多艱則崎嶇效節時勢使然古今一轍我

朝重熙累洽二百年來

深仁厚澤浹於人心民生不見兵戈共享太平之福久矣自廣寇起蹂躪徧天下浙省兩次淪陷被禍尤

慘文武官吏及紳民婦女兵勇等殉難者不可勝紀
最後湖州趙忠節同守孤城析骸易子與賊血戰力
竭而後陷比之張巡許遠殉節同烈固由

國家培養之恩有以作其忠義之氣亦可見天性在
人其剛毅堅貞之慨雖紆迴曲折而猶未泯也宮保
左爵相曩奉

命撫浙值寇烽徧地力謀恢復彰

天討遏賊氛密布機宜迅圖進取其時前升任廣東
中丞蔣公現任浙江中丞楊公共襄厥事踰年而全
浙肅清向之元惡巨憝憑恃險阻均剷削銷滅吳越

之閒重見山高而水清欲問當年之軼事而遺老殆盡矣其善後事宜次第舉行如採訪忠義局是其一也自同治三年宮太保左爵相 奏請開局辦理旋以升任去嗣湘鄉蔣公荷澤馬公合肥李公先後撫浙皆委員派董採訪殉難諸人節次入

告奉

旨允准并延能文之士將忠義事實分別傳表錄爲成書計自同治三年至七年得書十卷而諸公皆升任以去今中丞楊公由浙藩奉

命撫浙此局仍因其舊公自肅清全省之後蒞浙最

久嘉謨美政書不勝書凡吏治民生立養興教諸大
事孜孜汲汲日昃不遑躬行勤儉爲合屬先吏畏民
懷浙之人恆稱頌弗衰公恐忠義之久而就湮也乃
與紳屬謀購城中皋園隙地籌款建祠以垂永遠仍
命員董等續緝忠義錄一書并命景澄復綜局務計
自八年至今與眾紳等遂加編輯又得書二十卷并
前共成三十卷其有事實者則爲立傳其無事實者
則附名於表自疆臣將帥以迄在籍流寓各官紳次
至民人婦女兵勇等分門別類卷帙井然統名之曰
浙江忠義錄蓋紀實也後之覽者感滄桑之變念松

筠之操使孤忠毅魄不隨荒煙蔓草而俱沒他日或以備

國史之採而中丞維世勵教之意其裨益於人心風俗豈淺鮮哉書成爰誌其顛末於卷後

昭忠祠重整祀位記

王鼎祺

昭忠祠位分爲六曰官曰紳曰民曰官眷曰紳眷曰民婦官則更分文武紳民則各分府縣婦女亦如之次序秩然洵足嚴俎豆而報馨香矣顧祠成於同治

壬申入

奏請

卹者止三十三次其時製牌設位堂廡寬如也嗣經隨奏隨補不免擁擠凌躡矣范君承堃意殊慊然因約丁君立中陳君衍仁高君葵陸君家驤高君全棟宋君賢整許君金樞排次整齊錄冊核對始自左文襄衢州初次所

奏者一百人繼由採訪局詳報者第一次至五十六次總十五萬八千八百五人又京官及各省大吏奏准咨浙者一萬七千有奇今續補五十七五十八二次凡七百三十一人共得十七萬七千三十五人謹爲增置龕几補刊姓名按其列位而不患參差編

以字號而不虞紊亂龕凡一百八十有五牌凡七千七百七十有三越半月而竣事宋君別繪圖以示祺是固不可不記也既塞范君之意并示後之筦理是祠者光緒乙未八月二十八日記

官員饗堂 凡十五龕

凡四	張字龕	文官牌位	凡七	宿字龕	文官牌位	凡二十五	列字龕	武官牌位
凡四	冬字龕	武官牌位	凡八	秋字龕	武官牌位	凡四十二	收字龕	武官牌位
凡六	餘字龕	文官牌位	凡六	成字龕	武官牌位	凡六		
凡六	律字龕	武官牌位	凡六	呂字龕	文官牌位			
凡六			凡六					

牌位凡調字龕武官牌位
七十五

駐防官員兵丁暨各營將弁兵勇流寓紳民饗堂

凡十六龕

陽字龕駐防官員牌位
凡一百七十七

三十六騰字龕駐防兵丁
凡第三十七版至第六版凡

龕將弁第一版至第五十二
版凡五十一版至第五十二

二版兵丁第一版至第十
版共二十五版至第十

牌二版結字龕軍功第一
版凡五十一版至第五十

十二版至第六十五版武生
第一版霜字龕武生第九

版至第七十八版共四十二
版援浙各省將弁第一九

凡四十三牌版金字龕至
第六十版凡六十牌

良序立亢象卷三

臣

版生字龕 援浙各省將弁第六十一版至麗字龕

援浙楚湘將弁第一版至第二十一版共四十四牌版水

路兵丁第一版至第二十一版共四十四牌版

字龕 援浙各路兵丁第二十二版至第四十一版

十四版 玉字龕 援浙楚軍兵丁第一版至第二十五版至第三

十五牌版共四 出字龕 流寓紳士第一版至第三

字龕 流寓民人第一版至第二

各屬紳士饗堂 凡二十九龕

岡字龕 各屬紳士牌 劍字龕 各屬紳士牌 號字龕

位凡八 巨字龕 各屬紳士牌 闕字龕 各屬紳士牌

凡八 珠字龕 各屬紳士牌 稱字龕 錢塘紳士第一

十四 凡八 珠字龕 位凡五十八 稱字龕 版至第三十四

龕 諸 第 一 版 至 第 十 五 版 共 六 十 五 牌 版 潛 字 龕	紳 士 第 一 版 至 第 十 一 版 共 六 十 七 牌 版 鱗 字	十 七 版 共 五 十 九 牌 版 淡 字 龕	山 陰 紳 士 第 一 版 至 第 八 版 紳 士 第 一 版 至 第 二 版	第 九 版 至 第 十 二 版 紳 士 第 一 版 至 第 五 版 海 紳 士 第 一 版 至 第 二 版	至 第 九 版 紳 士 第 一 版 至 第 四 版 慈 谿 紳 士 第 一 版	河 字 龕 紳 士 第 一 版 至 第 十 九 版 紳 士 第 一 版 至 第 九 版 鄞 縣	孝 豐 紳 士 第 一 版 至 第 十 四 版 紳 士 第 一 版 至 第 八 版 武 康 紳	士 第 一 版 至 第 四 版 紳 士 第 一 版 至 第 六 版 武 康 紳	牌 版 四 鹹 字 龕 清 紳 士 第 一 版 至 第 一 版 第 六 版 武 康 紳	四 第 三 十 二 版 長 興 紳 士 第 一 版 至 第 一 版 第 三 版 德	版 至 第 十 五 版 長 興 紳 士 第 一 版 至 第 八 版 歸 安 紳 士 第 一 版	紳 士 第 一 版 至 第 九 版 共 三 十 四 牌 版 安 紳 士 第 一 版	第 十 一 版 至 第 三 十 四 版 共 三 十 四 牌 版 海 字 龕 程	桐 鄉 紳 士 第 一 版 至 第 五 版 共 五 版 紳 士 第 一 版 至 第 一 版	十 二 版 共 四 十 四 牌 版 第 五 版 烏 程 紳 士 第 一 版	平 湖 紳 士 第 一 版 至 第 十 三 版 第 十 二 版
---	--	--	--	---	--	--	--	--	--	---	--	---	--	---	---	--

月三之木金角三

至	版	二	至	建	士	版	紳	十	四	江	第	版	七	版	第	紳	一	第	上
第	遂	十	第	德	第	共	士	四	版	紳	一	牌	羽	至	一	版	六	第	虞
六	安	五	四	紳	一	二	第	牌	共	士	版	字	第	第	第	至	新	紳	
版	紳	牌	牌	士	版	十	五	版	五	第	第	龕	東	蘭	第	七	昌	第	
分	士	版	共	第	至	五	牌	至	翔	一	八	紳	陽	溪	四	版	紳	一	
水	第	制	制	版	第	版	龕	第	字	版	武	第	紳	紳	太	第	黃	版	
紳	一	字	龕	至	版	十	游	第	龕	第	義	一	士	士	平	五	巖	第	
士	版	桐	澹	第	開	始	紳	紳	西	第	八	版	第	第	紳	版	第	一	
第	第	廬	安	紳	化	字	士	第	安	紳	版	紳	第	第	仙	紳	第	一	
一	第	第	紳	紳	紳	龕	第	第	紳	士	湯	第	第	一	士	第	第	八	
版	九	紳	士	士	士	江	第	第	一	第	溪	第	第	版	一	紳	第	版	
至	版	士	第	第	第	山	版	第	紳	紳	一	紳	第	至	版	士	版	第	
第	壽	第	五	安	第	紳	至	第	版	士	第	第	第	第	金	一	至	版	
六	昌	版	版	紳	版	二	第	第	第	第	第	第	第	第	九	版	第	臨	
版	紳	至	至	士	至	版	第	第	第	第	第	第	第	第	八	紳	第	海	
共	士	第	第	第	第	常	十	版	八	版	第	第	第	第	永	康	第	六	
三	第	第	第	第	第	山	一	江	版	至	第	第	第	第	康	紳	版	海	
十	一	九	一	四	一	山	江	山	龍	第	第	第	第	第	義	五	第	天	
八	版	版	版	版	版	紳	山	山	龍	第	第	第	第	第	烏	十	第	台	

毛
五
九
卷
三
三

牌文字龕 永嘉紳士第一版至第五版 瑞安紳士

第二版平陽紳士第二版順紳士一版麗水紳士

第一版至第四版青田紳士一版縉雲紳士

版至第十版松陽紳士第一版至第五版遂昌

紳士第一版至第三版龍泉紳士一版至第二版

版慶元紳士一版雲和紳士一版至第十二版

宣平紳士一版甯甯紳士一版共四十二牌版

各屬例 郵紳士饗堂 凡十二龕

字字龕 各屬例 郵紳士 乃字龕 錢塘例 郵紳

四十四版凡服字龕 錢塘例 郵紳士 第四十版

士第一版至第三版衣字龕 海甯例 郵紳士 第十版

例 郵紳士 第四十版 郵紳士 第十版 郵紳士

第三版 郵紳士 第六版 郵紳士 第四版 郵紳士

第一版至第十版	第一版至第十版	第二版至第四版	例一版至第七版	八版至第十版	郵紳士第一版至第七版	版安吉例第三版	一版至第三版	龕歸安例第一版	郵紳士第一版至第十二版	鄉例平湖例第五版	士第三版至第五版	郵紳士第一版至第六版	版秀水例第一版	一版至第四版
其 在 立 九 兼 卷 三	其 在 立 九 兼 卷 三													
七牌紳士問字龕蕭山	六版會稽例一版山陰例	五版紳士第一版	五版奉化例第三版慈谿第	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版
七牌紳士問字龕蕭山	六版會稽例一版山陰例	五版紳士第一版	五版奉化例第三版慈谿第	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版	五版至第三版

士 第 一 版 至 第 三 版 開 化 例	山 第 一 版 至 第 六 版 常 山 第 一 版 至 第 四 版 江	至 第 三 版 龍 游 例	紳 士 第 一 版 至 第 五 版 湯 溪 例	版 七 牌 拱 字 龕 武 義 例	九 版 義 烏 例	一 版 至 第 十 三 版 東 陽 例	十 七 牌 版 三 垂 字 龕 金 華 例	士 海 例	至 第 二 版 仙 居 例	紳 士 第 一 版 至 第 三 版 天 台 例	臨 海 例	版 至 第 四 版 新 昌 例	龕 餘 姚 例	諸 暨 例	郵 紳 士 第 一 版 至 第 三 十 版 共 三 十 七 牌 版	郵 紳 士 第 一 版 至 第 三 十 版 共 三 十 七 牌 版	郵 紳 士 第 一 版 至 第 二 十 二 版 共 三 十 七 牌 版	道 字
---	--	---------------------------------	--	---	-----------------------	--	---	-------------	---------------------------------	--	-------------	--------------------------------------	------------------	-------------	---	---	--	--------

月三

三

十六版至第九十	版凡四十五牌版	人第一版至第三十	入版共四十五牌版	甯民人第一版至第二	十三版共三十八牌版	十牌臣字龕餘杭民人第一版至第五版於潛民人第九版臨安民	版至第三十一版	共四十五牌版	人第一版至第九版	版共四十二牌版	羌字龕昌化民人第一版至第十一版凡四十四牌版	版至第十二版	共四十二牌版	二四四牌共	二四四牌版	三十四牌版	八版共三	十四牌版
錢塘民人第九十一版	至第九十七版	仁和人第三十九版	黎字龕	首字龕	伏字龕	戎字龕	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十	嘉善民人第一版至第十

一版至第十四版宣平民人第一版至第五版共三十二牌版

景甯民人第一版至第十四版宣平民人第一版至第五版共三十二牌版
駐防文武官員兵丁眷屬饗堂 凡六龕

女字龕

駐防文武官員眷屬第一版至第

二版至第

三版至第

眷屬第

二版至第

三版至第

四版至第

五版至第

版凡二

十牌版

潔字龕

駐防文武官員眷屬第一版至第

二版至第

三版至第

十六牌

共二

知字龕

駐防文武官員眷屬第一版至第

二版至第

三版至第

過字龕

駐防文武官員眷屬第一版至第

二版至第

三版至第

四版至第

五版至第

六版至第

七版至第

八版至第

九版至第

各屬紳婦饗堂 凡二十四龕

必字龕

錢塘紳婦第一版至第

二版至第

三版至第

四版至第

五版至第

六版至第

七版至第

八版至第

九版至第

十三版

至第

一牌版

百六

得字龕

錢塘紳婦第一版至第

二牌版

錢塘紳婦第一版至第

三牌版

四牌版

至 第 二 十 五 版 桐 鄉 紳 婦 第 一 版 至 第 十 版 共 六 十 四 牌 版 已 字	烏 程 紳 婦 第 一 版 至 第 十 版 共 六 十 四 牌 版 歸 安 紳 婦 第 一 版 長 字	龕 烏 程 紳 婦 第 一 版 至 第 十 版 共 六 十 四 牌 版 歸 安 紳 婦 第 一 版 長 字	龕 歸 安 紳 婦 第 一 版 至 第 十 版 共 六 十 四 牌 版 歸 安 紳 婦 第 一 版 長 字	十 五 版 德 清 紳 婦 第 一 版 至 第 十 版 共 六 十 四 牌 版 武 康 紳 婦 第 一 版 孝 豐	一 版 至 第 三 版 安 吉 紳 婦 第 一 版 至 第 六 版 武 康 紳 婦 第 一 版 孝 豐	神 婦 第 一 版 至 第 三 版 安 吉 紳 婦 第 一 版 至 第 六 版 武 康 紳 婦 第 一 版 孝 豐	六 版 共 六 十 五 牌 版 使 字 龕 至 第 四 版 慈 谿 紳	婦 第 一 版 至 第 五 版 奉 化 紳 婦 第 一 版 至 第 九 版 一 版 至	鎮 海 紳 婦 第 一 版 至 第 五 版 奉 化 紳 婦 第 一 版 至 第 九 版 一 版 至	第 三 版 會 稽 紳 婦 第 一 版 至 第 八 版 一 版 至 第 七 版 三 牌 版 可 字	蕭 山 紳 婦 第 一 版 至 第 八 版 一 版 至 第 七 版 三 牌 版 可 字	龕 蕭 山 紳 婦 第 一 版 至 第 八 版 一 版 至 第 七 版 三 牌 版 可 字	第 二 版 諸 暨 紳 婦 第 一 版 至 第 九 版 一 版 至 第 十 版 諸 暨 紳 婦 第 一 版 至	第 三 版 共 三 十 九 牌 版 器 字 龕 三 十 六 牌 版 至	第 五 版 共 三 十 四 牌 版 欲 字 龕 一 版 至 第 五 版
---	--	---	---	---	--	---	--	--	---	---	--	---	--	--	--

長字立元象卷三

三

民婦第一版至第十七版遂安民婦第一版至第八版廬	至第十六版涪安民婦第八版	至第十二版共四十八牌	至第十一版建德民婦第一版	聽字龕民婦第一版至第十二版	版江山民婦第一版至第十四版	第一版至第二版共五十三牌	婦第一版至第八版武義民婦第一版至第十版	江民婦第一版至第十版	一版至第八版武義民婦第一版至第十版	十三版義烏民婦第一版至第十版	四版共四十一牌	版東陽民婦第一版至第十版	一版共四十九牌	民婦第一版至第十版	太平民婦第一版至第十版	三版仙居民婦第一版至第十版	至第十版	至第十二版
------------------------	--------------	------------	--------------	---------------	---------------	--------------	---------------------	------------	-------------------	----------------	---------	--------------	---------	-----------	-------------	---------------	------	-------

月三... 木金... 三

三

六版其凡四緣字龕壽昌民婦第一版至第五版
 十五牌版分水民婦第一版至第四版
 永嘉民婦第一版至第八版瑞安民婦第一版至
 第五版樂清民婦第一版至第五版平陽民婦一
 版麗水民婦第一版至第三版青田民婦第一版
 至第四版緙雲民婦第一版至第八版共四十三
 牌善字龕松陽民婦第一版至第八版第二十二版遂昌
 版至第三版慶元民婦第一版至第八版龍泉民婦第一
 第四版宣平民婦第一版至第三版景甯民婦一
 版共四十二牌版

流寓紳婦民婦饗堂 凡二龕

慶字龕

流寓紳婦第一版至第十版凡十牌版

尺字龕

流寓民婦第一版至第二

十六牌版凡二

謁昭忠祠偕朱淦卿

潘鍾瑞

崇碑矗立石嶙峋欲慰忠魂薦藻蘋頓觸兵塵前度
 感劇憐風月古時春仙凡未脫飛灰劫婦孺同為報
 國身笑指殘梅出叢棘名園曾有詠花人樊榭先生
遊皋園詩
有叢棘出
殘梅之句

昭忠祠八詠

楊文杰

宸翰堂

明湖喻其清吳山喻其峻正氣浩浩然大綱賴以振
 紅雲煥

天章四字東南鎮

日星河嶽坊

日星晦或隕河嶽濁或頽惟有忠義心坊石永不摧
日星煥九霄河嶽周九垓

五福廳

御筆書福字五賜嚴河臣嚴屋化祠宇萬忠託
恩綸不愧考終命五福感前因

成仁取義門

成仁仰孔教取義讀孟書得其門者寡斯道今何如
摳衣肅而入瓣香拜階除

古藤亭

藤古蟠如龍歷劫不遭寇寇至人雖殤忠名垂宇宙

天台萬年藤定無逾此壽

太湖蕩

古橋小葵湖橋圯河流斷元時改宋城煙波留一段
鱗鱗生意多釜魚免遭亂

鑑心池

昔爲了公池佛心何足了惟餘效忠心一鑑出深沼
亭亭白蓮花不受污泥潦

庚辛橋

呼庚糧已絕受辛齋亦空億萬聲荷荷城圍無時通
今日得津濟過者血淚紅

東臯別墅八詠

丁申

昭忠祠以古臯園顏曰東臯別墅爲祭餘憩
所樓臺猶是風景已非從舊名分賦八詠悲
歡異致慷慨如斯

望江樓

八座娛起居三折望江曲欣戚轉瞬間戰船飛血肉
滾滾捲怒濤越出寒不綠

滄浪書屋

滄浪變桑田山邱感華屋榜餘祭酒題喬臙故家木
不聞孺子歌惟聽忠鬼哭

月三
水金身三
三
綠雪軒

綠梅開似雪暗香發
牕窸心心耿
鐵石對影稱神交
綠珠早自碎雪山凝不消

墨琴堂

古墨常守黑古琴久無絃
彈之不成曲寫之不終篇
虛堂寄千古憑弔涕漣漣

漱玉亭

孤亭俯流水河流通外沙
曲折繞深澗泉聲鳴幽遐
汙泥不待漱白璧本無瑕

清校閣

池臺花石聞玲瓏
高閣閣昔何所儲
經史萬卷軸
閣今何所儲
忠義兩浙錄

竹煙波月之閒

高節表修修
清流引脈脈
此閒一俯仰
今古寓日夕
煙消竹逾青
月闕波益白

枕湖吟榭

太湖不嫌少
矮榭枕碧漪
臨流悟色相
面皺將何爲
非誦薤露歌
便吟楚騷辭

遊昭忠祠

夏曾傳

王室忠貞新俎豆
侯家歌舞舊樓臺
椿庭曾說童年

事閱到滄桑又幾回

先祖母孫太恭人於小農河帥為表兄妹行先嚴幼時常遊此

昭忠祠

洪錫承

喬木鬱蒼蒼叢祠弔國殤游魚曾泣釜故燕尚棲梁
劫換乾坤小名垂俎豆香靈旗風雨入長傍繆和張
一勺太湖水光風生白蘋遺民虔設祭釣客罷垂綸
猿鶴前塵邈鶴鷗古樹春湖山增浩氣莫漫悵黃巾

謁昭忠祠

劉焜

忠魂十萬此蒸嘗一片叢祠落照涼水火刀兵誰應
劫日星河嶽共爭光故侯庭院空蕭瑟
祠舊為前明金中丞別業
上將旌旗已渺茫留取英名與千載不徒忠義說睢

陽

彈指滄桑淚一揮人民城郭是耶非黃沙欲散生何

戀碧血為燐死尚飛石上金雞隨劫度

省垣再陷於咸豐辛酉

溝頭銀馬擁魂歸料知餘憾消難盡化作嘯鳥叫夕

暉

更無貴賤與尊卑以死勤王則祀之慘慘衣冠共塗

炭堂堂巾幗亦鬚眉

兼祀殉節婦女

孤忠豈料馨香報正氣

同將劫運維今日湖山重錦繡相應含笑受明粢

南渡銷沉事可論不聞遺迹表忠存官民一例皆臣

節俎豆千秋自

國恩風馬雲車來黯黯。桂旗楓燹去昏昏。遼陽烽火
今何似。振觸時艱。弔烈魂。

附錄

浙省昭忠祠之建。彙祀殉難官紳軍民婦女。固
足以彰正氣而慰幽魂矣。其死事尤烈者。仰荷
寵命。予建專祠。官若羅壯節。王貞介。王壯愍。瑞
忠壯紳。若戴文節。馮文介。俞文節。則均於廟子
巷。與忠巷。吳山滿營中正巷。各啟祠宇。崇奉馨
香。而張文貞。繆武烈。仁和令李吳二侯。張文節
則又就總祠西偏。各專一祠。其經營先後輪奐。

崇卑雖各不同而祠之體制與春秋祀典要無
不同張文貞祠則有學使丹徒丁公紹周題額
曰節永湖山又聯曰小劫慙紅羊後十三年視
學來游看兒婦銜哀薦茲一盞丹漿拜公祠宇
貞心照青史閱二百載易名相襲歎祖孫濟美
留取千秋碧血壯我江鄉繆武烈公祠則有吳
江蒯公賀蓀題額曰舍生取義吳李二公祠則
有錢塘朱公智題額曰浩氣英風仁和吳公恒
題聯曰民好亦好民惡亦惡鄂之北豫之南先
後聯芳德澤同思賢令尹城存與存城亡與亡

義以成仁以取春秋合享馨香媲美古忠臣張
文節祠則有署撫憲長白德公馨題額曰丹心
拱北并聯曰文章壽世詩草成函由翰苑而直
書齋圭臬式天潢十載盛名傳冀北義烈盈門
忠貞報國慨全家盡投劫火湖山留正氣千秋
勁節繼睢陽余既仿志餘之例附錄各祠於總
祠後因識其緣起而資後之考鏡云

張文貞公祠

張文貞公祠在清泰門內昭忠祠右同治十年奉
旨建祀前學政諡文貞張錫庚字星白江蘇丹徒縣

人咸豐九年以刑部右侍郎蒞浙視學夙號愛才士
林宗仰時浙東西郡縣相繼淪陷十一年九月杭城
被圍助守六十餘日城破死難其長子直隸候補知
縣恩然妾王氏媳戴氏孫女大姑同時隨殉均附祀

光緒杭
州府志

張錫庚字星白江蘇丹徒人大學士玉書曾孫也道
光丙申進士以二甲第一入翰林擢至左副都御史
博通經史尤工駢文咸豐元年上疏請開博學鴻詞
科以求方聞績學之士報聞八年視學浙江旋授刑
部左侍郎錫庚嘗曰吾所取士欲其爲儒林傳中人

不欲爲科第表中人吾豈不爲公門桃李計邪特不
忍文章經術之才自吾失之也十一年夏金華不守
甯紹繼陷杭州岌岌危甚時代者爲國子監祭酒吳
保泰未至或勸錫庚歸印於巡撫而移疾去錫庚不
可賊圍城大吏分門守禦錫庚亦日夜出巡城衣不
解帶城中糧匱無所得米煮豆以食繼之以土食土
一日腹大泄不能出戶候補道某知其困也饋米一
石米未罄而城陷或勸曰公盍微服出城聞道達上
海入都自陳卽獲咎非守土責無重譴錫庚曰吾大
臣也不可以辱國且吾年逾六十官階二品尙何求

乎遂自縊於聽事賊入署歎曰忠臣也棺斂而出之
城外杭人某竊錫庚及巡撫王有齡總兵文瑞匱至
上海江蘇巡撫薛煥爲易棺成禮時逾二月面如生
杭城之初陷也錫庚長子候選知縣恩然殉難家人
死者數人錫庚旣喪子居恆鬱鬱不自得及奉命
勘王有齡與在籍副都御史王履謙互糾狀因語其
門人曰時事如此大臣競修私怨置國事於不問吾
恐死亡無日也獄未竟而賊至錫庚死年六十一

江浙

忠義錄

繆武烈公祠

繆武烈公祠在清泰門內昭忠祠西祀前署鹽運使
金衢嚴道諡武烈繆梓字南汀江蘇溧陽人道光八
年舉人十五年以大挑知縣分浙歷任仙居石門奉
化等縣卓著循聲洊升府道咸豐二年漕河梗阻創
議海運八年粵賊大舉犯浙力解衢圍十年春杭州
被圍城陷時首擐賊鋒督軍血戰死事尤烈同治八
年巡撫李瀚章奏建十一年祠成附祀者守備孫遇
龍五品軍功丁春漢

光緒杭
州府志

繆梓江蘇溧陽人道光戊子舉人大挑以知縣分浙
咸豐二年署杭州府同知時豐江決口浙漕阻運梓

力主海運之議陳審海道籌船載定經費諸法請於
巡撫黃宗漢遂以運事委之適粵匪劉麗川陷上海
南滙諸縣浙西戒嚴宗漢檄梓赴上海助剿兼通運
道賊負嵎拒守梓察城西有四明公所牆垣高峻令
軍士築礮臺於中穴牆燃巨炮擊之斃賊甚夥賊出
城拒戰復擊敗之海運向由上海出洋至是浙運阻
隔梓訪得劉河口爲海運故道請疏治以濟四年春
海運葺事得 旨以知府留浙七月補甯波知府調
署杭州知府五年正月海運再竣以道員補用三月
官軍復上海江蘇巡撫吉爾杭阿以梓督兵助剿疊

著戰功奏 賞花翎尋署杭嘉湖道兼署鹽運使六年署按察使時粵逆石達開自江西撫建窺浙何桂清以梓諳練兵事奏駐常山防剿七年補金衢嚴道八年賊大舉犯浙號數十萬越廣豐陷江山犯衢州府城梓督軍自常山回救燬賊卡二賊營一斃賊千餘人急入城治守具凡賊圍郡城九十餘日大小數十戰掘地道者五卒不得進賊遁敘衢州解圍功賞按察使銜十年二月賊由廣德陷浙之安吉孝豐閒道竄杭州直逼城下我軍倉卒守禦兵旣少外援復久不至值大雨浹旬火器不得發再戰不利梓督

軍清波門連日露宿城上當賊衝偵知賊掘地道急令治內濠雨甚不得就越日雨稍止方傳令集軍地雷猝發城崩十餘丈賊蟻附而上各軍皆潰退梓陷陣殺賊身被數十創尙屹立罵賊不止右足爲賊折始仆同治八年浙江巡撫李瀚章疏請照按察使陣亡例議卹並建專祠從之 贈太常寺卿銜入祀昭忠祠並於死事地方暨本籍建立專祠予諡武烈

史本傳

李吳二公祠

李吳二公祠在清泰門內昭忠祠側合祀咸豐十年

殉難仁和縣知縣李福謙字地山湖北監利縣人城破泣禱於吳山城隍神願民少殺戮賊速隕滅自縊於廟尙書彭玉麟立石表焉十一年殉難仁和縣知縣吳保豐字桐生河南祥符縣舉人祖籍江蘇陽湖縣二公死事慘烈遺愛在民光緒二年紳士呈請巡撫楊昌濬奏建李公從子候補知縣元熙辛酉死難亦附祀焉

光緒杭
州府志

李福謙湖北人居鄉以孝行著官浙海升知縣以同知補用署金華縣賊陷江山自衢州犯金華福謙悉心戰守衣不解帶者數十日賊偵金華備禦嚴屯一

舍外不敢進敘功以知府升用咸豐八年補仁和縣
益勤於政每遇疑獄輒移城隍神廟同質民不敢欺
賊圍杭州嘗長跪大吏前請戰不許登陴守禦甚力
知事不可爲出玉玦一授子鴻壽曰城亡與亡父子
之緣盡矣城陷福謙猶守雲居山隘賊大至郜卒擁
全城隍廟福謙麾眾搏戰眾潰遂自縊神座旁從子
元熙依福謙客遊浙江旋亦投效得官升至知縣加
同知銜咸豐十一年杭州再陷元熙守巡防局不出
避賊至以硯投之火罵不屈賊殺之先後得 旨賜

卹
浙江忠
義錄

吳保豐字通生江蘇陽湖人占籍河南道光甲辰舉人揀選知縣咸豐三年常州戒嚴保豐在原籍辦理團練捐輸越數年復司江南大營糧臺支應敘功加知州銜以本班分發浙江八年春賊石達開犯衢州旁擾永康浦江巡撫晏端書檄保豐赴金華防守月餘圍解而浦江餘孽未靖時時竊發保豐往治之悉解散九月署金華縣事民悍吏狡訟牒填委保豐剖決如流案無留牘眾咸服之十年十月保豐署仁和縣事時寇警屢告日隨大吏設法守禦以勞勩賞戴藍翎十一年九月賊復犯省城城中食盡飢兵聚

搜富人粟巡撫王有齡欲殲之眾洶洶將亂保豐取
首惡一人置之法餘釋不問眾藉以安及十一月二
十八日城陷保豐時方赴局會議中道聞變從者勸
出城避不許率隨從兵役巷戰猝遇賊兵役見賊少
奮力前進追至板兒巷羣賊麴至從者四散賊以長
矛刺保豐墜馬猶厲聲罵賊遂被戕性孝友丁父憂
哀毀骨立兄弟六人大半前死痛之甚當圍城時或
勸以有母在宜自愛慨然曰吾母幸未居此土有孫
侍奉吾奈何虧體辱親乎卒死之

優卹如例

浙江忠義錄

張文節公祠

張文節公祠在清泰門內昭忠祠西祀原任翰林院編修諡文節張洵字肖眉錢塘人咸豐十一年丁母憂在籍守城禦賊力竭捐軀同治八年郡人國子監司業孫詒經奏建附祀者爲元配施氏子敘典女喜姑先殉庚申之難及辛酉杭城再陷繼配勞氏子惇典從典念典守典兄濂之妻李氏姪獻典姪女九姑合門同時盡節

光緒杭
州府志

張洵字肖眉錢塘人咸豐壬子進士官編修世居湖墅經明行修少有志節庚申春方值南書房聞杭

州城陷遽乞假徒步南歸妻子俱殉幸母無恙奉之
避塘棲母亦旋沒辛酉省垣再陷公賦絕命詞三章
投池死事聞 九重追悼 賜諡文節予建專祠異
數也有張文節遺集二卷

丁申丁丙杭
郡詩三輯

臯園舊主祠

臯園舊主祠在昭忠祠後祠本金衙莊舊址明巡撫
金學曾別業也西偏爲臯園故嚴侍郎沆所築有水
木之勝嘉道閒大學士諡文簡章煦河道總督嚴烺
相繼居此同治九年購建忠義總祠因並祠四公於
祠西別室以伸敬恭之意

光緒杭
州府志

金學曾字子魯號省吾仁和人隆慶戊辰進士初授
工曹旋擢楚學使時江陵奪情起視事言者且得罪
公致書政府中有不顧綱常廢斥正人之語詞指激
切江陵子人試公置不錄既而分守湖南道攝臬篆
歲方大饑公賑恤多方兼封大戶倉平價以糴民賴
以活者甚眾直指某希江陵意疏劾公鐫三級遂罷
歸結孤山吟社有終焉之志江陵歿起用撫八閩數
年以老乞休年七十九卒今東城土橋畔公別業在
焉里人尙目爲金衙莊也公嘗爲太夫人造望江樓
極高風帆沙鳥在闌檻間兼擅水木之勝窈窕明靚

遠隔市囂矣

厲鶚東城雜記

嚴沆字子餐號顥亭餘杭人順治乙未進士歷官戶部侍郎有皋園詩文集餘杭有三嚴先生者長調御次武順次敕明嘉靖乙未進士太常大紀之子也最有名三嚴各有才子曰渡曰津及侍郎亦曰三嚴而侍郎名尤著幼以孝聞善射命中無虛發既由常吉拜諫官順治丁酉典山東試以聖裔向無舉額四氏子每難中雋疏請科舉二人遂著爲令是年江南科試舞弊各省舉人皆覆試惟山東奉旨不必覆試康熙己未

詔舉鴻博朱彝尊方象瑛魏禧皆侍郎所薦舉也太
 常始居杭州今俗呼嚴衙衙者舊第在焉其後侍郎
 又割泥橋前金中丞學曾別業之半為臬園以志臬
 魚之痛有梧月樓綠雪軒小太湖芙蓉亭諸勝宋荔
 裳施愚山諸公皆有詩紀之若清校樓則藏書萬卷
 處也所著有北行日錄二卷奏疏十二卷府志入名

臣傳

吳振械杭
郡詩續輯

章煦字耀青號桐門錢塘人乾隆壬辰進士累官文
 淵閣大學士謚文簡公由中書入值

樞禁渥被

主知出膺列岳之尊入爲六官之長謙厚端謹世皆以鉅人長者稱日晚年以足疾乞休

予告歸里購嚴侍郎皋園居之花酣酒熟輒招一二故人流連談讌壬午之冬余自京師返杭觴於滄浪書屋語以當官治事之道竟日媿媿不倦迨自滇中歸則吾師已厭世矣彭宣漸老而後堂絲竹無復重

聞展視遺篇不勝悽黯

吳振棫杭郡詩續輯

嚴烺字小農仁和人官東河總督小農先德皆爲河工汎官因以主簿分發河東由河道洊督東南兩河歲慶安瀾

成廟倚重後

命偕趙侍郎監修浙江海塘尋與吳制軍光悅互糾
以三品卿致仕著有兩河奏議小農嘗購臯園葺而
新之地歸故姓人競稱羨旋爲章文簡公居第庚辛
兵後大吏卽其地

奏建兩浙官紳忠義總祠春秋致祭別構數楹祠章
嚴二公卽所稱五福廳也蘭菊馨香與臯園終古矣

丁申丁丙杭
郡詩三輯

赭寇肇亂粵西蔓延十六省蹂躪十五年吾浙被
兵之禍爲獨後而吾杭兩次被兵之禍爲尤烈同

治初左文襄自三衢提軍東下甲子全境肅清初
設採訪忠義局於甬東旋移省會所訪殉難諸人
以次請卹自甲子迄戊辰五月間凡達其名於
朝者已十餘萬人願姓氏既登諸簡冊而豆籩不
奉以馨香可乎崇義祠建於峨嵋山堂祇二座分
龕供奉總牌未克徧題姓氏於是李閣學品芳章
祭酒盞諸公請以金衙莊改建昭忠祠大吏韙之
再請於朝以崇義祠出自民捐祭期依兩次城
陷之日以志其悲忠義祠應歸官建祀典仍循春
秋羣祀之常以普其饗兩相美一相致也興工於

辛未秋令落成於壬申冬月堂廡整肅龕几輝煌
凡滿漢文武弁紳衿黎庶以及官眷民婦室女莫
不按官秩設位分郡縣製牌崇卑自殊左右不紊
一時歎浩劫雖重而 朝廷褒崇之典與桑梓敬
恭之思亦庶幾慰矣惟是祠基寬廣三十七畝堂
廡縱橫百數十間益以專祀之四祠舊主之一室
鱗次櫛比垣疊若嶂屋繁如星歲時旣久風雨所
侵丹雘失輝青苔及案祭者僅修其儀過者轉增
其歎里之紳耆函達閩浙制府湘鄉楊公乞以舊
儲之鹽規備總祠之修費制府慨然允之行贖鹽

使勻撥庫儲三千金發商生息月徵六釐歲可得
息銀二百十六兩責之善堂舉余筦理厥役距斯
祠之成已十六年矣守祠者章君仲香本升文簡
公之族孫也予因偕之刪除草蕪拂拭塵垢棟之
摧者梁之壞者壁之頽者溝之塞者庀材召匠易
之扶之培之通之兩易寒暑稍稍復舊而已耗四
年之常息矣章君曰建祠以來採訪局向於年終
彙 奏今又十五次未登姓氏於位也予其補之
且神龕牌位積十餘萬之眾十餘年來版刻不無
欹側郡縣不無舛誤子其整之又祠外有太湖蕩

周圍十三畝建祠後雖改爲放生池然地近城堞
煙波空闊屢有竊魚之患予其籌善策以防之余
不敢謝不敏也更僭丁子厚茂才致元具冊照各
龕牌位銜名姓氏分而錄之以補忠義錄表之不
足其旣 奏名而未刻牌位者言於夏仁山明經
樹勳請於採訪局憲宗湘文觀察檢發案牘核而
復錄之於冊始得將已祀之位整之未祀之位補
之而太湖蕩亦請採訪局憲暨杭州府立界石申
厲禁俾免網罟之慘九載於茲規模麤備而章君
忽於今夏謝世余俯仰蒼茫感喟交集適丁松生

先生有庚辛泣杭錄之編囑予草輯祠志俾彙刻
以垂久遠因敘其事於右庶與崇義祠志相輝映
云光緒乙未九月上浣厚栽范承堃識

庚辛泣杭錄卷三終

--	--	--	--	--	--	--	--	--	--	--

庚辛泣杭錄卷四

陸楨崇義祠志

綸音

同治五年四月十六日內閣奉


上諭馬新貽奏請將浙江崇義祠春秋祭期列入祀
典並懇建坊頒賜匾額一摺浙江杭州省城於咸
豐十年十一年間兩次失陷該文武官紳士庶婦
女人等或臨陣捐軀或抗賊殉節均能見危授命
取義成仁業經該省紳民建立崇義祠春秋致祭
著准其列入浙江祀典建坊祠前用垂久遠並著

南書房翰林書寫匾額頒給懸掛以彰忠節欽此

同治五年四月二十六日由驛遞到奉

頒湖山正氣四字匾額

崇義祠圖




耳在立九象家四

三



崇義祠畝分圖



月
日
木
金
名
目

圖說

右崇義祀基在吳山之陰隸錢塘縣豐馨坊下二圖
往字號地名管米山廣袤弓口載圖之四至其地先
後由徐沈二姓價賣計一畝七分三毫二絲五忽祠
南向大門三楹前爲聽事後爲饗堂其祀於堂者總
題曰浙省殉難滿漢文武職官之位其分龕供奉者
左爲杭州紳耆之位駐防弁勇之位四民之位右爲
寓賢之位兵丁練勇之位方外之位西偏爲正氣堂
以祀官眷紳眷駐防婦女四民婦女以及僑寓婦女
之殉浙難者籍貫姓氏詳載忠義錄別闢一室祀洪

氏戴氏宗支俾繇延引於勿替春冬祭祀則以杭城
兩次被難之期舉行祭之日晝則延戒僧禮懺夜則
設放瑜伽焰口其冥資鏹帛酒果蔬食別具成規後
之人其敬事無怠

建置

光緒杭州府志

崇義祠在管米山峨嵋庵左咸豐十年二月粵賊陷
杭城官民死者甚眾克復後里人陸檀捨宅爲祠基
丁申斥貲營建十一年十一月杭城再陷死者益眾
同治三年克復祠毀過半申與弟丙捐貲重建祀庚

辛酉年殉難官紳士庶婦女四年落成五年三月巡撫馬新貽請於

朝列入浙江祀典

恩准建坊

賜額曰湖山正氣瑞安孫太僕衣言爲之記

崇義祠碑

同治三年新貽拜撫浙之

命秉節於兵戈之後下車之日進子遺之民人弔死扶傷惻焉於懷及稽故牘詢黎獻則庚申辛酉開浙水東西殉變之文武犯難之士女烈烈乎項背相望

蓋毅然可以興矣惟夫行省十有八浙江介嶺海號柔而有文安全之時封域宴然若大小吏雍容爲緣飾之治邦之人水陸奔走百貨來集以華相尙絃誦於里塾者工藻斧之言冠裳翕翕訪文字者以爲藪澤其東南隅樸野而堅質蓋十不得以三數無幾何時外寇瞰其饒裕狎其弱也兵興十年無完土凡事有常有變史言不困阨惡能激乎水火之側不能不奮此十年中戰守之功蓋大有所披洩矣鋒刃接於眉睫忠憤填於胸臆民間扶義而起者亦郡縣相接自夫疆臣以下鄉大夫士抗志不辱流風被婦孺所

謂義形於色者也文柔者日與禮教近是故處常不能以愠大而遇變不至於鴟義不卽於渙靡有由然耳愚以爲痛定之可思前轍之可師必有以風示之旣登吳山望江流之激盪越山之磊砢若與國殤相揖讓而杭之士族有舍其宅建崇義祠以祀殉變犯難之官吏紳民此與舍爲浮屠老子之宮者何如邪國之賢者於是繕完拓大之來告於吏新貽拜疏寵錫宸翰文曰湖山正氣迎奉入祠之日風雲壯麗川原開朗逡巡恍忽如見羅壯節王壯愍瑞忠壯戴文節趙忠節諸先臣率從祀士吏氓庶森列几筵欽

謝

恩澤新貽瞻拜成禮乃推明

朝廷教忠之典而爲之銘曰

昆岡之火則莫敢遏懷襄之流無所不沒志決於安
行成於危橫草猶勁歲寒無時慷慨從容有死無二
亦有淪胥同盡一致江海之縱縱也惟于越之爲大
邦也以一瞑而勤事勒石室之功宗願告兮來者覲
文兮匿武兵燹兮永息馨香祀兮終古

同治五年十月十二日浙江巡撫馬新貽撰并書

崇義祠碑記

崇義祠在杭州布政司前之峨嵋山潛氏臨安志所謂秘書省對山是也祠有亭曰葵向蓋襲宋糧料院之舊名臨安志云淺山在漾沙坑今楊郡王府前對山有大佛寺七官宅新糧料院而成化杭州府志謂淺山在峨嵋山前側有漾沙坑則今時與宋糧料院未必在一山而地實相近故峨嵋山又稱官米山官米者諸司糧料之義也初咸豐庚申年春粵賊破杭州官民死者甚眾後一月城復里人陸檀舍已地爲祠基而丁君申出資成之以祀諸與難者明年十一月城再陷死者益眾賊據杭州二年及克復則祠毀

過半丁君又與其弟丙修而復之凡先後糜錢五千緡祠爲屋三楹南爲大門門內爲東西序又內爲聽事以奉

天子詔書聽事之後爲饗堂堂之右則峨嵋山也山之前爲正氣堂婦女殉難者位焉堂之上有樓曰夕照所謂峨嵋夕照吳山八景之一也樓面湖而背山山之後爲峨嵋山館其傍爲亭所謂糧料院舊名葵向者憩息之所也祠旣成浙江巡撫荷澤馬公新貽爲之請於

朝列之祀典復得

旨賜額曰湖山正氣而樹坊於祠前以表之蓋

朝廷之軫念義烈其意可謂至矣嗚呼先王之世其治民也必先之以農桑申之以學校自鄉遂以至比閭族黨爲之慎擇正長師大夫以興其賢良董其不率教者凡禮樂兵刑之制皆先事而爲之慮而於卹死事者禮蓋略焉後世政教旣廢而尤不慎於擇吏無事之時吏常恣睢於上未嘗稍爲民計也及亂之旣作民先受其禍而官亦不得免焉於是贈卹之典彌修以爲我以爲民勸也而不知民之死者固不可以復生矣此豈先王之意也哉予聞粵之初亂不過

十餘莠民州縣官不能折其萌枿而疆吏務爲姑息
無事遂捩禍於天下吾浙被寇最後然寇之未至吾
浙之吏無異於粵西也大抵務虐善良以自逞而獨
不敢治亂民及賊之旣至官固不能不以身殉之民
則何辜焉庚申之變杭城以二月陷而吾溫先有土
匪之亂粵賊之道衢婺以陷台枯者亦以二月擾溫
州其致亂之由吾所目覩也賊之再棄杭州也由徽
歙直趨江右踰嶺陷閩廣諸郡歷年餘力竭而後就
撫幸事旣定相率以義歸之民爲之祠以祀之而賊
之所過數千里之地深山窮谷橫尸徧野孰從而察

之哉故予於旌卹之典未嘗不感

朝廷之仁而於民深有痛也斯祠之建成於同治甲子其得位於祠者曰將軍瑞昌學政張錫庚巡撫羅遵殿王有齡廣西提督張玉良及滿漢文武若干人而杭人之與難者曰侍郎戴熙編修張洵刑部郎中邵懿辰及同城男女若干人其祭之期春二月二十七日而秋以十一月二十八日城陷月日也祭之費則資官者若干益以舉人戴惇禧之遺田若干惇禧殉難杭民之一也陸君與丁君兄弟皆杭人不惜己財以爲之祠而馬公又爲請於

朝得臚於秩宗以爲不刊之舉皆盛事也而以書屬予安慶求爲之記久而未遑暇也今馬公之沒又數年矣而丁君之意彌勤又烏可以無辭而予特謂凡爲民上者必詳以求其治之方而嚴以杜其亂之始使吾民得以自安於耕鑿之常而無享此馨香之奉此先王之所謂仁政也丁君兄弟其好義誠不可及而官於杭者慎毋曰我固已祠之矣遂可告無罪於死者也

光緒丙子十二月二十七日瑞安孫衣言撰平湖徐惟琨書

崇義祠記

祠在吳山之陰管米山地極幽秀爲趙宋時糧料院故址此官米之名所由昉也祠剏於咸豐庚申杭城初次被擾收復之後陸君點青憫外家洪氏闔門殉難之慘舍地爲祠基竹舟松生兩姪斥貲贊成之而以洪氏宗支附祀焉明年辛酉城再陷祠燬於燹同治甲子湘陰左公督師來浙克復省垣陸君又偕兩姪修復之而擴充之祠南對錢江門內甬道旁迴以廊中爲聽事凡三楹上奉

天子詔書再進爲饗堂左右爲東西序總題神牌分

龕供奉位次秩如恭懸

御賜湖山正氣額於其上而一時之官斯土者莫不
譔聯額以闡幽微如制軍兼中丞左恪靖伯題曰取
義成仁聯曰爲忠臣以戰死爲孝子以痛死爲義士
以餓死爲節婦以烈死天意竟何知六合茫茫遺恨
在傳俎豆道如生傳史冊行如生傳衣冠貌如生傳
姓氏氣如生人心終不改千秋懍懍大綱存升粵撫
方伯蔣公益灃聯曰效命畢巖疆矢志靡他何辭赴
火蹈湯冠劍儼規剛毅節含生均氣類秉彝攸好祇
此疾風勁草間閭猶話姓名香右爲峨嵋山有宋思

陵御書道德經石幢移自大洞經閣者山之前有正
氣堂額爲學使吳公存義所題其聯曰浩劫共捐軀
歎碧血沈寃海石空填精衛鳥崇祠常報祀留青天
正氣山風不動女貞枝乃廉訪王公凱泰所撰也上
有樓曰夕照背山面湖憑闌一眺兩峯山翠卅里湖
光如在几席每當夕陽西下餘照增輝益令登斯樓
者不勝晚節彌貞之感華亭許大令威爲之跋旁有
葵向亭承糧料院之舊名爲典祭者憩息之地無錫
秦觀察緡業記之今壁閒石刻是也亭之外有池曰
止水其他處若金粟堆若梅坡若方竹坪僕指得八

景而以峨嵋山館爲最勝秀水高伯平先生昔旅於此曾篆斯額且爲之跋曰崑山之支峰有峨嵋名沿乾道室築今時義以植世仰止於斯而邑人吳司馬恆集一聯曰仁智盤桓忠義所在禮義有序貞廉之師楊明經文杰又撰一聯曰景行不盡高山仰立德常依太上言其間別啟一室以奉洪氏戴氏之祀戴亦全家殉辛酉之難者當庚辛閒戴介帆孝廉偕弟桐卿文學與伯平先生同纂崇義錄於祠中稿未竟而杭城再陷戴氏昆仲眷屬悉與於難其尊人卿三先生痛舉家之罹浩劫遺言以田屋盡納之爲祠產

至今祭掃取給於斯祠再成撫部馬公得請於
朝列入祀典春以二月二十七日秋展至十一月二
十八日皆城陷日也祭之日冠蓋濟濟然俎豆莘莘
然堂上陳設羊豕蔬果一如典禮禮成而退於是乃
奉麥飯具豚蹠鄉父老率諸子弟旅進而行饗祀又
莫不奔走偕來趨踰恐後禴祭受福維其時矣陸君
以予居與祠近歲襄祠事且屬曰斯祠之興廢顛末
與產之所由來惟予爲最悉不可以無辭予惟
朝廷旌卹之典大吏表揚之作與夫採輯忠義節烈
之錄已足與斯祠並傳不朽了何贅焉特陸君與兩

姪好義之勤有非人所能者四不揣譎陋而爲之記
同治十年二月二十七日采呈丁恭年撰

公牘

咸豐辛酉捐建祠宇採訪式略呈請立案呈批
具呈浙江省城紳士周愛棠鍾世耀魏謙升姚
近寶張洵夏同善邵懿辰汪士驤鄭煜戴惇禧
丁葆和黃世善楊文肅陸檀丁申高望曾等

爲捐建祠宇擬具訪式謹請立案闡幽垂久事
竊惟粵逆跳梁浙人服官作客於被兵外省者
猝遇兇殘因而死難孝家附祠於紫陽書院顏

日昭忠彙祠旋經憲衢州擾處屬良民殉難悉
數難終軍務徃愆有待查訪乃上年二月賊自
廣德犯湖州從武康撲省會十九日被圍二十
七日陷湖墅江干先遭蹂躪官衙民舍率被摧
燒雖滿營堅守得以完全援師忽來遽稱克復
計半月之中約一城之眾官自巡撫羅公以下
紳自侍郎戴公以次暨兵民婦女要皆見危授
命臨難捐軀耿耿丹心離離碧血數逾億萬誠
可慘傷猶幸

聖澤如春已在褒表而卹義所痛游魂爲變不免飲

恨而含悲棠等鋒鏑餘生豆籩思敬擬備具簡

冊訪其姓名彙紀文辭詳其行誼並以檀舊有

管米山屋一所自可充作祠基申加助營修便

得分題龕位榜其額口崇義竭其心以通誠事

草創而麤具規模意樹聲而勿令泯沒從此俎

豆常新英靈足壯湖山之色尤冀干戈永息兵

氣銷為日月之光謹將採訪式略祠堂圖說呈

祈

俯賜察核批布政使司善後總局一體立案通

行實為公便除呈

將軍外謹呈

右 呈

浙江巡撫部院王

咸豐十一年四月初一日

四月初八日奉

批 所呈捐建管米山崇義祠合祀殉難紳民
及貞烈婦女以表幽微而昭激勸洵屬可嘉
察閱所擬採訪式略亦均周妥候飭布政司
並善後總局一體遵照立案通行仍候

將軍
學院 批示繳摺存

同治甲子修復祠宇呈批

候選主事丁申候選同知陸檀呈

爲修葺崇義祠祀兩次殉難官紳以復表揚舊
規請立案通飭事竊咸豐十一年夏間紳士周
愛棠等會職捐建管米山祠擬修祀事以慰義
烈等因呈蒙

前撫憲王批准並行司局在案奉經具冊採訪
並請前善後總局鈔發殉難官紳士女職名姓
氏正待題位入祠詎九月下旬賊又上由富陽
下自石門圍擾省會糧空援絕萬不得已亟將

所訪忠義八千餘名冊籍藏於杭府學殿壁希
冀保全其時嘉金騏先已不守甯紹台勢亦可
危岌岌孤城復於十一月二十八日失陷滿營
亦隨之而破將軍及都統佐領巡撫暨司道府
縣下至紳士軍民婦女靡不城亡與亡死忠死
節較前旣眾其慘尤烈紀綱悉皆墜地解救無
可呼天三載以來劫運斯盡

大軍所盪浙水重清

職

等返故居以傍徨尋壁

冊而灰燼前之具呈百老成已殉向之待祀者
遺緒空悲城郭是人民非同千秋以感慨英風

月三
留浩氣結終六合以彌綸追想鴻規益深鶴弔
竭綿力而載營土木頌蘋芬而永薦馨香爲此
台詞呈請伏祈

宮保爵憲俯念祠祀禮隆表揚典重准予修復
俾伸敬恭行文布政使司暨忠義總局遵照立
案通飭施行實爲德便謹呈

右

呈

閩浙總督兼署撫部院左

同治三年五月十六日

五月二十三日奉

批 所呈修葺崇義祠以復表揚舊規洵稱急
公慕義可嘉之至候飭布政使遵照立案並
移忠義局查照可也摺存

同治丙寅祠宇落成呈請詳 奏呈批

候選主事丁申候選同知陸檀呈爲遵奉

憲諭修葺崇義祠落成稟請核詳請

奏列入浙省祀典並乞

恩准建坊

賜匾以妥忠魂事竊杭州省城於咸豐十年二月失
守殉難官紳士女人數實繁三月收復經紳士

周愛棠等以管米山地方峨嵋山房一所捐建崇義祠具稟蒙前撫憲王壯愨公前將軍憲瑞公前學憲張文貞公批准並飭前善後局憲給示粘貼紳等所呈刻市祠約仿式採辦忠義通行在案旋於十一年十一月杭城再陷踞城日久死事官紳尤眾各大小帥水陸諸軍百戰克復肅清全省紳等幸還舊里痛念亡靈前建之祠已遭蹂躪隨於同治三年五月具稟

宮保爵督前兼署撫憲左請設法援案修復由奉批所稟修葺崇義祠宇以復表揚舊規洵稱

急公好義可嘉之至候飭布政司遵照立案並
移忠義局查照摺存等因復荷前杭州府陳總
辦采訪局楊示諏吉興修紳等虎口餘生幸還
故土龐眉耆老盡弔國殤慷慨以殉封疆登陴
百日勇往而櫻鋒鏑益戟三軍止水朝冠爭抗
大臣之節文山衣帶成傳絕命之詞於四年十
月土木髹漆訖工祀庫申殉難撫憲羅公以下
在籍紳士贈尙書銜戴文節公在楚殉難馮文
介公以下辛酉殉難將軍瑞公撫憲王壯愍公
學憲張文貞公統領廣西提督張公以下滿漢

文武在籍紳士以及士民婦女人等敬謹設總
題栗主左右饗堂分龕供奉俎豆聿新冠裳如
見循行棖桷死綏之壯氣常存躑躅几筵慕義
之人心彌摯伏惟

憲臺恢復湖山表揚忠義兩載以來設立探訪
局彙請

旌卹凡屬含靈莫名感德伏稽兩次殉難封疆大員
迭奉

恩綸賜建專祠春秋脍蠶照耀山川在
紳等懷崇報
之心有加無已而死事繫綱常之重雖賤必登

謹擬以每年二月二十七日春祭秋祭展期十一月二十八日應兩次杭州官紳殉難之辰伏求

憲臺俯順下情轉詳

督憲撫憲學憲准予

奏請於祠前建坊並請

賜賞匾額恭懸祠宇將崇義祠春秋二祭列入浙省
祀典庶幾

國朝昭忠之典永著儀型官紳仗節之忱聿光桑梓
養士之報義烈徧於鄉閭祀典所垂姓氏壽於

月三
金
二

史乘厲氣不作時慶豐年烽火永銷人依樂土
紳等
不勝頂德待命之至謹呈

右
呈

浙江布政使司蔣

同治五年二月初二日

二月初七日奉

批 該紳等捐修管木山崇義祠祀兩次殉難

大小文武紳民以及貞烈婦女具見敬忠慕

義可嘉之至所擬春秋祭期均可如稟辦理

仰杭州府飭候詳

奏列入祀典建坊給匾可也

詳請會 奏崇義祠祭期列入祀典並建坊給匾行知照會

廣東巡撫浙江布政使司世襲騎都尉蔣 爲照會事照得

貴紳等請將崇義祠列入浙省祀典並請恩准建坊給匾一案業經由司具詳請

奏除俟奉批另行行知照外合行照會爲此照會

貴紳請煩查照施行須至照會者

計粘鈔詳

右 照 會

候選主事丁紳等

同治五年三月十四日

爲詳請事據候選主事丁申候選同知陸檀等
呈稱竊杭州省城於咸豐十年二月失守殉難
官紳士女人數實繁三月收復後經紳士周愛
棠等以管米山地方峨嵋山房一所捐建崇義
祠稟奉

前撫憲王 批准在案十一年十一月杭城再
陷死難尤眾嗣蒙剿復全省紳士幸還舊里痛

念前建之祠已遭蹂躪於同治三年五月稟奉
前兼署撫憲左 批所稟修葺崇義祠以復表
揚舊規洵稱急公慕義可嘉之至候飭布政司
遵照立案並移忠義局查照等因當遵卽興修
於四年十二月工竣奉祀庚申殉難

前撫憲羅公以下在籍紳士 戴文節公并在
楚殉難 馮文介公暨辛酉殉難

前將軍瑞公

前撫憲王壯愍公

前學憲張文貞公

前廣西提督張以及滿漢文武暨在籍紳士婦女各設總題栗主左右饗堂分龕供奉擬以每年二月二十七日春祭其秋祭展期十一月二十八日以應兩次杭州紳民殉難之辰稟乞轉

詳

奏請將崇義祠春秋祭期列入浙省祀典並乞

恩施建坊祠前

賜給匾額俾教忠之典永著儀型仗節之忱聿光桑梓等情到司據此本司查該紳等捐修崇義祠奉祀兩次殉難大小文武紳民以及貞烈婦女

洵屬敬忠慕義既據稟請詳

奏前來應請准如所稟

奏請將所擬崇義祠祭期列入浙省祀典並請
恩准建坊給匾以表忠烈除詳

學憲外此備由呈乞

照詳施行

錄批行知照會

浙江等處承宣布政使司布政使楊

爲

照會事同治五年三月二十一日奉

撫憲馬 批前司詳請

奏懇將崇義祠列入浙省祀典並請

恩准建坊給匾緣由奉批仰候會同

督部堂學部院具

奏另札行知仍補詳

學部院查照並候

督部堂批示 又五月二十七日奉

督憲左 批仰候

撫部院察核具

奏繳又四月二十一日奉

學政吳 批現准

撫部院移咨業經會

奏在案仍候

督部堂批示繳等因奉此查此案業經前司鈔

詳照會在案茲奉前因理合照會

貴紳請煩查照施行須至照會者

右 照 會

候選主事丁紳等

同治五年五月二十八日

鈔摺行知照會

浙江布政使司楊

爲

照會事同治五年三月二十四奉

撫憲馬 札開照得杭城吳山之崇義祠請列
入祀典并懇

恩建坊給匾緣由經本部院於同治五年三月十九
日會同

爵督部堂 學部院恭摺具

奏鈔摺札司即便轉行知照飭令該紳等按照請
卹原案將官紳士庶婦女趕緊設立木主書名
姓氏安奉祠內一面由司通飭各屬查明如有
應入忠義節孝祠一體設立致祭者即趕緊建

復辦理計粘鈔摺等因奉此合行照會爲此照會

貴紳請煩查照施行須至照會者

計粘鈔摺

右 照 會

候選主事丁紳等

同治五年四月十五日

兵部右侍郎右副都御史浙江巡撫臣馬新貽
跪

奏爲紳民捐建崇義祠擬定春秋祭期顛懇

天恩列入浙省祀典并建坊給匾以彰忠節恭摺具
奏仰祈

聖鑒事竊照浙江杭州省城於咸豐十年二月不守
殉難官紳士民人數實繁三月收復經紳士捐
建崇義祠稟經原任巡撫王有齡批准迨十一
年十一月省城復失死難尤眾克復後又經紳
士稟經兼署撫臣左臣批准葺復現已工竣祠
中安設庚申年杭城殉難之前任巡撫羅遵殿
以下及在籍紳士戴熙并在湖北殉難之馮培
元暨辛酉年杭城殉難之前任將軍瑞昌前任

巡撫王有齡前任學政張錫庚前任廣西提督
張玉良以及滿漢文武暨在籍紳士人等總題
神牌左右饗堂分龕供奉擬以每年二月二十
七日春祭其秋祭展期十一月二十八日以應
兩次杭州官紳士庶殉難之辰用昭誠敬據該
紳士等由藩司蔣益澧具詳

奏請將崇義祠春秋祭期列入浙省祀典並請建
坊給匾以表忠烈等情前來臣查浙江省城兩
次淪陷該文武官紳士庶婦女人等或臨陣以
捐軀或抗賊而殉節見危授命取義成仁允宜

祠祀千秋馨香勿替相應仰懇

天恩將所擬崇義祠祭期列入浙省祀典並請

恩准建坊祠前

頒賜匾額以彰忠節而維風教除咨明部科外臣謹

會同閩浙總督臣左學政臣吳恭摺具

奏伏乞

皇太后

皇上聖鑒訓示謹

奏

轉發匾音照會

浙江布政使司楊

爲

照會轉發事同治五年五月十六日奉

撫憲馬 札開照得吳山崇義祠請列入祀典
并懇

恩建坊給匾緣由經本部院於本年三月十九日會

同

爵督部堂 學部院 恭摺具

奏當經鈔摺咨行在案今於本年五月十三日差

弁賚回原摺後開

軍機大臣奉

旨另有旨欽此同日奉到同治五年四月十六日內閣奉

上諭馬新貽奏請將浙江崇義祠春秋祭期列入祀典並懇建坊頒賜匾額一摺浙江杭州省城於咸豐十年十一年間兩次失陷該文武官紳士庶婦女人等或臨陣捐軀或抗賊殉節均能見危授命取義成仁業經該省紳民建立崇義祠春秋致祭著准其列入浙江祀典建坊祠前用垂久遠並著南書房翰林書寫匾額頒給懸挂以彰忠節欽此查奉

頒湖山正氣四字匾音先於本年四月二十六日由
驛遞到欽奉前因合行恭錄頒發札司即便轉
行欽遵並將匾音一道轉頒該紳士謹敬祇領
摹鐫恭懸計發匾音一道等因奉此查此案前
奉
撫憲鈔摺行司當經分別照會在案欽奉前因
除照會外合行恭錄頒發爲此照會
貴紳請將匾音謹敬祇領摹鐫恭懸欽遵毋違
幸卽施行須至照會者

計發匾音一道

右 照 會

候選主事丁紳等

同治五年六月初三日

嚴禁告示

兵部侍郎右副都御史浙江巡撫馬 爲

出示嚴禁事照得管米山崇義祠係奉祀浙省
殉難官紳士庶之所欽奉

恩旨列入浙省祀典春秋遣官致祭理宜誠肅以妥
忠魂惟該祠地近吳山人煙稠密恐有無知愚
民認作遊玩處所任意躑躅攀折花木並有不

法之徒借寓養疴寄匱開弔以及祝壽宴客聚集多人寄堆物件并借端滋事等情殊失崇奉忠義之意合亟出示嚴禁爲此仰諸色人等知悉須知各伸景仰以表潔誠倘敢故蹈前轍許該祠司事扭送地方官從重究辦不貸其各凜遵毋違特示

同治五年七月初五日給

呈請通飭浙省被兵日期永禁屠宰文

按察使銜廣東候補道沈映鈐江西鹽法道吳兆麟江蘇按察使應寶時江蘇記名道江清驥

兵部職方司員外郎金日修候選主事丁申等
呈請通飭浙省郡縣遭兵日期永禁屠宰以資
修省事竊維鈞而不綱弋不射宿載於魯論東
鄰殺牛不如禴祭垂于周易聞聲不忍聖賢誠
同近見

善後總局曉示凡牛犬龜鼈之屬禁止殘殺又
見

撫憲刻札通飭活剝小羊異常慘酷一律禁止
等因仰惟

胞與爲懷博施仁政實深感頌惟思刀兵浩劫

每因殺生太甚上干天和天道好還特將萬物
所受之苦而轉施於人理或然歟因念粵逆之
亂先後十餘年蔓延十六省當其毒燄橫空殺
聲動地流離凍餓痛哭哀號或溺或焚骸鯀就
死例以物命之就湯釜無以異也撫今思昔良
用惻然爰推樂生惡死之情切念居安思危之
計查杭城被兵一爲咸豐十年二月二十七日
一爲十一年十一月二十八日其餘外府州縣
城破之期各有可按擬請

准飭仁錢兩縣傳諭屠門漁戶就此兩日禁止

屠宰曉示通衢俾眾儆戒勒石垂久免視具文
其餘外府州縣各照被兵日期一律永禁通報
立案視此行之不費爲之不難以示安不忘危
之意以收弭災消患之功爲此公同祈請伏乞
俯察施行實爲德便上呈

右 呈

浙江軍需總局

光緒五年正月初三日

省城兩次被兵日期禁止屠宰告示

杭州府

仁和縣正堂

周爲

勒石永禁事本年二月二十九日奉

府憲龔 札開本年二月二十六日奉

藩憲任 札開准

軍需總局 咨開據省城紳士按察使銜廣東

候補道沈映鈴等呈稱竊維鈞而不綱弋不射

宿載於魯論東林殺牛不如禴祭垂於周易聞

聲不忍聖賢誠同近見

善後總局曉示凡牛犬龜鼈之屬禁止殘殺又
見

撫憲刻札通飭活剝小羊異常慘酷一律禁止

等因仰維胞與爲懷博施仁政實深感頌維思
刀兵浩劫每因殺生太甚上千天和天道好還
特將萬物所受之苦而轉施於人理或然與因
念粵逆之亂先後十餘年蔓延十六省當其毒
燄橫空殺聲動地流離凍餓痛哭哀號或溺或
焚骸骸就死例以物命之就湯釜無以異也撫
今追昔良用惻然爰推樂生惡死之情切念居
安思危之計查省城被兵一爲咸豐十年二月
二十七日一爲十一年十一月二十八日其餘
外府州縣城破之期各有可按擬請准飭仁錢

二縣傳諭屠門漁戶就此兩日禁止屠宰曉示
通衢俾眾儆戒勒石垂久免視具文其餘外府
州縣各照被兵日期一律永禁通報立案視此
行之不費爲之不難以示安不忘危之意以收
弭災消患之功祈請俯察施行等情到局咨司
札杭州府飭縣即便遵照曉示通衢一面移知
海甯等七州縣一律勒石永禁仍將遵辦緣由
通報備查毋違等因奉此除移知遵照外合行
永禁爲此示仰各屠戶知悉嗣後凡遇二月二
十七日十一月二十八日省城兩次被兵之期

房三
一律禁止屠宰其各凜遵毋違特示

光緒五年二月二十五日給發崇義祠勒石

呈送崇義祠內勒石永禁屠宰碑摹文

具呈在籍紳士按察使銜廣東候補道沈映鈞
江西鹽法道吳兆麟江蘇按察使應寶時江蘇
記名道江清驥兵部職方司員外郎金日修候
選主事丁申等

呈爲摹送碑搨請咨備案事竊照前請省城二
月二十七日十一月二十八日兩次被兵之期
及外府州縣城陷日期一律禁止屠宰以示安

不忘危之意以收弭災消患之功業奉
局臺移司行屬凜遵在案所有省城應禁日期
已由

仁錢二縣奉

杭州府轉奉

前藩司任 札飭出示勒石永禁茲將示刻成
立石管米山崇義祠內搨摹碑樣請

賜鑒察並乞咨 司札府行縣備案惟既奉勒
石永禁自當切實遵行發令之始仍請札飭仁
錢二縣諭飭城鄉屠戶卽自本年十一月爲始

凡遇二月二十七日十一月二十八日省城被陷之期永遠禁止屠宰庶使省會居民咸知痛定思痛從此互相戒殺默迓天和實於世道人心不無裨益爲此呈請應乞

俯照施行實爲公便上呈

計呈碑摹五道

右 呈

浙江軍需總局

光緒五年十一月

藝文

祭崇義祠文

仁和魏熾子佳

惟同治五年二月二十七日及十一月二十八日爲
浙江省城庚申辛酉遭難之期某等謹以清酌蔬饌
致祭於浙省殉難滿漢文武官紳軍民婦女之靈曰
嗚呼考往事於春秋疾日曾傳夫子卯紀大災於吳
越凶年獨忌夫庚辛爲遭百粵之強梁致陷兩番於
塗炭惟靈心存敢死義不偷生或任封疆之寄矢志
成仁或膺軍旅之司捐軀報國或儒冠守節早決意
於沈淵或衲服從征輒塗膏於原野或良民不屈以
禦賊而隕身或烈婦遠嫌先舉家而畢命凡此百千

萬億之身同罹水火刀兵之劫萬骨併爲邱貉一軍
盡化沙蟲雖

天上沛

旌卹之恩皆能覃及而地下滯幽冥之魄終歎餒而
春之露秋之霜楮錢誰化晨之蘭夕之菊麥飯誰供
某等樾蔭夙承梓鄉幸接昔同兵燹幸留虎口餘生
近就祠堂得仰蛾眉崇義值城亡與亡之日酌家祭
墓祭之儀籩豆告嚴瓣香如在攄紅羊之痛招朱雀
之魂戒腥血之慘屠祇具菜羹蔬食願神靈之來格
無殊伏臘歲時正氣常伸貞風永妥湖山無恙兵銷

日月之光忠義有靈澤庇閭閻之福尙饗

擬崇義祠春秋祭文

金華劉琨芷湘

嗚呼陣雲晝黑燐火宵紅一日碧血千年白虹緬維
昔痛運丁陽九哀雁災申妖雞厄酉吳閩皖豫四面
賊蹤慘茲浙隅迺當其衝一至再至如篋而薙哀我
浙人何辜何罪羣公勦勦實砥中流勁草標疾嚴霜
隕秋李公靴刀江相止水結纓報

國含笑入地霽雲斷指公孫洞胸血染原草膏塗鏃
鋒挺劒窮閭懸車冷巷本辭魚佩甘櫻鴻網下至婦
孺工商士民甯爲

國死無從賊生天日金牛鍾此間氣駢頂接踵黽勉
忠義正氣所感陰霾爲開上將招搖揚旌西來造攻
衢郡收燼浙水

天戈所揮日月重麗扶傷救死訪節褒忠象簡朝登
鸞車夕榮易名恤爵封阡錄嗣度地城南崇爾享祀
天子有恩衆人有私惓惓忠蹟緜緜痛思尊尊貴貴
親親故故玉石蟲沙惻愴風露捨宅奉祠爰始庚申
中更陸沈一簣未成旣出水火重葺頽圯

朝廷昭忠鄉黨崇義爰爾英靈何後何先傳信有書
旌善有田樓開夕照亭表葵向晚節花香丹心日朗

亦願大府昌言於

朝寵以

綸章享以少牢背棄家門罹死鋒鏑昔日煩冤我爲
靈泣超拔黑海迴翔紫庭今日俎豆我爲靈欣蛾眉
之峯吳山之麓雲來風往惟靈所屬昔年今日惻惻
沈詳式薦蘋蘩爲靈馨香禁煙弔介競渡悲屈普免
眾生爲靈度脫華軒翠幄渺渺神宮靈兮來歸罔怨
罔恫黃蕉丹荔莘莘筵席靈兮來格以享以食弓刀
風動靈來于于福我梓鄉無爲厲墟尙饗

蛾眉山館楹聯記

德清

俞

樾

蔭甫

同治甲子歲吾浙諸同人建崇義祠於峨眉山祀庚
辛殉難諸公祠之右積石嵯嶇乃山之峯也面峯築
三間顏曰峨眉山館並移大洞經閣宋思陵御書道
德經石幢於其前落成已久楹聯獨缺率題十四字
曰古墨尙存宋時石遙青如對蜀中山筆墨陋劣未
足爲名山增色也

夕照樓匾跋

華亭

許

威 鐵珊

峨眉夕照爲吳山八景之一樓踞山椒顏曰夕照蓋
以殉義諸公不幸而當遲暮猶能挽一綫之墜以彰
晚節後之登斯樓者仰企餘輝知不僅流連景光已

也

葵向亭記

無錫

秦緗業

淡如

亭在今管米山崇義祠中考宋時漾沙坑有諸司諸軍糧料院見咸清臨安志而翟氏湖山便覽謂管米之稱疑卽因此者是也樓攻媿集有糧料院葵向亭詩云結屋蒼崖畫不譁峻嶒亂石繞檐牙濤江渺莽三千頃煙瓦參差十萬家雉堞環山餘莫雪龍樓聳闕煥朝霞登臨可是望都省但有葵心向日華此亭之所自始宋社旣屋院亦蕪廢而亭更不可問矣元胡拱衡嘗於山麓構友恭堂而

國初張隱庵志聰則築侶山堂於其上有巖池花闌
諸景則其地之爲名勝古今一也咸豐庚申陸點青
司馬慨粵逆之亂憫國殤之眾捨其地爲祠名曰崇
義後丁竹舟主政蠲資落成以合祀庚辛兩次殉難
者且於祠中結一小亭爲與祭者憩息游覽之所仍
以葵向顏之時余方督兩浙採訪忠義局事因請爲
記余惟諸君子取義成仁丹心耿耿誠有如葵之向
日者則斯名亭之義已徵之六百載以前豈偶然哉
雖今之崇義祠未知卽糧料院故址否然官舍廢興
有時而忠義之氣則不可磨滅吾知是亭亦因之而

千古矣故爲牽連書之并以誌陸丁兩君之高義云

移立宋思陵道德經石幢記

秀水高均儒伯平

宋思陵書道德經舊立二幢於元妙觀元至大間郭天錫尙親見之後四百年儀徵阮公撫浙時得一幢於市橋移置瑞石山文昌樓下題記幢間更著錄於兩浙金石志咸豐辛酉杭城再陷屍山血海山樓固燬經幢亦廢按曹松隱當宋紹興間著戰場立經幢記云比以戰士荷戈被甲喪於白刃皆愛君憂國之人忠魂義魄月慘風悽有湛然居士建幢五所刻佛經呪廣薦亡沒冥行幽滯有知無知皆獲正受有形

有盡此幢無盡無盡可盡此願不盡嗚呼佛氏之超
拔密呪功德至於如此則老子清淨之言元默之德
何獨不然乎浙垣復後重建崇義祠於峨眉山麓以
祀庚辛殉難官紳士女丁君竹舟魏君子佳合移此
幢標之祠右亦願仗五千言之道德薦億萬命之淪
亡所謂二氏同源六合無盡者也昔順治朝

御注斯經闡明親切使讀者銷爭競而還淳樸

聖人道化超出萬古爭競銷則無兵刃之禍淳樸還
則永無爲之治利益幽顯與佛緣而俱勝豈不繫此
經石哉同治四年冬月

咸淳臨安志載宋高宗御書道德經石幢在吳山
天慶觀卽今之元妙觀也元郭天錫客杭日記親
見殿前經幢有亭覆之是至大間其石尙存觀中
嘉慶壬戌春得於武林市橋下惟一面存道德經
數行書法同府學石經其爲思陵御筆無疑遂移
置瑞石山文昌樓下此樓新建余避囂來此閱案
牘因於平漫處刻字記之浙江巡撫揚州阮元題
右第八面無字今刻跋語
正書六行行二十四字 右幢今在瑞石山文
昌樓下凡八面高四尺周五尺六寸每面正書十
三行行八十餘字惟第一第四第五可讀餘五面

無字當時朝奉郎兼吳益王教授廬壯夫有御書
記刻石見中興館閣錄又郭天錫日記云高宗御
書道德經石刻經幢二亭覆之元妙觀志略云舊
在元妙觀後移中興觀明季無有言之者其遷徙
不知何時今從市橋獲其一榻出止存下卷德經
三面知實二幢而道經不可復覩天錫云二亭覆
之語不誣也道德經本惟唐石刻本最古今易州
有二本一景龍二年一開元二十一年錢宮詹曰
皆道經卷上德經卷下與河上本同晁說之跋王
彌本謂其不析道德而上下之猶近於古不知陸

德明所撰釋文正用輔嗣本題云道經卷上德經
卷下晁氏所見特宋時轉寫之本而翻以爲近古
亦未之考矣今幢德經二字尙存經中異同如爲
反者道之動章天下之物傳本皆作天地萬物其
政悶悶章其民漙漙傳本皆作醕醕治大國章不
傷民三民字傳本皆作人海爲百谷王章以其善
下之傳本無其字悉與開元本合石刻雖殘可徵
古者如此惟唐刻不分章此則分章悉以首句標
題不似傳本有體道第一養身第二各有一目爲
八十一章也西湖遊覽志又載小麥嶺太清宮有

恭聖楊太后書道德經石幢今亦無有能言之者

矣

兩浙金石志

杭郡庚申殉難諸公詩輯序

錢唐

丁

申竹舟

咸豐庚申春金陵大營既克九洲扼賊之吭賊謀
寇浙冀相牽制由廣德撲湖州二月十九日直犯武
林湖墅江滸先遭蹂躪二十七日從清波門地道猝
陷省垣上城大肆焚殺下城僅事搜括駐防營猶堅
守未破三月三日提督張公玉良援軍疾至賊遽遁
走而士女之赴湯蹈火者已罄竹難書矣時烽燧屢
驚善後草草同里陸君植捨峨眉山屋以祠忠義戴

君惇禧擬仿自靖錄採訪死事姓名將設祀位乃俎
豆未馨城堞又圍訪錄之冊幾八千人危城警急密
藏是冊於郡庠復壁及城再亡戴亦全家赴義同治
甲子大軍克復壁藏之冊亦遭浩劫再修祠事顏曰
崇義蒙

賞湖山正氣匾額建坊祠前列入祀典羣議戴遺田
屋歸祠以縣香火語詳瑞安孫太僕衣言崇義祠記
殉難諸賢有科目可歸者仍按次編輯餘則撫拾燹
灰專卷排次藉存變音以留浩氣嗟乎碧血已枯丹
心猶耿撫茲遺墨不勝黯然

杭郡辛酉殉難諸公詩輯序 丁申

庚申杭州失而旋復未幾嘉興告陷湖州蔽賊危如
睢陽冬初賊由富陽餘杭分撲省垣出擊始退臨於
新昌一任狼奔豕突矣辛酉春夏閒衢處被擾金華
不守八月嚴州又失九秋紹興失而杭城四圍皆賊
將嬉坐甲民慘呼庚僵斃相望不戰自潰十一月二
十八日巳時城遂再陷海昌一州亦隨之而破宋稱
臨安十萬人家庶富日久生息幾七八倍之至是死
於餓死於兵死於水死於火死於雪屍山血河雖紅
巾之禍未足方之嗚呼慘已同治三年浙水鏡清聚

瘞忠骨於南北山表爲義烈遺阡且以崇義祠窄更
就臯園營建忠義祠分龕祀其位編錄題其名差足
以揚忠風慰毅魄乎然化蟲沙嘑鵑血錚錚矯矯杳
杳冥冥猶恆河沙數也臏馥殘膏澌滅不盡依前排
次爲辛酉殉難諸賢詩後之覽者其將有感於斯編
同治元年仲冬家兄避難如臯語丙曰杭城陷將
一載矣膺國殤者如恆河沙數非舉不可思議功
德無以薦拔也兩浙江南徧是賊窟惟普陀山爲
乾淨土名僧老衲猶有存者汝其浮海以濟之因
佛頂之信眞和尚信公具有同心竭十四晝夜積

千僧宣佛號回向浙省兩次殉難官紳士庶暨婦
女眾靈於十一月二十八日圓成佛事惟時靈巖
梵洞靡不瞻禮心神悲憫未遑吟詠但拈一語云
海闊天空千里目城亡家破一年心紀實也丙記

鈔錄忠義祠牌位名冊尊藏崇義祠記

丁 丙

咸豐庚申浙江省城初陷殉難者約九萬七千人復
後蕭山黃君斯馨就所知記之冊事稍定院司設善
後局兼事採訪戴師介颺擬訪死事行誼撰爲崇義
錄辛酉之秋因鈔善後局底冊並黃君所訪姓氏約

萬二千人將就崇義祠編錄而賊又圍城乃藏冊稿於杭府學宮冀獲保全也及省城再陷死於刀兵水火凍餓流離者不下數十萬人而外郡縣之死傷者更難悉數同治甲子省城再復府學藏冊燬矣戴師全家殉難矣黃君底本亦失所在矣而兩浙忠義局已先設於甯郡矣及崇義祠再成時採訪尙未周徧僅龕立總牌先安靈位其甯局亦移會城復於金衙莊建兩浙忠義祠各祠以位並刻已採姓名彙而爲表且擇死事尤烈者著而爲傳總曰浙江忠義錄仍不外戴師之初意也顧忠義錄成於光緒元年後之

列傳未補撰姓氏未補表牌位亦未續立識者有遺憾焉楊石泉制軍從閩省檄都轉籌歲修之費兼以祠事屬善堂筦理始得就其四十一次以後續奏者補刻 萬五百六十七人卽照龕奉滿漢文武官紳士庶婦女名牌錄登簿籍綜計十七萬七千三十五人嗚呼盛哉嗚呼慘哉特製櫝藏籍皮之崇義祠俾春秋展陳几案之上不替馨香俎豆焉爾惟是籍所錄十七萬有奇之位核與膺 國殤者僅千百之什一耳溯初殉庚申者已九萬七千而次年所採僅萬二千人恐今之補登於冊者更不過千之一矣然則

湮沒不彰者何可勝道亦惟任忠魂毅魄浩浩於罡
風烈日閒已光緒二十年九月十八日丁丙記弁識
各府縣位數於右

計開

滿漢官員

文職

四百六十七員

武職

四百三十三員

各路將弁兵勇

駐防將弁兵勇

二千八十八員

將弁

五百八十八員

兵勇

一千二百六十四員

楚湘將弁

二百二十五員

楚湘兵勇

一千九百二十一員

各路援軍將弁

一千二十二員

各路援軍兵勇

千四百十七員

軍功武生

一千四百三十九員

各屬紳民

各屬紳五百三十一員

錢塘紳一千七百二十二員 民四千七百八十八人

仁和紳一千二百五十二員 民二千五百七十一人

海甯紳三百三十二員

民一千一百人

富陽紳一百八十員

民一千九百九十人

餘杭紳一百八十員

民四百三十五人

臨安紳六十四員

民二百三十四人

於潛紳二百五十八員

民三千四十二人

新城紳一百三十四員

民三百九十九人

昌化紳八十六員

民二千六百九十九人

嘉興紳二百五十三員

民七百三十四人

秀水紳二百三十五員

民五百七十七人

嘉善紳二百八十八員

民四百八十一人

海鹽紳一百三十七員 民一千一百五十七人

石門紳六十九員 民一千二百七十二人

平湖紳三百六十員 民二千七十七人

桐鄉紳一百一員 民一千二十三人

烏程紳四百二十三員 民八百八十四人

歸安紳五百四員 民一千一百九十二人

長興紳三百八十七員 民一千八百七十七人

德清紳七十員 民一百四十三人

武康紳五十二員 民三百七十九人

安吉紳九十四員 民四百二十一人

孝豐紳四百員

民五千六百十五人

鄞縣紳六十一員

民一千三百六十二人

慈谿紳一百十二員

民三百二十二

奉化紳五十四員

民四百八十二人

鎮海紳十八員

民二百二十八人

象山紳一員

民三十人

定海紳八員

民八十七人

山陰紳五百二十員

民二千六百五十八人

會稽紳二百七十二員

民一千一百八十八人

蕭山紳六百九十員

民二千四百六十二人

諸暨紳九百九十員

民一萬五千二百人

餘姚紳二百五十六員

民二千八百六十七人

上虞紳一百六十一員

民二千一百二十人

嵊縣紳七十七員

民一千四百三十五人

新昌紳五十員

民二百六十人

臨海紳七十九員

民七百八十三人

黃巖紳七十八員

民一千二十人

天台紳四十四員

民一千八百六十九人

仙居紳十五員

民四百九十二人

甯海紳六十三員

民三百七十八人

太平紳八員

民八人

金華紳一百三十五員

民四百九十八人

蘭溪紳二百二十員

民七百八十三人

東陽紳三百七員

民四千一百九十三人

義烏紳二百七十九員

民二千一百二十五人

永康紳一百三十二員

民八百一人

武義紳二十四員

民二百九十三人

浦江紳一百五十四員

民八百二十六人

湯溪紳四十九員

民三百四十九人

西安紳九十七員

民三千二十四人

龍游紳一百一員

民八十九人

江山紳一百九十八員

民二千二百十六人

常山紳五十八員

民五百三十七人

開化紳四十七員

民六百十三人

建德紳一百六十二員

民九百五十八人

淳安紳一百二十五員

民一千三十七人

桐廬紳一百四十員

民九十一人

遂安紳一百三員

民三百八十七人

壽昌紳七十八員

民二百七十六人

分水紳八十二員

民三百八十八人

玉環

民一人

永嘉紳七十三員

民八百三十五人

瑞安紳十五員

民一千八百八十五人

樂清紳三十一員

民一百六十六人

平陽紳十三員

民六十二人

泰順紳二員

民一人

麗水紳四十三員

民四百三十二人

青田紳十二員

民二百七十七人

縉雲紳一百四十三員

民二千一百四十五人

松陽紳六十二員

民一千九百五十三人

遂昌紳五十七員

民一千七十八人

龍泉紳二十三員

民三百五十三人

慶元紳四員

民二百七十七人

雲和紳十七員

民六百四十二人

宣平紳十一員

民二百二十二

景甯紳三員

民二百二十二

流寓

各省紳三百二十六員

民六百九十一人

滿漢文武眷屬

文官眷屬

四百九十九人

武官眷屬

二百六十一人

駐防將弁兵勇眷屬

一千三百六十五人

各屬紳民婦女

錢塘紳婦三千一百三十五人

民婦四千五十七人

仁和紳婦二千七十七人

民婦二千九百五十七人

海甯紳婦三百九十一人

民婦六百五十三人

富陽紳婦一百八十三人

民婦八百七十五人

餘杭紳婦一百四十五人

民婦一百二十九人

臨安紳婦二十一人

民婦七十八人

於潛紳婦五十六人

民婦七百二十九人

新城紳婦四十四人

民婦六十人

昌化紳婦三十四人

民婦九百四十八人

嘉興紳婦二百二十九人

民婦二百九十五人

秀水紳婦一百八十六人

民婦三百九十八人

嘉善紳婦一百八十九人

民婦二百十八人

海鹽紳婦一百十九人

民婦四百九人

石門紳婦七十八人

民婦二百四十七人

平湖紳婦二百九十八人

民婦一千六十八人

桐鄉紳婦一百人

民婦四百五十人

烏程紳婦八百一十一人

民婦七百五人

歸安紳婦一千二百二十人	民婦八百八十九人
長興紳婦三百六十八人	民婦二百五十八人
德清紳婦五十五人	民婦七十五人
武康紳婦二十二二人	民婦九十三人
安吉紳婦五十三人	民婦一百三十一人
孝豐紳婦三百十三人	民婦二千七百九十二人
鄞縣紳婦三十八人	民婦四百二十八人
慈谿紳婦五十五人	民婦一百六十八人
奉化紳婦十二人	民婦六十五人
鎮海紳婦七人	民婦二十九人

象山

民婦四人

山陰紳婦五百十八人

民婦七百五十一人

會稽紳婦二百二十七人

民婦三百七十八人

蕭山紳婦六百九十八人

民婦七百五十八人

諸暨紳婦八百八十二人

民婦五千三百七人

餘姚紳婦一百一人

民婦五百一人

上虞紳婦五十一人

民婦四百七十八人

嵊縣紳婦十一人

民婦三百五人

新昌紳婦十九人

民婦三十九人

臨海紳婦十二人

民婦二百二十九人

黃巖紳婦五十三人

民婦二百六十六人

天台紳婦三人

仙居

民婦四人

甯海紳婦十二人

民婦八十人

太平

民婦一人

金華紳婦八十二人

民婦一百八十八人

蘭溪紳婦一百十四人

民婦四百九十一人

東陽紳婦八十七人

民婦一千五十九人

義烏紳婦一百二十一人

民婦八十一人

永康紳婦四十人

民婦三百三十八人

武義紳婦四人

民婦五十八人

浦江紳婦六十三人

民婦二百八十七人

湯溪紳婦三十三人

民婦五十八人

西安紳婦六十四人

民婦七百五人

龍游紳婦五十人

民婦三十八人

江山紳婦九十五人

民婦五百人

常山紳婦二十一人

民婦一百五十三人

開化紳婦十八人

民婦二百十六人

建德紳婦九十五人

民婦四百十二人

淳安紳婦五十九人

民婦五百七十六人

桐廬紳婦六十八人	民婦三百五十六人
遂安紳婦四十五人	民婦一百二十三人
壽昌紳婦四十七人	民婦九十三人
分水紳婦二十六人	民婦一百三十七人
永嘉紳婦十八人	民婦一百七十三人
瑞安紳婦二十人	民婦七十一人
樂清紳婦十四人	民婦六十八人
平陽紳婦二人	民婦六人
麗水紳婦十六人	民婦五十一人
青田紳婦四人	民婦六十八人

縉雲紳婦七人

民婦一百五十一人

松陽紳婦三十一人

民婦四百八十一人

遂昌紳婦二十四人

民婦一百二十五人

龍泉紳婦十六人

民婦五十五人

慶元

民婦九人

雲和紳婦七人

民婦八十一人

宣平紳婦三人

民婦五十二人

景甯紳婦一人

民婦九人

流寓

各省紳婦一百三十四人

民婦四百六十二人

辛酉重陽後一日偕介颿兄登管米山崇義祠
訪秀水高伯平先生於峨眉山館時先生寓
祠內共輯崇義錄詩以記之

錢塘 戴惇翰 桐卿

大好峨眉山館開東溪史筆具鴻裁文參碧血冰霜
懍人許素心朝夕來亂世笑談皆是福深秋風雨不
勝哀展重陽踐登高約同把茱萸欲避災

謁峨眉山崇義祠

仁和 秦傳綸 容臺

館闢峨眉麓來游意自閒湖山逢劫運忠義炳人間
亭址傳葵向碑材繡蘇斑攜琴彈一曲響答瀑潺湲

崇義祠

錢塘

丁

丙 松生

游魂不致生民厲正氣常留天地間中有萇宏萬點
血何人下馬弔青山

去年十月初二日饅頭山楊副將 金榜 一軍潰

圍城鼎沸時崇義祠新成其崇義錄由善後
局移報經紳士採訪殉難姓氏約得萬二千
有奇編輯底本懼城破不保次日以底冊密
藏杭州府學宮區中至十一月二十八日城
再陷余逃竄苟活今夏聞賊巢疏防因遣今
之所謂墨崑崙者冀挾而出詎先於三月二

十七日被毀矣既傷庠序之淪亡復痛斯文
之天喪憤然泚筆詩不足云 丁 丙
祠宇巍峩斷手成別於

褒卹表忠貞汗青傳信標凡例血碧流芳著大名外
史庚申初歷劫下元甲子未休兵九歌正輯招魂什
又報狼烽逼鳳城

城圍鐵桶鬼神驚無計名山報典型孔壁乞靈藏秘
簡宋碑依樣護殘經豈知樹鵠綱常絕安望焚麋祀
事馨正氣乾坤衰歇極續編何日涕孤零

謁崇義祠

仁和許郊子社

歷盡庚辛劫家山再造時招魂銷厲氣茹痛走遺黎
蒼兕呼誰起紅羊患孰貽不因糧早盡那得敵旋窺
上將旗俱偃疆臣節尙持虎軍成廢壘馬革裹餘尸
素節嚴霜禁丹誠熱血披銜鬚光學校劓耳盛閨帷
牛鬼窮威遍雛嬰獲禍奇錦鄉嗟蹴盡鐵騎恨來遲
一旦驅榛莽三年歎黍離問誰懷故土槍我拜叢祠
卻數平生友都爲百世師采芳陳杜若懷潔薦江蘼
檳梅風雲壯衣冠日月垂魯多君子望楚有國殤辭
率土昭忠建千秋祀典追海濤寒古樹嶺月照興碑
遺事堪同傳幽光合著詩

宸章輝正氣朽骨荷榮施

謁崇義祠

錢塘張預子虞

正氣東西浙登堂拜几筵義因經變著事以表忠傳
寇燄三吳逼妖星兩次躔江翻腸自轉城閉髮同懸
嚼齒聲逾厲歸元志獨堅哀哀聞巷戰慘慘誓溝塹
負弩汪童肯抽刀杞婦便黃埃尸裹馬碧井血嘯鵑
肝腦頽雲地精神皦日天幾番嗟骨暴一例痛軀捐
虎拜旋持節鷹揚再控弦險應開鎖鑰功在下樓船
羣吠狐篝息窮搜兔窟遷幽光憐寂寞氏族訪牽連
此劫眞千古斯人已九泉墳塋棲宿莽棟宇敞層巔

墟里煙塵洗湖山俎豆緜招魂扶粟祔書難彙蒲編
柏節當時烈椒漿爾日虔瓊篇青史輯珉碣赤文鐫
助饗班分鷺升歆熟薦牲崇祠胥母側荒塚鄂王邊
遺址重修葺

褒綸逮後先名旌毫翰誌世德羽林延聯額

宸題煥笙歌廣樂宣紅羊方滌讖元鶴倘歸仙霄漢
靈旗迴冰霜廟食專民謳悲故吏鄉望弔前賢數典
垂儀部徵租記祀田清樽遙酌處長願靖戈鋌

謁崇義祠

仁和 孫炳奎 仁甫

妖星南竄臨江濱杭城摧破鐵礮喧人羣鳥散而獸

奔捐軀殉節何披紛偉哉倡義雙丁君捨宅緝志機
與雲孰知天未厭逆鱗崇祠甫就再紅巾堂廡半燬
梁生塵峩眉山色濛塊氛紫電開闔紅雲焯刀矛劍
戟聲殪礮左提右挈赴水濱延頸痛詈目爲瞋乾坤
正氣河嶽吞殺身取義多成仁迨至鏡清蒼生安十
室不得其二存丁君歸來涕潸潸重事經營深嗟歎
上自疆吏下閭媛採緝不遺一細民白諸大府叩
帝闈殷然意在慰英魂

天子曰俞其遵循煌煌

溫語賚恩綸椒蘭歲歲薦苾芬祠中俎豆歆秋春萬

世垂之勒貞珉登堂再拜欣明禋

謁吳山崇義祠

仁和董慎言仁甫

百級峩眉峻雙翬廟貌崇伍公山近接關聖殿旁通
芳烈千秋仰馨香一室同成仁先矢志取義在持躬
膽勁思剽兇毛輕敢惜鴻浩然留正氣偉矣表孤衷
憶昔荆榛印都驚草木風壞雲臨陣黑劫火滿郊紅
非乏良籌運其如轉餉窮豹狼三月擾猿鶴萬人空
凜凜文完節泚泚武效忠嬰城能殺賊報

國有諸公鄉老丹襟炳儒生碧血融裹屍憐戰士碎
骨到殤童貞秉紅顏婦軀捐白髮翁四民魂盡毅羣

鬼魄猶雄視彼心難革堪唾面早蒙偷生隨穴鼠等
死亦沙蟲快覩巢芝滅全憑郭李功蒼蒼原有意蠢
蠢竟無終清淑山川在光華日月中
寵旌深憫卹綽楔更穹窿典沐

熙朝渥恩承

盛世洪烝嘗從此奉俎豆永教充祀並睢陽重碑符
峴首豐司農神奮戟羅睺怒張弓獵獵靈旗捲森森
傑閣隆憤懷堪想象恨吐定如虹魏煥瞻祠宇峒巖
匹華嵩竭來蘋藻薦摛語愧非工

崇義祠八景

錢塘

陸

檀

點青

宋石幢

李唐始祖文趙宋高宗字不戰而曰和無爲得其意

止水池

山骨露巉巉雨過聚止水有風不作波湛然心跡似

峨眉山館

骨母瘦一枝恍若蜀中秀景行仰止心嘉賓集雲構

夕照樓

夕陽無限好高處不勝寒此意自千古臨風一長歎

葵向亭

言尋糧料院漾沙無遺蹟振衣上危亭如葵心向日

金粟堆

忠義不兩念賢愚同一堆芬馨終自在金粟證如來

梅坡

皎皎堅素心點點灑丹血歲寒梅著花不作可憐色

方竹坪

醫俗許同坐趨炎莫入林方正古君子多節更虛心

崇義祠在峨眉山同治甲子郡紳建祀庚辛死

難諸公旁築峨眉山館移大洞經閣宋思陵

御書道德經石幢其中

震澤

王廷鼎

夢薇

峨眉山上建崇祠颯颯英風起慕思留與石幢經並

古兩閒道德此維持

謁吳山崇義祠

金華劉崑 芷湘

吳山百尺小峨眉矗立今同華嶽奇上有靈祠接霄
漢中看毅魄擁旌旗滄桑往劫消將盡兵火餘痕痛
可思閒向秋風一憑弔亂鴉寒日不勝悲

是與昭忠一例傳

國恩鄉誼兩纏緜誰人捨宅同供佛有客鐫碑為記
田義烈自完松柏性表彰翻羨梓桑賢梵王宮殿時
興廢願護崇祠永不遷

昔日表揚忠義者今留忠義與人揚 庚申收復後省
紳首創建此祠

戴介帆桐卿諸先生就祠中採訪忠義事迹逮辛酉二次城陷而戴氏亦一門殉節矣今增祀祠中筠標愛節神先定麥飯招魂事可傷悵望家門成舊夢淒涼祠宇對斜陽回頭莫問當年事且看明湖十里光

天地英靈曠世鍾常留忠觀鎮危峰五千道德經同

證祠內有宋思陵所書道德經石幢十萬弓刀眾可容春雨湖山鵲

有血秋風城郭鶴無蹤祇今草蔓煙荒處不少冤魂泣露蛩

咸豐庚申杭城初陷應國殤者逾數萬人亂甫定陸丈點青捨峨眉山宅爲崇義祠執丈丁

徵君松生延先王父伯平公採緝殉難姓氏
得萬二千餘人未脫稿而城再陷徵君密藏
冊稿於杭庠複壁迨同治甲子大軍克復稿
已燬失遂修緝祠宇重編祠錄辛卯春閒過
杭展謁追維前事爲之潸然

秀水

高全棟 靖孫


靈祠高峙薦神羞閃閃英風暮雨愁自被

宸章輝泉壤榮逾華袞慰千秋

寇氛再熾浙之涓孔壁深藏竟棄遺重事蒲編留正
氣汗青傳信等銘彝


附錄

洪氏墓圖




洪氏先塋在錢塘縣上扇二畝
 神霄雷院相近計地壹分捌釐
 式毫伍絲凡六家燹後惟聚春
 公暨壽孺人塚有所考同治十
 年外裔陸檀合六家封而爲一
 乾巽兼亥巳庚戌庚辰分金立
 三瑞堂洪界石於四隅每歲完
 地丁銀壹分陸釐漕米柴合在
 崇義祠祭祀項下開支管墳人
 吳有剛住桃源嶺之麓

戴氏墓圖之一




戴氏先塋二家名氏已不可考在蕭山縣三都二畝龍莊計地壹分玖釐伍毫肆絲土名鐵靈關坐南朝北立崇義祠戴界石於四隅管坟人韓小寶住韓家濃具圖如上

戴氏墓圖之二




戴在思暨來孺人之墓在蕭山縣三都七畝金山莊計地壹分捌釐式絲伍忽土名塘子沿坐南向北立崇義祠戴界石於四隅子士俊孫位高敬立墓碑嘉慶十年四月重修管坟人沈其發住塘子沿具圖如上

戴氏墓圖之三



戴位高暨周孺人之墓在錢塘縣定北五畝計地肆分伍釐土名徐村西山卯向兼辛乙辛酉辛卯分金立崇義祠戴界石於四隅子廷槐孫惇禧惇模惇範惇翰敬立墓碑管坟人沈阿炳任徐村具圖如上

戴氏墓圖之四



戴凝甫月鋤籜莊之墓在錢塘縣上扇二畝計地陸釐陸毫陸絲柒忽土名八盤嶺丑山未向兼癸丁立崇義祠戴界石於四隅咸豐五年七月兄弟惇禧惇翰敬立墓碑管坟人張阿寶住八盤嶺具圖如上

洪氏傳略

洪源明字朗齋錢塘人少敏慧與兄清源相砥礪慷慨有志不屑屑章句之學其鄰周某貧而質屋察無力償焚其券而歸其屋未嘗有德色咸豐初兵事起力籌團練兼仿呂新吾居鄉行保甲之法庚申仲春清波門被賊轟破所居道院巷首膺其鋒憤然與賊巷戰左臂被傷猶厲聲大罵遂遇害嫂莊氏姪利生姪女大姑二姑同殉難居屋亦燬同治甲子中表陸點青檀就其燬基建爲洪氏宗祠以存其祀更營餘屋二間納諸崇義祠俾資息用云

武林忠義錄

過洪朗齋舊居感成

餘杭鮑知管 緝卿

城郭依然里黨殘劫餘重過涕洟瀾家聲自昔徵三
瑞友愛羣相著二難飲酒對花陪綺席尋詩步月繞
雕闌送青一樣南山色今日如何照眼寒

佳日明湖春復秋與君結伴少年遊高風我仰馮驩
券儉德人傳晏子裘白刃甘心臨大節黃泉聚首預
同謀善全賴有雲閒陸不廢荒荒土一邱

戴氏傳略

戴惇禧字介颿錢塘人咸豐壬子舉人有文名從遊
甚盛性孝友奉親課弟門內雍然家於江干咸豐七

八年間賊自皖南犯三衢省垣戒嚴兼值偏災糶價
翔貴民有飢色惇禧倡設烏龍廟粥廠城中富人亦
踵行之全活甚眾十年省城陷惇禧方赴會試聞難
亟歸奉母避諸暨之湖西十一年諸暨土豪何文慶
結蓮蓬黨數千人意叵測惇禧偵知之密請巡撫王
有齡以恩威駕馭之給以糧械令文慶率所部前擊
金華之賊而總兵文瑞統兵繼之嗣因兵勇互鬪事
遂瓦解惇禧憂憤歸居城中仍賑粥江干約里人採
訪庚申殉難諸人事實思仿高埏自靖錄例輯崇義
錄以闡幽潛并募建崇義祠於管米山事未訖賊已

出臨浦破蕭山文慶果從賊連陷紹興甯波杭州亦
被圍飢民聚城下不得入惇禧令人裹飯擲之久之
糧漸盡猶時分粟粒活鰥寡城再陷惇禧同妻邵氏
縊於家母錢氏弟諸生惇翰弟婦侯氏妹九姑同日
在戚家自縊父廷槐當圍城時避城北天長寺城破
逸出走蕭山語其甥章建封曰一家骨肉盡罹浩劫
尙何生爲吾家尙有定鄉薄田數頃賊平爾其歸入
崇義祠以完吾志未幾病歿比同治三年杭州克復
鄉人修復崇義祠合祀十年十一年殉難官紳士民
婦女建封以廷槐遺言盡舉戴氏田歸祠惇禧

邱贈都察院經歷 光緒杭
州府志

戴惇翰字桐卿惇禧弟錢塘諸生庚申劫後與兄介

颿先生同避越中高茶庵往訪之見其兄弟對坐講

易同室切磋有九韶九淵之遺範辛酉偕兄縊於戚

家妻侯氏九姑同殉 杭郡詩
三輯

懷戴介帆孝廉 仁和
高望曾
茶會

介帆辛亥副貢壬子舉人性謹樸為鄉里表

率而制藝特工里居課徒事親以孝聞庚申

劫後移家越中余買舟訪之與弟桐卿對坐

講易其學可憩家鳳凰山城外利津橋賊至

合家皆殉難

結廬鳳山下閉戶自讐書經學宗毛鄭詞章薄庾徐
曩聞吳下警曾共越中居應悔攜孥返全家劫燼餘

槎浦晤季梅圃得戴介帆師同弟桐卿先生侍

太師母何氏師母邵氏殉難之信惟太夫子

以先避下城天長寺得逸近聞在蕭山痛紀

四章不知淚從何來也 丁 丙

生死無消息門人得實音全家忠節孝一老去來今

白馬江濤惡烏龍井水深

師故居江上利津橋烏龍社遷入城中吳山烏龍井

空辜衣鉢付毅骨不堪尋

載酒湖西寓依稀二月中

去春謁師於諸暨湖西寓廬

松標傳自

靖

師見高寓公自靖錄發願輯崇義錄

草澤撫羣雄

諸暨蓮蓬黨魁何文慶師料其必反

冀羈之因請王中丞檄以禦賊乃以文鎮軍過境兵民相鬪而罷文慶之練文慶遂通賊越城遂破痛

哭天心反難違劫運蒙浩然歸故土猶計活哀鴻師

諸暨散團歸杭卽籌粥賑全活無數

鳳凰山下路形勢繪圖呈

師於圍城時繪南山形勢圖上王中丞

糧盡

兵終變城堅賊愈嗔可憐同志弟并絕嗣書人祠宇

標崇義魂兮定卜鄰

便使吾杭復師門亦涕漣荒涼范村墓蕪廢定鄉田

文字傳猶次生徒責孰先些詞知莫補舍此痛難宣

賊起廣西十一載禍延江浙而杭之被難爲尤酷
庚辛兩次淪陷自羅壯節王壯愨以下文武官吏
死者以百計而士民婦女殉難者約六十餘萬人
迨文襄左公督師來浙諸郡縣以次削平省垣隨
之克復乃設局賑撫收養難民掩埋屍骨清賦減
稅通商惠工以善厥後願生者登衽席而死者缺
馨香其何以表揚忠義闡發幽微乎是崇義祠之
建也宜矣先是庚申三月杭城初復點青兄檀痛
念親舊橫遭慘亡捨峨眉山屋爲祠基丁竹舟兄
申暨其弟松生妹婿丙捐資營建將祀殉難諸公

延秀水高君伯平均儒戴君介帆惇禧桐卿惇翰
採訪姓名事實輯崇義錄未卒稿賊再至倉皇閒
藏稿冊於郡學之殿壁及城破戴氏兄弟殉焉迨
同治三年浙省再復壁藏之稿已不存祠屋亦摧
毀過半竹舟松生更修復之余兄弟又以外家洪
氏闔門罹難承祀無人因收洪氏餘燼以助其成
而介帆尊人卿三先生當出賊險避蕭山時嘗語
其甥章建封曰一家骨肉盡罹浩劫何獨生爲吾
家江上有屋一區田數頃賊如平爾其歸崇義祠
以畢吾志未幾病歿至是建封亦遵遺言以田屋

納之祠謹特置二龕附祠洪氏戴氏宗支全其志
並縣其祀也會左公移節閩疆巡撫馬端敏公上
其事於朝奉

旨賜額曰湖山正氣並准列入祀典建坊祠前

天語煌煌

恩昭千古矣點青兄懼祠事之久而就湮也命將

諭旨奏議碑記等彙六門爲一編以垂久遠忽忽三
十年竹舟與點青兄均歸道山余亦衰病日深適
松生有庚辛泣杭錄之刻索予舊錄鄭重付之并
以戴二氏墓圖傳略附焉俾後之守是祠者有

051
1

37775

所考云月槎陸楨謹跋

月三江水木金身

2F



21101000187355

庚辛泣杭錄卷四終

庚辛泣杭錄卷五

孫樹禮義烈墓錄

恩綸

同治五年九月二十日內閣奉

上諭左宗棠奏掩埋浙江省殉難無主尸骸五十七
冢名爲義烈遺阡列入浙江祀典遣官致祭卽著
照所請行所有松居庵骨冢隸錢塘縣城西二圖
地八畝零仁壽山麓骨冢隸錢塘縣上扇四圖地
二畝零並先後掩埋義冢二十一處隸仁和縣豁
地五畝零錢唐縣豁地七十二畝零應徵錢糧銀


米均一例豁免該部知道欽此

同治七年三月初八日軍機大臣奉

旨馬新貽奏浙省天池寺東白沙塢兩處義冢附入
祀典春秋致祭一摺著照所請該部知道欽此


北山義烈遺阡圖

卷之二十一




南山義烈遺阡圖

月三廿木金名三



天池寺義烈墓圖



卷之三十一

三十一

山河義烈墓園



何莘

月三江布金先王

三

圖考

南北山義烈遺阡一在清波門外淨慈寺左松居庵
地隸錢塘城西二圖凡三十六大冢一在錢塘門外
岳王廟右仁壽山麓隸錢塘上扇四圖葬二十一大
冢當咸豐辛酉粵逆再犯杭城官紳固守效死弗去
日久糧絕道殣相望城陷猶巷戰不已屠戮之慘幾
無孑遺迨巡撫左宗棠督師入浙克復會垣白骨尙
累累然填塞衢巷乃與布政使蔣益澧商諸紳士雇
夫收檢彙葬南北兩山計城西莊地八畝七分五釐
上扇莊地二畝四分四釐五毫八絲三忽并先後掩

月三...
埋殉難義冢二十一處隸仁和縣地五畝零錢塘縣地七十二畝零應徵錢糧銀米一律懇

恩蠲免其叢葬處名曰義烈遺阡奉

旨列入祀典春秋遣官致祭

光緒杭
州府志

同治三年巡撫左公收城鄉暴骨數十萬具分葬大冢於岳王廟右里許及淨慈寺左數十武地繚以粉垣兩阡表之江干湖墅則就近掩埋之

平浙
紀略

天池寺義烈墓在錢塘定北四圖同治二年春蔣益澧統師由富陽克復省垣時暴骨徧野經官紳士民捐資收買骨殖六千四百二十六觔卽在天池寺東

叢葬巨冢七年二月巡撫馬新貽附片

奏請

恩准將天池寺山場及白沙塢兩處義烈冢墓附入
祀典建祠春秋致祭嗣因祠宇孤立失修移同善堂

救生局至祠經管

光緒杭
州府志

泉山洞義烈墓在錢塘安吉二圖河埠白沙塢咸豐
十年居民避寇洞內監生駱儒宗捐資募勇扼險擊
賊賊怒積薪洞口日夕薰灼計大小男女三千餘人
同時罹禍經縣丞程鍾瑞雇夫檢骨合葬一家同治
七年巡撫馬新貽附天池寺案

奏請

恩准列入祀典旋經布政使楊昌濬委員就天池寺

泉山洞各建祠宇春秋致祭

光緒杭
州府志

公牘

義烈遺阡及殉難義塚列祀豁糧奏咨行知照

會

閩浙總督部堂一等恪靖伯左

為

咨送事竊照本爵部堂於本年七月二十日會

同

貴部院附片具

奏浙省前遭髮逆竄踞罹難之官紳兵民男婦無
主屍骸掩埋義塚請

旨列入浙江祀典春秋遣官致祭並蠲免山地錢糧
一片除俟奉到

硃批另錄咨明外所有會稿相應咨送爲此合咨
貴部院請煩查照希將存稿備案回稿書
奏蓋印移還施行須至咨者

右 咨

浙江巡撫部院馬

同治五年七月 日

浙江巡撫部院馬

爲

行知事本年八月二十一日准

爵督部堂左 咨開本年七月二十日會同附
片具

奏浙省前遭髮逆竄踞罹難之官紳兵民男婦無
主屍骸掩埋義塚請

旨列入浙江祀典春秋遣官致祭並蠲免山地錢糧
一片會稿咨送查照等因到本部院准此合行
鈔片飭知爲此仰司官吏卽便移行知照毋違
特札 右仰布政使准此

同治五年九月 日

浙江等處承宣布政使司蔣 爲

咨會事本年九月初二日奉

撫憲馬 札開本年八月二十三日准

爵督部堂左 咨開本年七月二十日會同附
片具

奏浙省前遭髮逆竄踞罹難之官紳兵民男婦無
主屍骸掩埋義塚請

旨列入浙江祀典春秋遣官致祭並蠲免山地錢糧
一片會稿咨送查照等因到本部院准此鈔片

行知一體移行知照等因奉此合行鈔片咨會
爲此合咨

貴局請煩查照施行須至咨者

右咨

浙江善後總局

同治五年九月 日

浙江善後總局

爲

照會事案准本年九月十二日准

藩司衙門咨開本年九月初二日奉

撫憲馬 行知本年八月二十三日准

爵督部堂左 咨開本年七月二十日會同附
片具

奏浙省前遭髮逆竄踞罹難之官紳兵民男婦無
主屍骸掩埋義塚請

旨列入浙江祀典春秋遣官致祭並蠲免山地錢糧
一片會稿咨送查照等因到本部院准此鈔片
行司一體移行知照等因到局准此合行照會
爲此照會

貴紳董請煩查照施行須至照會者

右 照 會

省城善堂辦理掩埋紳董

同治五年九月 日

計粘鈔片

再浙江省城前遭髮逆竄踞官紳兵勇男婦大小慘罹凶難死者以數十萬計官軍入城屍骸枕藉當飭辦理善後在藉道員胡光墉等尅日收斂其無主之全具屍骸均備棺掩埋義山此外累累白骨徧地縱橫經胡光墉各紳士等廣雇民夫陸續收檢於西湖南北兩山擇地分造大塚計南山松居庵收瘞三十六大塚北山仁

壽山麓地方收瘞二十一大塚均甃石封築前
樹石碣四面繚垣門中建亭立碑工竣繪圖稟
報前來臣惟浙省陣亡員弁有昭忠祠致祭殉
難官紳士庶有崇義祠致祭卽歲時厲壇之祭
地方有司亦屆時奠醢以妥游魂因思杭城克
復烈魄忠骸無從尋覓者已併瘞此五十七塚
之中而墓門春草竟無上塚之人湖畔秋風誰
憫若敖之鬼正恐雨穿噉炙長爲狐鼠深巢空
隣牧笛樵歌莫辨蟲沙遺蹟應請上援昭忠崇
義之例下准春秋祀孤之義將杭州西湖南北

兩山瘞骨五十七塚名爲義烈遺阡請

旨列入浙江祀典春秋遣官致祭以垂久遠所有松
居庵骨塚隸錢塘縣城西二圖計丈實地八畝
七分五釐仁壽山麓骨塚隸錢塘縣上扇四圖
計丈實地二畝四分四釐五毫八絲三忽並先
後掩埋義塚二十一處計仁和縣轄地五畝七
分三釐三毫三絲三忽錢塘縣轄地七十二畝
六分四釐七毫三絲一併懇

恩蠲免應徵錢糧銀米著爲定章以廣

皇仁而資遵守謹會同浙江撫臣馬新貽附片具

奏伏乞

聖鑒施行謹

奏

浙江善後總局

爲

照會事案准本年正月二十五日准

藩司衙門咨開本年正月二十二日奉

撫憲馬行知上年十二月二十七日准

調補陝甘總督部堂左咨開同治五年七月

二十日在閩浙總督任內專摺具

奏浙江省城建立楚湘忠義祠合祀陣亡員弁士

卒請

旨列入浙江祀典春秋致祭以妥忠魂一摺今於同治五年十二月十六日在延平府行次差弁賚回原摺後開

軍機大臣奉

旨另有旨欽此又附

奏掩埋浙江省殉難無主屍骸請列入祀典一片
軍機大臣奉

旨另有旨欽此同日奉到同治五年九月二十日內閣奉

上諭左宗棠奏請在浙江省城建立楚湘忠義祠一摺浙江省兩次被髮逆竄擾攻陷各府縣城池前經左宗棠統帶所部楚軍及蔣益澧所部湘軍分道攻剿先後克復並分軍赴援安徽江西數載之間大小百餘戰陣亡病故者前後二千五百餘人該將士等慷慨赴敵爲國捐軀允宜建立專祠以彰忠義卽著照左宗棠所請在浙江省城建立楚湘忠義祠列入祀典春秋遣官致祭用垂久遠另片奏掩埋浙江省殉難無主屍骸五十七塚名爲義烈遺阡請列入浙江祀典春秋遣官致祭等語

卽著照所請行所有松居庵骨塚錢塘縣城西二
圖占地八畝零仁壽山麓骨塚隸錢塘縣上扇四
圖占地二畝零並先後掩埋義塚二十一處計仁
和縣轄地五畝零錢塘縣七十二畝零應徵錢糧
銀米均著一律蠲免該部知道欽此恭錄咨請欽
遵轉飭等因到本部院准此合行飭知爲此仰
司官吏卽便移會善後局一體遵行欽遵仍飭
將應用祭祀銀兩動支何款及應蠲免銀米若
干分別詳辦毋延切速等因到局准此合行恭
錄照會爲此照會貴紳董請煩查照施行須至

照會者

右 照 會

省城善堂辦理掩埋紳董

同治六年二月十七日

天池寺泉山洞兩義塚建祠列祀奏咨札飭

兵部侍郎右副都御史浙江巡撫馬 爲

札知事照得錢塘縣天池寺及泉山洞義塚懇

恩附入祀典春秋致祭緣由本部院於本年二月初

十日附片具

奏合行鈔片札知札到該司立即會同臬司轉行

月三
遵照毋違特札

計鈔片

右仰布政司准此

同治七年二月十四日

再浙江前遭髮逆竄踞數年官紳兵民男婦人等慘罹鋒鏑者數不勝計其時自杭州府屬之富陽縣至省城一百餘里枯骨遍野經湘軍官兵與士民捐資收埋暴骨六千四百二十五觔卽在錢塘縣定北四圖天池寺東首山場彙葬一大塚又錢塘縣安吉二圖河埠白沙塢地方

有泉山洞咸豐十年秋賊圍省垣該處居民盡
避洞內迨城陷後有該處監生駱儒宗捐資募
勇扼險守禦與賊相持多日嗣因眾寡不敵被
賊將泉山洞用柴堵塞焚燒洞內大小男婦約
計三千餘名口同時斃命慘禍尤烈亦經委員
雇夫撈出屍骸合葬一塚於白沙塢現據該處
紳士以前督臣左宗棠將西湖南北兩山掩埋
骨塚名爲義烈遺阡奏請列入浙江祀典春秋
遣官致祭今錢塘縣定北四圖天池寺東首山
場及安吉二圖白沙塢兩處收埋骨殖均屬忠

義遺骸與西湖南北兩山各塚事同一律呈縣
由府詳經藩司楊昌濬核明詳請具

奏前來 臣復查無異合無仰懇

天恩俯准將天池寺山場及白沙嶺兩處義塚附入
祀典春秋致祭所需祭品銀兩照昭忠祠之例
每歲在於兵餉截曠項下動支銀八兩發縣領
辦以安幽魂而昭

曠典所有前項義塚葬地無多毋庸豁糧合併陳
明會同兼署閩浙總督 臣英翰附片陳請伏乞

聖鑒訓示謹

奏

兵部侍郎右副都御史浙江巡撫李

爲

札知事照得本年五月初七日准

禮部咨開祠祭司案呈內閣鈔出浙江巡撫馬
奏請將浙省被害官紳兵民男婦人等經湘軍官
兵與士民等捐資收埋暴骨併尸骸合葬仰懇
天恩俯准將天池寺東首山場及白沙嶺兩處義塚
附入祀典春秋致祭各等因於同治七年三月
初八日軍機大臣奉

旨著照所請該部知道欽此欽遵各到部相應移咨

浙江巡撫遵照可也等因到本部院准此合就
轉行爲此仰該司官吏查照准咨奉

旨事理卽便轉飭遵照辦理毋違特札

右仰布政司准此

同治七年五月十八日

天池寺泉山洞兩義塚請歸同善堂救生局經
理諭

欽加三品銜杭州府正堂陳

爲

諭飭事據錢塘縣縣丞程鍾瑞稟稱天池寺泉
山洞兩處殉難紳民骨塚前經由縣詳奉撥款

建祠春秋致祭在案茲因祠屋孤立乏人棲止
查省城同善堂經理司事往來在天池寺棲息
若令就近以祠作局棲止辦理庶祠屋照管有
人歲修有出與同善堂總董丁紳等熟商意見
相同惟恐無知之徒藉詞阻撓請諭飭同善堂
總董並掩埋董事妥爲經理先將遵辦緣由議
覆至泉山洞祠宇應如何兼管一併籌議稟報
察核通詳立案等情據此查天池寺泉山洞兩
處掩埋殉難紳民骸骨仿照南北兩山義塚入
祀致祭建立祠宇前經請

奏奉准分飭遵照在案茲據前情除批示外合鈔
稟摺諭飭諭到該紳董等立即會同妥議稟候
核辦勿稍諉延切速特諭

計粘鈔稟

同治九年二月十七日

敬稟者竊照浙省前遭髮逆竄踞數年官紳兵
民男婦女人等慘罹鋒鏑者數不勝計身職奉
調軍營前於同治二年八月隨侍

陞任藩憲蔣 統師克復富陽進紮錢邑之九
龍頭圍攻省垣其時縱橫百餘里枯骨遍野慘

不忍視卽經稟請捐資收買旬日之間共得暴
露白骨六千四百二十五筋卽在天池寺東首
山場彙葬大塚又在白沙嶺地方有泉山洞口
小內大避難義民約有三千餘名口省城陷後
四面賊蹤有監生駱儒宗等卒眾戰守相持半
載迨火藥糧米罄盡被賊堵塞用柴焚燒同時
斃命亦經卑職雇夫撈出屍骸卽在洞旁合葬
一塚旋因該二處收葬骨殖均屬義烈遺骸曾
經移縣轉詳

憲案聲請螯石繚垣建祠列祀當蒙

前陞撫憲馬 附片具

奏於同治七年三月初八日軍機大臣奉

旨著照所請該部知道欽此轉行欽遵並蒙

陞任藩憲楊 撥款委員吳司獄 廷康 會同 卑

職在於天池寺泉山洞二處各建義烈祠一所

設牌供奉春秋遣官致祭在案茲因祠屋孤立

山麓風雨交加與天池寺並不相連寺僧無幾

乏人棲止以致逐漸損壞雖經 卑職 捐廉六十

餘緡大加修整一律完固誠恐無人經管日久

仍須坍塌惟查該處附近之流芳嶺從前向有

同仁義集施捨棺木掩埋暴骨另有錢江救生局常川查察救生瘞死俱係設局辦理兵燹以後兩處局房均已傾圮尙未建復兩項善舉現歸省城同善堂經理司事往來暫在天池寺棲息與其祠屋空閉任其坍塌莫若卽令該司事就近以祠作局棲止辦事庶照管有人歲修有出流傳接管綿長久遠千古不朽洵屬以公濟公

卑職

與同善堂總董丁紳

丙

等再四熟商意

見相同但不稟明

憲臺恐有無知之徒藉詞阻撓卽該司事等意

存顧忌亦不敢公然棲止卑職為籌計善舉以

期久遠起見合鈔奏稿部覆瀝情具稟伏乞

大人垂鑒下情俯賜諭飭同善堂總董江蘇候

補知縣丁紳丙並掩埋董事候選訓導周紳鴻

濟等念切桑梓妥為經理先將遵辦緣由核議

稟覆至泉山洞祠宇應何設法兼請諭飭一併

籌議稟報

察核通詳立案俾祠宇得免傾頽而垂久遠悉

出

恩公兩便則不獨義魄忠魂在九泉感激

鴻慈無旣矣肅泐稟懇恭請

慈鑒

卑職程鍾瑞謹呈

善舉董事丁丙掩埋董事周鴻渚敬稟者竊奉
憲臺諭開據錢塘縣丞程鍾瑞稟稱天池寺
泉山洞兩處殉難紳民骨塚前經由縣詳奉撥
款建祠春秋致祭在案茲因祠屋孤立乏人棲
止查省城同善堂經理司事往來在天池寺棲
息若令就近以祠作局棲止辦事庶祠屋照管
有人歲修有出與同善堂總董丁紳等熟商意
見相同惟恐無知之徒藉詞阻撓請諭飭同善

月三
堂總董並掩埋董事父爲經理先將遵辦緣由
議覆至泉山洞祠宇應如何兼管一併籌議稟
報察核通詳立案等情據此查天池寺泉山洞
兩處掩埋殉難紳民骸骨仿照南北兩山義塚
入祀致祭建立祠宇前經請

奏奉准分飭遵照在案茲據前情除批示外合鈔
稟摺諭飭諭到該紳董等立即會同妥議稟候
核辦勿稍諉延等因奉此遵卽會詣勘商伏維
天池寺泉山洞殉難義塚旣奉

奏准建祠入祀自應永爲守護查錢江救生局舊

址向在牛坊嶺劫後燬廢上年奉

撫憲飭辦救生局因初行試辦造屋籌費維艱
職等稟請派司事一人暫借天池寺爲瞭望辦

事之處原擬續請建復局所茲既與義塚祠堂
近在咫尺且塚祠基址亦係天池寺產地以之
移作救生掩埋局極爲妥便惟查局內饗堂三
間中設神位理宜靜肅棲止殊形褻瀆祠門三
間中係走路左右平廊二間用實不敷且牆壁
作障不能望江天池寺可借僧廚作爨祠屋並
無廚竈此次旣奉飭議垂久之計自應於持久

之中而仍節費用擬就祠門之二椽平廊各接
出三椽左右牆壁嵌設牕櫺以便瞭望並於牆
外繚垣添蓋竈屋一間逐項估計約須錢一百
八十千文其款擬請於同善堂救生項下開支
歲修錢文亦擬請於救生項下逐修逐報至泉
山洞祠塚該處距天池寺有二十里之遙骨塚
之前止有饗亭一座即使派人亦無棲止惟有
覓就地土人之謹樸者歲給管費一面由救生
局司事隨時前往察看倘有損壞卽行修補並
查塚後土牆悉被水沖刷坍塌現擬壘石爲垣

以衛塚界其工料估須錢二十餘千文擬請於
同善堂掩埋項下開支庶祠塚得以永固善舉
賴以維持奉 飭前因理合據實稟覆是否有
當伏候

察核批示祇遵並乞

詳請

運憲備案實爲公便頂德上稟

同治九年四月二十七日

五月初四日奉

杭州府正堂陳批 據稟已悉仰候據情通詳

各憲立案以垂久遠此繳

杭州府正堂陳

爲

諭知事案據錢塘縣縣丞程鍾瑞稟稱天池寺
泉山洞二處祠墓請諭飭善舉董事並掩埋董
事妥爲經理一案當經諭飭妥議去後嗣據該
董事等稟復前來復經本府據情轉詳奉

運憲札開同治九年六月二十一日奉

署撫憲楊 批本府詳天池寺泉山洞兩處骨
塚均屬義烈遺骸建祠立祀請以救生局移在
該祠辦事以便兼管祠塚修築經費均在同善

堂掩埋項下開支等緣由奉批所議尙屬妥協
希鹽運使會同按察使卽飭趕緊照辦工竣繪
圖送查此致等因奉此並據該府具詳到司當
經批示在案今奉前因除移會外合行札飭札
府卽便遵奉

憲批事理速卽趕緊照辦工竣繪圖詳送備查
毋違並奉

運憲批本府詳同前由奉批旣據並詳希候

撫憲暨

藩司
軍需局

批示遵行此繳又奉

藩憲批本府詳同前由奉批如詳辦理仰卽轉

飭遵照並候

撫憲暨

運司批示繳又奉

臬憲批本府詳同前由奉批如詳辦理仰卽轉

飭知照仍候

撫憲暨

藩運司批示繳又奉

軍需局憲批本府詳同前由奉批既據通詳仰

候

撫憲暨

藩運司衙門批示繳各等因除飭前錢

塘縣縣丞程鍾瑞遵照外合亟鈔詳諭飭諭到

該董事卽便遵照

撫憲批飭迅將天池寺泉山洞兩處應辦事宜
會同趕辦工竣繪圖通送備案事關善舉切勿
稍遲延切切特諭

同治十一年七月十八日

計鈔詳

三品銜杭州府爲轉詳事據錢塘縣丞程鍾瑞
稟稱浙省前遭匪擾錢邑之九龍頭地方枯骨
縱橫曾經稟請捐資收買共得白骨六千四百
二十五斤卽在天池寺東首山場彙葬大塚又
白沙塢地方有泉山洞口小內大避難義民約

有三千餘名口被賊堵塞洞口用柴焚燒同時斃命亦經卑職僱夫撈出屍骸卽在洞旁合葬一塚前經由縣詳奉撥款建祠在案茲因祠屋孤立乏人棲止查有省城同善堂經理救生局司事往來在天池寺棲息若令就近以祠作局棲止辦事庶照管有人經費有出請諭飭同善堂總董江蘇候補知縣丁紳丙並掩埋董事候選訓導周紳鴻渚等妥爲經理將遵辦緣由並泉山洞如何兼管之處應請一併籌議通詳立案等情據經卑府諭飭去後茲據善舉董事丁

丙掩埋董事周鴻渚會稟錢江救生局向在牛坊嶺劫後燬廢上年奉

撫憲 飭辦救生 職 等稟請派司事一人暫借

天池寺爲瞭望辦事之處原擬續請建復局所茲旣與義塚祠堂近在咫尺以之移作救生局極爲妥便惟查祠內饗堂三間中設神座理宜靜肅祠門三楹中係走路左右平廊二間用實不敷且牆壁作障不能望江祠內向無廚竈此次旣奉飭議垂久之計應於持久之中而仍節費用擬就祠門之二椽平廊接出三椽左右牆

壁嵌設牕櫺以便瞭望並於牆外添蓋竈屋一間逐項估計約須錢一百八十千文其款擬於同善堂救生項下開支歲修等款亦擬於救生項下逐修逐報至泉山洞祠塚距天池寺有二十里之遙祠內止饗堂一座無可棲止惟有覓就地土人之謹樸者歲給管費一面由救生局司事隨時前往察看並查塚後土牆悉被山水沖坍現擬疊石爲垣以衛塚界其工料估須錢二十餘千文擬於同善堂掩埋項下開支庶祠塚無虞坍塌廢等情稟請轉詳據此

卑府查天池

寺泉山洞兩處骨塚均屬義烈遺骸前蒙撥款
鬻石繚垣並奉建祠立祀自應設法守護據稟
以救生局移在該祠辦事以便兼管祠塚所添
竈屋暨歲修經費均在同善堂救生項下開支
泉山洞骨塚就地選人給費經管亦由救生局
司事隨時察看現在土牆坍塌先擬修築其經
費錢文並在同善堂掩埋項下開支所議尙屬
妥協理合據情轉詳仰祈

憲臺察核批示祇遵實爲公便除詳

撫憲暨

藩司
軍需局

憲外爲此備由具申伏乞

照詳施行須至申者

南北兩山天池寺泉山洞義塚嚴禁告示

欽加三品銜杭州府正堂加三級紀錄十二次陳 爲
出示嚴禁事照得南山松居庵地北山仁壽山
麓及江干天池寺側泉山洞地方均建有
義烈祠後有塚墓奉

旨春秋祭祀埋宜加意防護以妥毅魄而安忠骸惟
該祠地當孔道依山面水最易藏奸誠恐流丐
游勇游方僧道強借棲止任意糟蹋并就近無
知愚民積薪寄匱跌錢聚賭以及放牧牛羊攀

折樹枝借端滋事殊干法紀除嚴飭查拿驅逐
外合亟出示諭禁爲此示仰該處地保居民人
等知悉如敢故蹈前轍許該祠司事扭送來轅
以憑發縣或逕稟該縣從重究辦決不姑寬其
各凜遵毋違切切特示

同治十一年八月初八日給

殉難各義塚嚴禁告示

欽加三品銜杭州府正堂加三級紀錄十次陳 爲
出示嚴禁事照得省垣克復城廂內外各處收
埋殉難骸骨如錢塘縣上扇二圖昌化伯牌樓

等二十一處皆奉

恩旨豁糧其餘尙有未經豁糧處所由同善堂掩埋局暫納待豁理宜一律保護以安忠骸誠恐就近無知愚民牧放牛羊移動碑石斫割茅柴以及開掘種植蓄志侵佔踐踏損壞任意糟蹋等情殊干例禁合亟出示諭禁爲此示仰地保莊首居民人等知悉嗣後如敢故蹈前轍許卽扭送來轅以憑發縣或逕送該縣儻地保莊首通同徇隱一經覺察或被告發定卽從重一併究辦決不寬貸其各凜遵切切毋違特示

同治十一年八月初八日給

區畝

南北兩山義烈遺阡豁糧都圖畝分

一南山清波門外淨慈寺左隸錢塘縣城西二圖

松居庵地八畝七分五釐葬三十六大塚

一北山錢塘門外岳王廟右隸錢塘縣上扇四圖

仁壽山麓地二畝四分四釐五毫八絲三忽葬

二十一大塚

以上其地十一畝一分九釐五毫八絲三忽

共葬五十七大塚於同治五年八月二十三

日奉文行知

杭城兩次殉難義塚二十一處豁糧都圖畝分

錢塘縣

一錢塘門外上扇二圖昌化伯牌樓地一畝九釐

九毫二絲葬四十三塚

一錢塘門外上扇四圖裏東山衙地一畝四分三

釐七毫五絲葬四十八塚

一錢塘門外上扇二圖紫竹林地一畝六分七釐

三毫四絲葬五十八塚

一錢塘門外上扇四圖西冷橋地五分六釐三毫

七絲葬二十八塚

一錢塘門外上扇四圖地藏殿旁地九分六釐二毫五絲葬六十塚

一錢塘門外上扇四圖地藏殿路北地三分七分五釐四毫葬二百四十五塚

一錢塘門外上扇四圖多子塔院旁地一畝八釐七毫五絲葬六十塚

一清波門外城西二圖五嘉地地六分七釐五毫葬三十二塚

一清波門外城西二圖塔院前後地八畝一分九

釐二毫三絲葬五百九十九塚又十一大塚

一清波門外城西二圖金魚山地八分三釐四毫
葬四十八塚

一清波門外城西二圖萬松嶺地一畝一分三釐
一毫葬十六大塚

一清波門外城西二圖茶坊嶺地七畝三分一釐
三毫五絲葬四百三十八塚

一清波門外城西一圖長橋湖濱地八畝七分五
釐葬四百八十塚

一清波門外城西一圖頭條巷地四畝一分八釐

七毫五絲葬二百五十二塚

一清波門外城西一圖二條巷地八畝七分六釐五毫五絲葬五百二十五塚

一清波門外城西一圖蓮花峰地二分三釐四毫葬二十三塚

一清波門外城西一圖高德社後中間劃斷地十三畝

七分四釐葬九百二十塚

一清波門外城西一圖北園亭輔仁局地北地八畝二

分四釐七毫七絲葬四百九十二塚

以上錢塘縣十八處共地七十二畝六分四

釐七毫三絲

一鳳山門外似蘭區四明會館牆東地七分八釐
葬四十八塚

一滷泰門外會保六圖外彩和橋北地一畝五分
五釐葬七十二塚

一清泰門外會保六圖福星庵北地三畝四分三
毫三絲三忽葬八十四塚又三十四大塚

以上仁和縣三處共地五畝七分三釐二毫
三絲三忽

統共錢塘仁和兩縣二十一處共地七十八畝

三分八釐六絲三忽共葬四千六百十六塚
又六十一大塚於同治五年八月二十三日
奉文行知

庚申殉難義塚十九處都圖畝分

錢塘縣

一錢塘門外城西二圖宗鏡堂院東地七分九釐
二毫葬一百十二塚

一錢塘門外城西一圖二條巷至學士橋地八畝
七分六釐五毫葬五百二十五塚又一大塚
一湧金門外城西一圖瀕湖馬衙地六畝七分一

釐二毫葬一百三十六塚

右三處錢塘胡光墉捐資掩埋光緒庚辰年
重修有碑記司其事者王吉甫周曉江姚有
之張敘安也土工戚大成顧保林張如山應
如松經辦

一錢塘門外上扇二圖集慶寺側地三畝叢葬不
分塚數

右一處江蘇巡撫歸安徐有壬捐廉掩埋委
江蘇候補通判姚仲蘧候補縣丞汪鑑人監
辦土工張如山戚大成經辦

以上錢塘縣四處共地十九畝二分六釐九毫

仁和縣

一鳳山門外似蘭區懷字號饅頭山下地二畝二分一釐葬一百六十三塚

一鳳山門外似蘭區懷字號四明會館牆東地一畝七分四釐三毫葬一百塚

右二處蕭山黃中耀經辦光緒壬午同善堂掩埋局重修有碑記

一清泰門外會保六圖郎家場地一畝葬直長三

大塚橫闊二大塚

右一處橫河橋許紳捐資掩埋土工陸永貴
陸暢生經辦

一望江門外會保四圖法海院地七畝五分葬四
百塚

一清泰門外會保五圖牛窩蕩地二畝六分二釐
五毫葬一百四十四塚

一清泰門外會保五圖大通橋下首地六畝一分
葬二百六十四塚

一清泰門外會保五圖化智廟旁地一畝八釐三

毫葬六十三塚又一大塚

一清泰門外會保五圖徐家埠地八分七釐五毫
葬五十七塚

一清泰門外會保五圖觀音堂地三畝八分七釐
葬二百六十塚

一清泰門外會保五圖馬術東首地五畝二分五
釐三毫葬二百八十五塚

一清泰門外會保五圖鴨兒灘地五分三釐一毫
葬二十四塚

一清泰門外會保五圖凌家園上塘處地四分葬

三十塚

右九處錢塘胡光墉捐資掩埋光緒庚辰重

修有碑記

一望江門外會保五圖海潮寺池東名拾地二畝

叢葬不分塚數

一清泰門內南良一圖蒲場巷東渡庵牆角現已圍牆

叢葬不分塚數

一清泰門外會保六圖西渡庵牆外地二分叢葬

不分塚數

右三處皆民捐民辦無碑記訪之土人應如

松等始知其界址現歸掩埋局管理

以上仁和縣十五處共地三十五畝三分九

釐

通共錢塘仁和兩縣十九處共地五十四畝六

分五釐九毫葬二千五百三十六塚又十一

大塚內四處不分塚數一處無畝分

東郊庚辛殉難各義塚畝分

一河西村曇花庵側叢葬庚申殉難遺骸一大塚

計地二分六釐二毫五絲

一艮山水門外及爛港口藁葬庚申殉難骸骨並

古塚六百餘堆計水門側地八畝三分二釐三毫爛港口地七分二釐九毫二絲

一白蓮坂藁葬庚申殉難忠骸南七長埭北三短埭計地三畝四分九釐五毫八絲

一打網埭土名糴子埭藁葬太平門城闈庚申殉難八十三人連古塚計地五畝九分四釐一毫六絲

一樟樹下叢葬庚申殉難骸骨連古塚計地三畝八釐七毫五絲

一八仙石涼亭側叢葬涼亭內辛酉殉難骸骨一

大塚不計地

一 施家橋路旁葬辛酉殉難閩勇十七塚計地二分三釐三毫三絲

一 彩河橋難中藁葬道殣不計數連古塚計地三十八畝八分四釐七絲

以上各地共計六十畝八分七釐七毫六絲
內一處無畝分

仁錢二縣義烈墓畝分已列於右餘若玉壯
愍撫浙時飭紳董掩埋遭劫無主棺木及殉
難藁葬尸骸如錢塘縣下扇四圍護國寺前

地五畝二分六釐二毫五絲又觀音井後地
一畝八分上扇四圖地藏殿涼亭西地二畝
又瑪瑙寺園東地七畝仁和縣似蘭區饅頭
山下地二畝一分八釐七毫五絲又報國寺
東地四畝五分四釐七毫四絲會保區福田
寺前地四畝三分三釐八絲太平六圖李家
橋地二畝四分七釐九毫五絲會保四圖四
板橋地九畝九分一釐二毫五絲凡九處共
葬四千一百四十一具均有碑記可考由掩
埋局致祭恐久而淹沒謹附識焉

藝文

義烈遺阡碑

譚獻

嗚呼天人消息之故微乎其可畏也古昔聖王尊生爲本故以民爲天生聚不與富盛期而富盛至富盛不與奢淫期而奢淫至奢淫不與凋喪期而凋喪至其小者災眚大者甲兵皆所以懲戒生人而天心仁愛又必豫生救災之君子大人以濟其難而圖其後屯之傳曰雲雷屯君子以經綸師之辭曰師貞丈人吉吾於今宮保制府左公今方伯蔣公見之方杭州之再陷也環攻日久餉道斷絕權金易粟不得糜革

茹草皆盡孳殫相望死者已十七八城破之日剗割之慘子遺黎民難一二數抑亦數十年治游侈靡之習召此變邪其陽九之數適丁厄運邪於是左公督師入浙蔣公統百勝之士三萬人如虎如貔轉戰而下破竹之勢迎刃以解更生之人求食之鬼胥喁喁焉

王師下杭州日城內外積骸蔽地如林如莽蓋飢餓屠戮與夫百戰之骨皆在焉左公前騶所經觸日以憂以詢於蔣公蔣公以謀於鄉士大夫訓導徐君恩綬周君鴻渚承大吏教勸賢集貲募壯夫竭手足從

事凡遺骸之可數者五萬具而羸斂而糞之西湖諸山在南山者爲松居庵凡三十六區在北山者爲仁壽山凡二十一區江干湖墅亦就近掩藏之其制深五尺塚各五具不成具者併大塚其土墳之崇亦五尺皆以三和土爲之不惜費而求其堅畢如也其外溝若干丈裁令流水又慮久而湮於榛莽也繚以周垣結廬守焉將句大府請於

朝附於厲壇列爲祀典春秋有司祭之凡此不知誰何之鬼無所求其子姓而引之以及於無窮由斯以後歲有康年不逢災害厲氣盪滌永無兵燹微二公

濟艱之大略無以埽除此土亦微二公圖後之盛德
無以委曲周詳恩及無知之朽骨如是也杭之人弔
死扶傷創鉅痛深春朝秋日麥飯一盂涼漿一匊冢
中之人非其親故卽其里黨合貴賤而同盡混賢愚
於一邱吁可悲也其將崇禮義敦儉讓以感天心之
和則是纍纍者又不徒動後來之憑弔已也系之辭
曰西湖之山繚而曲兮叢冢纍纍如防如屋兮魂乎
有知血相矚兮飽彼烏鳶飛土誰逐兮爲枯骨主靈
臺之仁兮生匪相識死爲鄰兮陵葬澤葬思古人兮
鬼不爲厲升於天兮粟麥歲稔國生聖賢兮嗚呼貞

石垂千春兮

天池寺泉山洞兩義塚祠祀碑記

陳魯

掩骼埋骼昔之澤及枯骨者雖無事時且心存仁愛
矧當兵燹後耶咸豐辛酉杭州再陷官紳軍民死難
甚眾碧血生燐白骨遍野同治癸亥八月前方伯湘
鄉蔣公攻克富陽駐師江滸見而憫焉籌款檄程大
令鍾瑞會商李司馬國賢趙茂才景良募夫檢收約
得數千軀聚掩於天池寺之側繼訪白沙塢有泉山
洞者口窄腹寬當賊圍省城時遠近居民相率奔避

其中迨城陷而錢塘監生駱儒宗獨募勇守禦屢挫賊鋒次年五月力戰遇害其子監生進駒繼之越歲正月賊虜至進駒亦戰死賊怒不已積薪洞口灼死男婦三千餘人大令覘得其實復募夫盡數檢出掩諸洞前山麓此收瘞兩塚之起緣也嗣甲子春大軍克復省城善後局普收骨殖作數十塚分掩南北兩山前制軍爵相左公表爲義烈遺阡

奏列祀典願天池泉山兩塚掩在城復之先未經列入大令懼無主守護久就湮廢稟蒙今申丞楊公縉藩篆時撥公款委吳貳尹廷康仿義烈遺阡繚垣建

祠並詳請前中丞馬公會制府英公

奏列祀典春秋遣官致祭並動支截曠銀八兩發縣
備辦同治七年三月初八日奉

旨允准誠

曠典也魯於是年適來守郡大令復請諭飭善舉紳
董丁君丙徐君恩綬周君鴻渚移錢江救生義掩局
於祠中使管守焉仍由局覓土人護視泉山祠塚俾
歲修有資管理有人詳報立案上爲

國家沛泉壤之恩下爲忠義縣馨香之祀大令與有
方焉因敘其始末並記於石

附錄祠內同治十三年仲秋撫浙使者楊昌濬題
額曰山高水長聯曰烈劫殉紅羊浩氣長存終古
豆邊馨享祀怒濤馳白馬靈風未泯卽今舟楫濟
艱難樹禮識

庚申殉難義塚記

張爾嘉

周官蜡氏掌國之飗禁有死於道路者則令埋而置
楬書其日月懸其衣服任器於有地之官以待其人
禮記月令孟春之月掩骼埋胔蓋先王仁政澤及死
亡雖承平無事之餘掌飗有官埋骨有時矧當兵燹
後哉咸豐庚申間杭城兩陷殉難者不下數百萬人

同治甲子左文襄率軍南下克復省垣目擊尸骸之
蔽地慨然傷之爰命胡雪巖觀察光墉等集貲僱夫
收遺骸之可數者約三萬具分埋於錢塘之昌化伯
牌樓仁和之四明會館牆東等處凡二十有一更聚
埋骸骨之不可分數者五十七塚於南北兩山一一
入告於

朝奉

旨豁糧列入祀典他若天池寺泉山洞義塚亦皆奉
旨恩准建祠我

國家旌卹之典至優且備然而死難之餘累累白骨

徧地如林凡義民之隨地掩埋其湮沒者已不知凡幾追維庚辛之秋胡君雪巖所經理者如宗鏡堂院東等凡十二處黃君斯馨所經理者若饅頭山下等凡二處餘若集慶寺側則江蘇巡撫徐公捐廉所葬也郎家場則橫河橋許君捐資所埋也此皆庚辛殉難之義塚有碑可稽巡撫王壯愍公擬奏請豁糧而未果者余自癸巳仲秋隨金君蔚齋後司掩埋局事爰將各義塚丈量繪圖以清界址訪之士人應如松等又查得殉難義塚若海潮寺池東蒲場巷西渡庵側三處皆當時義民隨檢隨埋而不分塚數者亦丈

量其畝分登諸冊籍以期久遠今年春孫利叔孝廉
樹禮適有義烈墓錄之編余因舉所知者十九處請
附列於後孫君喜余知之詳也囑爲記其緣起余維
掩埋局之設深得古聖王遺意至今垂三十餘年葬
二萬二千八百塚有奇合十一萬四千餘棺今則漸
推漸廣凡南北山天池寺泉山洞各義塚以及三學
局輔仁局所埋之塚悉歸局中管理是固周君鴻渚
姚君厚餘金君蔚齋之力居多今孫君更欲其久而
不湮也固不可不記光緒乙未夏日

東郊義塚記

孫樹義

昔范縝謂人生有飄茵墮溷之殊予謂生固有之死亦宜然夫所謂殊者非重於泰山輕於鴻毛也同屬舍生取義之倫而或高列阡表春秋享祀或叢葬草莽狐兔穴居是豈死者之異耶抑亦殉義者實繁有徒初不暇計身後名爲之藁葬者亦遂莫之知也夫庚辛之劫創深痛鉅而

朝廷

旌卹之典亦至優極渥南北山義烈遺阡旣歷年遺員致祭而紳民醵金更屆期資送楮帛崇報之意可不謂重耶然良山水門外白骨累累鄉人言曩時殉

難者舟人載出城河卽昇以登岸僅覆一坏之士經
二十年剝蝕故至於此吾弟樹禮盡然傷之時善堂
掩埋經費苦支絀不得已白諸筠軒吳公吳公因督
宗文塾課達諸夔石王公茗笙朱公塾正張孝廉景
雲復愆患之王公遂慨然捐廉復集同人伙助并所
謂瀾江口者均培築焉自是以後鄉民之來告者踵
相繼如施家橋河西邨曇花庵側白蓮坂樟樹下打
網埭八仙石彩和橋等處邑之紳士耆老咸慕義鳩
資重修之王公更倡爲每年募冥賑巡歷一周之議
以防侵佔朱公復樹豐碑立界石冀歷久遠雖稍慰

長逝者之魂魄然較諸南北兩山之遺阡已不如遠
甚此外見聞所不及弔祭所不至青燐碧血淪落於
荆榛沙礫間者不知凡幾可勝悼哉可勝悼哉

過湖上萬骨塚悲賦

張應昌

杭城燹後積屍如山枯骸載路城復收骸幣
築數十大塚於西湖南北兩山題碣曰義烈

遺阡春秋祭祀

齒豁欣蒙掩形骸慘不分一坏同混沌萬鬼雜紛紜
義骨成京觀寒燐結暮霧那堪仙佛地罹此劫灰焚
宋塔殘陵寢秦臺聳髑髏豈如仁政澤慈卹義民儔

恨乏山陰客能分涇渭流古今千載事涕淚滿杭州

弔義烈遺阡

高望曾

山行不逢人尙餘豺虎迹下馬讀殘碑道旁小歇息
鄉人荷擔來累累此何物前肩掛髑髏後擔束骸骨
爲言荒邨中狼籍無人卹官局論斤買易米計亦得
敗骼攪牛羊眞僞孰能別山南淨慈旁山北棲霞側
荒塚何紛紛千魂共一穴豈無忠與貞豈無豪與傑
身後誰得喪都付一邱貉俛首念妻孥淚下衣襟溼

春日過湖上弔義烈遺阡

有序

劉焜

野棠花發湖上春來雕鞍錦轡之儔紈扇輕

衫之客展于墳而卜夢過鄂壠而摩碑俯仰
前徽致足尙矣至於深深玉葬弔油碧於西
冷鬱鬱香阡訪殘紅於孤嶼猶復抽簪刻壁
吮墨題襟況乃浩劫留灰靈山護魄鯨封萬
骨蒸石頂之愁雲燐火千星照湖邊之暮雨
其間豈無銀緋顯宦金谷豪門色絲黃絹之
名流畫閣朱簾之淑媛笙歌響歇鼙鼓聲來
慘丁九運之艱遂作一邱之貉歲歲清明飽
官家之麥飯朝朝風露看野水之楊花遊魂
汚而難歸子孫過而不拜豈不痛哉焜負書

作客買屐頻遊驚風火之餘痕慨滄桑之往事湖山圖畫重似當年劍履弓刀難招舊魄
率成俚詠聊誌感懷

腥風刮樹黃塵老紅羊齧血膏原草千里青燐傍地
飛三秋白骨隨蓬蒿大將招搖下浙濱神旗一閃瘴
雲分連屯未卸東征甲掩骼先行西伯仁至今南北
雙阡列

鳳詔輝煌褒義烈四圍薜荔繞長垣入尺芙蓉壯豐
碣就中多有貴人魂寒食梨花草上墩碧血共澆新
白釀烏衣難覓舊朱門猿鶴蟲沙真劫數忠貞貴賤

同坏土殺運端資正氣扶坏土風流足千古當初骨
月慘流離自分終應飽餓狸何意殘骸獲同穴團圓
翻似勝生時南岡北隴遙相望謹笑詞呼同里巷春
雨淒聞牧笛吟秋風共聽樵夫唱吁嗟乎赤燦烈澤
全城空妖網四設無西東蹈白刃兮罹青鋒子死孝
兮臣死忠婦殉夫難兮僕隨主蹤甯斷頭兮無賊從
生作人豪兮死爲鬼雄君不見田嬰壠上荆蒙茸翁
仲沒土狐爲宮又不見平涼城下懷忠旌義兩遺塚
千秋馬鬣常穹窿

寓天池寺秋祀畢感而成詠

黃學淵

人壽終有盡天道復何尤
靜觀千百塚累累土饅頭
幸傍天池寺佛力超冥幽
自昔經粵逆殺戮徧杭州
定鄉劫獨慘白骨填深溝
官軍與寇盜顛倒貉一邱
至今三十載山鬼嘵啾啾
謹告冥漠君奠爾酒一甌
時和莫爲厲魂兮依松楸
花發棠梨詠盆啟孟蘭秋
俯視山下潮終古無停流
可知胥與種難報吳越仇
由來極樂土生死原浮休

天池寺義塚

劉焜

埋掩茲幸先

表卹此差後同爲忠義魄
先後亦何有隔樹聽經聲

一洗煩冤垢忠魂早度脫遺蛻已不朽

過泉山洞感賦

陸有壬

指說泉山洞口窄腹寬洪當關一夫立足卻羣醜衝
更恃駱父子相繼挫兇鋒男婦三千餘避匿居其中
城陷賊虜至忿極設計工積薪塞洞口狼毒縱火攻
事後檢遺骸義阡巖下封封章附入告春秋祀典隆
長松冷白日獵獵生悲風今見洞口草獨活無蒙茸
碧血入土化開遍映山紅

泉山洞義塚

劉焜

官軍攫危城居民扼山洞城陷洞不下父死子復踵

哀彼昆岡焚卒盡桃源種誰人拾餘燼并築要離塚

達官乘朱軒春秋拜遺壠忠義良足欽食報亦云重

翻念金華麓惻惻增悲痛吾郡金華山麓有講堂洞

四五畝正中絕壁如屏上復露洞口如懸鉞非重梯

不能上而其內寬廓可容數千人粵匪之難山民結

若自固力屈不守退保此洞蓋先期已有奇頓費糧

充積內有泉水足資盥汲更番令兩人持火器守洞

口賊萬眾不得薄有窺伺者輒被殲無算賊甚因

大索花絮數百捲中裹紅椒燕之用鐵桿挑塞洞口

舉扇扇之逾一日夜舍之而去次日有一老嫗匍匐

出半面焦灼如漆口鼻皆出無賴數人利其財物秉

餘人則皆為煨燼矣或生或倚或兩入三五人相抱

炬而人見洞內遺骸或生或倚或兩入三五人相抱

持冠履而目悉如生時舉手撥之隨為飛灰心動而

出旋染惡氣以死後遂無問津者事聞於官台以丸

泥封之按此與泉山洞義民拒賊被戕事正同一律

而一則堂封屹峙寵渥鸞綸一則石葬蒼涼冤沈

雞糞鬼猶求食霜露之感何如死而有知茵溷之悲
曷極往年遊金華山曾過洞口父老指述遺迹流連
憑弔惻然傷之書生力薄付之負負而已今感杭州
泉山洞之事因附筆識之欲以存其軼事且願有心
人比死者一灑之也

與孫三樹禮董修東郊義塚功甫竣集蘇海堂

句稽工籍適逢報登賢書之喜作此紀事不

頌以規其許我乎

張景雲

棹出城東門累累見遺塚矢石亂墮委岸齧水涵洞
散牧牛羊來棺陷上成孔歸告鄉先生慘慘衷懷動
孫君年力強任事仁且勇能鑒我躊躇不待人慇懃
執繩定經界胥吏意驚悚畚鍤集眾夫工作去繁冗

告祭自爲文感格到芻備圖繪正鱗冊秋賦納秬稷
告成不旬日條理何倥偬培土限三尺一一見高壟
春雨無積流秋草雉荒茸愧我贊助無奔走共接踵
九月造榜天試事議論詢君也慎出納執筆注其總
有人走相告官紙泥金捧天香月中桂高折蟾宮種
爲君開笑口功名荷天寵陰德原耳鳴寓言非鑿空
知君守天爵方寸益震恐善頌我家法浮名不爲重

東郊義塚

劉焜

步出東郭門悵望東郭路累累青草塚蕭蕭白楊樹
厲魄今有歸忠骸昔無主雖遲

綸綉寵幸免霜露苦因茲念仁人茵溷何足語

附錄

林典史墓

林典史墓在孤山林逋墓側咸豐十年粵寇陷杭署

仁和縣典史林汝霖死之藁葬署旁克復後改葬孤

山同治七年巡撫馬新貽奏建祠於墓前

光緒杭
州府志

君姓林氏名汝霖字小巖福建上杭人父坤字松巖

任安徽茹麻嶺巡檢有政聲以老致仕君幼讀書明

大義援例得九品官分發浙江咸豐七年署南潯鎮

巡檢九年署仁和縣典史父母就養任所姊二人妻

周氏及子四女二隨侍十年二月二十七日城陷君
攜子跪請其父俱死非計速挈孫出避以延宗祀父
不許流涕固請乃挈諸孫匿獄壁君送之出歸署則
母妻及兩姊長女均自縊矣捨地長號旋危坐堂皇
列印於案手洒痛飲大書於壁云未能矢志勤王事
惟有捐軀答

聖朝俄賊至君怒罵擊以印不中賊前加以刃旁一
賊言此忠臣不可殺竟舍去復有數賊至君佯顧堂
後賊爭趨入則積屍縱橫搜金不得駭且憾突出斷
君首置案上屍僵坐不仆及賊退父挈諸孫自獄中

出殮諸屍命役藁葬署旁父旋卒長子懋生年十六
謁前巡撫王公有齡泣述死事狀有齡爲請於

朝是年五月

詔贈君主簿給世職家屬

旌表如例懋生奉檄效力浙東軍營次年諸暨兵潰
欲回杭以賊圍城不果嗣聞包村起義往赴之志欲
立功以雪父讐同治元年包村陷殉焉次子涇生年
十二亦死辛酉杭城之難次女及兩幼子以寄養越
中戚屬家得不死五年冬復葺典史署堂西偏掘土
得屍六迫視之朝衣冠者首在頸旁生氣凜然眾愕

不敢發有老役朱華過而詫之曰此前典史林公也
藁葬時某與役今七年矣因述死狀甚悉其同官暨
紳士等醵金卜葬於孤山林處士墓側立祠宇加塚
碣焉論曰林爲閩右族代有聞人君負伉爽才顧不
大用而辱於末吏卒能閤門殉難志節皦然則亦何
媿其家聲哉初圍城中君謁仁和令李福謙語次及
賊李慷慨長吁攬衣帶視之曰吾佩此久矣蓋李君
前令金華時賊至嘗左佩印右佩鳩登陴以督戰守
至是復然故云君聞而默然李問之則斂容起對曰
某誓不負公兩人卒皆如其言而君死事尤烈於戲

一命之尉望重青雲如林君者可以風矣

仁和董慎言撰傳

孤山林典史墓記

陳思燭

昔明閣陳二公以典史抗節江陰我

朝建祠賜諡褒卹有加不以逆命爲嫌仰見

先皇教忠之至意而二公者生屈末僚死彰大節說者以爲視達官貴人尤可重焉越二百年餘而浙江復有仁和典史林君官闕里居及行誼死事諸狀別詳傳中方同治五年冬重葺典史署掘地得其屍六詢之老役知爲君全家藁葬處於是同官紳士憫其忠烈謀爲改葬卜地於孤山林處士墓西諷日程功

先營墓道依山築壙發以瓴甌繚以周垣立碣爲表
衛以石闌墓旣成構屋爲祠厥規四方翼然如亭中
置龕奉木主三面屏以門望之若杲恩然步闌畫楹
旁矚遠映居然一名勝矣飭工庀材經始於六年十
月凡兩閱月而祠成紳士許乃釗等合詞請於今兩
江總督前巡撫馬公新貽爲之奏請於
朝列入春秋祀典由是林典史之名與閻陳二公並
垂不朽謂非生則屈於末僚死終彰其大節者乎余
忝守茲土適觀其成遂不辭而爲之記

孤山甲林縣尉

薛時雨

香冷弔忠魂春寒肅墓門
名山增故實一命亦

君恩寶劍恆光氣孤松有本根
能令風俗厚

范文正贈林處

士詩仕隱道同尊

湖上謁仁和典史林公墓有感而作

王廷俊

生不能封萬戶侯更不能盡斬獷悍之賊
頭高坐堂

皇罵賊死遂令典史重山邱典史之官大如蟻
焉能

仗節報

天子倒持手版望轅門應知淚落如鉛水
一朝賊破

清波門日光慘淡煙塵昏全家併命無遺累
不負

熙朝養士恩而今湖上一坏土來與逋仙共樽俎八
百年前受姓同繞墓梅花香更古吁嗟乎死後不留
封禪稿清風久已人間杳今朝磊落遇忠魂地下逋
仙應絕倒可知正氣扶綱常微官奮志卽昂藏若因
勢位相尊重當時乃有林福祥

孤山林典史墓

褚成彥

生死蜉蝣耳彭聃未爲壽少尉人中仙微官殉狂寇
氣節完功名天意栽培厚魂獨戀孤山常繞逋翁右
地下聯宗盟仙吏家風舊管領到湖山馨香分俎豆
掘衣拜墓門英風壯靈鷲白雲時往還孤塚梅花守

拜林典史墓

丁午

古今不必同所同者氏族出處不必齊所齊者高躅
湖翠撐孤山棲隱林君復袖無封禪草瓶有頒賜粟
清標勵臣心素餐恥榮祿宜乎老坡仙寒泉薦秋菊
流風七百年偶然墜緒續縣尉乃微官琴堂襄判牘
手版與腳鞢奔走風塵俗何以希先生高節追落落
時值咸豐朝粵逆肆抵觸流禍及浙水初罹兵燹酷
林公佐仁和厥職僅守獄本非任干城長吏逸且速
公氣殊昂昂可殺不可辱衣冠坐堂皇罵賊等叱犢
公怒賊亦怒闔門遭慘毒須臾援師臨收城撫尸哭

桐棺不易購具斂賴童僕甲子會上元湖山重耀目
傳述有殘黎僚友咸敬肅煌煌

褒卹詔耿耿忠義錄招邀靈之來遷骨到林麓淵源
接一氣片石墓門轟竭來弔孤忠一盞進湖淥梅花
娟娟紅疑有血痕漉羽衣久沖霄何時歸白鶴千秋
德不孤高山仰嶽嶽

五人墓

五人墓在艮山門外堯典橋同治三年二月杭州府
知府薛時雨密令舉人仁和朱汝霖都司上元陳元
慶文生全椒楊景洪全椒傅洪恩從九六安金廷良

月三...
覘省城降賊虛實事洩同時被戕

奏請

賜卹十二年三月巡撫楊昌濬飭同善堂就五人遇

害處封墓樹碑 先緒杭
州府志

朱汝霖原名應楨字逸如號松溪仁和人故居在貢

院東橋河下性沈摯見義敢為寡言笑食貧劬學不

善治生產申咸豐辛亥 恩科舉人恥干謁抑然自

守十一年杭城陷賊渠偽聽王陳炳文據之其弟偽

朝將炳孝實執汝霖汝霖抗志不少下丙孝益重之

傾心待汝霖出入無間同治二年浙江巡撫左宗棠

略定上游徧杭州江蘇巡撫李鴻章亦收復浙西郡縣官軍甚盛炳文大恐時汝霖日夕說丙孝利害謀反正陰結同志傅鴻恩陳元慶金廷梁錢燮堂趙惟與官軍相聞炳文爲救死計亦從炳孝乃因汝霖輩謁左李二帥齎檄許便宜行事約降有日矣六人者主趙惟集艮山門外姚店橋空舍嘗約歲除內外舉事而大營未傳城不敢發當是時同炳文據杭州者爲鄧光明而餘杭守賊汪海洋百戰犯順悍不肯下偵知炳文兄弟謀三年二月二十日擁眾馳入城責炳文炳文勢不敵諱之因匿炳孝與海洋言久不決

海洋遂麾其下至姚店橋縛汝霖等四人皆殺之趙
惟則導燮堂涉水跳免賊持四人首入城揭小營巷
炳文僞府門閱日惟越城夜取四首藁葬焉杭州克
復炳文光明皆降汝霖死狀久而始上 閩鴻恩安
徽全椒人候補知縣元慶江南上元人安徽右營都
司廷梁安徽六安州人候選從九品楊景洪者安徽
全椒諸生好奇計慷慨烈士賊中與鴻恩等相接陳
炳文之約降也將以贖于江浙大帥乞免死景洪爲
文詳盡書上李撫部鴻章擊節賞之曰此忠憤者之
言也事旣泄景洪則與鴻恩等同死亂定杭人叢葬

汝霖鴻恩元慶廷梁景洪於死所稱之曰後五人墓

比於虎邱云

兩浙忠義錄

姚店橋五人墓碑記

楊昌濬

同治三年二月前杭州府薛守派仁和舉人朱汝霖
上元都司陳元慶全椒文生楊景洪全淑傅鴻恩六
安金廷良覬省城降賊虛實事洩同被戕奏請
賜卹有加並飭採訪局立傳十二年三月令同善堂
就姚店橋遇害處封塚墓以妥忠魂撫浙使者湘鄉

楊昌濬記

姚店橋五人墓

陸有壬

生死原無常顯晦亦無據當年事機成寵爾頭銜署

縱然得大官浮榮草頭露試思五人事目睹那知數

骸骨雜馬牛邊徼誰宣布兩粵類此今不幸而幸千

古姓名著巍巍堯典橋有後五人墓墓下獨徘徊愴

然動遐慕朱老汝霖舊曾相識

詠五人墓

高偉曾

人生不幸入虎穴豈僅保身號明哲果為閒諜助官

軍功成內應真豪傑憶昔武林賊負嵎欲降未降疑

莫決元戎潛授義士書令探賊情誠與譎大勛垂成

虧一簣可惜多魚先漏洩事敗齊聲罵賊死顏佩韋

等比忠烈良由報國赤心炳惟冀妖氛速掃滅吉凶
利害所弗計效忠志奮謀身拙差幸大帥不日臨喪
元歸元無欠缺合併遺骸作全璧擇乾淨土埋碧血
父老指點城東鄉流傳名蹟姓氏芳領袖者誰紫陽
裔與我同賦鹿鳴章服君奇節痛君逝擬備隻雞來
奠觴其餘四賢殊桑梓一抔共此一瓣香惟願杭人
善守護毋教窟穴狐兔藏更栽松柏高百尺好與天
上五緯爭光芒

弔五人墓

丁午

五人生死等華胥碧血離離草色如弱肉何堪投猛

虎深謀畢竟漏多魚名留不朽身甘殉事敗垂成志
豈虛一樣山塘有遺塚忠魂義憤史同書

五人墓詩

劉焜

賢哉五先生銜命覘賊戍雖遭酈生烹終勝舞陽怖
虎穴豈足入忠奮義不顧浩節誰與儔夷迹三士墓
昔阮文達公刊兩浙防護錄一時稱爲盛舉兵燹
版燬罕有存書南海潘師來浙視學嘗捐廉修全
謝山先生墓因亟請崧振青中丞將防護錄付局
翻雕誠以昔人祠墓非著諸簡冊數十年後往往
豪勢侵佔卽後之人抗懷古蹟欲興復之而已茫

然不可究詰徒爲旁觀之太息吁可慨也余嘗承
夔石王公命督修東郊義烈墓及古塚一二十區
茗生朱公復慮日久湮沒爲樹碑經界以垂久遠
竊思劫後塚墓莫大於南北山義烈遺阡曾奉

恩綸豁糧列祀典人人知之若天池寺泉山洞之
義塚亦建祠宇有司官春秋祭祀知者已鮮矣至
附案豁糧之上扇二圖等莊二十一處更鮮有知
其畝分者安知一轉瞬間淪爲平壤不爲強有力
者所竊據耶茲冊首載南北義烈遺阡卽以天池
寺泉山洞東郊義塚並豁糧區畝鱗次於後以備

後人之考證而五人墓林典史墓亦附列焉其餘未及聞見者不知凡幾闕略遺漏在所不免然如朱行人墓孫花翁墓陳忠肅墓數百年後松生年丈且旁搜博考而修舉之吾知遊九原而流連隨會者必大有人在也光緒二十年嘉平月餘杭孫樹禮識於惠吉堂

庚辛泣杭錄卷五終

庚辛泣杭錄卷六

陳學繩兩浙庚辛紀略

粵匪為患十有餘年其窺浙也自戊午春始是歲陷
 金處衢嚴十數州縣幸援師雲集未及三月一律肅
 清又年餘而有庚申之變庚申正月廿九日賊始由
 甯國陷廣德二月三日遂至四安距長興四十五里
 徐大令之鑒告急羅中丞遵殿檄李鎮軍定太往援
 初十日始抵湖州而安吉已陷因駐棹溪賊至仍還
 湖州段廉訪光清率廣勇由餘杭趨賊後路十六日
 復安吉而賊陷孝豐十七日陷武康十八日至良渚

十九日辰刻由大關撲武林門官弁兵民均未知也
有探弁陡遇於馬塍廟疾馳入城呼門者閉門賊已
至滿兵礮擊之始稍卻軍於寶石山中丞聚眾授兵
登陴時城內兵少不敷守琛終夜寂然人心亦懼二
十日仲孫觀察懋自甯波來援廿一日賊至岳墳廿
二日至南屏廿三日至鳳凰山段廉訪還軍援省擊
賊於四明會館不克廿五日賊至觀音塘米軍門興
朝來援遇賊而潰有請戰者中丞怯不能應人以是
咎之然戰亦未必勝也星士王道平者久寓省中形
迹詭秘眾疑之擒送協防局大府未及問觀者爭剖

其肉俄頃而盡賊營轟擊金鼓人知有狡計而不能
備廿七日黎明地雷迸發錢湖門一帶城崩數丈賊
爭擁入城遂陷進攻滿城甯人業陷於杭者數千人
助滿人殺賊滿人由是得全廿八日午刻有黑氣一
道上沖霄漢三月初三日張軍門玉良自金陵來援
賊方注意擄掠不意援師驟至一無守備軍門督眾
先登賊卽驚走出望江門省城遂復是役也賊至城
外八日居城內六日居民被焚被劫被擄者指不勝
屈中丞及王方伯友端葉觀察堃死於署繆都轉梓
仲孫觀察懋戕於城署仁和令李司馬福謙哭於城

隍廟而自縊其餘官紳士女死者約六七萬人仁邑
 之災半於錢邑劫分輕重抑人有良莠乎是不可知
 矣賊之去也由富陽至新城臨安為民團所拒久之
 尚在延陵埠省中官屬未具事無秉承人皆惴惴聞
 月王中丞有齡自吳門來整隊入城示諭居民言詞
 悱惻人始有倚以自安之意未幾張軍門還金陵大
 營繼潰蘇常皆陷張軍門單騎來浙四月廿四日嘉
 興陷張軍門進攻斗門六月中偽英王由甯國來十
 七日至餘杭十九日至賣魚橋適張軍門遣劉鎮軍
 紀三來援出賊軍後賊遁去七月偽忠王援嘉興連

戰三日廿三日我軍潰至省垣石門桐鄉皆陷長安
一帶焚掠殆盡中丞遣吳協戎再升進援賊還嘉興
我軍遂駐石門湖州自蘇州不守趙中翰景賢捐貲
練勇屢破賊軍九月中賊復至有劉副將仁福者以
敢戰名而性不馴中丞惡之使駐塘西以疏之至是
不奉令而至湖湖人殺之賊亦遂退張軍門收軍江
干聞玉山有警進軍嚴州賊自遂安閒道由桐富後
山至餘杭十月十八日至留下擊之退陷富陽桐廬
十二月廿八日張軍門克桐廬辛酉正月初九日克
富陽上游肅清二月賊攻石門吳協戎退至橋司賊

去我軍駐臨平三月賊由清安至遂安陷壽昌諸葛

廣文

壽燾

回蘭溪招勇守小坊嶺賊深恨之遂從湯

溪至金華城外有大橋長數丈張軍門令堅守橋心

而王太守

桐

固請拆橋遂撤守橋之卒賊乘間入城

陷蓋四月十七日也賊分兵攻武義蘭溪廿二日陷

蘭溪廿三日陷武義時江右另股由開化龍泉麗水

宣平永康至金華合兵由蘭溪攻小坊嶺諸葛廣文

前後受敵竟以身徇人皆惜之中丞檄陳協戎

步高

守嚴州令方都司

國淮

代吳協戎守臨平而調協戎

興米軍門

興朝

文鎮軍

瑞

劉協戎

長培

劉都司

加玉

由義烏攻金華饒軍門廷選駐蘭邑北門張軍門駐

南門蓋自金華陷後久軍大洋也林方伯福祥自江

右來駐軍桐廬六月賊紮營大洋沙上斷張饒二軍

歸路而由壽昌襲陷嚴州會大雨終夜山水陡發沙

上軍移去張饒二軍還克嚴州駐烏龍嶺時賊攻浦

江因調文劉各軍往援而以饒林二軍駐諸暨爲後

應八月中浦江食盡而潰時江右花旗股逆號稱百

萬攻嚴州張軍門退至溜江灘賊漸由桐富而進九

月十八日陷餘杭遂窺省垣其頭隊形如丐者絕少

軍械諸將易之十九日義烏陷諸軍皆潰賊由楓橋

至錢清廿四日陷蕭山浙東音問遂絕廿五日賊出

餘杭塘攻賣魚橋卡邱都司壽昌請援中丞登武林

門撥劉協戎長培部固勝勇助之三鼓後大雨如注

賊乘懈冒雨涉水擁登南岸我軍退至務橋賊趨東

鄉秋稼方熟豐稔滿野賊驅農人為之獲其糧既足

遂由東而南廿七日饒軍門林方伯回省諸暨又陷

也十月初一日賊至岳墳將往南屏西湖水軍斷王

帶橋誘賊登蘇堤而以礮船前後擊之斃賊甚眾賊

退由後山至朱橋方伯之還省也中丞令率全部三

千人自望江門至銀杏埠連結數營以衛江路遲至

五日而營不成初三日賊衆數萬由朱橋撲饅頭山
山在鳳山門外西北諸山縣互十餘里至是而止山
路叢雜此其扼要中丞甫蒞浙卽命連築三營賊至
以楊協戎金榜等部五千人守之至是皆潰協戎戰
死外圍遂合初五日張軍門自上游沿途收集潰兵
得萬餘人來援前隊況協戎文榜連破賊卡進謁中
丞卽回江口賊夤夜築五營於大通橋江路復絕又
在甘橋掘地道中丞以甕聽得其處而爲內濠木城
以絕之張軍門屢親擊賊十九日中鎗傷脇未幾卒
況協戎權領軍事其勢始衰廿五日林守備壽春請

以所部閩兵千人攻羅木營賊卡而願得勁旅爲後
應中丞令文鎮軍助之是夜守備令人持土包一填
濠而進毀其柵賊將潰矣見其無後繼也復戰五鼓
守備陣亡文軍竟不至中丞切責之鎮軍請夜獨出
許之方出而城中火起中丞恐有內變命收軍疑亦
兵勇所爲也十一月初四日中丞命作大鷄以機藏
藥觸地卽發而先置桐油於水龍內射入賊營以火
得油則愈熾將盡焚之也而卒不行初七日兵米告
匱省中餉需久缺無儲米之貲賊之將至也中丞檄
甯紹台張觀察

景賢

採買運濟并諭店戶居民廣爲

購辦始賚價四出未至而江路已絕賴有紳捐存義
倉穀石九千有零動碾接濟而以糶臺所存料豆麥
麩并封收醬坊麩麥散賑窮民至是皆罄民閒食米
絡續告匱其略有存米日敷一餐者不過十之一二
可食之物如藥品樹根野草浮萍牛筋鞋底之類無
不罄盡餓孍載道慘不可言初八日中丞令移城上
礮位至城外曾游戎得勝營中以城上開礮不對賊
營將從平地擊之也初九日有賊目見林方伯請降
約四鼓出隊舉火爲應至期我軍見海潮寺火起徑
撲賊營入之賊由營外裏我軍遂薄城下開礮礮裂

撫杭四營兵千餘人死拒賊始退中丞令仍移礮位
上城是晚文鎮軍所部各營駐錢塘清波門外者降
賊十三日有徐兆鰲者遣人通賊期以次夜開城矣
中丞得之寸磔以徇十四日取小雲棲放生六畜并
各憲坐馬以享士廿二日分兵勇木耳人一兩自初
十後兵勇藉查米名入民家攫衣物廿五日中丞率
親兵查街立斬數人始稍戢廿六日分兵勇鹽青果
人五錢廿七日上城守卒約夜赴艮山門俟明衝出
二鼓後紛紛下城禁之不可而黑暗中賊未及覺也
廿八日黎明見無動靜方欲登城而下城外賊亦以

我軍潰出告遂自鳳山候潮清波三門入城城復陷

中丞見事不可為還署封印及遺摺并致制軍函交

僕人從亂軍出而易朝服縊于寢張學使錫庚文鎮

軍瑞仁和吳大令保豐死難莊都轉煥文率泉勇突

圍出為賊所逼赴水死其餘文武各員其存其歿不

敢知矣十二月初一日滿城亦破滿人縱火自焚死

者萬計瑞將軍昌關副護福傑副護純皆自盡賊入

城後盡占民居丁壯悉被裹脇老弱婦女初十日盡

驅出城劫殺之慘未可言竟浙東自蕭山陷後廿九

日陷紹興十月初七日陷餘姚諸暨人何某者有眾

數千人名蓮蓬黨許大令瑤光請劄給一官使防義
烏至是爲賊鄉導十一月陷甯波遂踞一郡十二月
陷台州終辛酉歲浙中僅存者惟溫屬五縣衢湖二
孤城耳賊之圍省也號稱百萬而經戰之賊寥寥無
幾我軍挑戰怯不敢應但於各城外通途隘口深溝
固壘隔絕往來攻之則鎗礮雨下使不能近而於富
陽餘杭堅築數營以拒援師蓋逆料城中食盡必潰
也使更有數月之積豈遂能得志哉至當事者知食
之不足而不能預爲之備則天爲之也嗚呼慘矣

杜老飄零悲吟秋興庾郎顛顛感賦江南曾託斷

楮以槭愁因寫家山之遺恨僕浙人也自年弱冠
 作客諸侯效作賦於荊州原為小人有母陋吹竽
 於南郭敢云童子何知庚申春還自雲溪遂驚粵
 寇幸池魚之漏網得完卵於覆巢鳥驚弓而猶託
 危枝駒戀棧而未離故轍因就薇垣之聘誤為蓮
 幕之安無何粵騎重來籌窮戰守嚴城既裂計乏
 生全倉卒辭家羈囚窮巷自城陷後余即被擄閉
置一室監者禁人動息
聲色甚厲倖免脫夫深阱已鳥歎夫焚巢嘉平二日余
以計脫歸始
知家於廿八滿壁圖書悲成灰燼家既被焚先曾
夜被焚矣
古歡所著傳信閣詩彙先大父諱善字扶雅所著
研經日記四書古義晉書校勘記兩晉疆域攷福

建通志列傳橐損齋文集先大母氏汪諱玠字孟

文所著古韻軒詩橐竹閒書訣先君子諱錫字子

諒手著省園詩文集等凡二十餘種及藏書五千

餘卷金石碑帖書畫數百種武進張舉文編修著

虞氏易十三種全家骨肉痛哭分離出門未知所

橐本俱燬於火往徧覓不得詢之因逢揮幟以驅人遂望空江而

隣人亦無知者問渡余以眷口失散傍徨道左適遇悍賊驅人出

四渡黃堅冰插腳流血殷膚舟至蕭山前阻水沙

夜渡江及踝血涔斷棘穿跟皴足成繭自蕭山至會

傷膝下水為之赤斷棘穿跟皴足成繭自蕭山至會

長行三日寄身戚鄙息未定之驚魂既至會稽遇

方達其處翹首家園穿將枯之淚眼迴憶高堂垂

留住寓中喘息方定暮中道奔馳致臨難以投荒痛生兒之何益依誰

喘息方定暮中道奔馳致臨難以投荒痛生兒之何益依誰

喘息方定暮中道奔馳致臨難以投荒痛生兒之何益依誰

喘息方定暮中道奔馳致臨難以投荒痛生兒之何益依誰

喘息方定暮中道奔馳致臨難以投荒痛生兒之何益依誰

託足舉念酸心余脫歸後覓家眷不得而瓦礫中亦無形迹意已避火遠出惟慈親

年近六旬不堪勞苦投止何處而沉習井枯泉疑

消息杳然每念及此五中欲裂而沉習井枯泉疑

作殷家之婦內子在圍城中從容謂余曰設有不虞屋後井中我死處也余求眷口不

得如其言覓之則斷垣瓦礫填塞重營雁影空慚

幾滿矣其存與歿尚不可知也

趙氏之昆兩弟學纘字笏傳學紹字衣傳與余同被擄去訂約同走初一日移禁別室竟

爾分手至今更憐幼子之牽衣畢竟潛身於何地

並無知者大兒宗頤甫七歲遇何太酷幾成煢獨之身黯不

次兒宗璟甫五歲

成聲難訴淒皇之景心將灰而未燼腸片刻而幾

迴於是重踏榛蕪獨披荆棘誓求確耗偷越重關

幾番出險入艱未卜生離死別客有自杭來者言湖墅難民甚眾余

庚子年布金卷二

於二月朔渡江越五六賊卡始達湖墅欲逃虎穴

尋覓八日仍不得全家音問重返越中

難割衷腸欲守免株又虞贖繳計兩端於方寸留

一綫以徐圖遂決航海之游寓居賊境勢難久延使再遭鋒鏑則全家

絕望矣遂於二月二十重放渡江之楫滬濱地仄

絕少假寓八日渡江而北初寓東邑荒岑猿嘯旅

館蛩聲破釜能完夜夜離人之夢寒鐙弔影宵宵

孤客之愁爰撫兩載之見聞用代一時之談論事

從其實文不求工狀塗炭之情形人皆裂背寫流

離於楮墨我欲呼天同治元年仲夏錢塘陳學繩

硯傳氏識於海陵旅舍

庚辛泣杭錄卷六終

庚辛泣杭錄卷六

十

--	--	--	--	--	--	--	--	--	--

庚辛泣杭錄卷七

繆德棻庚申浙變記

咸豐八年三月偽翼王石達開率大股逆衆犯衢州圍城九十餘日先武烈公任金衢嚴道兼督軍事旣已激厲將士堅守苦戰使不得逞志而遁去矣越二年而有庚申之變當己未十月江南假浙閩鄉試應試諸生以及僕從由皖中來者衆且盈萬關隘莫能詰其時已有賊謀入杭偵我虛實十年正月江南軍克九洑洲金陵踞賊被圍甚急偽忠王李秀成僞侍王李世賢等從六合渡江集蕪湖謀擾浙以分官軍

之力而緩金陵之圍上元甫過逆眾卽由南陵疾趨而東甯防總統湖南提督周公天受不能遏截旬日之間涇太平旌德甯國四縣皆被陷二月戊戌又陷廣德州浙西無關扃之阻而寇徧門庭矣先是徽甯各營皆仰藉浙餉歲濟三十餘萬金迨甯防有警又調浙軍數千馳往助勦周公頗存主客之見每一軍至檄令分駐數處兵分則力薄遇賊輒敗潰將士寒心逆焰益熾巡撫羅公遵殿乞援於徽防及金陵大營先武烈公時署鹽運使兼治文營務處因請并咨甯防周公酌留萬人守甯國府城其黃池灣汴萬餘

人調回浙省內顧而兩江總督何公桂清致書羅周
兩公責浙臨事張皇謂皖南爲兩江轄境宜各顧疆
圍所駐諸軍不得抽調廣德旣陷杭城惟有衢州鎮
總兵李公定太一軍二千餘人羅公亟令赴援四安
尋又改援安吉癸巳賊已由東亭湖陷安吉縣城李
公行至距縣三十里之梅溪不見一賊方率同將弁
相度營基皆徒手未攜寸鐵俄而賊大至四面包裹
驟難抵禦部將馬步青等十二人同時遇害李公躍
入水中爲潮勇救護得免卽退駐湖州戊申賊復出
四安陷長興庚戌犯湖州郡城直薄青銅橋會金陵

大營飭總兵曾秉忠統長龍礮船六十艘自太湖駛
至鳴鼓而進軍容甚壯急擊賊走之辛亥賊陷孝豐
壬子夜從間道襲武康癸丑經狗葬夜焚良渚杭城
尙未之知也四鼓先武烈公得密報立卽赴撫院叩
署門謁見商守禦事越翼日甲寅辰刻賊至武林門
前隊假冒官軍稱來自甯防將混入城統領寶勝軍
候選道陳炳元登城覘望知爲賊隊令速閉城乃不
得入蓋賊以是日爲觀音大士誕辰大吏必至天竺
進香欲邀戕之湖上乘勢奪城而未知故事於十八
日預祝也時城中祇有撫標兵二千餘寶勝軍千人

都司姚發科復勝勇五百

復勝勇本止三百人守備
瞿先仲所管領李公定大

總統諸軍改歸姚發科又
添募潮勇二百共五百人

協防局團勇三百及吾弟

候選同知植禮傑勇二百此外則惟滿營駐防之人

城周三十六里有奇為門十東曰清泰西曰湧金南

曰鳳山北曰武林東南曰候潮望江東北曰慶春良

山西南曰清波西北曰錢塘共四千九百餘堞堞廣

丈許

前明九千八百三十三堞
五年總督李公率秦併女牆二堞為一

國朝順治十

兵少

不敷分布城外又無軍立營適金陵大營從江西募

勇二千人過杭即留駐望江門外按察使段公光清

率布與有兄弟廣勇二百先已往餘杭守獨松關為

賊所格乙卯仍回省城是日甯紹台道仲孫公懋亦
自甯波率興勇二百奉調來杭賊薄城下卽分撲武
林錢塘湧金清波各門於湖上列營十餘座並於城
外諸山結壘錯峙取淨慈寺羅漢像環壘執旂城上
疑爲賊擊之以礮不動羣賊旣踞山巔憑高俯瞰礮
子雨落守陴者頗洶懼丁巳賊又登玉皇山先武烈
公與段公酌撥守城之軍由候潮門出戰甯波之業
箔於杭者數千人以捶錫箔爲業皆甯波人鼓其氣血之勇請助
官軍擊賊因給以軍械令隨於後見賊輒驚潰官軍
戰數合以衆寡不敵亦徐徐收隊而歸庚申先武烈

公偕段公又督隊出候潮望江兩門接戰賊勢猛撲我軍奮力迎擊僅獲交綏皆以兵力過單之故先武烈公議堅守以待援師而各路之軍無一至者金陵大營遣廣西提督張玉良來援其前鋒副將向奎率千五百人於是月己酉已抵蘇州逗撓不卽進丁巳至平望取道海甯辛酉薄暮始抵杭州清泰門外張玉良率所部二千餘人於己未至蘇吳中大府意謂杭城且失不及援救欲令向奎駐嘉興張玉良駐湖州陰固蘇省門戶玉良之過常蘇大府皆飲之酒俾閱城置守而後行督辦皖南軍務副都御史張文毅

公芾遣總兵米興朝率三十人自徽州來援戊午至富陽怯不敢前縱兵劫掠鄉民聚眾圍殺傷亡數百人李公定大因梅溪之劔退駐湖州爲賊牽制亦不能迅速赴援杭城自被圍後大雨浹旬賊在清波門外之西竺庵開掘地道日夜擊金鼓以亂其聲先武烈公守清波門當賊衝露宿城上目不交睫督仁和令李福謙募丁壯治內壕并增築子牆雨甚工不得就又撥敢死士夜縋而出兩次進攻西竺庵賊穴牆列槍我軍逼近則眾槍齊發銳卒多死庵不得毀薰之以火亦以雨故弗能焚己未夜仲孫公懋手擲藥

包火反撲創甚歸臥寓中孤城岌岌危在旦夕而杭人方且與各軍爲仇日事修怨洩忿賊之始至大府下令飭復勝軍焚附郭民居則仇結愈深復勝軍募有潮勇二百皆廣東潮州人故名潮勇服飾奇異言語侏離遂譁言爲賊伺其入市卽羣聚而殺之尸僮路隅以一二百計忽又譁言城外無一賊請毋庸閉城邵部郎懿辰亦屢爭無賊應啟城以定民志先武烈公曰如君言是開門揖盜誤盡蒼生矣懿辰大悲已而杭人知果有賊則又以官軍不能剋日擊退訾當事者之畏縮有王道平者賣卜杭城十餘年矣無何有人疑其

通賊謂已受僞職爲平道王擒送營務處請速殺之
發其寓所囊裝絕無左證略待鞫訊觀者已鑿割其
肉立盡連日惟擾喧闐借端尋釁理論不從勢禁不
可將生內變先武烈公以爲大憂辛酉巡撫羅公集
司道會議懸賞六千金令各軍挑選精銳約定五鼓
力攻西竺庵期必蹋毀而後已是夜大雨如注竟不
能出隊越翼日壬戌黎明雨稍止急傳隊伍地道猝
發城崩十餘丈悍賊蟻附而上先武烈公遮截清波
門各軍督令血戰而闔城守兵盡潰無後繼者乃大
呼殺賊賊矛蝟集面受數十創項被斫幾斷猶屹立

洞胸裂腹並爲火器轟折右足始仆

清波門跨山爲城殉難處地名

雲居山守備孫遇龍僕夫丁春漢同殉焉嗚呼痛哉方

賊之入城也下城居民且謂復勝軍在上城作亂益

爭殺復勝軍既又不問何軍皆殺之各軍逃死之不

暇故頃刻間城上無一兵一卒而省垣遂陷巡撫暨

各司道聞之亟詢左右曰繆某尚在否則以清波門

城上禦賊被戕告皆歎曰繆某已死大事去矣可若

何羅公卽自縊署布政使糧儲道王公友端卽仰藥

杭嘉湖道葉公莖挈第三子江蘇候補知縣祖豫投

於井署杭州知府馬昂霄縋井未死賊至鉤出加刃

馬先後均畢命署中署仁和知縣李福謙縊於吳山城隍廟仲孫公懋火傷未愈在寓被害候補道許公煨亦戕於城上陳炳元提殘卒巷戰死候補知縣馮佩珩管領舳舨船巡防嘉湖間賊撲湖州佩珩飛書以告而湖州府縣無隻字具報巡撫羅公謂佩珩妄言將逮治先武烈公請委員往覘之至中途則聞湖州實已被圍見有他軍礮船潰退者以爲佩珩所部也回告羅公羅公益怒甚趣提訊佩珩赴杭欲自白日暮縋城入次日城陷亦死之都司鄔得勝攜數十人由甯國馳回杭州行至淨慈寺爲賊所殺時滿

營未破將軍瑞昌公與副都統來存公佐領傑純公
督旗兵堅守婦女亦持矛刺賊賊累日猛攻死傷枕
藉危急萬分甲子張玉良行次湖州三月丙寅乘小
舟以六百人至武林頭知省城已失遣從九品徐殿
臣改裝入城密約將軍接應丁卯全軍抵武林門賊
麇聚城中城外無賊故可長驅直入因令守備龔占
鼇等率勇士由艮山門豎梯攀城斬守陴之賊奮呼
而登滿營礮聲大震玉良督親軍繼進賊不料援師
之驟至一無準備見張字大旂咸驚愕以爲副帥張
國傑實來卽日棄城遁由湧金清波兩門走平審出

獨松關破臨安孝豐留賊踞城餘悉竄回廣德甯國
壬申我軍克復臨安戊寅克復孝豐金陵大營續遣
總兵熊天喜來援己卯會同曾秉忠礮船分水陸兩
路攻克長興壬辰熊天喜又復廣德而浙境無賊蹤
矣賊之犯杭也本不及萬人特以守兵寡弱圍攻八
日而遽陷賊在城中六日恣意焚掠鹽運使署輒遭
一炬遂成焦土民居亦多被焚官紳士女之死者六
七萬人先武烈公殉難後是日午未之交賊盡趨下
城乃乘間將遺骸從城上昇歸署中夜半又移至后
市街賃宅於廳事後掘地數尺棺而埋之城既復始

得備冠服成殮權厝龍井山趾閏三月王公有齡撫
浙統師入城己酉金陵大營兵潰兩江總督何公棄
常州遁走賊於是連陷常蘇浙省又警破城墮邑靡
有甯日其時良將勁兵固已十倍於前而猶不能自
保其疆土辛酉十一月杭城且再陷於賊遂至全浙
淪胥是誰之咎歟抑亦劫數未盡歟按楊公昌濬平
浙紀略曰浙自聞警設防首尾十載殫土竭廬以事
人一借將金陵再借將福建三借將徽州江西迄無
解於十年二月之禍而金陵亦因兵少備分而燬師
卒乃收其敗將潰卒因循不振以迄於亡前湖北巡

撫胡文忠公疏云用兵數年各省皆有得力之將數人以折衝禦侮於其間浙省之有與否臣不得而知之是鄰封皆知借將之非也而且官與紳仇官與官紳與紳亦仇民與軍仇民與民軍與軍亦仇乖氣致戾莫之或救孟子曰天時不如地利地利不如人和不其然乎又前閩浙總督今宮保大學士恪靖侯左公宗棠疏云十年二月間杭州被圍變起倉卒維時兵單而驚將驕而怯繆梓與前任撫臣羅遵殿殫心區畫無補時艱此皆深悉致敗之由而持論最爲允當者也德棻未諳兵略謬預戎行庚申之春方偕李

公定太出省先武烈公命暫留隨侍遽遭大變奔赴
清波門遇賊於途幸而獲免惟城亡不能效包胥之
哭父死弗克盡申鳴之孝苟生偷活以至今茲抱恨
終天痛心何極爰取當日之事一一筆之較諸傳聞
異詞者不無詳確至於辛酉之冬杭城再陷則已攜
家避亂海陵未嘗親在圍城所有戰守事宜及擾害
情形不敢贅一辭矣光緒己卯春三月德棻謹記於
西江臬署之存愛齋

庚辛泣杭錄卷七終

庚辛泣杭錄卷八

許奉恩轉徙餘生記

咸豐庚申人日抵杭州順訪葉季華司馬相見驩甚
會永嘉令呈誤應推司馬攝篆因尼子曰新安亦非
樂土永嘉大好山水不佞權篆於此屈君司筆札爲
籌畫納貲縣尹亦甚易易奚必馳驅戎馬是時季華
住金衙莊章桐門相國故宅園林爲浙西冠予日涉
成趣重以司馬款畱新安之行遂不果有孝婦陳桂
靈者能詩工畫兼精鍼黹其夫游惰嗜博誘婦爲侶
以償博負婦不從因反日婦事姑孝以十指供甘旨

盡婦道鄰里稱之所居與司馬對門予嘗與司馬過
其家論詩品畫頗有見地遇有緩急司馬必曲濟之
倡和甚多以城陷散佚予園中題壁八首有句云迎
人橋背曲閱世樹心空婦擊節歎賞司馬與商園名
婦曰公桐城人居桐門相國園卽名之曰桐園如何
司馬稱善請予爲擘窠書題於其楣園有五色木芍
藥花朝日司馬就予小酌以餘滴醉花神祝其速放
忽蒼頭入報賊大股至湖州不日卽到此宜早爲計
衆嗤爲譎語飲罷同至城隍山遇同里吳康甫貳尹
所言亦同十五日漸有遷避出城者十六日出城者

更多或謂司馬曰警報甚確君亦宜將媿屬過江葉
歎曰不能眾請其說曰自故鄉被兵族戚遠來相依
者多挈之偕往不能舍之獨往又不忍不如不遷之
爲得予肅然曰君言及此皇天后土實共鑒之吉人
天相可爲君券蓋君之族戚避兵來浙者十餘家皆
待君舉火也十七日諜報賊距杭數十里有司下令
閉城出示禁止居民出城十八日飯後聞傳賊已至
予與司馬上城隍山瞭望果見錢塘武林兩門外各
有賊旂數十計不過數百人十九二十兩日來者漸
多西湖邊亦有賊旂然統計不過千餘人自十八以

後無日不雨賊在城外焚燒民房晝夜不絕城中紳
民日登城隍山見賊數不多皆欲隨官兵出城攻擊
大府持重不許二十一日雨益大賊燒民房益甚火
光燭天黑夜人能自視掌紋連日紳民無如之何請
同官兵循環守城許之紳民慮官兵之或與賊通也
故有是請城門俱閉惟開候潮門通錢塘江餉道以
重兵二萬餘人守之城上軍屯聯絡夜間燈火輝煌
兵民輪流巡邏此上彼下彼上此下防範周密以爲
可保無虞矣二十五夜漏二下礮聲大震喧言鳳山
門陷紳民奮不顧身偕往救急拋滾木壘石幸賊來

無多公然擊退視城陷才數丈運甌石灰泥竟夜築成共相慶慰二十六日雨益大晚閒城外礮止火息耳目俱靜司馬謂予日日來寢不安席嘻甚矣憊今夜大雨度賊不來吾等可安睡一宵矣司馬旣去予挑燈孤坐中心忐忑遞數更籌不能就枕亡何譙樓鼓絕窗紙漸白方欲解衣突聞礮聲不絕殆城破矣司馬宅距城垣半里許園中假山最高啟戶張蓋躡其巔見城上各營兵已起浙米河干瞥見一人朱衣狐裘乘白馬而來似曰起起賊已破城速往攻聽之不甚了了軍士皆荷戈隨之向西而去不瞬息閒軍

士返犇紛紛棄械縋城遁予往叩司馬寢門呼司馬
司馬披衣出告以狀曰柰何予曰君前日賃比鄰民
閒小屋可暫避司馬問予焉往予曰君有媿屬難以
偕行予命聽天萬一得出再圖後會揮淚而別檢舊
作各種草稿都爲一束將出門有司馬族子二人其
戚方君西席左君二人同來乞予攜帶正苦無伴遂
與四人堅約跬步勿離雨仍未已途中貧富男女扶
老攜幼蹉跌啼號不可言狀私計人多當是孔道從
之疾行抵艮山門大街剛至半途則見一綠帷官輿
其杠已折十餘人四圍以手舁之行後隨兵弁數百

人皆受創血流被體意是督兵大吏潰而奔必有賊
遂北在後逢一衛急招四人同入則方左二人尙存
兩葉已落後被害矣出衛則空曠之地可數十畝其
右小屋鱗比約數百戶末一戶編柴爲牆障席爲門
半掩未闔急與二人推門入傍有麻索纒而鍵之歛
見一男子踉臥牆角敗草中低聲以嘶問之爲府署
庖丁賊以矛穿其腹血濡韞搖手令勿聲迺徇身蹲
地自牆隙外窺口默誦大悲咒求佛庇但聞羣賊噪
呼殺妖其聲慘暴未幾賊亦由街至此遇逃難者以
刀迫索財物有財則生無財則一刀了之且淫汚婦

女大雨如注悍然不顧約半時許舍此他往予賴席門遮蔽獲免賊去房主人出鬃鬃有髭遽前問予邦族作何生業予答以徽人向在清河坊業茶肆其人麾令去予請僦一榻之地不許倏有數鄰人至一人曰此番兵民輪守防範甚嚴賊來不多破城甚易非有內姦不能入一人曰誠然頃見裹紅巾賊實係營勇前日市我家帛數匹製旗幟今又裹巾句結何疑予獻計曰君言不謬某本皖人熟知賊情賊本無伎倆全恃句結內姦賊來不過千人今公然破城虜劫財物不少如能號召數千人頃刻可將所劫者奪回

緣此閒機房同爲甯波人素耆利聞予言曰善盍其謀之乃鳴鉦爲號頃刻集數千人持兵刃追賊賊本無多見衆來追疑大兵從天而降賊懼狂奔棄物於地自相殘踏死者不少機房之衆各有所得而歸房主人又來逐予以勸其追賊獲利不爲無功主人曰吾等已約不得畱異鄉人今夜按戶搜查如搜出無論良莠殺不貸宜速去予欲歸金衙莊不識路乃乞主人爲覺一人作嚮導予番銀四餅行里許至一曲巷一家故與導者相識問將何往以金衙莊對其人曰止止此去金衙莊五里頃有人來言一路居民

稽查嚴密凡異鄉人概不許往來予觀是人年約二十餘語言伉爽便前與揖問其姓爲施亦杭人之業機房者請就屋暫避施問予對如前睇視良久乃首肯導者索銀徑去施出鍵戶反身日子曰相君面非市井中人幸質言無隱予以實告施笑曰旣以實告不得不冒昧上陳小子業機一家三十餘口今罷市食用無所措當仰給於公子乃探懷出囊中物列几上曰番銀百餅頃用其四餘此敬以爲壽賊踞此久暫難以逆料只此寥寥聽君部署施曰公眞磊落人也平日飽飫官廚何能遽甘淡泊今旣有資當市越

釀與金華腊脯以佐饗殮何如子笑謝之乃於寢室樓上爲安二榻棲予三人并戒之曰如有來盤詰者請勿言容某代爲言之予三人居樓上日自窗隙外窺見賊紛紛挨戶搜妖搜過者予以號牌黏於門外越日四賊至施家徧搜各屋至寢室聞一賊問施曰樓上有妖否施笑曰此乃臥室樓上匿人豈不爲人所鄙如不信請登樓覘之一賊訶曰旣已安民焉得闌入姊妹臥室賴此一言而免賊遂去施曰已給印牌可無患矣初賊圍杭城將軍瑞公屢請出戰諸大吏持重不許瑞公乃與副都統來公謀守駐防滿城

二公皆能軍故外城破而滿城獨無恙賊日來攻二公命偃旗息鼓女牆多備矢石架巨礮以禦之夜則不燃燈燭於濠邊暗掣鈴索聞鈴響則矢石與礮俱發相持數日殲賊無算賊後脅居民往攻咸謂徒手不可與戰願假軍械同往賊以機匠糾衆奪所劫財物其人皆剽悍狡獪若與軍械反爲所制不欲使戰俾守館舍供炊爨賊戰歸則館舍闐無一人已盡掠所有而遁大怒顧以市井游民誅不勝誅益慮越人叵測乃於二十九日出僞示遣機匠等卽夕由太平門出城蓋防其爲變也施喜告予謂出城十里卽有

姻婭可依予趣具晚餐漏初下卽行予尙披狐裘欲
易敝緼袍不可得左爲挾茵褥方爲持書冊同行
者三十餘衆是夜雨止賊焚城外屋照耀如白晝易
行惟街衢尸積如山所見者凡三必須越尸而過旣
至太平門門以內尸盡滿無隙罅相與移尸偃僕不
予乃得出方城陷時已判一死庸詎知今夕之竟脫
網羅耶緣江隄行平明甫抵施某姻婭家茅屋厪一
榻予三人棲之施則挈媵屬賃屋以居予欲渡江則
彼岸有乘閒攘劫者終日遣人偵探城中消息三月
三日昧爽施叩門呼曰張璧田軍門已督師克復杭

州矣予披衣急起飯罷則聞道路欣欣相告曰賊遠遁矣軍門洞開城門招居民還家初四日子三人別施還金衙莊司馬已先歸互相慶慰司馬憂予難免於難方其歸也使人探訪或謂屋後井邊有衣狐裘著鞞者司馬歎曰是殆許君往驗之其髯如磔乃知非予予問司馬遇賊也未曰幸從君言暫避小屋一日有賊闖然入又一賊擊其袂讓之曰如此湫隘人奚爲掉頭皆去予賀曰曩言天相信然矣越日施歸訪予還所餘銀二十餅予卽以贈之杭州之陷賊殺人十二萬有奇河水爲赤金衙莊前後左右零骸斷

骼狼籍於地予請司馬捐貲掩埋孝婦陳桂靈於賊
來時屬其夫奉姑遠避自與一媪居守賊至欲強污
之婦罵賊死克復後媪覓其夫不得尸無人殮司馬
拉予往觀面目如生司馬爲市棺以殮此婦孝烈可
風未審探入忠義錄否賊初至需次之官與幕客強
半遠遁克復後將羅而致之或有以司馬與予薦於
張軍門者重幣招之予商於司馬司馬曰行險徼倖
可一而不可再此番賊少城大爲日無多吾儕獲免
設再有不虞其能保乎君試思之吾亦從此逝矣予
韙其言決計往新安矣

庚辛泣杭錄卷八終

庚辛泣杭錄卷九

華學烈杭城再陷紀實

咸豐十一年八月浦江不守嚴郡繼陷賊遂分股由桐廬富陽新城直趨臨餘九月十八日餘杭隨陷竄徧杭城賊之頭隊火器絕少或請於中丞曰乘其未定發兵擊之可必勝而營務處委員甘太守應槐以爲不可遠攻祇須待其來而禦之議遂寢二十二日火藥局失慎被焚轟去火藥三千餘斤二十三日賊有游騎數十自三墩餘杭塘而來調兵勇數百人前往巡哨遇賊而退自後賊愈徧愈近民團潰散二十

五日午未閉賊直至武林門外撲我賣魚橋營卡抵
暮我軍潰退卡爲賊踞二十六日林方伯福祥從諸
既回援省城二十七日饒軍門廷選亦引軍還於是
城上各守兵均歸軍門總統林方伯所部定武軍正
議紮營望江門外以衛江路乃營未成而賊卽衝至
十月初二日賊撲饒頭山營盤我軍不戰而潰副將
楊金榜死焉勢甚危急王中丞有齡駐守鳳山門城
上初五日張軍門玉良率所部由上游來援急攻羅
木營況副將文榜奪路入城謁中丞卽回江口是夜
賊於候潮望江門外連營五六座天明已成杭城十

門合圍餉道阻絕連日於鳳山清波門外挖地道中丞令集民夫於城內外開挖濠溝並在黃泥潭一帶築土牆建木城其技遂無所施賊乃自海潮寺起至鳳皇山一路均築木城中填以土開鎗礮眼張軍門於羅木營外沿江紮大營五座礮船排列錢江我軍疊次出攻內外夾擊不能得手十九日張軍門中礮陣亡城中日久望援而援不至餉道竟無由通二十五日有福建兵告奮勇攻羅木營通江道中丞許以重賞兵士踴躍定以三鼓造飯四更出隊而饒軍門再三阻止中丞不聽軍門乃密令部下至天明齊集

空放鎗礮而回事迄無成誠不知軍門之是何居心也十一月初城中糧盡升米銀壹兩尙無從購覺飢民滿街市哀號之聲不絕死者相繼於道凡草根樹皮以及水草浮萍舊牛皮箱等物無不取食甚有將人尸分割煮食以充飢瑞將軍昌託病不出關副都統福不肯發滿兵相助中丞日夜焦勞心力俱瘁城中無餉集議借捐胡觀察元博主其事共得錢十萬餘串以濟軍需初九日有賊於望江門來投誠林方伯信而受之給以黃金貳百兩並火藥鉛丸號衣紅頂藍頂花翎藍翎等件相約四鼓時出隊彼卽燒海

潮寺營盤爲內應至期我軍出擊賊初發空鎗繼乃鎗子如雨弁勇傷亡者不少賊薄我至候潮門城下適鳳山門空心砲臺火起幾至城破幸城上鎗砲齊發曾副將得勝率所部力戰賊遂退回是日下午武林錢塘清波門外各勇營盤皆潰而投賊十三日有放出監犯徐姓通賊訂期十六日黎明開城迎賊中丞訪得其實擒而殺之並正法同謀兵勇數人糧臺兵米缺乏碾動紳捐義倉存穀七千餘石以供兵食城中糧食搜羅淨盡宰驢馬分給將士迨初十日以後守城兵勇至居民家搜取食物隨有土匪引導搶

奪銀錢衣服內外大亂中丞親自查拿立正軍法其
勢稍定初圍城時居民備粥飯挑送城上以享軍士
凡需用木板麻袋一切一經傳知居民立即輸送至
是怨聲四起民與兵仇矣延至二十八日兵勇已數
日不食力不能支乃各潰散賊遂於己刻由各城扒
進杭城被陷計自九月二十七日起水旱各門俱閉
堅守兩月終以糧絕而破十二月初一日未刻滿城
亦破賊入城擄人擄物放火姦淫無所不至滿營中
無論大小男女殺之俱盡遭禍尤慘瑞將軍殉難王
中丞回署自經學使張侍郎錫庚文鎮軍瑞均死難

莊都轉煥文率泉州精勇突圍出武林門衆寡不敵
遂投水自盡其自饒軍門及司道憲以下官員共有
五六百人無一能出者城中官眷紳民人等計有六
七十萬之多蓋以蕭山先於九月二十四日失守東
渡之路梗塞故均坐困危城以待斃也其數也夫烈
需次杭垣一家二十餘人同罹於難雖先後得出而
已艱險備嘗爰將所聞所見之事厯厯記之浙江善
後總局委員補用知縣華學烈誌

庚辛泣杭錄卷九終

月三ノ木葉有ニ

↓

庚辛泣杭錄卷十

李圭思痛記

咸豐辛酉十一月二十八日粵寇再陷杭王中丞有齡張學使錫庚瑞將軍昌傑都統純文總戎瑞麟署布政使趾甯按察使曾綸暹糧道福胡道元博彭道斯舉朱道琦吳署仁和縣令保豐諸公死之駐防至闔營以殉嗚呼烈哉時余爲賊方某由金陵脅至石門方某者賊酋梁某黨也梁故與僞歸王鄧光明僞天將童容海習熟因挈余等於十二月中旬至杭僞歸王踞布政使署梁賊踞望仙橋一參鋪爲館方乃

館余等於附近雜貨鋪杭被囚逾兩月糧盡援絕人皆餓死至是尙有鬱伏屍而食者悲慘之情目擊淚下余力勸方請於梁以米穀散給梁爲歸逆所親信事因得行一日歸逆下令各頭目分排面排尾造冊點名是日逆踞坐大堂衣黃袍裹黃綢手珠玉釧各三四事列方桌四於前置冊籍筆硯有日軍政司者六人左右坐日掌書大人者十餘人列坐其次點至一賊與侍逆同姓名歸逆怒殺其館先生黜其館目閱二日點畢共六萬餘人排面居十七排尾中男者居十二三女不及千人蓋欲核實數以給口糧也此

僅歸逆一股其他可知賊中度歲亦行賀禮衣鮮衣
往來街衢頭目身著五色衣首纏紅黃綢乘馬六七
人一起馬前各有舉僞銜旗者一人擎紅黃傘者一
人馬後隨小賊一二人見館目則上前一跪館目答
跪僞職較大不答跪略一蹲地種種賊態殊可噴飯
頭目之婦亦多窄袖豔裝不挽髻用采線結辮盤額
上抹粉塗脂乘馬以行有小賊一二人轡首護持
之往來稱賀賊嗜賭有所謂杠子寶者選錢二枚旋
轉之覆以盃猜向背闕聚徹夜不息云是楚中無賴
所向歸逆遺黨四出掠米穀積聚艮山門內大倉幾

萬石梁爲僞戶政司主之時賊令開倉由仁義兩
僞監軍派人持票領米分散城鄉賊館並領殺下鄉
散種梁令分派十餘人往余與焉同事皆皖人性多
直率有徐張二人尤良馴司持籌過斛暇時爲之講
因果及詢遭難情事皆感動泣下此同治元年春二
月事計在城中已兩載矣每欲遁歸無路計惟得土
人偕行或可出險因給徐張諸人日倉中事繁人寡
各館如有新擄之本地讀書人幸爲我察之徐曰聞
屋左青龍街倪司馬館有胡姓者曾爲撫院幕被獲
堅不吐實致激倪怒欲殺者屢矣昨尙見之余卽偕

徐往援至倪館坐甫定有二賊牽一人出年五十許短衣包首憔悴欲死意必是也直前詰之曰吾胡姓耶請勿怖我乃來援君者此人瞠目無語因顧謂倪曰此浙撫幕胡某也與我有世交何磨折之汝不能用請交諸余倪知余爲梁賊館中人意頗怯怏怏與之偕胡回倉細詢其家世乃烏程縣明經名其昌號梅垞爲王中丞幕客曾以軍功得五品官頗長于詩與余酬倡甚相得時賊攻諸暨包村被擄者頗衆徐姓復於近倉賊館索得二人徐之中表行也涕泣欲余釋歸余曰頃遍地賊氛卽釋之歸何由達紹容緩

圖之詢其人皆博士弟子員也兩邑來領米者皆各
縣書吏擇其善者與之議曰此閒有二人能爲我帶
出送回家否果爾每一人多發米十石以酬爾勞皆
曰諾慮其叵測復密授二人詩句以爲到紹驗先後
皆如約余日與梅垞謀脫網羅蓋遲遲未作歸計者
以離家漸遠不識道路豈甘心爲賊中人哉梅垞曰
良知子意得偕行達上海則舊友吳平齋趙吟蕉兩
觀察皆在弗憂無立足地然余亦不識道路柰何因
憶某賊館有杭人邵子雲者亦被擄在賊中因往訪
之無隙可談又明日使徐招之來一見若舊相識遂

時相過從與之密定同行約五月終復與梅垞子雲
議子雲曰城外方家衝余家佃戶所居莊屋在焉出
城先至彼暫避相機而動乃可詢余有川資否余曰
賊每七日給青蚨三百悉用罄矣計將安出梅垞曰
何不多發米變價以作資斧乃與領米者約多發百
石石需番佛一尊次日買如數及檢視適用者僅三
之一三人遂分纏腰際議定六月初六日潛行先一
日晚飯後語徐張曰爾輩皆有室家人不幸被難皆
非甘心投賊宜勉做好人卽賊中亦可積陰隲能遇
機會脫險最是良策若輩亦以爲然然不知余翌日

卽行也臨臥復作書貽梁方諸賊大要勸其革面洗
心賊中雖奢侈淫樂斷難持久宜與官兵聯爲內應
獻城或乘機率黨反戈殺賊投軍營効力贖罪舍此
必無善死法云云初六晨子雲來飯畢將徐張諸人
藉事遣之他往遂借梅垞子雲就近出艮山門守門
賊弗阻以城外木橋已斷隔水莫能飛渡故復入城
至武林門守賊盤詰詭以赴城外某倉收米應遂緩
步而出行不百武折而向北直趨方家衝日午始至
屋固在而人已去沿途巡賊往來絡繹暫避樓上出
剪屬子雲爲余截去髮二寸許下樓擬取僻路東趨

海甯時賊於各屬榜僞示安民市肆貿易如常第各物騰貴一粗糲需百錢初九抵海甯日已西燧飯未畢忽聞傳有賊數萬將過此居人駭逸余等急趨小徑得荒冢深處避之予雲謂倘前途梗塞而行莫若依舊折回渡錢江山紹興至甯波再圖他往是夜露宿次日仍不能行乃由小路回杭轉轉紆折甫于十六日午前至望江門外渡江江沙及膝備極艱苦及渡至赭山塢方欲就茶肆小憩又紛傳蕭山賊隊將到以近江民人殺害數賊盡來屠戮報仇渡江避難者紛紛余三人復夾入眾中推擠渡回旣渡筋力皆

疲偃身臥沙上驚喘莫能作一語日已暮遂乘月色
行竟日不得食艱窘萬狀蹙行二三里就古剎宿焉
十七日黎明強起行日晡過塘西鎮得飽餐復西北
行不數里日過午暘甚子雲仆于地余探囊得鍼刺
其脣復得藥少許灌之良久乃甦以不識道路迴旋
跋涉越八日抵烏鎮梅垞遇其弟某於絲行邀往小
住驚魂略定正籌赴滬而梅垞又病以同患難不忍
分手七月朔始出其弟代雇瓜皮小船寅夜聞道以
行初九日至南匯始出賊境薙髮搔首快矣哉復登
舟行十一日抵上海慶更生焉梅垞乃薦余至其鄉

人吳樸堂廣文處司筆札廣文平齋觀察從子也

庚辛泣杭錄卷十終

庚辛泣杭錄卷十一

張爾嘉難中記

承平日久民不知兵我生不辰適逢其厄迄今追想
歷歷可危吾家自前明初遠祖行中刑部公偕弟行

素孝廉公隱居桐扣之槎溪

即府志桐魚
加石鼓處

著有聯輝

集聚族而居耕桑世業先君牛農公年十五將棄儒
塾師杏村李先生邑名宿也見先君學爲詩頗工勸
仍讀課以文屢困於有司迨二十八歲始沐學使何
文安公浚漢取入仁和縣庠設館授徒半耕半讀予
幼承庭訓未嘗出就外傳咸豐己未歲試侔蒙文宗

張文貞公錫庚取入仁庠時兒子穗生已識之無繞
膝伊唔學讀桑麻半畝詩禮一庭怡然也先是咸豐
三年粵西賊洪秀全竄踞金陵爲向軍門榮駐營遏
截故大江以南靜謐如常幕上燕井底蛙相處嬉然
若不知外事不意十年二月十九日省門忽閉礮聲
震天衆曰長毛到矣蒼黃亂起不知所爲時予館於
何氏之枕山書屋遙見西南火光徹夜避難者扶老
攜幼紛至沓來風聲鶴唳草木皆兵及二十七日黎
明清波門雲居山城垣地雷轟發省城遂陷巡撫羅
遵殿布政使王友端署運使繆梓杭嘉湖道葉堃杭

州府馬昂霄仁和縣李福謙同時殉難在籍紳士戴
熙等半皆盡節義民之死難者不下十數萬人噫慘
矣按察使段光清平時頗著政聲至是冒雨攜眷親
擁小隊啟艮山門由翁家埠渡江而遁杭協副將王
邦慶與潰卒避海甯蓋賊之突犯我浙也賊目僞忠
王李秀成以張軍門國樑圍攻金陵急效圍韓救趙
之策故賊來不多上城盡蹂躪下城半瓦全而鎮浙
將軍瑞昌尙堅守滿營正在急攻之際忽見張軍門
玉良援兵馳至由南塘直抵艮山門督親軍緣梯登
城拔賊幟樹張幟而賊誤爲張軍門國樑自來遂呼

嘯出清波門經天竺越郎當嶺至大朱橋仍從來路
竄回省城遂復時三月初三日也賊趨回金陵併合
老巢之衆猛撲江南大營閏三月二十九日大營潰
張軍門國樑陣亡四月初六日陷常州府十三日陷
蘇州省城二十六日陷嘉興府敗兵紛紛到浙新授
巡撫王有齡約提督張玉良馳赴石門防堵時則人
心恇怯地棍橫行桐扣相近之佛日塢橫山等村溫
州棚匪糾黨嘯聚夜則搶劫晝則擄人勒贖名曰敲
竹扛其聲勢相倚者則亭址盜魁一爲周天星向竊
蕩魚一爲沈會武著名賭棍糾黨數百人魚肉鄉里

杭城之避難至鄉者莫不遭其荼毒吾家亦被劫一空王巡撫以外寇方張若嚴治內盜恐激而通賊卽因海甯梁紳仲山之請各給六品功牌號其黨曰良勇雖陽奉官符仍陰萌賊智而敲竹扛如故也惟改其名爲助餉耳桐扣星橋等處漸次波及因與何桐山浩欖山溶梓山慶昆仲稟請舉辦團練於候補道朱琦及駐劄長安之統帶彭斯舉吳再升諭飭良勇不得侵越塘南一帶始免滋擾六月嘉興賊犯石門張營潰回賊遂由石門焚掠長安平江勇覆沒於周家墳頭吳再升退守臨平有一悍賊手執黃旗偵探

至星橋爲我團勇所殺羣情稍快無如賊勢愈偏人心愈危而良勇之勒索愈甚沈會武駕鎗船至小林詐擾鄉民憤甚聚而殲之周天星不知所終良勇遂散而投賊我處團防力難拒賊給貲遣散何桐山檳山挈眷渡江避居山陰之陶里吾族與鄰村避無路徒無資聽之天命而已是秋賊回踞石門吳再升又進紮長安苟安度歲十一年四月賊又焚掠長安吳再升仍退臨平其時赤岸半山雖有官兵紮營而徧地強梁更不成世界矣是秋見彗星於西北光如匹練昏見曉隱百日之中

龍馭上賓三凶授首似所徵不僅浙難也惟是秋收頗豐村民賴之苟延殘喘自九月二十四日蕭山失守而上游之賊漸逼省城十門遂閉凡附郭民房僧舍焚燬一空以仿清野之策城根則散置樹枝歧路則密釘梅樁吊橋早折濠河閒以敗艘渡人初則門尙偶啟稍通出入派紳查明來厯其去而復回者給以籤回則驗籤放行城上則防旗戍鼓滾木礮位布置嚴整支蓋瓦房以代營帳守禦之法可謂周矣無如賊氛日熾燹火竟夕通紅尤可異者每日落時南方天鳴聲如沸潮昏後始靜十月初賊撲星橋防軍

凡解隨掠各村遇屋輒燒逢人卽擄拋兒撇女各不相顧是日歸沈氏次姪女因姪婿沈天時被擄卽至橫橋與父母泣別投水殉節夏春榮之女大姑二姑

三姑亦俱赴水自盡

平定後報采訪局
俱蒙 旌卹

及晚賊麇聚

市館始各歸探視衣食被掠一空丁壯已失大半母氏黃日瞽艱於行動暫避東鄰小屋中天未曉各家仍出避潛伏長林豐草間但聞燒屋崩塌聲捉人叫喊聲殺人呼號聲慘情萬狀惟有吞聲飲泣而已繼而搜索榛莽無從藏匿村中人十不畱一二是夜何梓山挈眷渡江欲投陶里嚴親命予攜妻兒急附梓

山行謂我年已邁或可免俟妥處汝母再定行止予
此際七情失據萬箭攢心梓山立待門外催促甚急
惓惓別親且泣且走微趁星光繞出賊館至海塘就
張家菴露坐待旦破曉有一船來人索番銀一圓各
不暇較值頃刻已滿載挂帆南渡回顧塘上已有賊
蹤躡至矣既過中泓舟滯淺沙距岸尙數里婦孺乘
牛車餘皆跣而揭厲抵莫家灣暫息又折而至赭山
隴其地離城寫遠外阻錢江雖非桃源土尙乾淨乃
賃草屋暫作驕棲靜言思之此行雖順親意以慰親
心回望滿天烽火生離膝下其何以堪十月十六日

兩家眷屬投宿塘下之鎮海殿月明星稀搔首問天
天亦不答十七日經靜江殿由黨山進塘遂至陶里
雖有淵明故里之碣亦不暇顧也介桐山下其鄰宅
偕梓山以居始知紹郡各邑相繼淪陷踞城賊爲僞
來王陸順祥各處鄉鎮皆設僞官派散目把賊卡以
壯聲威令鄉官給門牌以斂財用適諸賢之義民包
立身起義包村城賊攻之輒不利蕭山之楊清庵孝
廉鳳藻亦聚白頭於赭陽白頭者首蒙白布身披白
衣望之如雪柰衆如烏合紀律毫無會錢清把卡賊
目頗饒賊智覷白頭將至令賊衆潛伏故以財物散

遺道路閒白頭貪利爭攘已無鬪志伏賊突起猛攻
白頭遂潰沒於西小江而楊孝廉亦奔包村矣是時
省垣軍報不通糧空援絕先是彭道斯舉議築夾道
於望江門外達錢江以通餉路爲饒軍門廷選所阻
不果築胡紳光墉運糧米子藥數十艘由黃道關進
龍子壘泊旋江心柰沿江皆賊終不能達張提督王
良自嚴桐回駐江干中礮陣亡而省城隨於十一月
二十八日復陷王巡撫有齡回署自縊將軍瑞昌闖
營自焚學政張錫庚都統傑純總兵文瑞布政使麟
趾按察使甯曾綸糧道暹福候補道胡元博朱琦彭

斯舉仁和縣吳保豐皆死之錢塘縣袁忠清杭嘉湖
道劉齊昂前署藩司林福祥俱降賊當省城之將陷
也江心渡船皆絕喬司外沙一路雖賊踪亦斷嚴親
與永嘉二兄避於毛桃村未嘗來紹聞省城陷念親
愈切急趨莫家灣探問適有偷渡小舟抵岸遇鄰村
柏阿六詢我家近狀卽云爾父被戕於孔埠橋塊爾
母不知生死余一聞此語魂不附體急附其船北渡
冀得確耗是日爲臘八日僞忠逆方以浙省旣破嗾
爲三十六天將之劉懿鳩僞忠誠朝將錢貴仁踞守
杭城分立軍師旅帥及司馬百長等各僞官妄稱安

民遂自率悍黨直犯松滬由上中下三塘水陸並進
予甫抵岸賊趨如蟻欲避不得遂於范埠東爲賊所
擄卽縛兩手與范埠一房姓者聯以辮髮曳之亂奔
旋入賊館之內室予囊中錢二百洋三圓被賊搜去
旣而裂帛作繩圍繞項頸與新擄諸人新擄者號
新傢伙同
繫原處楚囚相對徒自暗泣擄予之賊何姓湖北人
其館中賊目吳姓江北人副目趙姓宜興人餘賊三
四皆江西人斫柴燒火光照四壁各賊攔門而臥防
守甚嚴次日黎明飽餐令房姓肩負兩囊予攜食鹽
一袋徑由大路長行不停經過長安一路尸骸枕藉

瓦礫縱橫不堪觸目凡新擄負重有憊莫能支者或
中途跌仆或蹇滯被戕余念及二親不能不勉強進
行冀畱此身徐圖後計是日抵石門灣始打館歇宿
兩踵皆腫次仍曉行幸未及里許鄉官已備船相候
以館之大小派船之多寡登舟後房姓又善搖船招
予幫曳艣繩始舒喘息十一日泊嘉興三塔灣十三
日經朱家角渡泖湖一片汪洋舟行不速從此晝餐
宵寢月日都忘矣約二十外泊泖之燒香山下天寒
飛雪河冰膠舟一旦賊忽傳令上岸安營以度新歲
蓋僞教以三百六十日爲歲無大小建無閏月排數

來年正月初五日爲僞教之除夕羣賊正在開濠築壘間忽於正月初三日官兵出隊見楊字旗從南來賊譁曰發妖風矣畱老弱守船壯者迎敵不意北路又有官兵潮湧而來形同蟹箝兜裏老賊知勢莫敵見機而逃勇悍者狼奔幼弱者鳧溺予立船頭瞭望離岸不過三丈官兵漸近正危迫間忽見上流一船舟子似吾鄉口音促予過船一躍而登瞬抵西岸回顧船已蕩開舟子不知所在豈慈航一葉默示護持耶自此遂脫樊籠中途苦乏川費每遇善士或畱餐宿或贈行滕二月初附桐鄉便船初八日行抵屠甸

寺鎮道逢許敦甫表弟亦承周郵初九日再過長安
但見瓦礫荆榛淒涼萬狀新橋上南有屋數間絕無
居人至袁家壩民屋稍整略存小市望家愈近歸思
愈急到喬司纔日過午也遇舊鄰人鵠面鳩形幾不
相識亟詢吾家近狀據云屋盡焚燬嚴親已避山陰
老母仍居小屋私衷稍慰喬司亦有把卡賊目爲筱
天義鍾姓亦有小店幾家自東而西皆支草屋惟畱
陳馬朱三家廳屋而已遂買饅團米糗茫茫歸家拜
母問安母聞兒聲欣然起坐疑是夢裏相逢喜出望
外岳母亦幸同居無恙除德嘉三兄被擄未還外二

孀母曹氏三孀母陳氏永嘉二兄夏氏二嫂駱氏三
嫂暨鎮鏹兩姪皆慶生存特枯瘠異常非復昔時而
日客冬草根樹皮度過殘臘近得糲糠稍知穀味遂
將所買米煮粥一鍋連糕糗聚而食之其味勝瓊漿
玉液也族人惟明岡叔阿埤弟及陳氏王氏兩孀母
未罹浩劫餘皆被難吁可傷已明日購備米鹽畱奉
老母暨岳母子卽馳赴陶里父子夫妻朋友再世重
逢額手相慶何桐山昆玉擬挈眷還杭予眷亦附舟
同歸母親黃太孺人先於二月二十三日壽終不及
躬親視含畢生之罪可擢髮數耶獨生前尙得一面

接音欬良非偶然遂治薄棺草草殯殮今念及此淚
涔涔下也舊居盡付劫灰一家五口暫賃數椽蜷縮
度日竊幸豆麥豐收人皆得食育蠶雖少絲繅價昂
藉資俯仰時喬司軍帥王忠良師帥李友孝旅帥家
明岡叔安民之地差徭供應賴以周旋駐省賊目爲
三十六天將劉懿鳩粵人也凶惡貪戾衆呼爲劉剝
皮趁纒絲刈麥之際迫各鄉官按戶勒索名曰寫大
捐又派百姓排日解灰作煎硝之用如不敢解灰進
城者由旅帥僱人挑解每擔折錢二百文名之曰出
灰錢凡過路落鄉之打先鋒者稱爲野長毛常有虛

驚朝不保暮詎一難方脫一難又遭六月初五日僞
福建主將王五馥悍賊也綽號黃老虎自松江敗回
一路打館擄人勢甚洶猛予聞信後偕鄰友避石門
洲前鎮十一日聞賊退復回至臨平西茆橋不虞南
岸有賊伏於斷垣之陰陡起攔截鄰友脫逃予又被
擄至小林之上環橋賊館始則拘閉深屋繼說要新
傢伙出講道理至外廳見賊目面麻若鬼赤膊跣足
面南箕踞左右隅坐兩賊小把戲執刀旁侍被擄五
人麻繩反綁雙手北面並跪賊曰現在糧草不足要
許多人何用命推出斬之均各乞命則曰送你歸老

家上天堂就是好事立時將中間一人推出門外桑地斬訖卽提首繳令四人又哀乞不已始問能裁縫否能挑擔否皆曰能卽牽至裏屋釋繫獨予呆若木雞其隅坐兩賊曰且再問你能寫字否能起稿否余答曰能麻面賊立呼小把戲放綁急切不得開以刀割之命東坐賊讓予坐予亦放膽遂坐卽令小把戲出筆硯令起稟稿予問何事卽曰稟請發糧問以格式曰且起稿再說遂寫一稿讀與聽之但曰如此便好又令寫兵冊卽照原冊編錄其偽銜乃德天豫麾下巡查陳世發年二十一歲係安徽懷甯縣人父母

已故弟在營妻子無其次曰聖兵某某曰精兵某某
曰牌尾某某年分爲天父天兄天王太平天国壬戌
十二年六月寫畢與看又曰好察其色甚善卽改稱
曰先生噫生死相關祇爭俄頃豈非數耶卽命小把
戲領入與孫姓醫生同處一室其人向習搖鈴走方
術本不精字亦較遜所存兵冊卽其手筆伊得一幫
手亦頗欣然次日賊頭云有絲十數車先生可同老
弟兄到買賣街去銷賣買些魚肉回來大家好飽吃
幾餐來日天光明卽黎卽要拔館進省願者同去不願
者放行予以爲到街或可乘機脫逃孰知老長毛前

後押定無機可乘遂偕回館將絲賣錢若干魚肉買錢若干逐一報明賊云何須計較你不知長毛情事模模糊糊過去便了明日五更造飯後呼予出云我等此番進省分派各處把卡先生在此恐受驚嚇不如同進省城可覓些銀錢使用彼時心欲求放恐遭不測不敢開口其三人則竟放行因思同擄五人一死四生又一畱三放豈非前數注定耶祇得行吾患難而已遂與孫醫同行進武林門德天豫麾下營都在梅東高橋左右遂打館景宅卽前廣東潮州府景江錦故居牆上隨寫門條標貼於外爲德天豫所

見卽問巡查曰寫字先生老乎新乎對曰新來又曰
明日黃大人開印須寫賀聯可煩先生進來翼晨進
見其人頗文秀不纏大辮不服小袖并自述祖上讀
書已亦業儒姓李名大德湖北漢陽人謂本館先生
所撰聯句不甚工望爲改作予忖度頌賊不甘且易
招嫉忌因謝曰祇慣塗鴉未諳繡虎然自此常以筆
墨相屬賀聯用黃紙爲圖硃書圖心貼黃綾上狀若
輓聯七月初先飭各造兵冊彙而作總並云天京被
困緊急奉忠王令過七月拔隊全行以顧根本僅畱
老弱守館予一聞此言恐脅入金陵更難解脫亟籌

歸計探得各門嚴查非牌照不能出惟武林一門查
驗尙寬七月十二夜闖館鬪牌至曉倦不能起同房
之孫醫患病不省人事予取其小犒衣大腳褲罩服
於外潛出館趨武林門門未啟至洗馬橋暫坐突有
追扭逃館之人屬予暫看答以身有要公不能代管
恣恣卽走城門已開適有首黃巾身黃衣之賊策馬
前驅後無跟人予卽逐馬飛奔守門賊以予爲跟馬
從人馬上賊亦不回顧一逕北馳至左家橋予遂折
而東過得勝橋遇一鄉人之賣冬瓜者忽云爾非逃
長毛乎前面路口有賊徵收瓜稅視此穿着必不能

過詢以百姓衣服能過否則曰可遂脫外罩孫醫衫
褲擲瓜擔上與鄉人同行至路口果有桌橈攔路收
納瓜稅者卽問云是逃長毛否答以姚店橋雜貨行
夥由湖墅收帳回來卽故與挑瓜者佯爲招呼若似
曾相識者賊不復詰但云直前行走不可鬼頭鬼腦
像逃長毛模樣遂過白田坂到埧總管堂略歇驚魂
方定至橫塘遇胡君肖眉畱我飲食代喚一鄉老引
道並假以籃盛以瓜若出市歸者經丁橋賊卡竟免
盤詰平安到家一門骨肉再世重逢喜而悲悲而喜
如夢如覺有不可以言語形容者時繼王忠良而爲

軍帥者沈小湖祖琛先予入學者也由明岡叔之薦
到局幫司筆札一爲餽口計一免野長屯之擄入局
後與門斗顧瑞祥同司帳務未幾賊於湖墅設招賢
館開科取士稱試官曰提舉呼秀才曰莠士以莠字
須避僞
也諱凡軍帥名下無人應考職須黜革小湖欲以予塞
責不應強之因思一行偶玷終身莫贖遂逃避於南
沙之豬山陽俟試畢方回從此更跬步不敢出門矣
聞仁和之提舉係從賊之錢塘縣李作枚與考者三
十餘人首題太平一統江山萬萬年次題爲將必有
爲將之學問詩題草木咸沾雨露恩一榜盡取無遺

新進莠士頭裹紅巾身披藍衫足踏花鞋赴卡拜客
各贈賀儀貪鄙之徒捷足先登則僅送青蚨二百文
稍存羞恥者自顧不雅仍不作莠士面目是歲秋收
大稔賊亦開倉收漕按畝苛斂而佛日塢橫山等村
之棚匪時聞搶劫不堪其擾因買南埭章姓之屋而
遷居以避之是冬各省軍務皆有起色左巡撫宗棠
蔣布政使益澧劉按察使典高提督連陞已由三衢
收復金衢軍聲大振洪逆因加守浙各偽目王號以
固衆心封陳炳文爲偽聽王錢貴仁爲偽比王石門
之鄧光明爲偽歸王餘杭之汪海洋爲偽康王海甯

之蔡元龍爲僞魏王嘉興之廖禿子爲僞榮王湖州之王五馥爲僞堵王一時南北分顧各守城隘鄉閭數月稍免野長毛之害明年同治二年賊則爲癸亥改爲開十三年正月大軍收復浙東繼而海甯蔡元龍投誠改名元吉其軍爲吉字營僞主將童容海先降於皖營以後皆不知所終不使其專遏嘉湖之賊庶官軍無北顧之憂此後嘉石漸次收復杭城孤立無援僞聽王陳炳文潛有投誠之意密遣艮山門外僞監軍朱春至左營獻降委杭州府薛時雨遣仁和舉人朱汝霖上元都司陳元慶全椒文生楊景洪六安傅鴻恩某

縣金廷良同至良山門外朱春之監軍僞署覘賊虛
實乃事機不密爲餘杭敗入省垣之汪海洋所知糾
同劉懿鳩錢貴仁立遣賊隊圍按監軍僞署朱舉人
等五人同時被害

平定後請
卹葬于姚店橋

時距克復省城僅

四日耳左帥聞而大怒攻城益急守賊不支啟門逃
逸杭省遂復時同治三年甲子二月二十四日也是
年六月曾帥收復南京洪逆先以憂死至是粉骨揚
灰將僞忠王李秀成逆兄洪仁達執而梟之傳首受
害地方八月間一人肩馱牌示鳴鑼前導一人擔二
頭籠一人手執令箭徧行鄉曲以彰

國法以快人心至水鄉各鎗匪如桐鄉之施尙嵩卽
施麻子平湖之王英美卽王四相石門之周上林卽
周三仁和大麻之林聖貴卽林毛頭山鄉棚匪如佛
日塢之毛崇秀林阿丑姚阿星李大空等蔣藩司遣
兵拿獲梟首示衆城中紳士胡光壩等舉行善後事
宜招集流亡資遣難民瘞埋屍骨拯濟殘黎大憲奏
請輕減錢漕停徵關稅從此四民安業重享

昇平不可謂非大幸也吾身之屢死獲生吾家之屢
散復聚冥冥中如有神護焉惟所居之槎溪平時固
是樂郊亂後轉成危地以南有喬司海塘中有臨平

上塘北有塘樓下塘西有省城大路水陸進兵悉爲衝要不得以遠祖昆仲隱居於此遂作避秦地觀也
歷憶所遭心猶驚悸恐子孫安享承平未悉難中苦楚不加警省因錄此以示後人語雖俚鄙皆實事焉

庚辛泣杭錄卷十一上終

月言江本金卷一十一

三

庚辛泣杭錄卷十一

張光烈殉烈記

咸豐庚申之變粵逆于二月二十七日先陷杭城母姚太恭人聞信卽舉家移下城僻處戚某家冀可暫避當時賊來不多惟與駐防營兵相轟擊尙未擾及城廂僻處故戚某家無一人見賊者三月初三日聞賊退乃還故居一路尸骸橫臥血水盈盈賊聚杭城之西南隅殺戮尤慘母歸視室中已搜括無遺守門者云城陷賊卽至旣去復來迄敗走後始止幸見機走避未嘗遇賊也至次年九月復聞警信杭城內外

營壘徧地旗幟成行一日戚某至眉感汗淋謂某處賊至某處兵潰環城十門已加鑰矣伯舅某急往探之信然浙民習於浮靡富室無甌石儲城閉米值驟昂母盡鬻釵珥以給饗殮久之雖樹皮草根居民猶苦難得餓夫行道上海仆而死氣未絕兩股肉已爲人割去營兵以索糧爲名輒入民居任意搜括母聞之命終日閉門倩鄰人加鑰於外書門上云某姓已移某處若空室然於是兵過不入有事則登梯呼鄰以匙開之乃得出賊則日加多連營樹柵爲長圍之計時家中米久告罄乞于親族無應者一家十口噉

嗷待哺母憂急無計時攜幼兒倚樓泣惟伯兄雲侶
一日踉蹌而至以衣盛米置懷中母泣而受之長幼
男婦因得飽啖一次米既盡乃食麵麥及糠粃久之
食馬料豆味甚苦蓋平時飼馬者光烈時方八歲聞
僕婦云值較平時之米更貴十倍一日按室中得鹽
漬橄欖一瓿爭相咀嚼母方諦視聞厨役阮升云昨
晚有饑人倚門斃矣隔鄰有斫賣饑尸肉者盍囑彼
移去母駭曰賣人肉乎對曰然三日前已見其操刀
矣母乃出語伯舅某曰城必破矣勢至于此又焉能
支我一婦人死何足惜柰子女何伯舅某亦慘然入

夜輒羣坐廳事仰見火光四起直凌霄漢礮聲徹夜不絕牆外有吶喊而過者係居民夜巡姦宄每聞之益悲十一月賊至愈多攻城益急有往城上覘賊勢者歸云疲卒饑兵危在旦暮二十八日晨起寂無礮聲俄聞鄰人騎牆高呼氣急口吃語不能清伯舅某急入告云城已破矣柰何母默然良久揮淚登樓意圖自盡一時兒號女啼牽挽而下母呵曰止吾一婦人其能於賊騎中率汝輩逃命耶且此時徧地皆賊吾苟出里門一步他日有何面目見人伯舅某力勸少待乃謀徙鄰室居未穩有一賊破門直入擄掠而

去頃之又有入者則短刀懸臂梟賊也母怒謂賊曰
有死而已詎怕爾哉賊以刃相向母隨以手中物擲
擊之賊怒拔刀直犯母久饑無力刀及于頸而身仆
遂殉難于缸兒巷里第年三十有九嗚呼傷哉

庚辛泣杭錄卷十一下終

月三立木金卷十一
一
一

--	--	--	--	--	--	--	--	--	--

庚辛泣杭錄卷十二

秦緗業陳鍾英平浙紀略

同治二年八月十六日督辦軍務浙江巡撫左公旣以富陽之克入告擬由嚴州前進而賊別由績歙欲竄援杭州左公以嚴州爲居中策應要區仍暫畱駐趣蔣益澧進攻杭州益澧請調聞家堰西興各營渡江會勦翼以水師漸偪清波鳳山兩門別派副將劉清亮率六營助康國器魏喻義等進取餘杭益澧自駐畱下相機策應賊僞聽王陳炳文僞歸王鄧光明僞朝將汪海洋等見官兵分道並進於杭州負郭要

隘重重堅築壘卡城外繞建木柵並噉餘杭踞賊僞
欽王謝天義等併力死守爲犄角之勢自倉前長橋
女兒橋老人坡東塘西谿埠觀音橋三墩縱至武林
門外北新關橫至古蕩連營四十餘里以拒我師二
十五日偵知汪賊領黨前赴餘杭益澧卽令高連陞
率所部進攻十里長街洋將德克碑率花勇同知魏
光郅率親兵四哨爲之接應王月亮率所部及閩楚
營依山列隊以防清波門一路楊政謨劉連陞羅啟
勇率師船沿江而下黎明水陸各軍俱抵濠邊陸師
拔開椿籤水師排放鎗礮賊驚惶失措官軍乘勢湧

入立破街口大壘三四百賊殲焉街後賊數千憑壘據守不敢出戰我軍亦以進攻路狹未遽深入正相持間城內出驍賊萬餘高連陞縱令偏近乃揮眾迎戰王月亮等橫出抄之礮船連環轟擊賊大潰追入第二重卡斃賊頗多並鎗斃賊中一夷人賊退入城官軍亦收隊還二十六日益禮令高連陞等節節移營進屯十里長街六和塔萬松嶺等處先占高地俯瞰城中而自率徐文秀馬德順赴東嶽廟察看形勢乘賊不意揮軍急進立破三卡斃賊數十餘賊梟水逃去各壘堅踞不出九月初六日辰刻城賊萬餘由

雷峰塔及饅頭鳳皇九曜等山分四路來撲官軍新
壘其旗幟之鮮明隊伍之整齊迥與前異我水陸各
軍高連陞王月亮劉連陞楊政謨羅啟勇等亦分路
迎敵賊從對嶺鳴鼓颺旂而下官軍鎗礮排擊諸將
往來馳突殪先鋒賊數十賊卻仍前余朝貴高有志
由江邊繞至高連陞橫出山腳魏光邴劉清亮竇德
棱各率所部繼之縱橫盪決士氣益厲師船礮無虛
發賊大敗走追奔至饅頭山沿途斬賊三百餘鄧光
明陳炳文自率死黨據險督戰仍驅敗賊回撲沿街
破屋中伏賊千餘鎗發如雨高連陞等督眾奮擊王

月亮率各營由九曜山萬松嶺一帶衝殺而出賊勢不支始狂奔入城我軍直追至城邊乃還初八日益澧令王月亮甯世杰進軍天馬南屏兩山羅山網進軍翁家山別派礮船向饅頭山一帶轟擊使賊不得成列高連陞等出隊備禦至申各壘遂成賊不敢逼益澧旋於畱下河內搜獲賊小船三十餘艘改造礮划分布萬春廟楊家橋何母橋梧桐村蔣村各隘日夜巡防以固餘杭運道十三日賊於楊家橋築一壘益澧令徐文秀率勇乘夜攻之擒斬百餘賊餘多溺死乘勝過河攻破一小壘又斬賊數十奪獲米船數

艘擒賊言餽頭山之戰僞歸王受傷遁回是時左公疾新愈而營中疫氣未息聞花旗賊由甯國竄浙境湖州賊由武康來援杭州杭賊專待嘉湖之援並資接濟而餘杭實爲湖杭要衝與杭州尤唇齒相結不克餘杭卽杭州不能合圍蔣益澧一軍僅扼杭州之西面餘杭各營亦止圍其東南而兼徧其西顧北路無重兵屯駐兩城之賊往來自若終莫能制其死命雖局勢漸穩而我機尙難迅速左公上疏具言之賊復於餘杭東門至杭州倉前長橋女兒橋等處添集驍黨由何母橋欲襲餘杭諸軍後我師擊走之而嘉

興等處驍賊數萬新集杭州十月十八日天微明乘大霧迷漫潛由萬松嶺撲營張志公憑濠拒之賊偪前丁賢發率所部從山嶺馳下入壘助守約一時許高連陞督率余朝貴張志順等馳至張志公丁賢發出壘奮擊賊少卻洋將德克碑率勇助戰並令淺水輪船然放開花大礮轟斃數賊楊政謨劉連陞羅啟勇各率師船擊退沿江之賊登岸衝殺見水陸大隊齊至分拒酣鬪兩時我軍愈奮斃賊數百賊大敗其出清波門者亦被王月亮所部暨閩字營截勦潰回各軍乘勢追殺斃賊尤多十一月左公移駐富陽初

十日率輕騎馳赴餘杭督攻半月仍回富陽大營駐橫溪頭並議由北路築壘分軍襲取瓶窰絕其餉道畱楊昌濬暫駐青山而令蔣益澧回畱下布置益澧抵營後昌濬連得謀報知因官軍急攻餘杭各路援賊均趨重杭州西北餘杭東北并杭城悍賊亦多出援有自城中逃出者皆言賊將併力爭餘杭昌濬意賊旣趨重餘杭則杭州守禦必疏隨函商益澧乘隙先攻附城各賊壘以怵之益澧以爲然十二月朔令提督高連陞洋將德克碑會攻鳳山門外賊壘親督馬步各隊排列錢塘門外秦亭山棲霞嶺一帶以防

城賊之援連陞等數道並進賊紛紛揚旂而出尙未
成列諸將大呼陷陣師從而突之賊披靡退入石壘
我軍躡蹤急破一壘殲其守賊自辰至午賊望風竄
復破九壘直追抵城隍山腳而楊政謨劉連陞等率
師船攻江邊石壘亦破之共斃賊二千餘奪獲鎗礮
無算益澧卽令高連陞分所部據賊五壘德克碑據
二壘偪之惟餘古蕩賊壘及近城兩壘次日各軍力
攻仍未拔益澧令各營分屯錢塘湧金鳳山清波等
門直踞饅頭山雷峰塔秦亭山爲營圍賊中央而請
調橫溪徐文秀等五營助攻古蕩左公從之並檄衢

州鎮總兵劉培元統領錢江水師各營以一號令且令糧道楊昌濬伺擊餘杭之賊賊愈窮感杭賊亦自守不暇初五日水師劉連陞楊政謨羅啟勇梁雲山彭大光等進攻清泰門外觀音堂賊壘分兵縱燒附城民屋以誘城賊賊果出連陞等擊斬數十賊初六夜賊於錢塘門外偷撲我營羅山網擊敗之劉培元以西湖一帶多汊港恐有伏賊遂令蔣榮彩劉仁和等拽數十舳板戰船由閘口過嶺入湖初八日榮彩等擊斃賊百餘奪獲礮船三艘划船十餘歲闌雨雪兩城之賊堅伏連旬我軍亦未進攻三年正月杭州

之師晝夜攻城偵知賊援嘉興二十五日高連陞會
合劉連陞水師各營及洋將德克碑所部攻克望江
門外三石壘斃賊千餘直逼城下賊礮石如雨仰攻
數時始還先是僞聽王陳炳文於上臘遣其兄陳大
桂赴江蘇大營乞降巡撫李公鴻章決其議於左公
隨令同知辭時雨伴送大桂來浙乃炳文不俟大桂
回報卽將杭城謀內應者悉行殺害左公以賊誠款
未著藉空言爲緩兵計謂大桂如炳文實投誠應卽
獻城散衆以表信迨二月十七日大桂入城久無耗
密令蔣益澧相機圖之二十一日益澧令高連陞率

四營攻觀音堂賊壘劉清亮五營及水師劉連陞唐學發羅啟勇率所部助之周廷瑞徐文秀率湘軍六旗攻古蕩賊壘楚軍一營閩軍兩營助之德克碑發大礮轟攻鳳山門親兵四哨助之黎明高連陞等進撲觀音堂官軍奮勇齊上一躍過濠羣賊驚竄立破兩壘數卡炳文率黨萬餘來援劉清亮劉連陞諸軍踵至益澧督親兵並馬德順馬隊馳往策應敗之時德克碑轟倒城垣三丈餘益澧調轉大隊赴之守備丁賢發等及洋兵十餘先登賊恃鎗礮力拒我軍受傷百餘高連陞王聯芳俱裹創督攻久乃收隊徐文

秀等因古蕩賊壘隔水環攻未下分兵旁攻葛嶺賊由錢塘門趨援蔣榮彩賀國輝邀擊敗之遂破葛嶺二壘殲賊七百餘各壘之賊望風奔潰曹魁甲胡榮連破古蕩二壘徐文秀周廷瑞及王東林進克武林門外二壘追至十里街而還是日共破十壘壘二十三日蔣益澧復令徐文秀等四營攻十里街賊壘劉清亮等七營擊武林門援賊劉清亮等三營及蔣榮彩水師攻錢塘門附城賊壘高連陞率四營會合德克碑進攻鳳山門王月亮率兩營進攻清波門劉連陞謝永祐唐學發羅啟勇布興有等各帶一半水師

登岸分攻望江清泰兩門益禮自率親兵馳赴武林門督戰徐文秀周廷瑞王東林賀國輝督隊銜枚疾走比近長街始發號鳴鼓各勇爭先拔取木椿竹籤越濠而進賊伏壘中排放鎗礮我軍被傷數十徐文秀親執小旂冒矢石躍過內濠周廷瑞賀國輝繼之士之先登者屢蹶文秀亦受矛傷士益憤怒陳炳文復率黨萬餘來援劉清亮王東林等分路截擊席得元以親兵四哨策應賊少卻周廷瑞等攻壘垂破城中又出援賊數千益禮急令謝茂勝陳念親率洋鎗隊偪城門迎擊先出者悉被傷餘賊不敢復出惟炳

文力戰不退壘賊恃外援守益堅鏖戰三時殺賊無數而我軍亦傷亡四百餘會大雨驟至官軍嚴陣不動雨止仍攻直至薄暮收隊清波清泰各門賊壘亦因鎗礮稠密未能攻克而賊之精銳盡喪炳文氣沮是夜四更潛啟武林門而竄益澧偵知城柝漸稀人聲鼎沸卽令徐文秀周廷瑞賀國輝王東林劉清亮李運榮翁桂秋李世祥馬雲標胡榮李國棟羅山綱葉紀來等大隊分從武林錢塘兩門衝入自率親兵繼之徐文秀周廷瑞王東林等並由武林門一帶截殺悉捕街巷匿賊駢誅之賊尸枕藉填委人馬騰喧

殺聲振聞數里高連陞德克碑王月亮劉連陞唐學
發羅啟勇謝永祐余朝貴張志公張政順丁賢發姜
子豹布興有等水陸各軍同時出鳳山清波慶春清
泰等門梯城而入四路勦殺其斃賊數千生擒千餘
拔出難民無數所獲鎗礮器械不可勝計遂於二十
四日卯刻克復杭州省城是日黎明餘杭賊酋汪海
洋亦啟東門從瓶窑一路竄走左公疏告捷並言杭
州爲全浙根本餘杭又爲杭州西北屏蔽賊首陳炳
文汪海洋負嵎死守力抗大軍數月以來攻勦殆無
虛日茲幸兩城同時克復浙西大局漸可次第肅清

此皆仰賴

皇上神威文武諸臣同心協力得以迅奏膚功又僞北王錢貴仁前曾遣人納款獻城因謀洩而止迨攻克杭城貴仁率黨千餘叩求免死左公以貴仁雖劫於凶威未能立功贖罪而事前通款尙可貸其一死附奏分別遣畱疏入得

旨嘉獎閩浙總督左宗棠加太子少保銜賞穿黃馬褂浙江布政使蔣益澧提督高連陞均賞穿黃馬褂益澧並給雲騎尉世職道員楊昌濬康國器朱明亮均加按察使銜國器並以福建道員遇缺簡放總兵

王月亮以下同知魏光邴以下文武四十三人敘功
賞賚有差杭州初克左公卽傳令申儆各軍嚴禁攜
帶婦女搬運器物出城一面設局安撫難民令紳士
胡光墉購米賑濟訪明被難婦女家屬所在分別領
送三月朔天大風雨左公拜疏後卽由餘杭入城杭
州連年再陷久爲賊踞屋廡僅存鳳山錢塘門內被
害尤酷斷瓦頽垣蒿蓬沒路湖山佳勝徧地腥羶一
旦洗而清之遺民鳩形菜色次第來歸皆噉吁歎息
以爲不圖復有今日也左公爲之慨然嗣行經滿營
追思瑞傑二公之忠勇闔城之義烈躬率僚佐設筵

爲文痛哭而奠之一時從祭及旁觀者無不流涕其
日天氣陰霾頽雲如墨若有萬靈雜遝乘風雨而上
下者祭後倏然清明人皆異之浙實奧區負阻易守
而難攻兼吳會皖南氛合響應軍從三衢一路窺入
重關堅城所在連衡旣不能銜尾橫刀直剷巢窟復
不能擊其首尾以潰腹心力戰銳攻勢且棘手賊用
數十部之衆席百戰之餘畢智殫力以死負固乃左
公提一旅之師轉戰而前不三十月恢復省城豈非
長算勝略而能使之然哉

浙江擅絲茶魚鹽之利產米素少杭州九屬澤國居

半承平時輸漕五六十萬石賴江蘇湖廣之米以濟民食至省垣則米尤騰貴較之數十里外價輒贏千錢有奇富室菽米不入城郭常平義倉俱無積蓄咸豐十一年杭州再陷雖力盡援絕亦由掘鼠煮弦無食以爲守故也迨同治三年杭州克復難民來歸者日衆至人皆乏食楊昌濬商請左公設以商代賑之法下令收買銅錫鐵鉛茶葉並傭婦女揀茶而以米給值民賴以濟全活甚衆三月十三日左公附奏言臣於三月初二日進駐省垣巡視各城堞身閒有轟坍之處尙易修葺惟駐防城身概行拆卸房屋但存

牆壁省城以內倉庫衙署俱已蕩然無存街市房屋亦大半拆燬聞無事時省城內外居民共有八十一萬餘口現除逃亡死故外陸續來歸及存留遺民合計不過數萬口一片劫灰傷心慘目蓋兩次淪陷被禍爲尤酷也現已遴派員紳設立賑撫局收養難民掩埋屍骸並招商開市一面將急須修濬工程辦理以期通商惠工暫救時局左公初入卽傳令申儆各軍嚴禁攜帶婦女搬運器物出城先是在藉道員胡光墉豪於財杭州初次失陷賊以城內居民力協官軍守陣恣行殺戮輒反接其手每纍牽數十人而駢

斬之伏屍盈地流血成渠貞婦烈女相率赴水城河
爲滿賊退後貌皆如生光墉捐貲具櫓或兩人一棺
埋之湖上及城之再陷也光墉先領銀六萬兩往上
海湖北購米不及則具海舟入鼈子壘泊錢塘江僻
處全濟頗衆泊左公大軍入浙檄光墉來謁首繳還
前領銀六萬兩並輸助軍餉左公察其可任令經理
賑撫局務於是購米爲食訪明被難婦女家屬所在
分別領送修義渡復牛車以便難民渡江來往牛車
者爲水沙而設從前江多沙少幾可直達西興嗣於
東岸漲沙數里每逢潮至沙皆沒水潮退又阻淤泥

貧窮婦女無力僱肩輿者蹠躩泥中時有陷踝滅頂之患或倩人背負亦多危殆且無以別男女之嫌自捐設牛車迎送潮泥中而民皆利涉賊擾遂廢至是復之並收城鄉暴骨數十萬具分葬大冢於岳王廟左里許及淨慈寺右數十武地繚以粉垣而阡表之江干湖墅則就近掩藏之存歿以安先是二年六月奉

上諭浙省疊遭兵燹小民流離失所自應將該省漕糧量子減免著將杭嘉湖三屬稅則各按重輕分成核奏辦理左公既平浙遂於省城設立清賦局議減

三分之一並裁革浮費定爲經制從此吏畏其法民安其業最爲善政之大者又以海塘坍塌潮入浸灌民田事關七郡水利奏令前按察使段光清於塘身後築土備塘一道高寬各數尺屹然保障繼左公撫浙者荷澤馬公新貽合肥李公瀚章暨楊公昌濬並盡心講求石工柴壩以次修復均有專案茲不具載他如北新關繫杭州一方民瘼奏請停止割釐以抵權稅濬治西湖南湖城河以便農商建修各祠宇書院以興祀學招集遠方農民以墾荒蕪城中採積米穀至十餘萬石左公疏內所稱二臣與臣共事多年

信心有素於整軍治民之事必能補臣缺漏仰答
恩知者也

同治三年八月全浙告平凡用兵兩載有奇而其初
之失之也亦非一朝一夕之故浙省負山阻海魚鹽
饒沃人物滋豐財賦之利亞於江南自粵賊颺起浙
之調兵籌餉遂無宴日矣其始浙不知兵遙恃金陵
大軍爲援歲供餉銀七十二萬上海軍月四萬浙餉
屢乏識者固已憂之歲己未十月江皖就浙江貢院
舉行鄉試諸生及姻婭僕從由皖南來者衆且盈萬
關隘莫能詰賊之南下也固心豔蘇杭金帛子女未

嘗一日忘惟久恍浙中虛聲又不諳路徑未敢徑犯
會逢是役其渠魁乘便入偵備知虛實其時羅公遵
殿甫蒞任甯防告警防議未定值江南軍克九洲
金陵賊窘甚僞忠王李秀成僞侍王李世賢及吳廷
彩陳炳文諸賊由六合渡江集蕪湖謀擾浙以分官
軍之力而紓金陵之圍甫度歲卽率黨由南陵疾趨
十年二月初三日廣德州陷浙省門戶盡失十八日
走狗葬夜焚良渚聞者尙以爲土匪也十九日黎明
賊至武林門已入十數騎人猶未覺統帶寶勝勇候
選道陳炳元登城望知其爲賊始傳令閉城擾攘閒

賊之闖入者竟不可蹤迹云蓋賊稔知是日爲觀世
音大士誕辰大吏必至天竺欲邀戕之湖上乘勢搶
城而未知故事皆以十八日預祝也遂分圍武林錢
塘湧金清波等門城中除滿營外僅有撫標各營兵
二千餘署鹽運使繆梓傑勇二百協防局團勇三百
都司姚發科福勝勇五百城外則有江南大營新募
江西勇二千人過境未去其按察使段光清所部親
兵四百皆先出守餘杭之獨松關爲賊所格二十日
光清由獨松關回援且戰且行滿營應之乃得入城
旋調甯紹台道仲孫懋興勇二百助守二十二日賊

登玉皇山段光清繆梓各出隊民團隨之見賊驚潰
官兵亦不戰而歸二十五日賊於湖上立十餘營光
清率親兵及江西勇三路出戰皆敗初羅公知浙軍
不足恃奏調道員蕭翰慶由湖北率訓字營赴浙過
徽州值太平旌德不守張公芾令助勦克復三城又
留其副韋志俊一軍翰慶馳躡賊後至湖州虹星橋
與賊戰以兵單敗死芾遣革職提督米興朝由徽州
來援頓富陽不進縱兵掠爲民團所圍殺傷數百時
賊踞饅頭等山爲壘取淨慈寺羅漢象環壘執旂城
上望以爲賊發礮多中之賊居高瞰城中礮子雨落

至是守陴者皆怯矣始被圍巡撫飛章告急並乞師於金陵向公榮遣提督張玉良赴援二十二日副將向奎率前鋒千五百人至平望取道海甯赴杭屯清泰門外李定太由湖州率軍來援均與賊隔絕二十四日張玉良率所部二千餘人至蘇州吳中大府意謂援杭且不及欲令向奎駐嘉興張玉良駐湖州陰固蘇省門戶以故玉良過常熟皆飲之酒俾閱城置守而後行杭州城中段光清主戰繆梓主堅守望援師眼穿賊於清波門外西竺庵掘地道日夜擊金鼓亂其聲丁憂紹興府照磨陳奉彝請開城內地道以

防之繆梓以爲然連日雨甚工不得就二十七日卯刻雨止地雷忽發城塌數丈賊湧入梓在城上禦賊死之城陷巡撫羅公遵殿署布政使王友端杭嘉湖道葉堃甯紹台道仲孫懋署杭州知府馬昂霄署仁和知縣李福謙皆死之候選道陳炳元亦巷戰陣亡浙屢警旋平士民習而安之此次賊來剽疾遷避者不及十之一二賊圍城鋪戶多集丁壯助守及破猶力鬪傷賊頗多是夜賊仍退出城二十八日賊衆盡入恣行屠戮死者填路人馬不能行將軍瑞昌與都統來存佐領傑純率旗兵力守滿城婦女亦撚矛刺

賊賊憤屢攻死傷枕藉終不能克張玉良於三十日
晚行次湖州三月朔日乘小舟以六百人進抵武林
頭知省城已失初二日全軍抵武林門城外無賊營
故莫之阻是夜五鼓令勇士由艮山門民屋上置梯
攀城大呼先登斬其守賊賊見張字大旂驟驚愕謂
副帥張國樑實來又以滿城未下在其肘腋所過城
邑均未置守旣飽掠恐官軍大至合圍斷歸路且揣
知金陵大營空虛謀還襲之卽於初三日棄城由湧
金清波走瓶窰出獨松關破孝豐竄回甯國縣廣德
州一帶此次賊來犯浙者不及萬人原爲圍魏救趙

之計初不意杭城空虛而破之之易也卒以人寡勢孤不守而去浙境乃得復清

咸豐十年杭州既失旋復未幾嘉興告陷賊雖據我門庭而杭湖守險難攻固皆完善也九月初七日富陽不守將士死傷甚多浙撫王公設奠於仙林寺哭之哀十月賊由富陽餘杭兩路分撲杭州城守數日出擊獲勝始得解圍迨十一年九月二十九日紹興告陷而杭城孤危西存一困守之湖州東留一彈丸之海甯則幾無節不斷矣諸將由東陽諸暨退回饒廷選所部閩軍習不爲壘居城中共護林福祥出軍

望江門外賊至潰還楊金榜營於饅頭山十月初二日賊從慶春門繞至清泰門金榜率六成隊擊退欲以通江路也西湖賊見金榜出戰從淨慈寺後撲襲其營金榜收隊而營已失敗賊復回夾擊軍潰自剄不殊爲賊慘戕而死僞聽王陳炳文於羅木營結五壘初五日張玉良至自富陽文瑞况文榜踵至力攻羅木營破之兵疲甚暫息爲食饒廷選謂姑徐之城無應者賊乘夜仍搶築成壘遂合圍十門並於清波門外及鳳皇山夾木爲城中竇以土鑿穴安鎗礮日夜轟擊張玉良屢攻賊壘並令江頭礮船夾擊弗

克十九日玉良送客出營門還中賊飛礮折右脛將士以船護送至聞家堰而卒城中奪氣二十五日閩軍自請攻羅木營饒廷選阻之王公不聽廷選乃令部下俟天明齊出放空鎗而回圍至十一月初旬城中糧盡升米值銀一兩候補道胡元博主議借捐民踴躍從命集錢十餘萬串而已無米可購饑民哀號滿街市浮萍蕉葉草根樹皮皆盡折取新舊皮籠爲食僵斃相望其後死者或割食先死者肉以延殘喘將軍瑞公病甚乍浦副都統傑純屢欲出戰而杭州副都統關福堅持不發兵初九日有賊從望江門外

來投誠林福祥信之給黃金二百兩及軍火號衣紅藍頂花翎約官軍四鼓出隊彼燒海潮寺賊營爲應至期如約往賊先發空鎗礮旋加彈多傷士卒追至城根適鳳山門空心礮臺火起城幾破副將曾得勝力戰城上賊始退是日武林錢塘清波門外各營皆投賊十三日有放出監犯徐姓通賊約期開城門事發斬之至是兵食亦盡碾義倉穀七千石并殺馬驢以餉王公與士兵均甘苦至以糠糝攪米煮粥對之流涕林福祥以下其家人或日食蠟燭數枝軍士有搜取民家食物者土匪導之擄掠城中大亂巡撫自

出擒斬數人勢稍定城之初圍也居民備粥飯擔送
城上餉軍若需用木板蔬袋等物片紙下立即輸送
而是月杭州紳士胡光墉以鼈船由甯波運米二萬
石從黃道關入江十五日泊三郎廟守數日湖州紳
士趙炳麟亦由上海以輪船運米至遇颶風返皆不
得通時賊糧亦罄李秀成欲回蘇州度歲陳炳文深
知城中虛實不肯去延至二十八日守軍已數日不
食乃各潰散賊於巳刻由各門梯城入遂陷巡撫王
公有齡學政張公錫庚處州鎮總兵文瑞署布政使
麟趾按察使甯曾綸糧道暹福道員胡元博彭斯舉

朱琦署仁和縣知縣吳保豐皆死之初彭斯舉度地勢復議自望江門築甬道適福建新解礮至今斯舉試放礮裂傷額幾殞議遂格吳人候選主事周騰虎慷慨奇士王公撫浙招至杭州檄辦洞庭山團練而太湖已爲賊踞則由山路閒關走廣信謁左公軍門備陳杭州艱危狀旋從江督曾公於安慶請援皆不及城中惟日望李元度安越軍來援先是李秀成於八月由江西竄浙賊二十餘萬九月朔攻衢州數日不下乃解圍東走以偏杭州寢至危急衢警漸平元度亦至因無餉駐城外旬餘進攻龍游兩月不下接

杭城告急帛書亟商撥發衛防兵接攻龍游不應乃收軍赴援杭州既陷城中官五六百無一得出居民六十餘萬半已餓死時嚴寒被驅出城凍死江干及被擄殺而死者不可勝計巡撫王公先令壯士持書帛遺摺并絕命詞縋城出由海塘走黃道關交胡光墉轉達上海署蘇撫薛煥爲之代奏其略言紹興失而杭州不守咎由紹興團練大臣王履謙臣死不瞑目云李秀成以禮殮巡撫學政及文總兵題曰忠臣某官之柩交林福祥暨署杭巡道劉齊昂送之上海既至當事咸臨奠而發視之貌皆如生王公頸帛猶

繫張目忽動血淚併落人莫不異之十二月朔日滿
城亦陷將軍瑞公縱火自焚副都統傑純力戰死之
闔城皆殉詳述浙中喪敗所由亦得失之淵藪也然
死事數公大節凜然雖將略不長而見危授命律以
與城存亡之義又何憾焉

庚辛泣杭錄卷十二終

庚辛泣杭錄卷十三

王定安湘軍記

浙江負山跨海夙號奧區寇興浙處偏陬未被寇軍
撫狃故習亦未嘗討論戎事遙恃江南大營爲屏蔽
歲竭賦稅銀七十萬供軍咸豐十年正月張國樑克
九洑州金陵賊益危懼僞忠王李秀成僞侍王李世
賢乃謀擾浙江以解金陵長圍連陷涇旌德太平甯
國四縣甯國總統周天受不能救二月戊戌陷廣德
遂犯浙邊癸卯由東亭湖陷安吉由泗安陷長興杭
州戒嚴巡撫羅遵殿新自湖北來徵調蕭翰慶率楚

軍六千往救道遠弗能至

詔和春兼督浙江軍以提督張玉良爲總統率江南軍援浙時杭州僅李定太軍二千餘赴援泗安安吉皆不及遇賊梅溪敗績退保湖州庚戌賊犯湖州曾秉忠水師至自蘇擊走之壬子夜賊從山徑陷武康癸丑夜焚良渚甲寅黎明薄杭州武林門入十數騎猶未覺候選道陳炳元率勇巡城知爲賊城始閉賊遂分圍武林錢塘湧金清波諸門城內兵勇三千餘按察使段光清自獨松關回援巡撫檄甯紹台道仲孫懋入省助守鹽運使繆梓因守衢州有功仍主堅

守段光清主戰丁巳賊登玉皇山段光清繆梓率兵團出擊團勇見賊先潰兵亦不戰而還庚申賊於湖上立營光清親攻之復大敗壬戌清波門地雷發城圯繆梓死城上巡撫羅遵殿布政使王友端杭嘉湖道葉莖甯紹台道仲孫懋杭州知府馬昂霄仁和知縣李福謙俱死之陳炳元巷戰歿在籍侍郎戴熙亦殉節是時滿城猶未破將軍瑞昌率駐防男婦嚴守三月乙丑朔張玉良以輕軍六百乘小舟至大關知省城已失丙寅全軍薄杭州而城外無賊壘度賊兵少夜五鼓由艮山門攀堞上殺守賊十餘人軍士大

呼天嚮明賊見張字旗以爲張國樑至潰奔出城遂克杭州追之萬松嶺賊走臨安孝豐長興還竄廣德益以新至江北皖南諸寇勢益張遂銳意解金陵圍閏三月江南大營陷四月蘇常繼陷張玉良自蘇州還走杭州庚寅賊陷嘉興浙中大恐巡撫王有齡令玉良收潰卒萬二千圖嘉興七月己酉破嘉興南門阻水不得入潮勇通賊謀變乙卯大營潰十月張玉良收嘉興潰卒攻嚴州克之賊遂由富陽餘杭分犯杭州瑞昌王有齡城守數日遣文瑞等出擊走之遂收餘杭迨十一年九月處州紹興相繼陷浙中郡州

惟衢州湖州海甯僅存杭州益孤危巡撫王有齡起
丞佐號綜覈初履任則奏止湘軍事亟乃奏調李元
度劉培元皆不至復乞援曾國藩國藩以軍未集辭
湘軍已克安慶威聲震中外而左宗棠新軍戰江皖
屢有功有齡復奏請宗棠援浙而以帛書閒關達安
慶乞援國藩發其緘僅血書鵠候大援四字國藩深
悲憫之繞室達旦不能寐已乃奉

旨命國藩兼制浙江提鎮以下聽太常寺卿左宗棠
調遣國藩薦宗棠專浙事

詔左宗棠督浙江軍專奏報且促其行時援浙軍猶

踰四萬王有齡復奏請李元度募八千人入浙且擢
爲按察使元度至龍游阻遏不得進而僞忠王李秀
成已薄杭州撲武林門踞我營卡布政使林福祥總
兵饒廷選引兵還省城十月丁巳賊由慶春門至清
泰門楊金榜要擊敗之西湖賊襲破其營金榜戰死
庚申張玉良至自富陽沉文榜踵至攻羅木營賊壘
破之兵疲甚暫憩具食賊乘夜復成壘遂合圍杭州
十門自海潮寺至鳳皇山樹木城以隔援師甲戌張
玉良中飛礮死城中益恐糧道旣絕石米值百金居
民捐緡錢十餘萬然已無米可買死者盈路草根浮

萍蕉葉旣盡乃煮皮籠爲食十一月浙紳胡光墉自甯波運米二萬石泊三廊廟趙炳麟自上海以輪船運米阻颶風皆不能達是時賊糧亦罄李秀成欲回蘇州度歲僞聽王陳炳文持不可守城軍士已數日不食癸未賊倚梯以登守軍散走城上無阻者杭州遂陷巡撫王有齡自經於署學政張錫庚提督饒廷選總兵文瑞署布政使麟趾按察使甯曾綸鹽運使莊煥文糧道遲福道員胡元博彭斯舉朱琦署仁和縣知縣吳保豐皆死之越四日滿城皆陷將軍瑞昌縱火自焚副都統傑純巷戰死李秀成以禮殮巡撫

學政及總兵文瑞縱林福祥暨巡道劉齊昂送之上
海發視之貌皆如生十二月

詔左宗棠爲浙江巡撫宗棠佐湖南軍事十年明習
戎機及奉

命襄辦親歷行陣所向皆捷杭州之陷也曾國藩上
疏自劾奏薦蔣益澧爲浙江布政使同治元年正月
曾國藩奏言杭州旣失左宗棠擬由徽郡進攻嚴州
下以扼杭城之吭上以作衢州之蔽迨十一月壬午
克嚴州二年正月復紹興蔣益澧乃領萬人攻富陽
以規杭州富陽背山面水西接七里隴東屬錢塘江

易守難攻自桐廬之克杭州賊始懼悉力拒富陽三月
月僞聽王陳炳文率蘇常賊僞歸王鄧光明率杭嘉
賊出臨安攻新城冀襲富陽官軍後宗棠發嚴州軍
合蔣益澧軍援之四月益澧率高連陞駐新城南楊
政謨度賊集新城杭城空虛率水師燒寇舟直搗望
江門賊壘平之杭州賊大驚陳炳文等乃撤援富陽
諸賊還杭城七月宗棠以富陽久圍不克增調康國
器粵勇蔣益澧亦請徵法國總兵德克碑率洋鎗隊
會富陽八月庚辰蔣益澧大舉攻富陽壬午克富陽
益澧以劉清亮屯新橋王月亮屯富陽自領諸軍薄

杭州偪清波鳳山門而軍宗棠令康國器魏喻義攻
餘杭僞康王在海洋自杭州出援國器要擊敗之自
倉前長橋縱至武林門北新關橫至古蕩賊營延四
十里西達餘杭益澧屯畱下令高連陞屯六和塔萬
松嶺據高阜俯瞰杭城九月城賊萬餘由雷峰塔犯
新營高連陞等擊走之追至饅頭山壬子進屯天馬
南屏諸山而魏喻義亦據青山康國器據寶塔山以
偪餘杭國器破城南長沙堰卡遂圍攻南門喻義敗
賊石門橋賊復於餘杭東門迤邐至杭州女兒橋增
集悍黨欲繞何母橋襲餘杭官軍後十月蔣益澧令

劉樹元等列隊何母橋遂於天水護國方家太平諸
橋增築四壘以扼賊嘉興賊大舉援杭州乘霧潛度
萬松嶺劉志公憑濠拒之高連陞馳至洋將德克碑
以淺水輪船夾擊楊政謨率水師登岸攻之賊大奔
十一月丁卯蔣益澧楊昌濬黃少春合兵萬三千戰
餘杭城西北所殺傷相當其夜賊築三壘以拒軍楊
昌濬駐青山蔣益澧還畱下十二月癸酉朔益澧令
高連陞德克碑攻鳳山門自督馬步列錢塘門外秦
亭山棲霞嶺以阻寇援連陞等數道並進破賊壘十
追之城隍山楊政謨水師亦破江邊石壘甲戌益澧

令諸軍分屯錢塘湖金鳳山清波四門據饅頭山雷峰塔秦亭山爲營圍賊中央乙亥楊昌濬進攻北門賊出拒戰黃少春魏喻義劉明鏡三路乘之賊乃稍卻劉璈等攻杭城西北隅賊來抄爲朱明亮所敗賊始困時雨雪兼旬賊堅伏未動丁酉雪霽楊昌濬攻餘杭破五卡三年正月庚戌高連陞德克碑攻克望江門石壘三先是僞聽王陳炳文遣族兄陳大桂赴蘇州乞款巡撫李鴻章移書宗棠圖之炳文忽中變殺杭城謀內應者宗棠知賊藉空言緩兵乃令陳大桂入城責炳文獻城散衆久不報宗棠益促益漴

攻城癸巳高連陞攻觀音堂破三壘陳炳文出萬人
來敵益澧督親兵合馬德順騎隊馳之炳文不能支
德克碑以炸礮擊鳳山門城坍三丈丁賢發率壯士
及洋兵十餘先登賊以鎗礮死拒我軍傷亡百人高
連陞王聯芳俱裹創再進卒不克甲午益澧益獎勵
諸軍陳兵五門令劉清亮等禦援寇益澧自率親兵
至武林門督戰別遣徐文秀攻城北長街文秀銜枚
疾走比近長街始吹角搖旂軍士爭拔木椿竹籤越
濠而入賊伏壘發礮登者輒蹶文秀執小旗冒礮躍
入內濠周廷瑞賀克輝繼之陳炳文率萬人來爭劉

清亮王東林席得元分路截擊賊少卻時長街賊壘
垂破城內復出賊數千益澧急令洋鎗隊逼城門迎
擊先出者皆斃餘賊退入城惟陳炳文猶戰城外自
日中至暮殺賊數千我軍亦傷死四百徐文秀受矛
傷其清泰清波諸門亦以堅壘未克始各收軍是夜
陳炳文開北門出走益澧聞城柝漸稀頃之人聲鼎
沸知賊已逃卽整部入城諸軍分門大進乙未克杭
州餘杭賊汪海洋亦棄城東走與杭賊合奔德清左
宗棠奏報兩城同克

詔獎宗棠太子少保銜益澧雲騎尉世職俱賞黃馬

掛提督高連陞以下給獎有差三月壬寅宗棠移駐省城遣楊昌濬攻武康高連陞攻德清蔡元吉攻石門當承平時杭州城內外居民男女八十一萬口及復城才七萬口宗棠申虜獲之禁婦女財物各從其主禁軍士無入民居招商開市奏停杭州關稅立清賦局減杭嘉湖稅則三之一布政使蔣益澧亦輕財致士杭州善後事一時翕然稱之

庚辛泣杭錄卷十三終

庚辛泣杭錄卷十四上

陸以滸杭城紀難詩

當杭州之未破也上下泄泄文恬武嬉公事自捐輸
外悉不問而庫無贏財營無健卒幕無達士市無歡
民識者早知其必敗特不意如是之速耳余躬遇險
難幸得再生視微名若華沫爰卽告歸侍我母焉今
寇又陷蘇郡四月十三日及我郡四月二十六日矣去杭州之失
曾無百日流離轉徙生意都盡中夜不寐時於枕上
記憶近事述之以詩旬日之間得六十首語惟紀實
用示勸戒所不知者皆從闕如若更有聞續而增之

請俟異日咸豐十年歲在庚申五月十日桐鄉陸以
湑定圃氏識於歸安之北車塔村

醜黨潛從僻徑過庸才防守計蹉跎忍教千騎紅巾

賊斷送生靈十萬多界牌之防守撤寇得入廣德長

攻杭州其初至也衆止千餘潛師深入如履無

人之境備禦疏畧不能不歸咎于主兵者矣

喧傳片紙盡歡騰窮寇跳梁勢易乘寄語諸君休快

意年來偵報已無憑二月十八日偵者言湖州已退

入關矣近來偵報大率類此

森嚴節鉞望如神濟變無才隕涕頻坐視萬家罹害

酷不教勁旅出城闔羅中丞遵殿初為杭州太守甚

著循聲比撫兩浙惟以勤捐為

急務而侈然自大既不能獨運神機復不能廣收眾
策優柔不振以至敗亡十九日寇至武林門外大肆
焚掠維時將軍臬司謂宜速出勦捕中丞以勁旅無
多須俟援師大集寇遂由西南而東恣意燬劫城外
萬家都成焦土迨寇勢日熾羣僚告急一籌莫展惟
有揮淚而已蓋怨之深而為是語耳城破中丞以殉難聞民間傳言從賊

防西兵力八都豪望侯還資刹宇高險要祇今歸敵

手城頭守禦亦徒勞吳越王保浙西全恃八都兵分

宇備望侯焉今不能分守要地湖上諸高峰復被寇
據為巢穴俯視城中一一在目是以取城若是之易

禪房深處境清幽驅策瞿曇逞詐謀試向大觀臺上

望疑兵隊隊列山頭寇焚僧舍擄僧為兵即令移古

荒登吳山
高處望之

喁負眈眈競逞雄請纓決戰眾情同徒知持重無奇

略不使羣材早建功城中諸團勇及甯波箔勇數千

學諸生有獻方略擒寇者亦不能用

行軍聖訓最詳明豈意研摩術未精氣餒祇知臨事

懼才疏那解好謀成先友仁和孫瀛帆明經光裕嘗

之諱今之用兵者亦可謂半邊孔子以但能臨事而

懼不能好謀而成也初猶以為戲言由今觀之益信

一帶江沙遠上陂沈幾觀變豫防宜室家不解綢繆

計風雨漂搖悔已遲鎮江未陷之前金山下江沙漲

言亦主兵厄惜未能先期籌備也大慙欺人小技施梅花碑下屋臨歧詰姦枉自多紳

吏當道豺狼竟莫知

蜀人王道平以星相家言售術于城中居梅花碑前歷有年所

城中十門稽察者有官吏有紳士有軍役皆莫知為

姦細也城破前數日人見其所往來者踪迹詭秘率

衆入其室搜得寇營文檄甚多拘送中丞中丞猶不

欲遽殺衆憤齊發斫而食其肉心甚黑蓋歷年窺伺

浙江皆此人為之主謀事成俾守浙江封

平道王即倒用其售術之名以示巧也

十門鍵閉擁兵戈從此無人脫網羅聽到禽言心倍

惻幾時行得也哥哥

十九日寇至即封城門中丞擬開一二門聽署鹽運使事繆梓

言宜閉十門勿令民去方可與之同守從此城中三

十餘萬人皆如鳥入籠如魚入釜矣聞江西省城往

年寇攻數次卒莫能破城中防

守謹嚴而城門未嘗盡閉也

海山形勝重邊疆肉食誰諳保禦方不務積儲惟聚

斂閭閻元氣已消亡

自古守城先籌積貯杭城據山海之勝使能多儲糧餉因結軍

民猶足久延時日以俟救兵之至無如倉空

廩虛給發失期兵心漸渙雖欲不亡得乎

執兵戰士醉喧厖寬政何能宥不材判語未終齊努

目拔刀奮袖入堂來復勝營兵酗酒擄財居民擒送

升堂訊詰將加筆責兵眾鼓噪登階舉刀相向觀察

惶遽入內乃皆散去其橫若此尙可與守城乎破觀察自

益殉難

太守馳持羽檄來萬人歡動噪如雷夕陽已落門猶

掩依舊連檣鼓櫂回封城後民閒傳言長安鎮米船

自萬安橋以北至艮山門城橋帆檣相接不下千艘

半皆顯官巨室懷寶不貲候至二十五日午後馬太

守昂霄持令箭登城啟開之役夫亦集皆大歡喜放

櫂爭前以為今日得生路矣未幾太守去門仍不開

至日晚咸廢然而返或謂太守以城外寇多恐船山

將索賄於諸巨紳此則必不可信然亦平日所爲有以致羣疑耳

急雨臨城火滅光緣梯直上氣飛揚守陴衆卒皆烏

合虛費民間八日糧皆大府以兵少招募守城者大半

亥子以後俱入睡鄉寇乃于清波門外徧設雲梯二

十六日竟夜大雨燈燭不明遂乘此上城二十七晨居民未啟戶寇已滿城中矣

自來省城之失未有易於此者

鳴軍擊鼓助軍威五夜傳呼夜不歸向曉枕戈眠未

穩刀光如雪斫魂飛城中挨戶支更衆心甚固時有

兵勇不力卒歸無濟蓋守城之法當精選兵械多置

器物使將卒分地以守巡視察聽按時更復晝夜弗懈尤宜躬自拊循以固結其志今皆不然嗚呼是誰之過與

去沿衛血濺赭衣濃

寇入城即破各獄放囚人使劫掠其勢益張

無兵募勇尋常事要使平時訓練精半世功勳成匪

易忍令若輩隕身名

復勝營兵署鹽運使事穆觀察梓之子某所招募也強悍難馴

後通寇為內應寇入城觀察即為所戕受害最慘余

觀自來名將必有親兵非由于召募然必慎選擇

勤訓練汰其劣而褒其優親之若骨月信之若朋友

導以禮義重以廩餼同其勞苦然後可收指臂心腹

之用今則平日臨以威嚴官不習兵而兵不喻官心

雖訓習有期惟按冊注筆應行故事而已主會計者

又從而侵蝕其餉恩誼不洽情志日滴一旦

有事反戈構釁而身先受其禍豈不悲哉

兒孫列隊盡罹災始信多錢是禍胎萬室脂膏徒自

潤可能攜取到泉臺

馬太守昂霄曾宰吾邑典吾郡幹才軼倫而獨於勸捐一事染

指最多處心尤狡遂使吾邑捐款銀十餘萬而不以

永廣學額一名然眾庶之謗日興上官之眷益厚蓋

既工于聚斂且善逢迎也時事方亟中丞以其能命

攝杭州事二月十六日履任二十七日破城投金銀

井中身乃隨而入焉寇至脅老嫗以刀令指所

在出于井中殺之并戕其子孫捆載金銀而去

處處堂楹煽賊氛可憐玉石並遭焚好官殉節齊聲

慟祇有仁和李令君署仁和縣事李地山太守福謙

痛惋

西湖水潔久盟心圭璧儀型眾所欽激烈從容同一

死千秋炳節兩詞林戴醕士侍郎熙俞雲史觀察焜

高足為邦人矜式寇至侍郎投井死觀察朝服罵寇

死尤烈成仁取義白首同歸西湖正氣祠中又當增

矣二席輶軒策馬遠郊青天上文昌屬使星桃李門牆陰正

滿階蘭何意遽彫零學使張星白少司寇同年錫庚

在省垣寇至侍姬及長子大令某皆被難余告歸時

往辭學使學使言事急時余子欲護衛其庶母不敢

避匿遂皆遇害

蓋忠孝兩盡云

天道難知語匪誣茫茫浩劫混賢愚寒官持守端方

甚父女同時並殞軀仁和縣訓導吳麟書餘姚人司

服城破避居民閒長女岳蓮賢而美寇按得之欲

攜以去堅拒不從被戕吳聞聲出救亦為所害

嘯傲湖山樂趣諧風波平地起庭階早知冷宦猶遭

厄悔不當時與計偕錢塘縣教諭高矯榮山陰人由

闈以道梗中止二月十四日四生辰猶徵優演劇

酬宴連朝十六日余詢賊蹤迹答曰寇方攻湖州此

地不足憂也蓋其言得之大府幕賓乃其同郡至此

居恒有事常相聞故深信之恃以無恐城破寇頻來

案金盡他寇又至乃引寇至埋金處發視無有即
為寇害其金固借僕袁某埋藏而袁某已先期遁矣
始為其所竊也

大好田園未肯還家山悵望隔雲關輿人未到門猶

啟生死機分一刻間

錢唐縣訓導韓之麟家居蕭山
距省城十里年七十三矣性嗜

不果寇勢方迫自言有良田百畝可以娛老屢欲乞歸
蕭山來而少二人乃令婦穉先去已獨留待比輿人
再來日已向午升輿抵城闈則門鑰甫鍵遂不得出
城破後潛居學舍初三日晨聞寇至焚掠甚酷乃自
縊不移時而寇因張帥至皆遁矣欲歸而竟不得歸
可不死而竟死豈非命乎

一庭荆樹並摧根白髮護堂血淚吞西望長安六干

里無家誰與賦招魂

署杭州府經歷事劉萬選陝西
人父官浙遂家于省垣寇至與

妻方氏弟萬祥弟婦王氏同
被害老母猶在堂也哀哉

振翮凌風待遠翔平林矰繳猝難防下僚赴義知多

少似爾青年更可傷佐雜官殉難者數十人學院文

年甫逾冠人尤雅令殊可惜也

浩氣排空去不還徒留詞賦動鄉關仰山樓下傳經

地魂魄猶應戀此閒胡次瑤司訓琨才藻翮翮其尊

年學士卒子琅圃部曹理繼之部曹卒次瑤又為監

院寇至被難清門文采從此已矣噫仰山樓在崇

湖境絕幽勝
城東校藝俊英多貔虎桓桓願荷戈戰骨郊原已成

燼深閨猶是盼登科二月補行己未恩科武鄉試

十一月郡士子咸集中丞日在權

木營校射寇勢既迫事遂中輟命士子願出禦敵者聽於是執綏効死者有人蓋未遂鷹揚而已隨鶴化矣悲夫

聯步相從碧水潄潔身誓不受塵侵惟應一片寒潭

月終古明明鑒此心許慎生尚書家婦女殉難者十餘人其餘高門下戶投水死者

不可勝數

寒衣入泮聚成羣埋齒牆隅界莫分悽絕靈星門外

路天陰鬼哭不堪聞城破後避至府學聖宮者數千

於兩廡祠下者尚有數百人寇復撲殺乃共奔投泮池死者七十餘人寇去眾復埋屍靈星門外土堆中

掩藏不密時為犬銜

東園古屋傍城低草毀花殘氣慘悽寂寂荒庵人迹

斷黃昏魍魎上牆嘯

東園乃城中最僻處寇亦搜殺且毀屋宇禍斯酷矣

頻年勝地集朋儔檀板金尊互勸酬巖壑猶存人已

遠不堪歷歷溯前遊

西湖吳山諸勝時與諸朋好遊眺會幾何時半為異物黃墟重

過傷如之何

苦雨淒風散滿城春深百卉未敷榮陰森氣象關天

意一月曾無一日晴

自二月以來陰雨連綿氣候又復凜冽絕似深冬於此可識天

心矣

滔滔湖水血同流隄畔無人續勝游如此韶光如此

境六橋花柳亦含愁

寇至西湖適逢觀世音大士生辰城內士女遊湖者門內不得

入大半死湖中香客亦皆被戕

登舟挾刃爲黃金倒篋掀衣徧檢尋名器輝煌留不
得紛紛潛自擲波心寇至良山門城河舟中揮刀索
釧拒勿與卽刺頸斷臂號泣之聲慘不忍聞凡官頂
朝珠寇見之以爲妖鮮不被害以故藏是物者急取
而擲之河

竄伏咸爭捷足先危途命僅一絲延前街倏避火難

鬢後巷又驚刀斫肩避寇驚竄有屢易地而卒不得免者

殺人如草慘驚心一角危樓避匿深遙意高堂腸欲

斷倚閭應已淚盈襟寇沿路殺人余避舟中突如其

得免因與姬人李氏長孫榮霖避居民間小樓時聞
寇至擄人殺人心肝皆碎欲死不遽死徒以有老母

耳在

默默空房對坐時裳衣不脫意如癡中宵有夢歸家

去醒後相看轉益悲三人默處樓中食不飽寢不安

矣自十九日後衣服不脫者旬日

世態升沈亦可歎白衣蒼狗幻多端路人指點肩薪

客道是堂堂刺史官某刺史避民間寇擄之使炊三日寇去得先見將軍獎許優渥

授以要官

嬌癡含淚別親帷跣足更衣上馬馳鄉路迷漫歸未

得傷心長作賊營兒寇至杭擄人數千擇美好穉男為子使騎馬相隨承不得返富

貴人家亦莫能免生離無異死別親闈望斷悲可知

已肆亦為寇擄作

子至今未歸

成敗何容論目前乘除福禍迭流遷江南問訊徐方

伯定是歡娛勝往年徐樹人方伯宗幹江蘇通州人

甘肅餉銀過多降調去任就道之日行人皆為歎息今日觀之豈非以得此為幸耶

哲人知命遠危邦審別幾宜識不唯爭羨耆年江太

守先期三日渡錢江江太守士松以道員蒞杭州府

與之厚許之比及封城已全家東渡矣

戰鼓聲催曉夢醒高高城闕戶猶扃囊金散盡纔能

出放眼空郊柳正青寇連日與將軍戰不暇守城人

人縋城而出或由水城門買舟以出自十九日後

逃出者不下數萬人逃而遇寇被殺者數百人九門吼肆樹高旌復振戈矛撲內營賴有壯猷元老

月三 江木金名 一 口 力

在偏師血戰復全城九門俱為寇據惟錢惠門隸滿

營兵拒守鎗箭齊施婦女亦為助

戰寇連日傷斃不少為之挫氣

威名爭懾大營張羣醜聞風走且僵安得諸軍同敵

愾攙搶淨埽迓龍光寇欲入滿洲營不得連日交

兵至寇誤以為張軍門國樑也皆奔竄即日收復杭

城事聞瑞將軍賞輕車都尉世職張鎮軍賞騎都尉

黃馬褂世職並賞

攘奪膏腴盡舍旃貧留頃刻富腰纏悟茲消息盈虛

理萬事靜觀心泰然寇劫資財潰後委棄盡為囊

凌雲傑閣寶光含福地圖書列萬函想見聖神呵護

力常留文物煥東南文瀾閣藏書在西湖聖因寺

莊嚴壇宇上方尊小醜無從叩法門祇惜衆生淪苦

海便教佛力也難援

天竺山法喜寺觀世音大士靈感素著寇屢登山輒昏昧欲蹶

遂不敢入

城郭蕭條爨斷痕空廬雞犬亦無存涼風慘慘鬼爭

路斜日荒荒人閉門

亂後城中房屋半燬日

故人分手即天涯紫陌尋芳願已賒燕子不來春社

歇寒煙深鎖一闌花

西湖園亭有長豐山館小軒川諸勝春初方既堂觀察墉沈西

坪大令沅周尺擊學博邦柱諸同年曾約往游未幾寇至花圖霞銷酒人雲散為之慨然

冷廬文史足優游深愧防微識未周輸與鴛鴦湖上

客全家安穩汎歸舟

同城寮友惟崇文書院監院秀水盛墨莊學博堯春于圍城前

二日挈諸子乘輕舟還里得免于難

白首論交誼最深活人聲譽重醫林危城生死無消

息悵望雲天淚滿襟山陰陳載庵筮精研醫理投分最深聞其殞于城東為之墮淚

所願傳之非真異日或可再見耳

宮闕焚餘改舊觀大邦人物痛彫殘印章差喜依然

在遺我頭銜七品官運司河下民房焚燬大半廩生陳元愷家片椽不存身被戕害

學宮之大門亦燬印章深藏無恙事後取出于閏三月初二日具文詳請養親歸里

恩恩身世百年催長物何妨付劫灰惟有奇書難割

愛時時棖觸上心來余于道光己酉歲至杭即搜求醫書於坊間及相知之藏書者

東至越郡北至吳郡凡得五百餘種計二千餘卷手自抄錄者百餘種計四百餘卷寇至棄擲滿地寇退

往視僅存四分之一而已

翩翩英乂並從遊望斷家園淚欲流相見時遲分袂

早暮雲天遠動離愁從游五人三人先去獨安吉廩生倪秀章附生金文鑾同與亂

厄後幸俱脫還鄉其鄉亦被寇聲息至今不聞也二生好學能文今歲甫從游遽爾分散滿地干戈重

逢匪易能無黯然

一湖新水碧淪漣恰值斜風細雨天礮火聲中搖櫓

去無人知是載書船寇退余署中什物散盡惟存殘書數百卷及冷廬雜識書板即

僱舟載歸時官兵招船急如星火乃假保衛局中旗幟張之以行

兩浙詞章薄海傳鎖闈才藻聘鮮妍新裁頓失和平

旨文字從知得氣先浙闈文字音節和平己未恩科闈墨忽變殺伐之音氣機所

感殆動於不自知焉。闡墨甫出觀者或以為新異，或以為浮夸。余獨評之曰：亂蓋言乎理，則駁雜而不純；言乎氣，則躁動而不馴也。

錢唐漫說無兵燹七百年來再見之地，勢天時兩難。

恃安邦自古重人為。宋仁宗時處士徐冲晦謂子孫世世不離錢唐，永無兵燹言之。

未幾即有方臘之變，居民死者十之三。時宣和三年也。今又遭寇厄，官吏居民死者亦復相同。

竊祿西泠十二年，突遭鋒鏑，幸生旋作詩非敢求工。

巧悲憤聊將直筆宣。語不求工，而是非胥憑公論。其指斥不諱，處或乖溫厚之旨，然

祈父皇父諸作古人已先我言之，是用存而不削焉。

庚辛泣杭錄卷十四終上

庚辛泣杭錄卷十四下

許瑤光蒿目集

雪門夫子示鼎元蒿目集一冊乃感時之作長言詠
歎讀之使人搔首問天有不能已者鼎元杭人也回
憶庚辛兩劫皆身與其難所見所聞歷歷在目因摘
錄杭城紀事詩勒爲一卷以資觀感夫子之言曰某
以末吏羈海隅無戡亂才無戡亂柄并幸無釀亂權
而此身此家適值變際日擊亂之由釀心已惛惛至
覆轍相尋蹈釀而加釀者又若不遺餘力焉遂使四
海羣生同與大變卽抱勘亂之才者閒亦灰身殉難

敗壞或不可言矣五夜思之不能鬱而無所發此蒿
目集之所由作也嗚呼夫子自言如此鼎元亦何能
贊一詞哉門下士仁和張鼎元謹識

暮春誌慨

咸豐三年金陵告陷浙西戒嚴撫軍黃議守
甯國至己未春提督鄧忠武戰死鄭魁士繼
之講求營制壁壘一新繩怯去貪馭下過嚴
誹語四播爲浙撫胡所劾奉命以周天受
代之周賞罰乖方已失士心去年金陵官軍
開長壕以困賊喧傳指日可復賊以長壕之

圍甚窘蓄意圖杭以分兵勢而解圍乘江南
借浙闡雜姦細於應試者中探杭形勢甚悉
十二月忠逆李秀成率賊由六合渡江度歲
於蕪湖疾趨甯國縣以犯廣德泗安周天受
擁兵二萬餘困守甯國府城不能禦賊李定
太戰於梅溪敗焉退走湖郡賊分股犯湖以
率我勢率大股由武康山路逼杭省二月十
七日抵武林門省中無勁旅嵯使繆主堅守
待援計都堂張檄米興朝由徽來援次富陽
不敢進縱兵擄掠團民殲之數百江督何檄

張玉良援杭舟過蘇州蘇藩王壯愍留之飲
且囑其先救湖州時署糧道何紹祺方出運
聞警折回亟請張玉良援杭張乃率五百人
由湖赴杭至三月初二日抵北關而賊已於
二十七日卯刻轟陷清波門矣憶自癸丑暮
春浙省旋警旋平士民習慣不驚避地外出
者實少至是驟圍城破城中戶口二百餘萬
人人知不免憤與賊鬪傷悍賊無算激賊怒
下令屠戮尸骸填道路人馬不能行投水死
者上中下三河均塞滿營將軍瑞謹愿人也

外城陷將軍欲自裁都統來存佐領傑純苦戰卻敵滿營得全時張玉良之兵逼城下賊見張宇旂疑爲張帥殿臣頗錯愕且意在解金陵之圍張旣出則勁兵必分可以回撲又以浙省去金陵遠四面阻水儲糧無多湖郡兵轉戰甚悍滿營未破恐官軍斷歸路乃決意棄城走初三日張玉良入城報收復江督何奏謂調度之力出於王有齡請其撫浙內廷從之亦殊典也杭省旣復人多歸美於張玉良而不知以藉名成功也滿城不失威

歸美於瑞將軍而不知來都統傑佐領之力也至杭城之失浙人羣咎撫軍羅主守不主戰守近不守遠御史奏撤其卹典而不知縱賊入浙咎實在周天受也留張玉良飲酒於蘇州促其援湖而遲其援杭之期則又王壯愍之偏見也城陷後撫軍羅及妻女均殉難闔門忠節不愧完人矣其由鄂藩擢浙撫時知浙兵不可恃乃奏調訓字營入浙意欲改絃易轍不可謂無心軍務矣逮訓營抵湖而杭州已先告陷此則撫軍所不及料也噫使

繆犴於八年衢州之勝恃才自用瑜不掩瑕
矣然守城被戕歿於王事而王壯愍尋前恨
亦請撤其卹典此豈厚以勸忠者乎夫古今
成敗之分必追其由敗必知其所以敗勝必
知其所以勝庶得失之林昭昭然耳今則悠
悠哆口淆亂當時而當軸士夫又或以生平
積憤施排軋於已死之黃馘一唱百和竟以
私好惡淆定是非更逾數十百年僅據文飾
之奏報以相品題而徵信已無自矣瑤偶談
時勢入耳多逆不覺握筆欲爭爲作誌慨詩

六首傳信秉公以砭浮議豈有所偏袒乎哉
杭州保障倚宣城八載供儲重鎮兵本擬外藩聯皖
水那堪覆轍蹈留京雲霞東海迷旂色歌舞西湖沸
礮聲恨煞宛陵餘閒道忍教豺虎得縱橫

清波門陷遍城紅義勇家家巷戰雄敢死殊無羅綺
習報恩爭効闔門忠淒涼憤雨錢王觀慘澹愁煙宋
代宮五百餘年金碧地一朝灰燼付東風

屢奏金陵指顧收可憐滄海更橫流養癰忍逼鄰封
潰受敵能無腹背愁勁旅空教馳鄂渚援師何事醉
蘇州蒼生億萬疆千里縱使重完豈舊甌

來公英偉傑公勤雙馬衝圍氣不羣久戍八旗原禁
旅堅持半壁保孤軍狂潮退舍弓彎月秋水翻空劔
拂雲轉悵江南祥與霍祇留苦節答

明君

風飄毒霧去來狂佳節重三日又光深賴吳興奠磐
石更欣越國隔錢塘六橋煙雨回驄馬三竺雲山舞
鳳皇料得餘氛難久踞臨安自古少儲糧

成敗英雄論總非莫將忠憤達黃扉封臣効命人誰
諒驕將登壇節尙揮榛棘胥山鼯鼠竄棠梨岳墓杜
鵑飛東南時事如棋擾大局艱難淚滿衣

月三
木金
二
二
饑鳥行

蘇常失守難民紛紛來杭余請設撫卹廠於
北關接待寺時烽火信緊議者恐奸宄混跡
欲逐之余謂嚴稽查於收養乃允行爲作饑

鳥行

姑蘇城上驚鳥飛吳宮火起無枝歸南望武林雲樹
足攜雛將母來斜暉口瘖手据毛羽瘁哀鳴似訴腹
中饑狂風夜夜吹凶信幾點昏鴉亂行陣嘵嘵爾是
異鄉音不愁哺待愁瑕覺此地居民況被兵比屋瘡
痍方卹賑餘梁僅飽家驚餐遺粟非爲哀鴻吝那知

饑烏終可憐煙棲水宿嗷向天赤地更無螻蟻啄依
依日傍翳桑前主人不忍飼以粟繞屋悲感飛翩翻
我勸旁觀休惴恐此中亦有慈孝種亂世流離能保
誰長官須視民生重

白衣仙人曲

庚申三月忠逆旣棄杭走六月四眼狗仍率
賊由臨安餘杭入寇十九日賊從臨安去時
嘉興餘氛尙熾中丞迎天竺大士以筊卜之
不吉乃強迎入供奉武林城樓爲作是曲逾
月由北關移供於吳山之伍公祠次年杭城

月三
金
一
二
陷大士像亦燬

西湖楊柳新秋綠白衣仙人出天竺北關香氣濃雲
浮白衣山人來城樓千貂萬騎樓下拜甘露浙瀝神
旗幽寶蓋亭亭覆蓮座繡幔搖曳盤龍游拏蘭菊以
仰供瓣心香而俯求俾我黎元年壽永俾我震旦妖
氛收浙東往昔豔佛土普陀山峙海東頭海波浩杳
迷寶筏曲罷竝立空夷猶

金華將軍詠

浙俗祀青蛙於湧金門東廟號金華將軍金
華者青蛙之轉音也杭城克復後青蛙游奕

於滿城中旂民虔奉之釀金建廟於滿營適
中地金碧眩目較湧金門舊廟規模煥然矣
廟落成綠營文武俱來賀所以從八旂之欲
也雪門子爲詠其事

二月杭州失夜雨冤魄嘯三月杭城收白日青天照
死綏忠厲未附祠將軍且建金華廟金華究何神雙
目如怒瞋前生住明月長與玉蝨鄰飽啖白兔藥鍊
此黃金身廣寒太寂寞下飲西湖春繁華釀劫運武
林吹黃塵神仙避劫非草草杭城雖陷滿城保后土
皇天定有靈海鳥爰居識機早鼓鐘俎豆祀將軍那

期士女爭迎禱何以博神歡雕梁雙龍蟠何以治神
嗜綠醺湛冰盤何以怡神目銀瓶供素蘭何以安神
居錦茵簇花團神貺宜早甄神譴愁大難不求賜土
田但求佑平安頂祝無日夜騰沸來干官捍患救災
果何以善哉將軍無一言

禮斗詞

下江巖不能解上江信又告急中丞禮斗於
東園徵諸人而諸將不肯用命禱諸天而戾
氣或可潛消亦良苦矣

西垣上將無光芒羽林垣壘空成行幾時得見歸邪

出如雲非雲國吉昌戟轅深夜窺乾象牛女之次兵
氣揚焚香北向紫霄拜七星上拱開珠囊一星天鋒
蔽我盾一星瑤光資我糧不願圖書耀奎壁所願武
備森天槍憂心耿耿懸碧落忠忱或邀帝扶匡樺燭
搖紅瓊竿爛齋壇瑤席零青霜銀河漸斜杓漸轉啟
明又出天茫茫

聞杭州告陷書感

十一月廿八日杭州陷
十二月初二日滿營陷

八月收安慶長江北漸清東南望康父朝野動歡聲
浙事忽然壞杭城又告傾梅花那忍看雙淚日縱橫
浙省餘糧少嗷嗷待外供長圍三月合絕粒萬家同

滬瀆收洋米錢江阻颶風紳耆胡與趙空自効公忠

杭紳胡光墉湖紳趙炳麟由上海運米赴杭不能達

一卒衝圍出中丞寄帛書開函干淚迸不食兩旬餘

白奏煩鄰省丹忱耿太虛自慚臣力竭遺恨越防疏

王壯愍自知不守先以帛書募壯士齋出至上海請蘇撫薛代奏詞意謂杭不守由紹不守歸咎於紹紳

王履謙有臣死不瞑目之語

潮打西興畢回頭掃武林瘴雲滄海合毒霧一江深

鼙鼓含霜溼旌旂帶雪沈危城同累卵失計豈從今

賊於九月初四陷浦江進攻諸暨不能越乃繞富陽浦江交界之和尚店以渡臨浦陷蕭山九月廿九陷

紹興而杭勢遂孤然杭勢孤雖由紹失至紹之所以失則咎不在紹興也

江常春失險陸葵夏旋摧幙卷羣烏集鞭搖駿馬回

都來顧根本不出翦蒿萊十頃錢湖地連營何處開

李定太守衢聽賊過而不擊張玉良守蘭谿而不顧
金華饒廷選林福祥始棄蘭谿繼棄諸暨終棄紹興

羣率兵回杭州以五六
萬兵困於區區之西湖

桓桓張總統血染御黃衣一死前非掩殘兵鬪志稀

弓難鳴凍日戈孰舞斜暉太息江中艦絃歌欲解圍

張受總統江南諸軍之命故人稱之曰總統異之也
賊陷金華時張與蘭谿民團鬪殺致壞大局退至杭

州實能力戰札營饅頭山我守城兵以砲擊之死
惟城外將官桂廷芳當危極時尙飲酒於妓船

重任維藩寄

中朝宰相孫病多常臥閣寇急自當門薇署無餘餉

椒房有舊恩少年殉節死寶馬泣荃蓀

署藩麟蕉園為桂相孫以

金華府請權署藩任雖多病猶帶小隊出城搏戰殉難死諡貞介

軍容千帳墨血戰六橋紅都統人傳傑旂兵死亦雄

虎林昭義憤鐵嶺泣英風成敗何須論艱難闔室忠

傑純以前次守城功擢都統被圍後出城與賊戰殺賊於西湖之六橋諡果毅

衢郡兵難進吳興勢竟孤羅平妖册降繡襖婦衣娛

已見千支亂能留伏臘無狂瀾誰與挽愁思滿江湖

候補道李元度率援師至衢餉盡道梗不能達然杭城日日傳言李至湖州亦不能相救賊改于支以丑

為好卯為榮亥為開偽歷有閏日無閏月

驅馬出門去相逢怕浙人鄉關勞遠念禍亂問前因

東海難填石西湖不再春十年游宦地欲說總傷神

舟中誌感

紅榴白艾逼端陽簫鼓龍舟正斷腸忽漫東游綠底
事回思西浙更蒼茫雲迷天日官軍阻雨溼桐江虜
塞長澎湃怒濤含碧血應隨暑漲打錢塘

忽驚虎穴出忠骸尙恨流丹是處理精衛月明盤海
角杜鵑春去哭天涯故人幾輩生還少戍婦長年遠

夢乖楊柳枝枯松鬣墮六橋三竺總煙霾杭城十一月廿八失

守巡撫王有齡督學張錫庚處州鎮文瑞死之其遺
蛻由藩司林福祥杭嘉湖道劉齊昂護出於正月二
十六日抵上海署藩司麟趾臬司甯曾綸糧道暹福
候補道胡元博彭斯舉朱琦候補府豫立甘應槐仁

和縣知縣吳保豐俱殉難十二月初二日滿城陷闔
城自焚將軍瑞昌死之先是都統傑純巷戰死其餘
文武死者甚多

孤臣怨

王壯愍撫浙時襄理無人將又不用命浦江
圍時鎮將文瑞不出城紮營壯愍曰杭州去
年之陷因不紮營故今復如此豈真氣數使
然耶使之出紮終不從浦江陷各將節節退
縮壯愍遺提督饒廷選書云既無米復無餉
新製軍裝又被拋棄度日如年度夜比年更
長方冀諸將之可激而時事之可挽也乃卒

以不戰不前坐視賊逼省城以致淪陷可悲
也夫今年杭城將復轉憶前艱作孤臣怨

浮雲已四塞孤月那能明羣小甘敗壞孤臣那能擊
可憐時事急環顧淚縱橫驕將坐索餉不決一戰爭
傲吏病臥閣親倚椒房榮夜長愁不寐帳下有老兵
手奉羽書進又報連陷城已陷長已矣未陷誰支撐
憤極繞室走鼓角催殘更

二月二十日官軍克復杭州誌感

昔者一年陷全浙今者三年恢臨安紅旂但報捷書
喜那知轉戰多艱難轉戰士固苦戰久民更殘試登

吳山高處望細雨春風破屋寒已分無今日那敢懷

舊歡東園斷機杼南關冷冰盤九百餘年舊都會自吳

越至今雖中更兵燹未有如此之甚者天翻地覆生波瀾雞犬絕矣更

誰活惟有薇署池中老龜猶盤跚借問當時食絕危

城日浮萍撈盡爾龜何以餐芭蕉每葉價五十錢浮萍輕重如之

追詠庚申二月杭州失守死事諸君

宿松羅壯節淡村遵殿中丞

憶昔鈴轅謁矜看贊我賢殺人誇膽壯薦士已心虔

劫運天難挽孤城命竟捐誰憐妻女殉節孝一門全

己酉冬瑤任甯海獲海盜十人當悉殺之申報時臬轅責以專擅公批答以有膽有識庚申正月謁公獎

慰甚殷許特薦已而為繆南卿所阻乃止蓋浙省吏治馘馘奔競成風公欲除之而附身皆崇尚奔競者故亦未能悉其所傾軋也其室人徐孀女適陳者俱從死焉曾文正挽之云孤城失外援差同許遠城中死萬馬迎忠骨新自岳王墳上來蕭山侍郎高劾撤其血典曾文正胡文忠上其死事狀稱其為外吏二十年出敵不增尺寸於舊起弔其家環堵蕭然乃得旨予諡壯節祀昭忠

婺源王貞介月舫友端方伯

浙西籌海運君職督糧舟特擢屏藩寄羣驚眷顧優

宣城籌餉去廣德少兵愁最是梁閒月心傷四照樓

先是徐清惠任藩篆以協河南餉不力戶部尚書蕭正執政議去職公以糧權藩特典也時浙兵浙餉皆赴甯國府賊自甯國縣以入廣德遂陷杭省公仰藥後復縊於四照樓諡貞介

溧陽繆武烈南卿梓齋使

閉城不主戰堅壁待援來深慮浙兵弱那知南郭頽

文章原妙手綜覈亦長才縱狂衢州勝捐軀實可哀

公長於文章并講求吏治浙省清查海運皆與焉八年守衢州有功茲之守杭也堅主閉城待援之計為中丞所信或議其不扎營城外不知浙兵孱弱扎亦無不即潰之理似堅壁不為無見也第主持浙中軍事最久近身多不得人王壯愍劾奪其郵亦實有由惟此次守雲居山嚴防地道被賊於城上可謂烈矣其門人趙之謙伏闕訟冤乃復其郵十一年中丞楊又為列奏賜諡武烈

閩縣葉青原 墓 杭嘉湖道

福海豪華門西湖久宦官笑談能鎮俗歌舞有餘歡

盛世能原著危城節况完相從兒與子地下得團圓

公父觀潮官河督公於道光中年仕浙城陷率子祖豫投井死其僕殷福從焉兄維堅守井而哭賊至斫

死

吳縣仲蘭舫 孫懋 甯紹台道

賊踪來狗蕩到卽據南屏外望三元地知開地道形

登陴施火罐大角轉沈星東海汪洋水難澆慘淡熒

公以軍功積升甯紹台道調省協防賊由武康山路
走良渚狗葬以入西湖踞南屏山淨慈寺之對面有
三元福地本尼庵也賊穴其中以挖地道公登城思
擲火毬以焚之命兵屢拋不得中公乃自燃擲之未
發火突燃於手中傷
頭目胸膺遂殉難死

吳縣馬雨峯 昂霄 杭守

鷺嶺春雲幻飄飄樓閣成當途思幹吏劫火少人情
十日杭州守千秋馬革名城頭深巷雨古井水長清

當軸以杭守江士松年老乃易以雨峯受事五日而
杭城被圍十三日而城陷投城頭巷寓所井中死忠
義錄謂死於
署中失實

奉新徐讓木 樹楠 太守

南州徐孺子白髮賦閑居久宦家無米憂時淚滿裾

清廉今少匹質直喜交余城破開門飲從容赴義初

讓木以道光乙未進士仕蜀丁父憂後至浙由龍游
調錢江升同知署玉環廳旋丁母憂為徐清惠所重
留之後升知府城破時居箭道巷飲酒開門以待賊
賊至大罵而死忠義錄謂守鎮東樓誤也且樓亦非
可守地也

監利李地山 福謙 仁和令

狡卜城安否清風共夜寒地雷成劫運神座表忠肝

臣命朱絲畢兒遺玉玦看更思猶子烈投硯亦流丹
城既圍地山卜籤於邑廟得明月清風其夜寒之句
乃曰其字象日六是夜宜防乃守雲居山以閏丙濠
欲絕地道之來會天雨濠不成卒以廿七日寅刻被
陷城破時以玉玦與其子訣而自縊於邑廟神座側
猶子元熙以知縣守巡防局
賊至以硯投之被戕而死

知縣楊炳春趙景銘左道趙翼健陳元謙劉

潤李偉文李元熙

八令同城死江蘇傳二人銜名雖入表籍貫考無因
秉筆思公道吟詩感劫塵低徊聊補記敢謂足干春
此大殉難候補知縣共八人惟吳縣楊炳春號漱芸
常熟趙景銘號鶴泉忠義錄中爲之立傳李元熙則
附見於李福謙傳中其餘則止列之表中余憶左道
號晴巖漢軍人乃甯南之後裔曾署桐廬趙翼健號

其卒立元象卷十

三

秋槎乃河南舉人以從戎袁午橋先生營得官來浙
陳元謙號小芄陝西人曾任西安縣劉潤號芥舟河
南固始舉人曾任秀水縣李偉文
號又卿直隸通州人曾任烏程縣

辛酉杭州殉難同鄉六君子詠

此次杭州告陷湖南北以知縣與難者實六
人茲偶閱忠義錄惟江夏孫玉田有傳湘鄉
李仰蒼列表尙有湘潭周光黼益陽周益吾
武陵余曉滄江華楊紫芝并無名字事未久
而卽湮爰摛辭以補詠闡幽感舊據事直書
不計工拙也

孫君江夏之解頭酒酣說史傾河流太平門上風吹

啾可憐白骨無人收

玉田號石農善飲著有
鑄史駢言守太平門死

仰蒼從

戎甯國府微名歷盡千戈苦征戰餘生困守貧金鞭

斷折駿馬舞周君石帆侍郎孫飄香仙桂月中根烽

火東南天地昏愁返昭潭雪夜魂益吾龍陽富家子

為避捐輸來浙水多田足穀難安居始意求榮翻効

死曉滄訪得浣溪施教書教畫教吟詩玉樹連枝同

并命免教孤鳳泣相思

曉滄姬人何氏諸暨人
善畫能詩同與於難

芝雲

揮霍黃金手鶯花廿載西湖久河山雖復故交稀有

錢懶買餘杭酒

前詩既成更繫此章

乾坤戰壘久清空尙把滄桑繫寸衷已握榮毫書偉績更磨憤墨表孤忠秋原螢火舒愁綠春雨鵑花洗烈紅總爲湖山增壯采忍教變滅付東風

庚辛泣杭錄卷十四下終

庚辛泣杭錄卷十五

張蔭渠吳淦杭城辛酉紀事詩

嗚呼觀於杭城之亡而歎軍政之失未有若是其甚者也庚申之變無論己辛酉主軍政者奮發有爲以殄寇自任乃其始不慎選將帥師屢挫衄陷城益多其繼不扼守險要寇日偪日近束手坐困其弊則由於積糧不廣教士無素以致圍城兩月羣情瓦解潰散而不可救當是時城中將士非不多也然自提鎮以至游都無親自督戰者是將不身先士卒矣禦寇不接仗但索鄉民食物且強佔婦女或與接仗亦

惟遙施鎗礮是兵不遵紀律不死其長上矣密書約戰詭投賊營是將不能馭下轉爲下誤矣信賊詐降連失營卡是將不能防寇反爲寇愚矣甚至搜米之諭出自軍門則將縱兵也投賊之釁啟自親軍則兵叛將也處危急之秋而法不肅令不行情不洽氣不振欲城之克保豈可得哉嗟乎士大夫韜略未諳侈談經濟一旦任艱鉅臨患難慮淺識闇有才不克用所曠者惟私人有言不克從所信者皆下策張皇補苴動失機宜大事以去斯民何罪同遭荼毒至是而以一死塞責不已晚乎悲夫杭城三十萬戶死者不

知凡幾其幸存者皆室家毀棄骨肉彫零蹈水火冒
鋒鏑九死而一生漂泊天涯託身無所彼子山之賦
江南不足比其哀少陵之哭江頭未能喻其慘矣錢
塘張君矩卿吳君鞠潭夙負雋才並罹斯厄閒關險
阻流寓滬上爰以所見所聞作紀事詩百篇直言無
隱不知闕如垂涕而道傷心何極昔者備員杭城曾
與庚申之難作詩六十首皆紀實事要未若辛酉之
禍之烈亦未若二君之作之慨切而悲壯也是詩也
告哀擬之雅歌傳信寫於史筆後之君子膺軍政之
寄扶危戡亂尙其以此爲龜鑑哉同治壬戌孟冬七

上黃鶴樓散人桐鄉陸以漸撰

極飄零於海角虞卿非窮愁不著書傷板蕩於江南
庾信以悲哀而作賦寫萋宏之碧葬恨血千年飛隋
苑之青燐揚州十日詩堪竹史吳祭酒摹哀豔於圓
圓生本工愁張平子呼蒼穹而負負手茲一冊良足
愴懷則有延陵後人富平公子以浙西名士爲滬上
寓公始而擊楫波濤繼則連牀風雨每當金狻香燼
玉兔光沈事感滄桑毫飛楮墨有伯舞仲歌之雅無
馬遲枚疾之嫌成杭城辛酉紀事詩一卷舉以示余
余受而讀之竊有感焉夫木再實者根不墜鳥驚弓

者飛必速聲聞文遠小兒方且怖唬卒授少卿疲兵
難言再戰吾杭翟泉蒼鳥旣已驚飛佛劫紅羊非同
小數楚囚對泣傷懷舊日山河漢里歸來非復新豐
雞犬卽使萑苻永靖草木不驚黃巾爭拜夫鄭元白
裕有資乎謝艾而石季倫金谷何來七尺珊瑚韓侂
胄玉津已作一抔焦土裏餘馬革父兄之暴骨誰收
斷盡猿腸兒子之歸來何日緣寫經而刺血朱壽昌
空說尋親欲抒難而毀家楚子文爭相報國固已南
山罄竹難言亂後之淒涼安可北海衝波更擾劫餘
之戈戟爾乃地驚封豕星起貪狼張角競煽夫天書

孫恩爭馳夫海道南飛鳥鵲三匝無依東去大江投
 鞭欲斷斯時也咸陽宮之餘燄尙覺鬱攸參合陂之
 哭聲猶多酸楚千門萬戶盡飛列缺之鞭夕汐朝潮
 如和守陣而哭十萬橫磨之利劔空說江南五千樹
 載之糧艘虛傳浦口斛律明月徒聞勅勒之歌南八
 霽雲誰作進明之使坡驚落鳳張軍門 玉良人何事而云
 亡地慘賜鶉時賊已 據紹郡天何為而此醉假使腐鼠易嚇
 猛虎難攫困獸無思鬪之心鋌鹿有走險之勢紙鳶
 望斷未遑列柵求全門牡雖扁競欲開門揖盜則潰
 同魚爛勢失雞連安能取義以舍生未必蹈仁而盡

死而乃目皆背裂心不膽寒鳥驚射而哀音不號馬
聞戰而殺聲愈壯振已疲之氣力叱咤風雲聚枵腹
之生靈軒昂節概激之忠義何難嚙血指以同仇用
以馳驅亦可握空拳而殺敵設或趙家將相廉藺協
和睢陽城郭巡遠共守則拜韓信爲大將不顧一軍
之皆驚守晉陽之孤城何患三版之盡沒壯北門鎖
鑰可高借寇之勲蹈東海波濤安有帝秦之想恩循
遺孽旣無敢窺我幅員側貳賤俘且可以膏吾斧鉞
無如隋何無武絳灌不文界若劃溝謀同築室索倫
勁卒虛張九道之旌旂司馬參戎坐視三軍之成敗

不特茂宏安東之節既虛假夫事權抑且武穆朱仙

之師亦難為乎孤立於是龍門揖客紙上談兵鶴坡

先生閩中膺寄為民請命鸞飛拜沙上之書日多吉

語中丞計日成擒贖本說江頭之捷各大憲告示藉

捷云帝子蒼梧之淚傾盡波流女兒黃竹之箱堆如

山積傳諭民間解送箱籠至城搜粟都尉既傾囊倒

篋而求拾橡兒童有易子析骸之慘遠望申池竹木

燄若薪焚近思負郭芙蓉蒂同瓜落內附則人非李

裕虛牝糜百鎰之金孤守則塚是王羆同志有萬人

之骨而且兵賊交通款曲何煩隱語河魚守城兵暨

賊於城上

交相告語了無顧忌士卒盡欲遠颺思作高飛海鳥就使仙能

吐飯石可化金不嫌巧婦之難炊惟望武夫之借一

而貉奴不能作督盡披靡於軍前帶兵諸君多不能御其下鷓兒

縱足冠軍僅逍遙乎河上城中喧傳援軍盡虛語耳紅巾一抹盡

通李煜之金兵多受賊賂遺白羽誰揮無復顧雍之扇固難

言城成眾志又豈能關當一夫況乎洛蜀黨分戰守

議左羊叔子同居鈴閣祇傳裘帶雍容李臨淮縱握

牙璋未必鞞刀潛插其能不天為痛哭人盡悲號昆

明池邊重話未灰之劫暨陽城下將飛已斷之頭者

哉嗟乎杭城之不被兵革者幾五百年中丞之不解

衣帶者幾七十日方謂庚申氣盡西歲可符得酒之
謠何圖甲子將周丁戶半有覆宗之慘兒乎何罪天
實難言吾友大劫重罹隻身竄難絕壺中之小隱話
江上之孤忠成此百篇索余一敘踐趙家乾淨之土
許我羈棲讀杜陵兵車之行同茲慷慨此日探將驪
頷盡二十八字之元珠他時秘說龍威是千億萬年
之信史同治紀元歲次壬戌秋七月養時軒主人許
五辰敘於申江旅次

錢塘永不見兵戈立論原非確不磨
願子孫世世不
離錢塘永無兵
災之災宋仁宗時處
上徐仲晦語今不驗
當路無人誰執咎不諳地利與

人和金蘭為浙東門戶嚴遂為浙西上游門戶嘉湖

文胡劉賁諸軍各路騷擾民

持籌會計中機宜專閩無謀轉失時管仲才高還識

短召陵不鬪楚人師賊至餘杭胡篠初觀察元博請

未決甘篠蘭太守

大將專征 寵命加瑞麟閣將軍昌前 命 深居簡出靜

官衙賊圍城兩月 好將盃酒娛衰老慣對新妝掃髻

鴉

鵲鳩山下起烽煙早遣元戎快著鞭豈料師行猶裹

足暨陽城裏鼓填然賊由浦江下竄諸暨饒軍門廷

卷之五 立元象卷十五

戰

月三 江村金卷二 三

玩寇翻教狡計施 晝行魑魅少人知

賊潛行小路繞出官軍之前由

和尙店至 臨浦鎮

爭舟潛渡之江下盡插官軍字樣旗

富陽賊假

充官軍至 臨浦鎮

擄菹向晚鬧通衢 袖底人皆隱湛盧頃刻野叉真相

現刀光閃處血模糊

賊混入臨浦博場賭輸錢故不與本地人與之爭遂趁勢殺人

放火一呼百應

裹糴坐甲棄堅城

九月二十四日賊數百人突入蕭山縣城中無備遂陷

螳臂

猶思抵死撐

賊入城閉門堅守

可歎將軍渡江去軍聲終夜

亂潮聲

援諸暨各軍聞蕭山陷林桂楣方伯福祥饒軍門廷選胡鎮軍再升楊參戎金榜相繼旋

省

居民塵市接江千十萬人家避寇難一霎訛言驚道

路冤魂沈魄碧波寒

賊游騎至轉塘江干居民遷徙者因城閉不得入忽潰勇士匪

散布謠言云賊大至地藏殿僧乘機竊發居民大亂

投江死者無算王雪軒中丞有齡擒治置之法復派鄧彌之觀察輔綸出城安撫難民

餘杭虐燄蔽塵黃燒徧三墩遠近莊堪笑我軍塵戰

返人人擔酒縛豬羊

賊大股由新城餘杭下竄焚掠附省各村鎮官軍前往抵禦並

不接仗但紛紛接索鄉民食物而還

密排鹿角守原牢醉臥沙場膽氣豪況復跨河橋已

斷河雖不廣不容刀

連日賊匿不出守卡官軍誤為賊退高歌酣飲醉臥達旦湖

墅兵民預
拆橋斷路

瞭望官軍壘不開蛇行匍匐匿牆隈海螺吹到天將

午搭起浮橋蜂擁來賊偪賣魚橋守卡官軍早遁去

賊吹海螺聚眾傍午乃渡

雍容鈴閣集簪裾九月秋清氣象舒無數妖氛驚乍

偪十門從此斷軍書九月二十六日賊以數十萬眾圍城十門緊閉文報從此不通

居民亦如籠中鳥釜中魚城陷時無一人能脫身者職是之故向使酌開一二門猶不至此

芻尼連日報新晴闐闐家家夢不驚戎馬倉皇民氣

靜就中猶有誦絃聲杭人以久晴非破城之象故城中市肆照常開設子弟亦不輟

學

軍威震懾陣門開都統羣推上將才一隊弓刀旗一

面日巡欣望傑公來傑都統純日巡每鎗箭一隊以一旗領首隊伍整齊

潰兵連日出城招羽檄紛馳晝繼宵聽說夜巡方伯

至紅燈一道馬蹄驕米軍門興朝胡鎮軍再升潰勇王中丞連日派員招集署方

伯麟蕉園趾親軍捷義勇多金華人打仗頗力夜巡亦整肅

艤艦戰艦列西湖蒼兕齊來繞岸呼百道雷轟飛巨

礮裏創不敢偪城隅賊由聖因寺一帶將竄偪錢塘湧金兩門傑都統帶水軍奮擊

賊被炮傷者甚夥遂退

粉團角黍載瓜皮分餉三軍為療飢眾飽氣應增百

倍宵深不許賊來窺百姓爭市粉團角黍餉城外水軍並捐錢犒賞賊於中宵結筏

潛渡水
軍擊回

編來煙戶必躬親姦宄潛搜最率真巡日方回又巡

夜忙他四十五圖紳闔城四十二圖上城圖址遼濶添設董事三人計共四十五圖

各紳日則編查保甲夜則徹旦梭巡

十三司道管圖來都轉羣推絕世才祇識內安忘外

禦治軍畢竟少心裁莊二南都轉煥文請司道大僚十三人分管城中各圖編保甲

並不議出隊擊賊

雷院晨開騶從長繡衣頂禮爇檀香腐儒老去孔門

厭香案皈依拜玉皇王中丞有齡於洞真觀設壇禮玉皇懺招三學諸生拜誦月給

錢四千文

士女通宵鬧市塵喃喃咒語普門傳漫云佛地湖山

美賊在湖山佛在天

城中人家往往招僧誦經持香執燭步禱大士於吳山海會寺

寶石山頭百尺竿白旗高插入雲端旌麾一簇無人

守故設疑兵與我看

賊暨百尺標竿於寶石山巔高入雲際上挂白旗一面夜則然

燈

井邑燒殘廣廈頽山村小市燼餘灰環城紅到長天

曉三月融風不息災

初賊由武林門環偏良山門王中丞派弁燒燬沿城民屋杜賊

竊據

賊圍城兩月城外晝夜焚掠雖荒僻小村亦被蹂躪

南屏山畔監旂旂照日斑斕五色衣一陣礮煙飛子

過反弓腰折臥斜暉

賊大股往來南北兩山皆著五色衣旗幟鮮明城上放巨礮

賊望見煙出反身貼地臥
俟子過旋起無一傷者

草塘虛幻掣鯨波暗地誰知布網羅兩隊官軍方轉

鬪潛師奪隘失機多賊由草塘來撲官軍我軍出隊

頭山賊奪饅頭山官
卡勢甚兇猛我軍失利

鉛丸如雨落城中火箭斜穿屋角紅賊眾乘高挑戰

急喊聲雷動忽來攻賊奪卡後隨攻候潮門礮子飛

夥前不
焚燒

痛心頭隊失師期致命孤城力不支到底神明佑忠

勇不容逆賊縋登陴十月初二日王參戎振聲守饅

伯福祥接應師出方伯並未出隊協戎力戰陣亡王
參戎勢不支潰回城饅頭山營卡陷省城糧道從此

不通 中丞振威威武兩軍為楊協戎王參戎管帶
兵潰半從賊賊復混入叫城守者幾誤絕上城中
承於倉猝中忽若有提其耳者
日何不殺遂大呼殺賊賊始退

嚴城防禦北關尊矢石躬親將略論為是烽煙南面

緊高牙移駐鳳山門 初王中丞駐守武林門初二日
正議軍事忽武弁報鳳山門與

緊中丞飛騎至自
此常駐鳳山門矣

忽聞兩隊背嵬軍與賊通謀助逆氛賴是文宗勤訪

緝按圖小語囑殷勤 王中丞親軍臨陣從賊張星白
學使錫庚夜巡手書紅簽一紙

示各圖保甲員董
密拿送撫轅究辦

海潮寺大厚墻垣畫棟流虹瓦覆鴛擊尾擊中渾不

動常山蛇勢首先蟠 海潮寺本饒軍門摯勇駐守自
饒頭山失守軍門忽將摯勇調

月三日江布金卷一十五

回城從此海潮寺為賊踞與羅木營
鳳皇山營壘相接我軍遂不能克

坵垣隆起上層巒蟻附頻登地勢寬立馬鳳凰山頂

望城中虛實那能瞞賊在鳳皇山頂築方土城賊持旗荷戈晨出暮歸多如螻聚賊

憑高瞰城中盡知我軍虛實

虎視先窺羅木營我軍鋌險力難爭從茲臥榻容酣

睡壓石終傾累卵城賊奪饅頭山卡後一直衝下羅木營一帶盡為所據大股連日

壓至離城二三十里險要我軍皆棄不顧至是賊據鳳皇山饅頭山羅木營海潮寺淨慈寺或高瞰城中

或直逼城下武弁畏不督兵出戰城外兵勇盡變為賊而大事去矣

竭來鬼蜮杳無蹤慣學牛臣隱短壩數百官軍難埽

滅屯如螻螳聚如蜂官軍出隊各無鬪志賊出沒無常或伏匿土城或馳驟山谷平

原螳聚蜂屯
莫可蹤迹

十面城門十面圍大臣誰是識兵機國人望歲君胡

宵傳說張巡整隊師十月初六日張軍門玉良援到

下午入城見中丞請城內連夜移兵出案便可與張

軍門連絡以通糧道饒軍門從旁阻之云明日總來

得及不料偽忠逆連夜築成木城於是餉道與張營

隔絕而十城隔濠賊亦徧築土城中丞初信饒軍門

惡張軍門至是始知饒軍膽怯不前張軍門令況

副將入城見中丞以滅賊自任百姓延頸覘伺均言

賊必撲滅
製造軍裝仗列公軍資鉅萬不嫌豐如何夜半催軍

帳還向閭閻索篋篷張軍門兵至錢江口一時營帳不敷城內大府索民間篋篷代之

偃月營開虎旅陳一軍背水陣圖新如何城裏多名

將不出重門殺敵人

張軍門於江岸紮營七八座賊出鬪屢挫饒軍門廷選繼鎮軍

興以次至副參游都無有親督兵塵戰者

桓侯勇健世無雙飛砲當前氣肯降萬馬不嘶軍盡

泣將星如斗落長江

浙省軍政之壞始於張軍門庚申四月嘉興之潰辛酉四月金

蘭之敗惟此次身先士卒誓以死鬪十月十八日與賊大戰身中礮傷十九日卒於錢江水營

勁旅三千統水犀將才方許殄鯨鯢同仇未洽同寅

志霜白空聞戰馬嘶

張軍門卒遺命沉副將文榜督帶水陸全軍仍用張字號旗况

副將統軍後貴副將廷芳姑之每派隊未肯出力打仗

礮船八槳早潮迎聒耳終朝沸鼓鉦此哭輿尸彼酣

飲笙歌吹徹月華明

貴副將督帶礮船無意助戰酬嬉自娛軍士終日鳴鈺打鼓為

樂
流民數萬過城隍露宿風餐面慘黃歸去無人更無

屋饑腸不斷斷愁腸

城外避賊難民爭依城根晝夜露處城中人施餽粥焉

營房六百列周遭守禦諸軍敢畏勞明月一天燈萬

點礮聲還逐柝聲高

城上列營房六百所王中丞親督守禦礮聲柝聲徹夜不絕四

圍燈光映天聲勢甚盛賊不敢偏

聲言夜戰飭諸軍一紙傳單比戶聞頃刻炊成珠萬

斛提筐相餉不辭勤

軍士夜戰王中丞札同善局飭保甲紳士勸各團居民連夜備

飯送鳳山望江二門居民頃刻備送數萬擔並有備蔬菜者軍士食之不盡以其餘分餉城外難民

土城連築不嫌忙箬篋徵餘又米囊為說臨江開餉

道居民兼送鏤金箱彭鴻軒都轉斯舉勸築傅城土壘通江干餉道王中丞允之居

民以米袋炭篋皮箱助送者相接於道並備竹籤數十萬枝及灰瓶石罐等物

擬將一炬埽羸秦破壘端憑火力新夜半忽聞徵稻

桿黃雲徹曉滿城闔下令燒賊卡飭居民備稻草不轉瞬致送者堆滿城堞因無人

去燒仍置弗用

將軍妙語破人顏衢路譁傳手諭頒一盞燈籠旗一

桿教人連夜上吳山瑞將軍昌諭居民上吳山觀戰者每人持旗一桿燈籠一盞以

助聲勢

無端技擊暨材官鎗礮空施意總安妙絕行軍等兒

戲胥山頂上有人看

居民上吳山觀戰見我軍接仗但遙施鎗礮而已為之喪氣

埋棺鑿地火雷騰毒燄飛空城不崩笑然瞽矇來甕

聽垂頭熟睡喚難

鷹

賊用棺裝火藥掘地道埋清波門外火藥倒出而城並不震杭

人咸謂神佑

城中掘地置大甕傳瞽者臥聽日給錢二百文盡皆熟睡因撤不用

畚掘初陳為掘濠斂錢鳩眾頗辛勞誰知攘臂來馮

婦竟想分肥半老

贗

賊掘地道同善局紳督開城內外濠溝兩道以防之隅董馮某

僱匠開濠漁利自肥中丞將撤之多方營救獲免

一時賄賂竟公行各局分司僅掛名半入公家半私

橐競工狗苟與蠅營

軍裝製造差最優總辦者甘太守應槐張太守冕辦事者必由

蚤緣而得故所造器械不歸實用

三官殿裏借捐時籌餉諸公令箭持多少貲郎看畢

集箇中身分秀才卑

佑聖觀三官殿內籌餉借捐分局中設令箭阻捐者使跪令箭

前不赴捐者以令箭提之 仁和廩生曾福齡為友人沈象明寫捐直言相持撫院孫歡伯巡捕憲竟起

殿之復送撫轅究辦

嗣因諸紳力勸得釋 卡捐歇後業捐忙最是團捐費較量託鉢沿門須說

客守錢虜孰破慳囊

軍餉細甚王中丞札保甲紳士按團寫捐以濟急需勸諭彌月

僅得捐錢共一萬一千串有奇

戶捐纔罷又飛捐取盡錙銖劇可憐堪歎軍需糜億

萬不曾努力效軍前

股戶捐後於市肆中費本稍巨者抽捐名日飛捐接括殆盡

我軍未嘗出力打仗

鼓吹筵開奉上賓聯名相請賴諸紳詰朝強派偏裨

出大將何曾矢石親借捐局紳士公請張肖梅太史

郎懿辰姚敬庵部郎近寶聯名敦請饒軍門親督兵

開仗軍門強諾次日仍派偏裨數人並不身率士卒

朱提瑤璨鳳城東藍頂藍翎賞更隆痛哭誓師聲慷

慨江干餉道果誰通城中軍糧已匱王中丞預備白

通餉道者以此作稿軍士開仗仍不能制勝

閩豫人多雜楚黔開城出戰氣懾懾歸來壓担爭輸

市黃韭青蔥白菜甜閩勇豫勇楚黔勇連日出城慶

割取蔥韭蘿蔔白菜人市賣之得美價戰賊堅壁不出兵勇進城人人

喜卜桑中醉夢身連營士卒氣難伸絕無援救猶塵

長年立元象卷十一

戰勇敢還須讓七

兵勇強佔民間婦女終日酣嬉軍事置不問 福建漳州鎮兵

出仗 稍力

弗戢兵如治亂絲同鄉誼重暗相期李桃投贈渾無

迹壞卻軍規將不知賊與我兵有同鄉者貿易往來習為故常管帶者伴為不知

按籍填名待策勲隊旗隊長列紛紛慣將游手充虛

額臨陣原無敢死軍軍賞為管帶者侵蝕虛額居多點名時招民間販豎充數應名

一聲給 錢百文

敗北歸來鼓息聲關防最繫駐防營但知早把軍門

閉不許居人自在行旗兵自北關敗後久不出仗但緊守營門不許居民往來而已

黃雲連日稼無傷百里郊坳打稻忙翻怨天公賜豐

歲反資巨寇足行糧

秋收頗豐盡為賊有徧擄鄉鎮居民打稻碾穀井邑為墟

窮巷喧傳粥廠開辰申兩刻費疑猜來如潮湧人成

海老弱何曾果腹回

紳富開設粥廠四十七處每日兩鍋早鍋辰刻晚鍋申刻每鍋

需米石餘每廠開時窮黎多至千人老叟幼女有至廠三四次而空回者

宗陽宮及白衣庵貰米窮黎女雜男青豆無存黃豆

罄收場麥麴亦相參

宗陽宮白衣寺放賣官米米盡繼之以豆豆盡繼之以麥麴

阿夫容換稻紅蓮腰有黃金飽粥饅可歎居奇來市

僧一升米值五千錢

居民以雅片黃金向營兵旗兵易米價值日昂城中有米之

家絕少間有稍存一二石者每升自一二千文逐日昂價至五千文

藥石徵餘海錯嘉揮金如土市塵譁脯脩棗栗尋常

品到此權為餐飯加始則以熟地米仁黃精等代食後竟以海參魚翅充飢矣其價

十倍平時更有以棗栗柿餅充飢者

鱗族無存及馬牛豬羊雞鴨徧搜求小雲棲是放生

所也當軍糧一網收小雲棲放生牛羊豬鴨先有兵勇搶擄同善局紳戚蓉卿太守

勝因盡輸以濟軍食

野苧根窮采蔓菁甘蔗盈擔煮香清牛皮競割空箱

篋梗咽穀皮腸慣撐糧盡居民食野苧根甘露根及各種樹皮雜草根煮食皮箱碾

食礮

鵠面鳩形滿道旁悽悽何處裏餓糧日斜歸去萍香

動道是盧循續命湯絕糧月餘居民咸出覓食市井騷然見有撈取浮萍用醬煮賣

者飢民
買食之

菜色枯黃目陷睛黔放施食望先驚翻為弱不勝衣

態好似饑蟲柳絮輕

飢民久不得食瘦如柴立面黃
睛陷慨然一息行步不前岌岌

有立斃之勢如是者
肩摩於道為之酸鼻

淒涼餓莩已盈途瓶罄難為反哺烏忍抱佳兒拋委

巷繡綳文祿泣呱呱

糧盡往往有繡綳文祿裝飾
幼孩置之路旁期人收養者

滿野哀黎繞郭呼無從援手死須臾灑將一掬蒼生

淚有筆難描鄭俠圖

城外飢民露處彌月至是城中
食盡不能賑飢飢民求入城賊

隔濠施放鎗礮飢民匍匐奔竄呼號
甚慘王中丞不敢開城望之痛哭

捨棺設局不嫌遲包倩蒲編掩骼宜枵腹從公真樂

善居然枯骨澤頻施

城中餓孳載途紳士設仁錢兩樂善局捨棺埋葬暴露者載以

蒲包親友則施以棺

援兵十萬預聲揚渙汗新頒道路詳強說成城眾心

定何曾壁壘固金湯

署方伯麟公趾出示言各路援兵四集民忍飢望援人心稍定

自詡摧牢卒最精民居強占任橫行如何組練徒虛

擁反向窮閭召義兵

林桂楣方伯福祥定武軍強占東大街瑞光庵普安街一帶民

居無所不至奮勇有能打通

林方伯擁兵數千圍久不解出示募餉道者賞銀四萬兩本司決不食言

等語

堪笑無謀薦舉輕軍功五品耀行旌羽書幾道衝圍

出不送張營送賊營

武弁徐宗鰲暨吳某數與賊通林方伯保舉於定武營當差王

中丞與張軍門約戰書先後十餘道徐逆竟送賊營以故屢失師期

憲章赤族秉嚴條難追天誅首竟梟供出同謀隸軍

籍漏師猶有寺人貂

王中丞訊實將徐逆全家正法僅留一三歲孺子所供通賊之

人均隸城廂外諸軍中丞置之不究吳逆遠逸未獲

方伯韜鈴世少雙鷗軍十六拜旌幢黃金二百供虛

擲不買真降買詐降

賊十六人詐降約次日與官軍接仗並放空鎗賊佯敗以擢木

營卡獻中丞猶豫未決林方伯福祥堅持允賊且先以黃金二百作犒逮次日接仗賊十六人隨從出城

竟歸賊營賊火具預裝鉛子官軍為其愚被踏破營卡三座方伯所帶定武軍大半入賊隊去或云林方

伯及甘太守應槐曾往賊營議事其謀甚秘人不得聞

軍聲不振鼓聲哀礮裂轟傳震壑雷幸是李曾兵健

鬪我兵捷出賊兵回城上礮炸震垣礮臺一角正敗

出城上闖兵繼出賊始退

堪笑諸公夢正癡闕傳左宗棠鮑軍統熊罷援

兵到底成虛語盼殺先鋒李藥師城中百姓日望李

援而竟不至

託言餉匱徧徵求結隊分明滿道周定武一軍真首

禍到門接括及衣裘十一月初十日饒軍門派勇接

勢劫人衣飾城中搶掠自饒軍門開其端定武軍首其禍

似虎哮聲突至前偏人刀影劔光連劇憐咎楚頻施

夜十丈麻繩兩指懸兵勇接括財帛夜間至僻巷中甚有將居民高掛以刀背痛打

脅取窖藏
金銀者

撫杭營卒似知羞温定諸標迴不佯笑指帽簷低壓

處對人強效楚人咻

撫杭四營兵搜米者每效閩豫
聲口且將氈帽低壓以避熱人

識面形
甚可笑

剜肉人來匪補瘡飢民爭噉事堪傷一腔熱血三升

酒強作龍肝鳳脯嘗

兵勇肆掠居民鳴鑼捕獲解送
鳳山門中丞詢實即請軍令尸

積道旁兵士爭取心肝下酒飢民亦爭鬻食之人食
人肉平日見諸史乘者至此身親見之可勝悼哉

獲天雖小守醢雞騶從先除馬不嘶競把佳兒與佳

婦華門陋巷借枝棲

大勢將去城中官眷盡
搬住下城民間小屋

潰兵奔入賊營多輜重還將柵載馱一炬火燃昭慶

寺劫灰曾不捨彌陀

文雪舫鎮軍瑞駐守錢塘門外昭慶寺糧盡宵潰長右一營悉

歸於賊

中丞恐賊據昭慶寺連夜飭旗兵闖兵出城燒之

海角雲帆剋日催香航萬斛載將來只愁餉道重圍

隔連日官軍打不開

胡雪巖都轉光墉由海道運糧至江干先城內諸紳於將圍城

時請築傅城土壘直接江干以備賊斷糧道中丞不能

甯波而去

曹社居然肆鬼謀銀箋黃袱送城頭若非一柱擎天

力覆餽諸公盡贅瘤

賊以黃袱裹偽示送城上詞語悖謬藐視我軍中丞竭誠守

禦文武僚屬益皆敬憚不敢稍萌慝志城中文武毫無建監足解城圍

耿耿丹心照汗青邪詞入耳聽難熒知人自悔無真

識呼應無端百不靈

中丞催饒軍門戰益急軍門堅

林方伯勸中丞棄城走

不出戰遂至忿爭中丞欲自盡

械不備臨時催取往往無有長夫亦不應手

哀鴻戀戀輒牽衣乞得青蚨不救饑堪歎斂金鷺鸛

士競思奮翼出重圍

大街店舖兩廊難民求乞者見

三四日間兵定武軍及各營兵勇句結錢業游民於

閉歇店舖門首以錢四五貫或二三貫插草標買洋

錢以備

逃貲

草竊披猖怕內訌終朝閉戶鬼呼風肩輿三日巡街

徧匹馬連錢走玉驄

廿四五日搶掠愈甚小街僻巷

走者城中蕭條景象至此乃極

掠親督小隊乘肩輿巡街三日令民閒格殺弗論中

從者亦殺搶勇十餘人

糧絕從從漸散

其卒立亢象家十五

七

吳綾經尺白無瑕刺血書成達 帝家為說蓋棺難

瞑目阻撓大計是瑯琊 浙省自嘉興陷後餉需絀甚

副憲履謙奉 旨辦捐紹郡捐項抗不發上游告

警省中撥兵防禦又拒不納云紹郡團練自捐自辦

儘足抵禦無勞官軍為也但王所召募僅游民數百

以至九月廿四日賊至蕭山城立破紹郡亦隨以陷

甚有先期輸納導賊入城者省中軍事因以萬窘王

中丞憤甚刺血書白綾尺許有死不瞑目者王履謙

阻撓大計之語書由上

海達都恭王為垂淚

不負朝廷負子民杭城萬姓里敦仁如何千古誇敦

厚竟使名都頃刻淪 中丞嘗痛哭自言我不負朝

義士民耳 圍城兩月餘絕糧月餘人人望官軍殺

賊解圍並無攜貳之志若多儲兩月糧城必不破賊

亦將退乃因糧盡兵潰使萬姓慘遭荼毒噫

是誰之過歟 十一月二十八日卯刻城陷

事煩食少臥譙樓醫國無人疾不瘳箕尾騎歸天上

去浩然正氣懍千秋王中丞力疾從公中丞聞城陷回署先吞金後食雅片殉難

賊入署將尸昇至鼓亭左側忠逆敬其忠勇為具衣冠殮如禮復令林方伯劉觀察送至上海回籍

傀儡登場事可知火光紅處礮聲馳泚泚健將稱完

節想見橫戈陷陣時局紳請戰瑞將軍昌回文有譬如傀儡登場徒增訕笑等語時

疾未愈也十二月初一日營城破城中積火藥自焚傑都統純於延齡門接仗被賊洋鎗擊中陣亡

闔城丁壯盡遭羈直使黎民靡子遺南北東西分走

路弟兄父子各生離賊十門齊進大肆焚掠城中三十萬家頃刻殘破壯男老幼一

併擄去婦女嬰孩逐出城外無一家骨肉保全者慘莫甚焉

一時士女節堪欽視死如歸鐵石心尤有老成能罵

賊蹈他白刃氣森森城陷有闔門殉難者有投縋投
絕粒殉難者有罵賊擊賊井投河吞金吞雅片殉難者有
被戕者殉難者數萬人

黃巾裹首肅鳴騶館入招賢禮數優方伯羣推元老

望滬江噬肯賦來游偽遼天義鄧逆位置林方伯於
藩署花廳供給甚優歲除日餽

銀百兩織造恒某署杭嘉湖道
劉某與焉後送王中丞柩至滬

負薪執爨守嚴更强半文官變姓名平日威棱銷滅

盡此心能不負簪纓城中大小候補人員被賊裹脅
者艱苦萬狀甚有當道大寮俯

首從賊官方不飭以至
廉恥道喪吁可歎哉

短衣躍馬是何人道是疆場師武臣誤 國軍門尤

忍辱甘心從逆走風塵武弁降賊者短紅衣黃抹額
揚揚自得殉難者惟文雪舫

鎮軍瑞一人而已繼鎮軍興聞率隊衝至富陽被賊
戕饒軍門率隊衝圍出被賊裹去全隊降賊賊脅
之至常熟

瞿瞿狂夫偪柳樊桑中疑是衛淇源手持偽帖封船

去傳說錢塘尙姓袁署錢塘縣事袁忠清初爲袁侍

品藍翎犯令懼罪竄張侍郎巡撫時賊偪省城豫章

丞袁江西人張侍郎任江西巡撫袁委袁製局幫辦

軍裝力助守重豫章人因而重袁委袁製局幫辦

填年以甯國之捷擬保袁知縣袁懼徧求同寅倒

翎復加捐同知銜分發浙江黃絲署藩司麟蕉園趾

委署錢塘縣事任事日殘酷自任道路以目城陷從

賊受僞錢塘監軍職持僞令江干封船見城外難民

中婦女有姿色者輒挈之歸竄至上海縣時尙帶六

七人不知何往矣無有人擒而治之任其遠颺惜哉

三五七九家卷十一 巨

劫後餘生膽氣麤漫嗤弄筆太狂愚箇中實事惟求是譽毀何曾一字誣

庚辛泣杭錄卷十五終

庚辛泣杭錄卷十六

王震元杭城紀難詩編

東南粵匪之禍烈矣而吾杭兩陷之慘爲尤甚庚申
猝然城破死刀兵與自死水火繩藥者幾及十萬人
辛酉城圍久而先死於餓者數又如前則後之死者
更不能僂指計已震元徼天之幸先後出走均免於
難難後聞人追述難中情事未嘗不淚涔涔下偶欲
紀以詩歌輒悲憤塞胸斷續而不能成聲及讀他人
之作或傷今或悼昔歎巢覆幸瓦全與難中抒哀臨
危絕筆無非天問問天楚辭辭楚正不必自行歌哭

也積三十年錄一百六十餘章今松生丁君有庚辛
泣杭之刻因編而昇之請附於末雖未敢遽稱詩史
然畱之天地閒以之伸正氣也可以之寄興感也亦
無不可光緒二十一年乙未夏閏五仁和王震元簣
圃序

武林新樂府

記庚申辛酉
兩次失陷事

錢唐

張景祁

韻梅

杭城再陷於賊余皆在圍城中見閭最確亂
定後追思往事疾首痛心因編為新樂府十
章直陳無隱比於作
歌告哀之例云爾

一丸泥

悲援絕也

庚申二月初旬賊自廣
德泗安薄湖郡十九日

陡襲杭州時城中兵僅一二千人大吏不知
所為下令閉城至二十七日城陷未嘗決一

戰

一丸泥閉函谷枹鼓無聲車折軸柰城蕩蕩寇來不

上偃朱旗卷玉帳紙鳶信絕無柰何將軍方聽蘇臺

歌張軍門玉良自秣陵大營赴援道吳門大吏款燕之比軍至城陷三日矣賊旋遁向使不畱滯杭城

可冀瓦全哀哉

守城隅 歎鄉團也

自癸丑金陵陷浙省設協防局募鄉勇數千人

分城中為四隅以紳士領之按期操演恃以無恐及城破鄉勇號衣委棄路旁者所在皆是

守城隅募壯丁盛車騎影羽纓家藏鶴膝戶犀渠干
金犒賞籌儲胥高城忽崩來虎貔君不見軍衣委路

衢

燭龍翔 懲兒戲也

大吏傳令百姓守城城內共舉義旗填街溢巷

列炬如晝三日後油燭並罄防守遂弛

燭龍翔何殷闐銅鉦沸彩幟翮門前小兒不解怕錯

道添燈是良夜城如火軍如墨燭龍翔鬼車泣

反戈鋌 驚軍變也

二十日潮州復勝勇淫掠東城居民攫三人繫

送藩署勇大謀入劫將為變仁和令李君福謙急解之始罷大吏旋令都轉繆公梓統其

衆二十七日嚮晨清波門外地雷發崩城數

十丈繆方揮指禦賊勇遽刃之而以城降繆公前守衢州三月而圍解時大吏中無能軍者倚之若長城惜哉

反戈鋌若闕虎遇民則虎遇賊鼠紫薇行省門不開

可憐肘腋生禍胎惜哉睢陽非將才

築長壕

惜武備也

賊退後王中丞有齡撫浙諸路兵悉至乃修築

長壕增設礮臺城上營房環列置轉運車以上下兵士器械旗幟罔不精備六月十月賊兩至悉擊退之柰上下游皆賊據規復無期自守門戶而已

築長壕千夫雷動臨江舉龍頭天竈豈不固惜哉世

無高敖曹懸軍上縋軍下城上礮車飛屋瓦下有賊

騎鋤菜把

水上萍

傷飢擾也

辛酉九月賊大隊薄杭相持兩月城中糧盡至

剉苳根煮萍葉食之死亡過半軍士以按糧為名破戶穿墉恣行劫掠大吏知之而不能禁也

水上萍飢可烹園中苾飢可煮哀哉百萬民忍死各
無語但聞夜鬼哭那得天雨粟軍民諒同情何以穿

我屋

大將幢 刺江防也

水師副將貴廷芳駐師江上徵歌鬥舞孤城危

急尙與將弁燕飲妓船城陷不知所之

大將幢橫江浦畫船戰艦紛歌舞樂復樂絃管聲慘

復慘風鶴兵江波忽紅滿城火載得西施同一舸

通江路 譏敵給也

城外盡為賊砦議開江路以通糧食方伯林福

祥駐師望江門外與賊酋鄧光明約和許以白金四萬兩通江路賊佯諾之及使者資金

往而賊以刀仗出迎我軍大挫

萬黃金通江路搜括脂膏餒豺虎

大吏責令城內各圖董事按戶輸捐

助餉雖極貧戶無得免者

朝遣一使來夕報一使去使者未返和

約成鐵騎突出刀鎗鳴四鼓急點城上兵

悲風來 弔駐防也

庚申之變內城堅守將軍瑞昌時率駐防兵出

擊賊賊頗畏之收復與有力焉及城再陷賊

銜之刺骨併力攻之闔城舉火自焚灰燼互

悲風來摧高臺朱鳥啁啾白雁哀朝殺賊暮殺賊徹

蓋何由埋馬骨大城烏啄子城碎不見王孫路隅泣

宴軍門 惡從逆也

署錢唐縣令袁忠清暨前署仁和縣令李作梅

為賊監軍仍領仁錢二邑事紅巾繡履輿馬出入意氣甚盛林福祥亦降於賊事平之日

伏法衢州其他武臣
從逆者又不勝數矣

宴軍門福祿酒龍旗前繡蓋後金尊再行樂三奏每

具食必奏音樂堂堂縣令來上壽錦纏股紅靶首

武林新樂府

上元 劉 醕 拙菴

辛酉秋九月二十五日時將于役山陰未及

束裝猝聞寇竄蕭山繼而環逼武林撫軍督

官民登陴固守閱六十二日外援不至饑軍

譁噪民人餓死者枕藉道路不忍目視至冬

月二十八日辰刻候潮門礮臺復陷人無鬪

志紛紛潰散因隨眾縋城而下赴衢乞師途

次備嘗艱苦偶思虎口餘生幸存一息凡見
聞所及若不據事直書恐後傳疑使採風者
無所徵考爰效新樂府體以紀其實蓋亦長
歌當哭之意觀者諒之

杭民謠

牝雞喔喔夜亂啼家家側耳心驚疑滿城相戒慎火
燭先事徒薪儲水苦不足復恐羣醜肆鴟張固我藩
籬高築墻前年戰守兩失策地雷猝發城崩裂今年
事事非昔比佈置周密民竊喜逃亡久非計相攜歸
去矣賊縱來攻城齊心殺賊誓不與之俱生

辦團練

辦團練沽虛名製旗幟戶出一丁賊來攻我城奮勇
都從征竹槍白棒豈利器市人手持等兒戲教以禦
侮本非計兵貴精不在多奉行故事柰若何

鬧糧臺

鬧糧臺豈無故糧久不發兵勇怒譟而入者何洶洶
吏胥避匿都無蹤可笑武夫多齷齪未解苞苴是何
物執事者誰意見偏趾高氣揚慵周旋發聯單核領
所任意遲速我爲主放餉處論交情高下其手光扣
平吁嗟積弊久如此爾輩恣睢且休矣總司模稜無

怒喜

偵探誤

一誤再誤伊誰之故偵探不能得敵情道聽途說空
紛紛賊來路狗莊與梁渚虛設旌旗人無數餘杭縣
青山阿縱有埋伏能幾多況是甯國漏網賊游魂在
釜逃不得大吏聞之有喜色豈知賊故示弱屯疑兵
出奇制勝狡計生趨江頭扼糧道從此饑困城不保
吁嗟偵探何草草

糶官米

喧傳糶官米民沾虛惠而已矣白衣寺宗陽宮買籌

人聲何洶洶自辰擁擠直至酉百錢換得籌在手一
人許給米兩升糶米經時閉門牖意似饑民散而走
餘米半爲胥吏董事有

偽投誠

偽投誠解我軍心我受其愚漫不察一次兩次賺去
千黃金以此募勇士一戰或可致敵死柰何斂集民
脂膏轉齎盜糧困吾曹或者兵機深莫測憂疑欲問
林方伯名福祥廣東人主其事

望援師

朝登陴望援師旌旗杳杳來何遲暮見江頭夕烽起

喧呼兵船雲集矣餽我餼糧激勵士氣詎料咫尺路
難通依然待哺多哀鴻日復一日城中乏食民固守
敢不協力援師不至將柰何羅雀掘鼠能幾多享士
手執金叵羅願無二心堅荷戈

饑軍潰

饑軍潰烏夜啼荷戈誰復同登陴守已六十有五
日晝夜守望筋力疲外援不至糧且絕健兒躑躅恒
苦饑紛紛搜米粟不論官倉與民屋翻箱倒篋恣所
欲兵不戢將自焚孤城垂破翻欣欣賊中簞食迎三
軍

貴公子

貴公子聲赫赫
暮年曾侍君王側
一麾出守來西浙
清風善政民傳說
位望日以崇
宜救斯民水火中
柰何恃才傲物好大喜功
吾門巍巍非苞苴莫能通
惜哉貴公子晚節僅如此
麟蕉園趾由杭府薦升方伯後頗有清議

軍門怨

軍門怨何所見
自賊圍城未出一戰
但道八十餘日
守衢州久而自退
毋煩憂日飲亡何
饜梁肉不聞百姓
一路哭事機失在白馬橋
軍門之罪無所逃
先是賊由浦江窺伺諸暨饒軍門延選率師迎剿賊以五六騎據險我軍即紛然潰散賊躡其後遂自白楓嶺徑犯蕭山省垣糧道阻絕矣

將軍烈

將軍前年真英武七晝七夜鏖戰苦固守危城保疆
土今日將軍志可哀援盡糧絕徒徘徊呼兒女近前
來倘或一旦城不守汝輩慎毋墮賊手殺身成仁義
知否可憐小兒女牽衣淚如雨都道從爺無別語瑞將

軍名昌滿洲正白旗
人滿城陷全家殉難

中丞哀

中丞哀哀吾民齊心協力守孤城城非不堅防非不
密柰何江口糧道早為賊斷絕大通橋打不通兵不
用命戰無功張將軍名玉良四川人氣尤烈身受飛礮裹屍

出中丞聞之淚交落堅坐不肯下城闕吾民乏食已
兩月紛紛餓死填溝壑嗚呼蒼天不我活

王中丞名
有齡閩人

城高高

城高高飛鳥猶難越人身安得輕捷如猿猱俯瞰絕
壁徒號啣猝傳候潮門不守呼兒挈女倉皇走冀得
脫虎口此時但聞礮聲震天哭聲滿路豺狼當前莫
敢顧腰腳蹣跚失故步煙塵瀕洞時昏黑亂竄不辨
南與北峩峩況有重城隔繼而下者趨若鶩回視怵
怵心轉怖噫吁噫危乎殆哉嚴關摧彼蒼者天何時
殺賊能重來

聞警

全椒 辭時雨 慰農

新正蒞杭州四境各安堵湖山種花柳村野藝禾黍
鷹揚開勝宴大閱方講武行武鄉試去杭未十日動地驚

鞞鼓初聞疑謠傳無此飄忽虜市井漸騷動遷徙及
商賈警報日益警軍書飛插羽始知武林門四面踞
豺虎賊來自皖南泗安失險阻間道出吳興馳驟等
風雨武康一小縣恃陋略如莒徑捷人不知闖然入
門戶薄城乃守城事事多齟齬我聞驚欲絕舌橋不
能語頻年講清晏急難誰禦侮閒宮無斧柯憂憤復
奚補一身免池殃萬姓罹毒苦翹首望援兵速來固

吾園

入杭州城

薛時雨

去杭倏五年重來入蒿日數里一見人十室九無屋
望望徑似捷行行途反曲荒村斷雞犬官道走麋鹿
烏鳶爭人骸有骨已無肉蓬蒿沒人廬有草轉無木
羣動寂不喧隱隱聞鬼哭入城更愁慘此劫洵太酷
土民僅子遺形面如鳩鵠五方錯雜處循良失本俗
語言習獷悍矢口談殺戮有男帶刀劍有女披綺縠
濡染賊氛深賊去畱餘毒更有奏凱軍振振服戎服
功成勢益赫比戶事徵逐虐民視若仇藐官故相觸

撫綏兼駕馭才薄心慚慝舅姑雖見憐新婦眉常蹙

辛酉紀事

仁和 高望曾 撰顏

同治壬戌秋七月余自吳興脫難之滬喘息
麤定瘡疾交作旣傷逝者行復自悲痛定思
痛寢食俱廢回憶庚申三月至辛酉被劫兩
年來悲歎以合盡如夢境因作五言若干首
非敢言詩亦長歌當哭之意云爾

杭州被圍慣賊退云有期忽忽十餘日時事日已非
大戶罷梁肉小戶斷鹽齏人煙市中冷百貨皆居奇
日久賊虜至繞郭揚旌旂吳山瞰賊營嬾女猶娛嬉

賊營清波門外登吳山望之了匝月糧迺絕粒米如

然甚有頗女炫妝結隊往觀者

珠璣官賑發倉廩菽麥攪糠粃上城宗陽宮下城白衣寺設局賣官米米

盡則菽麥繼之糠粃又繼之將及一醬料選瓜豉藥

味搜苓芪醬園藥舖中凡可破釜煮箱篋珍及牛馬

皮皮市各店所存皮搜括一百錢購萍藻熟食和以

醢曾見以千錢買菜一斤池萍每斤游兵恣劫掠比

戶難安棲餓殍競斲割嘖嘖牛腸肥其勇以借糧為

不能禁路斃者競相斲割劔其腸攜殘骸塞街衢曰

賣他處日稱牛腸而居民猶爭買之

晝行人稀十一月十五後至城陷天寒日無色人家

俱揜扉可憐長至節寒食同淒其相持餘兩月佛力

空禱祈自九月廿五閉城至冬月廿八城陷凡六十
二日杭人素佞佛教中丞延清修者築壇於
宗陽宮日誦吾家無甌石生死爭毫釐得米奉高堂
皇經祈禱

餘粒童穉遺大女解人事含悲不敢嘯小女病且瘠
索乳嘯聲微嗟我兩夫嬾坐對顏色低我願嬾勿餒
嬾願我勿飢勺水互相勸淚下多於糜忍飢願同死
終勝骨肉離

仲冬月廿八嚴寒天氣晴守陴萬聲哭蟻賊先登城
縱火恣劫掠滿耳刀鎗鳴行路膏鋒鏑血肉交衢橫
我聞斬門入命已鴻毛輕全家莫可避慘若魚就烹
而我坐書館魂散轉不驚賊眾顧我喜草檄須儒生

責我勿逃逸分我先杯羹我知事已急孤掌難支撐
姑且戀殘息生計爲徐營夜起視家屬矮屋明短檠
可憐白髮母冥坐猶諷經妻女一幄手慘語不忍聽
我嫂及我姊向我決死生此時寸腸斷目視空熒熒
人生非草木誰無骨肉情從亡誰能免徒死終無名
進退兩失據憧憧搖心旌詰朝逐嬖女滿路號號聲
茫茫東門外惟見江水清多分葬魚腹聊免虎口腥
否則犯霜露蹤迹隨蓬萍母老妻復弱嬌女尤伶仃
親丁十餘口紛散如晨星此境一設想涔涔血淚零
回頭顧屋宇先業嗟已傾兄弟各分竄存亡兩不明

從我一猶子相伊如影形賊衆欲東下驅我隨之行
中途冀得脫默佑祈先靈萬一遇家屬離者猶可并
東下吳興郡非有千里遙恃我腰腳健跋涉甯憚勞
四鼓催上程仰視星斗高嚴霜砭毛髮刮目風如刀
負魚憚疾走逐隊勿敢淆旌旆蔽天日萬馬喧波濤
鄉民被迫脅中路難潛逃擔荷苦不任各使戈矛操
書生素孱弱聊學僧打包官道慮攻襲仄徑穿山坳
所過無居民滿目焦土焦日午覓棲息柴門勿待敲
老伴劫糧去新兵爲採樵得食各滿腹未暇籌來朝
天氣縱寒冽幸免雨雪交行行忽一日甫抵丁家橋

官軍正當路接仗驅前茅湖郡善防禦屢敗力易撓
水邨路難識欲濟無輕舸怪哉三日雪湖冰面如膠
寅夜得偷渡一戰憑城壕萬帳俱前進附郭先焚燒
礮聲夜不絕乘勝賊愈驕賊性本梟獍賊技如猿獠
散髮跣雙足短袴衣無袍相聚但箕踞得意鳴金饒
喜怒不可測嗜殺誰所教我輩與雜處如豕已就牢
欲出苦無策行坐心怵怵所幸一無事野寨多醕膠
東鄰戴江小與陳華移日月同醜醜家鄉一回首涕油心
上澆此身況未死骨月何能拋劫來且皈佛呵護須

天曹

憂患日苦長引頸到除夕憶及往年事涕淚不可拭
餞歲一尊酒是淚還是血明朝慶元旦

新皇方御極正朔頒春王但記歲壬戌我豈化外民
改元迺不識悠悠醉夢閒昏晝僅能別羈囚縱無苦
所恨邏守密躑躅鳥窺籠蹭蹬馬伏櫪亟思解脫計
賴有和緩術病者爭招邀乃許戶庭出綢繆兩月餘
豈乏可乘隙關津譏察嚴私渡更無楫意外遇劉綱
健庵南來問消息許我出網羅令我感且泣靜守姑待
時此心常汲汲于時春夏交忽忽薰風拂榴花照眼
明又屆天中節妖氣逼湖城賊勢忽猖獗孤城一朝

陷萬姓痛羅劫舍舊新是謀乘機便逃逸劉公拏舟
來前約喜不失東鄰戴與陳先我出城闕免脫豈容
緩性命在呼吸猶子感分離相攜不及孤舟下太
湖已離虎狼窟中道屢相阻驚悸奪魂魄迨及同里
鎮安土幸可適此生方再生悲喜集胸臆喜我白髮
親到此見顏色親丁三五人零落侍親側悲我妻與
女何處覓骸骨死者不復生令我腸寸裂回溯兩年
事恍若前生隔和淚寫長篇合署返魂集

劫後還鄉雜詩

錄八

高望曾

男兒重讀書所望明大義一旦取功名豈爲竊祿計

我經昭忠祠再拜仰生氣嶽嶽王壯愍出身由小吏
累薦守吾郡循聲著卓異九遷至臺司獨任封疆寄
東南方被灾

天子慎簡畀下車首理財閭閻起彫敝流亡漸招徠
戰守靡不利堅城兩月圍民食苦難繼鄰封無援師
事敗亦天意一死盡臣職浩氣塞天地

優詔錫專祠俎豆世罔替彼哉儒衣冠臨難徒畏避
儒臣握兵符空談了無補將軍能愛文不僅侈武庫
誰謂識一丁勝輓兩石弩蔣侯誠健者桓桓力如虎
起家執戟郎羞與噲等伍殺賊取通侯分藩蒞吾土

折節還讀書諸生環幕府荒城百廢興勝蹟盡復古
萬金解私囊窮檐起疾苦暇輒手一編有心求治譜
其才則封疆其志則宰輔雍容儒將風不數祭征虜
到治尚儒術立學始夏商取士貴端本行舉而言揚
吾浙人才數比戶傳青箱頻年講武備遂使弦誦荒
幸遇中興日

殊恩被膠庠老宿旣彫殞積學非所望文宗亟甄拔
區區惟詞章三科併一試取額逾尋常舉網一朝盡
魚目皆夜光東鄰屠沽子詡詡青衿行士習日以壞
文教何由昌

時清戢兵久徒恃金湯固軍籍但虛名糜餉信國蠹
櫓槍耀中天亂至急召募嗟彼南畝農誰肯荒所務
一旦張義旗亡命集如鷺豈其習戎行覓食強爲附
朝聞點行頻未陣先恐怖其聚本烏合信義未昭布
是驅不教民臨事罔不誤我怯賊愈驕奔竄若狐兔
卽令大慙殲劫盡亦天數若輩聚則易欲散無歸路
鄉曲恣劫掠主將豈及顧其禍成養癰當事苦不悟
烈火炎崑岡國殤千萬億

詔下表忠義所貴覈其實省會大設局薦紳任厥責
枵腹從公難俸錢視階級其下逮諸生亦與鈔胥列

茫茫劫海中何處攷真迹某某罵賊死當年曾附逆
人情樂揚善隨意且文飾嗟彼鐵石腸采風曾未及
巧借延訪名遷延糜祿食度支問何從取自捐征額
羣公鑿膏梁編氓竭膏血可憐泉下人賢愚同默默
撫序感霜露朝出城西門湖山黯無色不知天地春
官隄縈鳥道夾路披荆榛將軍舊築壘亂石如雲屯
孤往十餘里破屋知荒村入山拜先隴坏土猶如新
貧家少封樹雜卉紛尙存前岡聳華表鬱鬱誰家墳
石馬半傾蹋松柏摧爲薪敗棺見殘骼拜埽嗟無人
我輩賴先澤虎口畱餘身惕惕冰淵戒一綫延干鈞

祖德儻能述愧無華亭文

劫後人種稀彫零傷戶口城中市商賈脫難四方走
鄉民務稼穡終歲但株守劫來何所之死亡十八九
幸而竄殊鄉傭工易升斗去年大難平歸來尋隴畝
官吏方稽查開報唯恐後墾荒亦云亟犁鋤復何有

蠲租

聖主恩暫免豈能久今年里正來怕說催租又荒田
尙未開相顧但束手

崔盧舊門第昔日何風流翩翩盛裘馬富厚輕公侯
華堂夜開燕結交皆貴游優童進雜劇歌女陳清謳

朝暮事歡樂不知人世愁虎狼忽肆毒大戶先搜求
解我五花馬脫我千金裘昨暮堂中客今日階下囚
妻孥委中道先業空貽留黃金一朝盡性命同蜉蝣
我來感人事華屋今山邱

追論詩七首

錄二

錢唐

汪繩武

薇伯

吾杭初罹禍事變起倉卒千里城郭完孤軍敢深入
人謂賊剽悍我駭其詭譎徽廬淪沉久甯廣防維急
借考禍胎始滅戍前籌失投隙示之瑕窺伺肆奔突
尙偵吳興戰城閉在頃刻城中千萬戶困守思殺賊
貧者力請戰富者供軍實哀哀當事人無謀自肉食

中丞不知兵都轉罹叛卒廉訪託故去諸將擁盾立
哀彼無辜民沈冤埋碧血二月陰風寒滿地忠貞骨
四郊已多壘孤城難獨守吾杭再罹禍賊機實非偶
自從嘉禾陷軍容無細柳仇民而資寇干城愧赳赳
中丞心力瘁支撐惟隻手所恃浙東民靡竭供攜取
阻撓恨安石實掣善書肘其時安慶拔潰決東南走
鬱鬱武林城圍合十重厚徵兵兵益驕坐視莫援手
乞糧糧不來忍饑但張口效死與斯民力盡兩月久
痛哉劫火重慘酷恣羣醜悔不早餓殍死尙全身首
稽山先射虎皖水少雞狗完富不自保凋殘更何有

相償得失懸階厲誰之咎

絕命詞三首

錢唐

汪士驥

鐵樵

人生天地間立義不可屈我今行年耄豈肯撓于賊
寇氛不能禦俯仰慚厥職奮身入黃泉浩氣凌白日
將軍誓斷頭頂踵所不惜

我死家人生辱家卽辱我甯隨九原去毋爲強寇侮
敢說忠義氣一門無齟齬緬彼張睢陽激昂起忻慕
家人知我心含笑視泉路

城圍六十日萬眾誓效死壯哉吾杭人上可告

天子百年終爲鬼竭忠斯可已戴履二百年報答愧

止此掀髯付洪波懷清如白水

絕命詞

仁和周光照 小雲

彼蒼沫太酷殺運嗟大開人壽本須臾成仁亦何哀
仰視長空雲憑虛自往來擲筆報養士撥亂慚無才

克復杭州

海鹽黃燮清 韻珊

武林名勝區兩陷豺狼穴初來如颶風堅城迅瓦裂
泥丸封十門寶山白馬鏑民財資盜糧金帛罄搜抉
倉皇七日畱郊市慘流血其時金陵危賊意不在浙
假此掣我軍適墮敵計譎江南竟潰圍洪流遂橫決
蘇禾盡淪喪杭城益孤子郊壘合羣盜餉援兩俱絕

戰守賴張

總統 王中丞 王有齡

先後各盡節朔風號嚴冬陰

寒正飛雪男婦奪門走脛凍欲折敗絮匿金玉中

途飽貪餐娉婷與襁褓誰能相攜挈餘生刀刃下旋

復死傾跌血濺層冰温哭沸大江咽吁嗟西子湖三

年委攘竊左軍自東來

謂閩浙 制軍

飛電駭飄警轉戰奪

要隘次第補殘缺渡江悉精銳扼吭斷橫軼烈燄熾

蚊雷驟雨潑蟻垤蝨茲孤鼠羣下遣六丁掣湖山還

舊觀花柳表前潔所嗟民氣傷殘黎膏已竭滋培仗

雨露枯朽庶萌穰疾痛聞

九重休養待施設督師古馮鄧愛民今稷契定深飢

溺憂豈但鼎鐘烈

杭州收復後得子望兄

曾立

書喜而有作

錢唐

汪曾本

子養

憶我出門行倏易五寒暑
東西南北人遊蹟難悉數
故鄉久陸沉消息經年阻
昨聞捷報音

王師奮神武春城鏖賊壕
郡邑復版宇重生慶遺民
快意到逆旅惟未接家書
寸心反疑沮飄然一紙來
近事述醜縷首言城郭非
瓦礫存遺礎繼言賊鄙閒
大半歸黃土未及小弱弟
存亡難臆取或者前書中
吉凶先已敘

接信後知前寄兩函均未收到

敝廬幸尙存零落嗟爨

戶稍加修葺功聊以蔽風雨墓隴及祭田一一未臚
舉想當恩從開未徧親日覩我欲一飛歸恨不生毛
羽寄語賢長官流亡待綏撫

紀庚申二月二十七日粵匪陷武林事

錢唐張應昌仲甫

黑氛壓城雲氣惡地慘天愁狂雨落雨聲淋浪賊至
郭橫刀躍馬無人覺彼虜初來百騎耳四郊弛防無
一壘長驅城下赤燦起崇朝頓失湖山美大吏戰兢
急閉城城外予賊無屯營城內盡納烏合兵兵不殺
賊戕吾氓豈無義團願敵愾官禁其逃叱之退開關

縱民亦何礙養賊殃民兩遺害外侮不禦內變生內
應外合官聾盲坊衢火舉城垣傾守卒奔逃梟勇迎
可憐臨安十萬戶半剩空房半焦土掠財焚屋更殺
擄荼毒甚於金陵苦五都百廛聚塘櫛許史金張高
閼闕一畝儒宮環堵室盡化煙雲在頃刻殺人如麻
刀矛攢血流如河骸如山老稚婦女甘捐軀懸梁入
井投池淵六日橫屍十餘萬漏網逃生亦魚爛死者
齒齧納塗炭生者無家絕衣飯援軍幸來獅子吼三
三日張帥玉良兵至入城殺賊賊走奪門拔幟賊驚走保此遺黎堅壁
守然已蹂躪什八九假令一鼓氣早作何至吳山馬

蹶蹴帷幄無籌將退縮一死難酬億兆哭

羅撫軍 吁

嗟如此好湖山錦繡笙歌六百年咸淳以後烽煙傳

無此毒痛凶虜殘七寶山前歎蕭瑟西湖月冷鶯花

歇出門親朋一路泣入室婦子號咷說西浙東吳接

脣齒又見蘇臺遊鹿豕

四月十三日陷蘇州

災逮葭葦與葛藟

相對楚囚共流涕傷心地獄換天堂休話當年蘇與

杭東南貢賦空筐筐吳越男婦荒耕桑捐輸億萬民

膏竭十載養兵都作賊百年休養生聚絕一旦三吳

傾半壁武臣惜死文擁財軍中韓范安在哉仙鄉佛

國皆蒿萊目極江南庾信哀我已窮民老而獨淡飯

麤衣守蓬屋一朝縣磬空所蓄七十衰翁悲感滿
地煙塵行路梗轉徙頻傳風鶴警佗條漂零隨所騁
千里江關萬重嶺鄉園回首淚潸然死別生還欲問
天衰齡不早溝壑填大劫相逢怨大年

紀事

仁和 孫兆麟 祥士

庚申二月二十七黎明忽報杭州失劍影刀光轉地
來市路人聲如鼎沸叶書生隻手無寸刃坐看毒烽
連彗孛是時雨淫天大漏慘澹愁雲黑如漆中丞齒
嚼睢陽齧太守面楊常山血惟有哥舒半段鎗雞鳴
暗度重關出差幸從龍多將門眞將軍尙能堅壁盼

得援師江表來蘇我蒼生知有日桓侯鏹斗乍臨江
光弼旌旗皆變色吳會旋驅狐兔遁湖山免作鯨鯢
窟一夕紅旗到秀州流離瑣尾愁初雪入生出死心
尙疑好風且促歸帆發歸來城郭猶如故痛劇人民
已非昔風吹野火燒痕多青衫紅粉同枯骨漫寫黃
壚感逝篇難尋白首同歸穴國殤我欲歌大招蒼涼
聊吮離騷筆

前故居行

仁和

張鼎元 梅身

我居峩嵎山之麓煙瓦鱗鱗樹簇簇登樓俯視樂休
沐吞吐江光飲湖淥百年歌哭聚骨肉善頌頌人亦

自祝忽丁陽九厄百六運劫紅羊寇青犢武林腰鼓
好城郭錢湖門對松嶺曲穴地轟雷勢破竹天昏地
黑人鬼哭賊衆狂奔入我屋不加搜括不殺戮但令
家人旁舍伏如坐簪井免溷濁如入纍囚無桎梏有
時食我飯與粥生死無時何處卜六晝五夜翻且復
忽見後山行逐逐肩承器械背囊橐人聲寂然氣勢
肅靜聽微窺足縮縮但見熒然紅蠟燭竈下爛羊頭
正熟八珍羅列窮水陸錦繡橫陳燦珠玉案頭一卷
未卒讀紀效新書戚公作案旁生繫呦呦鹿朵朵梅
花映毛角旁堆僞劄與僞牘九門御林列頭目始知

忠逆此託足立馬吳山瞰全局十八孩兒種流毒且
驚且駭心迫促猶恐賊蹤往而復再出堂前四瞻矚
倒臥綠沈散赤纛雪耀戈矛霜劍鏃亂棄如麻如筍
束黃箋朱字儼符籙天父天兄寫盈幅門挂人頭血
漉漉門外積屍疊山谷此身儼歷鐵圍獄放膽下山
仍寂寞忽遇子遺走相告張字大旗城上蠹賊來何
速去亦速我生不辰遇何酷我生何幸獨邀福回家
且醉酒一斛追想心猶三日惡

後故居行

張鼎元

我家山居火燎原劫後歸來無一椽春風草長紅泥

璧秋雨苔生青粉垣山色依然人事改閭巷荒涼幾
家在照眼峨眉一角青彷彿蜀中勢崔嵬管米山猶
舊日名漾沙坑已土填平石開八眼峰頭井汲飲人
稀水獨清曾記有鄰千萬買天壤王卽富文采參差
樓閣耀雲山零落圖書化煙海此疆爾界誰相分老
樸清陰似社粉一片可憐乾淨土如何蜃氣結氤氳
西夷互市來吳越奇技窮工心力竭漫同仙子好樓
居爲禮祿神作巢窟前眺之江後望湖此閒大好一
壘租重興景教流行石如遇波斯老賈胡玻璃窗勝
水晶碧千里鏡窺若咫尺萬家蔀屋一薇垣瞥眼羅

胸真叵測長官婉諭飭徙遷經之營之償以錢投之

有北示柔遠滄海又見成桑田望衡對宇天隨子陸點

青丈捨宅為歆忠義祀湖山正氣賁

天章告祭春秋奠蘭芷西北高樓夕照開小亭葵向

耿孤懷久欽高義雲天薄吾愛吾廬愧草萊

錢唐感事

仁和魏大縉笏堂

子孫世世勿離杭舊說相傳郡志詳正祝王師收建
業不圖狂寇下錢唐錢唐久號昇平樂城富弦歌野
耕鑿兩堤春水豔西湖萬屋朝煙濃北郭可憐武備
亦多年保障遺風夙著錢演陣朝朝戈甲燦奏功歲

歲縉紳聯誰知灞上眞兒戲臨事倉皇皆委棄秦謀

曾無絳市行楚氛遽學青門避巍巍大府各分衙冠

蓋成羣擁戟牙燕幕平時多宴樂狼煙此日枉咨嗟

東南節鉞推誰首風箏莫保圍城守我傷昭諫命眞

窮人惡汝才冤太負賊信既偏巡撫羅公祕之致居

不足信也太尉之笏光弼刀謂臬司段稜稜一旦鋒俱韜

家風自是踰垣慣威望空存射石高紛紛守土誰禪

烈賴有鄴侯著奇節爲民請命向神前祝罷懸梁淚

嗚咽謂仁和梓桑死士更誰尊二戴傳經足並論謂戴

其弟諤士沈約能文還枉死謂沈竹俞侯負氣亦

忠魂

謂俞雲
史觀察

餘人半是無辜屬閨閣尤多節堪錄精

衛山頭怨氣深子規月下嘯聲酷駐防差幸一隅雷
八面旗分迄未收助戰兒童施瓦石拌生婦女集干
矛孤營措拄功非小援師乃得登城早黃巾夜遁飽
搜羅白馬朝來爭頌禱桓侯豪氣自分明帳下兒郎
太橫行翼德威聲原共懾伯英功罪尙須衡摸金搜
粟紛無制錦繡臨安足淹滯離賊曾無半日程頓兵
不作三軍誓吁嗟民命不堪云苦寇還教再苦軍萍
浪漲春漂碧血桃花壓雪弔紅裙我生幸免將何賴
安得桃源覓天外衣食俱窮計莫尋妻孥相對愁無

柰日擊烽煙淚滿眶身謀世事兩茫茫憑將杜老哀
時意寫作吳山記事章

哀杭州

薛時雨

杭州十萬良家子可憐困守危城裏揜臂難收一戰
功屍橫枕藉西湖水西湖水流潺湲昔時宴樂今煩
冤煩冤無告鬼夜哭苦霧愁雲塞山谷天竺峰頽鷲
嶺禿菩薩攢眉獅象伏吁嗟乎佛若有情佛亦哭

孟蘭盆會歌

薛時雨

同治甲子中元節宮保左公大設孟蘭盆會
薦禮陣亡將卒及官紳士庶之殉難者分三

壇一設內城滿洲營一設西湖靈隱寺一設
吳山城隍廟分班輪祭余得贊助其閒作爲
是歌

上元之年中元節彗孛無光氛祲滅萬家猿鶴招忠
魂千里杜鵑啼淚血杭人敬鬼更敬佛樺燭蓮燈光
射月左公剛直神所憚象教虛無那復說權衡但欲
通輿情敬禮因之表忠烈庚辛之閒迭構難江海橫
流湖水決登陴守禦節旄摧血戰臨戎寶刀折將軍
斷頭心不死壯士歸元皆欲裂薦紳先生講風義林
下優游致身潔書生報國無他長罵賊惟憑三寸舌

恤緯嫠婦恥獨活執戈鄰童甘永訣草茅赴義亦有
人白骨雖寒腔血熱萬靈作賓我作主香火因緣等
檀越作歌私示彰闡義匪以危詞爭棒喝歌成習習
悲風生山色湖光兩愁絕

庚申圍城中作

錢唐龔憲曾石鯨

破曉萬人行驚傳寇入城自知惟有死無路可求生
礮火連天震尸骸徧地橫兩家多婦女同赴一泓清

庚申二月十九日寇警

錢唐張預子虞

飛燹破清曉狂氛莽北郭月初警報狎至城中官吏皆不爲意十八日仁和境
之安溪有賊猶謂是土匪也翌晨賊薄居然淪劇盜
北郭始倉猝閉門議城守而已無及矣

不復論微軀道劫嗟三歲戊午春夏賊擾上游諸郡縣幾徧而杭州幸完疏

防怨八都賊由宣城越吳興間道趨杭州實吳越錢氏設防故道號為八都兵者也今絕無備

賊遂得乘妖鎗頭上閃應悔局全輸虛掩至

千里江南戍逍遙揖盜兵山谿通賊路門戶誤軍聲

杭州倚湖州為門戶議者輒謂湖州不陷會城必無害今殊無驗也急雨寒飛鏃頽雲

暗壓城是日大雨城中十萬戶同此泣殘生

杭城再陷自申江覺舟犯險尋親越十日得迎

家母至屠甸市書以誌喜仁和錢繼祖珊舟

危城壓狂寇親舍渺雲端雁足信纔遞烏私情乍寬

羹湯謀健婦菽水補餘歡載上高堂酒中宵月正圓

三月二十四日入杭州省城 江夏黃景彝 琳齋

縱目心同爽重城指顧閒埽茲狐兔穴還我鳳凰山
景物開生面兒童有笑顏西湖風月在火急掣身閒

杭垣收復初歸里居 仁和朱志成 簪成

閑捷不勝喜初歸祇益悲青山仍似舊白骨竟何知
雨砌深苔漬風窗亞竹枝徘徊還獨立無語夕陽時

亂後歸杭 仁和陳行端 春叔

城郭雖然是人民半已非淚枯桑梓盡血漬草萊肥
新壘屯千帳荒營散八旗惟餘橋下水照影倍依依

絕命詞

長興女史朱保詰 錦香

烽火連宵警長城一旦傾傷心惟有淚取義誓全貞

性比堅金固身如朽木輕寸靈終不泯殺賊待來生

咸豐十年二月粵寇陷省城舅隴土公投池殉難視
含畢急歸家侍母出避海甯數月母沒明年九月返

杭十一月城復圍將陷人皆恐余謂外子曰父母
舅姑俱葬君速挈子出以續宗支我死無憾矣

庚申杭州陷後聞羅淡村中丞遵殿王月川方

伯友端繆南卿都轉梓葉青原觀察堃馬雨

峰太守昂霄陶珠泉定求蔣子久斯彥兩司

馬鳳小屏別駕聲李地山福謙楊漱雲炳春

趙翰秋翼健張子暉元健劉芥舟潤劉雲牧

崇禧元謙陳小芄元謙諸大令相繼殉難感舊傷

懷愴然有作

薛時雨

澹濟冠裳一夢中
江潮嗚咽海波紅
蓋棺已定今生論
籌筆誰收再造功
千載湖山存正氣
九原僚案更和衷
羊曇望斷西州路
棖觸臨風恨未窮

庚申二月杭州城陷書以誌慨

餘杭

王鼎詩 少愚

衷甲潛由閒道來
層城眼見起塵埃
軍心豈恤吳爲沼
戎首居然楚有材
千里音書遲笠澤
萬家煙火莽蘇臺
舊遊十載成追憶
往事繁華付劫灰

何曾形勢等神州
城大而空自可憂
若箇功勳盟鐵

券一時名勝失金牛徒煩道濟量沙計未遂張良借
箸籌正擬泛舟西乞糴苻堅鞭已斷江流

庚申二月二十七日杭州陷懷城中親友三首

錢唐張預子虞

極目孤城亂似麻故人消息渺天涯
修羅兵火飛妖仗劫海橫流泛斷槎
摩詰管絃空有句稚川雞犬總無家
年時隱慮今真驗獨立滄江怨暮笳

二月飛花濺淚新熏天赤舌照重闈
春風待化三年血人海難藏七尺身
便使黃金能下拜獨憐白骨易成塵
平生與子同仇約媮息須慚草莽臣

春前文酒尙縱橫
彈指煙塵而地生
幾輩頭顱償劫
數百年肝膽負交情
壯心我亦時看劍
浩氣渠能便
結纓江上吞聲
惟一哭夕陽新鬼
滿虛城

甲子二月二十四日官軍克復杭州誌喜六首

張預

萬葉飛旌曉日開
喜看故國澹沈災
排雲戈甲將軍
下遮道壺漿父老來
野草腥雷鵲血染
春風暖逐馬
蹏回此行不負同仇志
自汲江流洗劫灰

坐看浙水沸橫流
赤子安知大局謀
庚申辛酉間賊再犯浙鄰省置
吏遣兵赴援而督師大臣往往中道撤回議
俟賊全股入浙然後以長圍感之卒成大功
贏得流

亡圖鄭俠故應保障憶錢鏐江邊戰鼓春潮上海上

降幡曉雪浮

布政使蔣公先於上年十月聞說臨淮同

殺賊一時埽蕩策金甌

江蘇巡撫李公同時以淮軍來克嘉興

左伯輕裘上將壇

督師巡撫左蔣侯枹鼓獨桓桓不

教犯雪禽元濟

去臘大雪官軍攻城數晝夜垂克而不能拔

每值談棊報

謝安二月遊魂嘯北郭

賊奪武林門出人人幾人熱馬蹂踐積尸高數丈

血灑南冠

仁和孝廉朱某等陷城中聞官軍至開謀為內應事洩遇害

豐碑平浙

吾能記試仿行軍司馬韓

拓弦盤槊倚雲旌帳下爭看草檄豪劍鞞押袍寒喋

血墨花翻盾飽飛毫捷烽次第收鄉國行幄縱橫醉

掾曹幕府明朝有封事錄勳端謝及枚皋

城郭蕭條生野煙幾人再見太平年
黑灰空巷鷓鴣爭宿白骨荒街馬不前
後死自拋親友淚重來難覓釣游緣
故園莫問生還樂三徑蒿萊已及肩

一鞭鏡吹滿重闈破陣錢塘唱好春
有美湖山塵劫換中興日月海邦新
從容待復耕桑業還定須邀

雨露仁

聖代卽今勤軫念蒼生引領望

恩綸

庚申歲暮雜感

錄一

錢唐

沈映鈞

輔之

烽煙急警記春三鄉信傳來最不堪如此湖山供破

碎頻年征繕付空談亡羊補救雖多策巢燕綢繆恐

未諳回首可憐桑梓地戰場一片接江南

辛酉武林再陷誌哀六首 仁和 高鵬年 澠槎

李花搖落禍之胎又逐西風飛過來 九月閒僞王李秀成率大隊來

薄武 刁斗聲中驚彷彿 時余避地稽山之嘯吟關山

夢裏費疑猜青天不問誰為主白骨何辜亂作堆還

恐六橋三竺地畫圖風景半成灰

斗大孤城賸一區存亡關繫在須臾 禾城久陷上游亦為賊踞武林

勢成 孤注計窮束手乏良策事急臨頭詢小巫 時城中有女巫某能

知未來事中丞王公赤幟黃旗爭奪目朱樓翠閣誓
有齡令人向問休咎捐軀城外賊營旌旗蔽野圍城水息不通而城中丞
拚死無他技遺表安排達

帝都

浮萍也要計青錢設想其閒劇可憐四處郊原騰野

火萬人門巷絕炊煙

人家有舉火者兵勇望見炊煙即來騷擾至居民不敢起炊

宵寒畫角聲驚雁日落危城淚泣鵲盼斷援兵空有

影將星沈落大江邊

張軍門玉良潛師錢唐江口原約內外夾攻未幾被礮傷而卒

從此大局全去矣

軍威不振氣全消兔去烏飛暮復朝團局分防虛設

立殘兵散處任逍遙

中丞飭令紳耆設立上下城四隅分局以資守禦徒有其名耳

而饒軍門廷選主守城不出戰之議軍心因之解散鬼能作祟時為厲佛亦當

灾廟被燒城中往往白日見鬼大率皆餓殍游魂錢

燒燬何處將軍天外至但聞江上去來潮安民告示動

將佐大軍指日可到

白叟黃童莫問渠一般憔悴淚盈裾閉城兩月後糧

多凡憔悴凍餒之間閭餓犬聲相雜士卒烹羊樂有

餘城東小雲棲為放生所羊豕極多迎佛山頭空禱

祝天竺觀音最為居民所信中丞移乞師海上乏

吹噓中丞將修書令人赴中江樓船江口如雲集畫

請援兵無突圍而出者

餅充饑轉不如紳士胡雪巖光墉時載米數十艘泊江心苦不能達

思量情景總模糊孰寫流民鄭俠圖家有黃金難買

命溝填赤子實無辜大街小巷積屍如山驚弓人比

枝頭鳥入夜聲喧屋上烏慘與睢陽同一炬滿城人

肉變焦枯

杭城紀事 庚申

黃燮清

傳聞捷報過錢唐誰信潛師出禹航賊於二月初陷廣德據長興進

攻湖郡不克遂由餘杭徑犯杭州勢甚疾可有指心王武俊嘉協魁紹協

協王苦思擊賊段涇陽臬司段出城募兵軍門上策惟清野

賊抵武林門我軍縱火清野民舍一空部曲連屯每亂行立馬吳山形

月三... 卷一... 三

勝去自葛嶺至萬松羣公應變太倉皇

金牛湖上豔陽辰鶯燕樓臺入戰塵三月桃花紅犯

雪三月初十日大兩堤煙草碧成燐湖上焚掠可憐

佛國同羅刹城外叢林何處仙源結比鄰畫舫珠簾

零落盡杜鵑嗚咽弔殘春

達官眷屬半神仙鼓柁浮家去渺然萬戶脂膏畱待

賊十門鎖鑰苦防邊賊於二月十九日抵城十佩環

零亂珠沈浦羅綺叢殘玉化煙婦女挾資登舟冀城

赴水死河水恨水茫茫流不竭有誰喫血顛蒼天

三衢重鎮擅威名保障全吳在此行光弼韡刀恩將

種景隆統袴墜家聲屯師不進翻徵饒臨敵無攻尙

縱兵

鎮軍李兵潰梅溪尋由湖州進援杭

回首鳳凰

山色好當時父老望蜺旌

前屯鳳凰山演習軍陣官民頗倚重之

森嚴節鉞鎮江湖咫尺烽煙偵探誣

賊離城十里探稱勇潰變

起腹心姦早伏

上者王道平為賊間謀匿省城數年矣以書敗露民共磔之

軍無

犄角勢先孤

諸軍俱納城中

赤心報國和衷少白面談兵眾

論殊十萬生靈同浩劫

被難者九萬七千有奇

疆臣定識誓捐

軀

亡命屠沽氣餒張一時應募備戎行窮搜玉帛驚雞

犬虛擲金錢豢虎狼

都轉繆所募復勝勇皆克悍不馴白晝剽掠

釋甲盡

更紅抹額倒戈翻試綠沈鎗賊由清波門緣城而上

變賊臨危反噬嗟何及一死模糊事可傷都轉為

棘門兒戲漫論兵賴有將軍細柳營背水奇功爭死

地撼山威令抵長城大呼振臂孤軍奮力戰同心散

局撐二月廿七日黎明清波門陷賊長驅入諸軍潰

勇賊雖得城不能定也殺叛夜半神燈看破敵挽回殘

劫奠蒼生滿營燈火相望終夜

桓侯甲仗走驚雷矛馬先登毒障開赤幟精神寒賊

膽皂旗威望重邊才總統張於三月三日抵艮山門

遁狂瀾突捍錢江弩焦土猶温楚炬灰可惜餘氛殲

未盡更須飛將鼓行來

賊遁泗安時大股猶據長興

武林後紀事詩

辛酉十一月廿八日杭城再陷聞見所及為補之

黃燮清

嘉禾郡邑半淪亡東浙傳烽入暨陽饒道難通江上

下危城孤峙賊中央飢疲苦扼豺狼餓羅掘應窮鼠

雀糧聞道吳興頻破敵可能乘勝援錢唐

嘉紹兩郡俱陷饒道

遂絕浙西惟湖州紳士趙竹生景賢屢敗賊而兵力止能自顧不暇救杭

提臣勢位例專征親統諸軍援浦城萬眾一心爭避

舍五旬兩潰未交兵

浦江乃越之門戶饒軍門兵潰賊遂由浦入越

會稽甲

楯終難保吳地山川豈獨撐

越中梗絕賊乃專意於杭

卷旆西來

全局去恰思退守戀餘生

軍門越中屢潰乃回杭城

浙軍屢挫久難支曾乞臨淮一旅師隔歲募兵先濟

饜臨危入援苦愆期

中丞於前歲奏調李觀察元度募兵來浙旋因楚境辦賊秋杪

抵浙界杭圍正

急竟不及援 夢魂猶切雲霓望書札曾傳義烈詞

觀察來書

詞極慷慨 揮扇渡江何日到夕陽零落戍樓旗

長龍戰艦狎鼉鼉八槳飛騰迅若梭城上飢羸炊白

骨江中絃索鬪青蛾

錢江長龍礮船數百號不能擊賊杭城危急其將弁猶擁妓徵

歌

災黎痛哭無家別

江中民船時復被掠

壯士歡吟得寶歌預

計海門歸路穩可憐咫尺有風波

城陷時水軍皆滿載出海至尖山遇

風覆溺百餘船

桓侯矛馬試春風上巳吳山樹戰功張總統王良於前歲上巳克復

杭州一自金閭單騎遁重開玉帳萬夫雄禾城不復難

辭譴自蘇州兵潰至杭仍督師攻禾賊尋又敗回柳浦臨危獨効忠杭城圍急

總統於城外血戰旋中駿亡馬革沙場誰比烈將才已冠浙西東

經營守禦固郊圻舊日循良眾望歸王中丞有齡自蒞浙垣守禦極

周馬謖不誅軍律漫孟明屢用感恩稀中丞御將寬而用命者少

時艱但盡孤臣力糧罄猶支兩月圍賊自九月廿六被圍中丞督將

士登陴固守餉援俱絕至一死光明完大節西臺憑十一月二十八日而陷

弔淚沾衣中丞遺摺先期遣使縋城出詞意悲憤誓與城共存亡

辛酉十一月二十八日杭州復陷

錢唐

夏鸞翔

紫笙

雪虐風饕天宇低
血波寒咽浙東西
六州大錯偏稱
劫四野徂飢尙守陴
生不團樂人似雁
死無消息命如雞
中原一髮碎然絕
欲訪西湖夢亦迷

戰鼓無聲鐵礮暗
天昏月黑大星沈
一生已斷趨廷路
九死難移守土心
魂抱

龍髯遊萬里
力求馬革抵千金
玉棺破浪歸閩嶠
山鬼河靈不敢侵

三年戎服習弢符
魚鳥親排八陣圖
敢怨微名刪薦牘
卻憐兒戲擲軍需
城狐見月殷勤拜
階蟻聞羶抵

死趨欲向樓船問王濬江邊萬骨一齊枯

桑麻徧野豈能蠲剝曲爭迴大令船念我親朋瓜再
摘誤人軍報柳三眠黃金暫乞須臾命紫玉終成縹
緲煙六百餘年簫管地從來安土苦難遷

十年羣盜弄潢池火及城門悔已遲未必析骸能助
爨空餘鞞革暫充飢黃蒿滿眼生何戀紅雪齊腰死
不知江草江花無限好客中忍讀少陵詩

虎頭桀鷲世難馴曲突何堪議徙薪自古避兵如避
寇於今無土亦無人腰纏已飽空團練肉食無謀恥
縉紳劫後豺狼紛滿野仙源處處屬嬴秦

羊城東望淚闌干，驀地哀弦聽再彈。釣叟曾無青筍

笠，流民皆著白衣冠。昂昂死友存雙義，余君桓武程君湘庭為子

守質庫賊來不碌碌餘生廢一官。夜半樽前思往事，去以及於難

卅年都作夢中看。

青燐閃閃越山昏，嗚咽江流似白門。九十萬人同死

難，三千餘甲幾生存。蔣侯神力嗟何及，張儉無家詎

足論百尺祁連像。遺冢天涯猶有未招魂。

至鄖陽聞杭州陷

錢唐 吳振械 宜甫

錦繡湖山六百年，忽驚城郭慘烽煙。一家星散今安

在半路，風聞恐誤傳。事勢東南嗟已矣，諸公戰守太

茫然干戈滿眼無歸路愁絕春江獨客船

至襄陽聞杭州已收復而城內外焚掠殆盡感

歎累日

吳振棫

援軍驟至擁雕戈報捷居然捲白波

張公玉良援兵至賊謂是張殿

臣副帥也

遂遁去 僥倖遺黎猶未盡傳聞劇寇本無多已知

極望悲榛莽更恐狂奔脫網羅江上爭看新使節旌

旗氣色近如何

時王公有
離摧浙撫

驚聞武林復陷

張應昌

亡羊漫說補牢堅危厦安能一柱擎河上翱翔軍似

戲金中游泳命難延析骸易子遭奇厄

城中絕糧
餓殍載道破

國亡家哭昊天最是傷心生我忝遺書寶墨付雲煙
歛獻佛國天堂地都是青蕪白骨堆萬姓無家隨賊
去三更月入城來煙寒靈鷲人蹤滅血灑嘯鴟鬼
哭哀亙古糊山無此慘我生遭遇太摧頽

庚申二月十九日之變余適在樵李先人及嫂
殉於杭焉哀哉後卽遊居若耶一枝聊寄越
歲秋季東越又陷且失浙西故鄉異地兩無
歸矣慘觀之情言難盡述因託詩以誌哀情
得二十二首

仁和 鍾慈生 箴聲

狼煙輦鼓捲西來一缺金甌勢莫恢
廖子城明府守歸安卒保無虞

及守越賊以反間計使赤幘黃旗三路震賊先窺義

官民不治以致大誤橋剡溪詭

兵由臨浦進甘瓊臺玉宇一時摧氛埋越嶺連宵瘴

四日失蕭山血濺秋衢動地哀劫到紅羊何日盡

前數日殺氣蔽天日色慘淡

獨憐殘照思徘徊

越城萬戶竈煙空多少流離草莽中金屋有屍遮馬

革玉容無主繫蠶叢別憐妻子今何在信望家鄉半

未通檐下趨趨羞乞食鶉衣何計避饕風

鐵鎖重關路不通幾家故舊有無中親友不通音問者五十餘日水

陸皆設關卡隔絕空城新鬼燐搖碧冷巷飢瘵血餒紅自歎

行蹤同落絮凡遷十餘次獨憐短鬢已飛蓬狐鳴篝火誰

月三... 金名... 三

為主從古蒼黎劫竟同

干戈靡定又傳驚盡說杭州已潰兵

杭自九月廿四日圍城十一月

廿八日

江上礮聲連海嘯浙西烽火徹天明

所居離杭二百

餘甲礮聲火

半參疑信難成寐遙哭親朋恐不生去

冬多避浙東者今秋因

暨陽告警皆返故鄉 每聽鄉音便相問幾回欲訴

不成聲

浙東無復問蒼天柰聽錢唐勢更燃升米過於求趙

壁浮萍多不論青錢

青萍每斤值錢百文

城圍鐵甲逃何處地

徧冰屍瘦可憐軍令未申城已破傷心子弟盡拘牽

二十八日王中丞猶誅亂兵數人而城南已為賊據

閃爍妖星早警心

庚申夏彗星見
辛酉夏復見

果然隔歲又相侵

守陴難遂睢陽志列戟如懷上堵吟

孟達降魏
作上堵吟

三月

號飢千騎潰萬家飲血一星沉城垣猶是人民改慘

霧兵氛十里陰

幾見西湖有逸民長纓一繫歷艱辛倒懸瘦骨求金
窖凍裂冰飢臥雪埋棘嶺原知難覓路桃源何處盡
迷津黃昏鬼哭含愁聽都是朱樓翠閣人

削竹爲竿揭義旗蠢愚都解著戎衣欣逢衆志猶堪

鼓不道天心尙未歸

龕赭民舉白巾賊勢欲
潰後因糧不及繼遂散

雪刃剝

餘脂月舞霜翎多帶血腥飛從來龕赭誇形勢一炬

村虛人迹稀

荒郊何處可招魂
猿鶴沙蟲那箇存
白骨模糊餘繡褶
黃蒿蕭颯徧朱門
生拌頭頸嘗鈇鉞
死戀空山泣子孫
故舊容顏渾不識
沙場聚首總聲吞

一經虎口信沈沈
鳥竄魚驚總就擒
徵詔豈同求博

士赴村間勒禁煙猶見藝
空林身如夷狄
甘文面話到

妻孥盡刺心拍斷
胡笳誰肯贖被擄者須男兒方解

重黃金

壺漿箠食豈甘傾
况復尋常政令更時多勒歷盡瘡

痍猶服役擄餘金
帛尙輸誠紅旗怕見
催捐令古廟

愁聽拷掠聲

賊據村鎮多處社廟以索財物無則任其笞辱

莫訝山中無歷

日而今朱草已無莖

時無歷日故山中多亡時日

歷盡艱辛尙未深無須世局問升沈平安猶是今宵

福歸去空懸故國心子弱妻孥聊勿問

警信驟至彼此不能相顧

雀羅鼠掘又將臨明年此日知何狀有酒還須子細

斟

哀浙西

鎮海

陳繼揆 舜百

鼙鼓聲聲起怒雷河山半壁已成灰劇憐徧地餘叢
豕危坐孤城上將臺敢翼紅羊塵劫換幸無白馬越
州來平生怕誦蘭成賦遙望江南亦可哀

金陵十載老雄師羣盜如毛愈蔓滋南渡山河重
歷劫西湖風物竟如斯長江豈是偏安勢殘局應須大
力支獨怪調兵徵餉處縱無蹂躪已堪悲

杭城出坎甫知同治改元之七月也用辛苦賊

中來韻賦五絕句

仁和陳祖延季鴻

茫茫劫中劫忽忽身後身妻孥已泉路何處話酸辛

室人賴氏
罵賊殉節

先塋幸相依山家權作主縱然蕨兔飢何如糧絕苦

余依西谿墳戶吳山人家四
顧無親不若圍城猶生聚也

鋒刃尚吞屠文字日荒劣愧無露布才上馬遑殺賊

賊時出擄掠
謂之打先鋒

兩兄死喪亂

和伯長兄因金陵陷憂死次
農二兄前歲松江陷驚死

一兄旅山

東

春叔三兄
獨免於難

親朋尺書斷會面惟夢中

野哭雜鬼嘯戰骨隨荒萊可憐華表鶴城郭幾時來

口占絕命詞示外子

仁和女史高葆貞子淑

城破無生所此事計之熟願君好自謀毋為我痛哭

湖上感懷十首

錄八

錢唐魏福增樟亭

遠上孤山石徑斜梅枝疏落是林家誰知亭畔襪

鶴遞到風聲雜鼓笳

湖隄一帶拂垂楊掩映雲鄉更小鄉恨把羊頭都斫

盡暮鴉猶自噪斜陽

隄東西植楊柳自遭兵燹芟夷殆盡矣

南屏山下曉鐘天古寺僧人盡坐禪不信金剛張努

目任他盡夜撒烽煙

賊偏城時淨慈寺蹂躪尤甚幸未遭祖龍耳

南峰對峙北峰高九里松風卷怒濤一炬可憐化焦

土贖將寒月照平皋

石蓮亭一路為賊焚燬

西風吹我出錢唐昭慶禪林暮色蒼選佛場中翻選

將紅旗綠幟自飄颺

文鎮軍住劄昭慶寺清淨禪房已為屯兵之所

瓜艇蘭橈泛綠波藕花香裏奏笙歌如今習得昆明

技戰鼓鼙向晚多

湖上水兵日夕操演

天香鷺嶺散清芬錢氏祠堂異種芬可惜奇姿遭火

劫不將鐵弩授三軍

表忠觀有老桂四株紅巾之亂祠宇無存桂亦薪矣

春來綠偏長亭草夏日紅開曲院蓮苦恨妖氛隨處

橫賞花何日粲芳筵

湖上花草綺麗自遭兵火子焉無存草木無知亦罹此毒

絕命詞

錢唐戴熙 醜士

病軀晚歲遇時艱八載巡防總汗顏撒手白雲堆裏
去從今不願到人間

絕命詞三首

錢唐張洵 肖梅

血戰孤城力已窮席前借箸竟無功白雲堆裏吾將

去前輩風流有戴公

醜士侍郎於先一年殉難

往事追思淚泣然妻孥三命赴濤淵而今收拾全家

去地下曾教骨肉庚申春方直南書房聞杭州城陷遽乞假徒步南歸幸母無恙

妻子殉難奉母避塘
棲母亦旋歿哀哉

篋內猶存

御賜衣澄懷風景已全非微臣雖死心猶在化作杜

鵑向北飛

絕命題壁

汪士驥

賊氛重逼欲何之粒米如珠勢不支相率妻孥歌永

訣承

恩繼世報恩時余高祖從軍金川木果木障亡子恩驕尉世職子承襲授杭州城守于

總予退老後以子榮照襲辛酉九月圍城至今已六十餘日矣予家世受國恩誓以死報

歸里雜詩

錢塘 丁葆和 冲泉

隻鶴重歸松里東，敝廬雖在半蒿蓬。呢喃忽聽梁間

燕似話生離死別中。

余自劫中負母出城，室家星散，未幾母歿，草草藁葬，迨賊退歸。

來雖屋在子存而無生人之趣矣。

比王更比聽王庸，偽府深深屋幾重。左右重樓起更

鼓，朱書聯對尙黃封。

偽比王錢貴仁，佔三元坊孫宅。

顧宅為館，賊中遇新年，接印多用黃紙。朱書楹聯各館門條亦然。

上帝編成讚美詞，眾多小子跪庭墀。大龍亭鎮小營

巷，七日一陽來復時。

小營巷偽府前折營磚圍築外，垣極為寬闊，以篁庵佛殿中起。

一龍亭雕鏤工細為禮拜上帝之所，凡禮拜以七日為期，各館賊目亦然。屆期於晚間率領大小跪念讚。

美上帝為天聖父讚美耶穌為救世聖主讚美聖神
 封為神靈讚美三位為合一真人神道喜與世道相
 同能救人命享福無窮以及智者踴躍即知為福愚
 者省悟天堂路通天父鴻恩廣大無邊不息天子天
 降萬年生靈代讀無記受念人知悔改魂得昇天云
 云後復以黃紙書一奏章令識字者一人念之其詞
 首云某某同眾小子跪在地下祈禱天父紫皇上帝
 老親爺爺入後則有伏願眾小子有衣有食無災無
 難等語念畢于香爐
 中焚之名敬天父

城外梅花亂插樁城頭守壘擊宵梆縱修軍政排軍

火一半潛逃一半降賊於沿城密釘木樁磚蔽城堞

降矣

積棺權當土城圍揮紙隨身出復歸兩字宵來傳口

號中營朝將最嚴威偽中營朝將汪海洋最為猛悍
作館於長慶街館旁造演戲臺

甚宏麗凡通衢委巷率以屍棺攔路賊出入皆用偽憑名曰揮紙每晚賊隊必至偽府聽傳口號名曰聽令其令即於讚美中摘取二字如省悟廣大踴躍悔改之類

派充把卡到鄉居橫斂瓜茄雞鴨魚忽打先鋒來意

外野長毛過變荒墟賊於鄉鎮每地率派數十賊巡守謂之把卡食物過卡率收稅

錢若遇過境賊隊必加彈壓亦有賊來攻賊者謂之野長毛搶擄謂之打先鋒

漫說前江與後湖礮船八槳亂飛鳧海塘石蹋沙河

塞葑草連天花港枯自庚申至癸亥海塘廢圯潮汐浸灌土塘河流為沙湮塞西湖

葑草叢生港路如綫蔣方伯以錢江礮船一夕用滾木由南山挽至西湖逼攻錢塘湧金二門賊見喪膽

水缸穴作火鑪泥扁額為槽駐馬蹠此物也成老傢

伙夜無守犬曉無雞賊自辛酉圍城糧絕而陷城中久無雞犬之聲居民什物非燬

卽擄運老巢常用水缸鑿穴以爲火門安鍋造飯更以人家匾額闌作馬槽皆賊積習也賊稱舊擄者爲老傢伙新脅者爲新傢伙

按田勒繳米兼柴計口抽丁雜派差軍帥奉行催旅

帥挨家輸費貼門牌

賊中僞王之下僞侯之上復爲義安福燕豫五等又有天將朝

將主將佐將掌率僞號不一理民事者仁錢各設一監軍其下更設軍帥師帥旅帥爲里甲之屬凡苛斂

田米柴火及收取門牌費時時下令遞爲催集

試登十丈瞭高臺怕見官軍動地來一樣工師求大

木倚闌無語惜良材

僞館門前率起高臺至有十數層者克復後猶見守臺賊帳高

揭臺頂

邊繪蟠龍字寫真印長一尺僞銜新不須開局黃銅

鑄雕刻多推范老人

上皮市口鄰人范叟台產也年七十矣刻字為生辛酉城陷賊

即拘其雕摹偽印全家藉以飽煖至甲子克復依然無恙如未遇劫然可為奇遇

太平天国鑄錢文天父天兄實駭聞扶得朝綱天可

頂殿前歡欲署功勳

賊中偽示率書天父天兄天王殿前歡頂天扶朝綱皆偽銜所加又自王以下偽銜

俱加九門御林開朝勳臣凡國字多書作国天字上畫較下畫加長極可笑也

佔來天后舊宮門也卹捐軀老弟昆固結賊心聯死

黨偽牌忠義姓名存

西牌樓天后宮權作偽忠義祠克復後所題文武偽官銜姓名

牌位尙存眾憤燬之

上庠兩廡忍重看為製硝磺杵曰安天喪斯文終不

月三十一日

喪石經道讚更誰殘賊以郡庠為硝館兼鑄偽錢其

白泥鑪棄置滿地

騎馬監軍往復還聖糧催積疊如山河人典守私收

費籤撥搬移出北關賊踞東城大倉為儲米之所號曰聖糧典守之賊往往得賄私

運出賣

空有腰中十萬纏讓人雜賣利相權清河坊與孩兒

巷十里長街列市廛賊所掠金銀率繫腰間未敢藏之別所頑笨不解書算往往擇

擄人為之經紀買賣多在城中清河坊孩兒巷又武林門外稱為十里長街皆賊眾市集

土木無知喚作妖神祠非撤即焚燒靈山感應稱天

竺殿宇重新五彩描賊見神像呼為死妖壬癸之間賊氣已衰賊婦仍乞佛慈以保

性命上天竺大殿已燬
復起小殿爭相祈禱

糖果零星字紙包馬隨小把戲飛跑可知四海皆兄

弟豪飲樓頭喚酒肴賊首相敘必設茶點如酥糖糕餅物劣價昂每以字紙作包擄

到幼孩呼為小把戲上街多隨於馬後遇相識之賊亦多邀上酒館以盡友誼

緊紫紅巾直統袍花鞵腳踏佩雙刀禮惟一跪餘從

簡箕踞談心宛似猱賊之服色隨擄隨著未嘗一定惟額紮綢巾腰不繫帶足履花

鞵相見一跪對食輒相箕踞而已

落地開花礮火多西夷教習問云何苦心也練洋鎗

隊德克碑來即倒戈賊酋每出金錢招洋人結隊自衛德克碑者助復省垣之洋將

也

金鑼十面鼓三搥旗轟親軍亂似麻忠逆偶然來佔
 宿撫藩留得舊官衙庚申春忠逆李秀成初陷杭垣親來督戰踞管米山張宅為巢
 遺棄偽文前書九門御林忠義宿衛軍忠王某某辛酉之冬再破城後佔居藩轅未久即擾犯松郡而杭城空院司兩衙備為逆館

大方伯里火燒場壘土成臺作講堂堂下萬人來聽
 講不知道理在何方大方伯里辛酉破城後民屋全燬克復後但見高築一臺為講
 道處之

天兵留守鄧光明力戰功多莫與爭頃刻內訂童主
 將擄人拔隊出杭城偽歸王鄧光明佔踞柴梁橋與偽主將童容海爭權童積不平
 拔隊出城擄去他隊之賊不少而杭人因此逃逸甚多童後乞降於皖

廟贖城隍儼有靈鐵哥哥亦保真形其餘付與妖魔

鬼徧地荆榛徧地腥

城隍廟巍然獨存五猖司鐵像僅留其四豈當時本稱鐵四太

尉後改五猖司時范士以足其數致土化鐵存歟

賈賊西溪市集興近鄉不擾屋新增地名大好稱留

下七百年來宋諺徵

留下距城稍遠且通下河米市茶市雖劫不廢

西吳守禦趙家優東浙包村起白頭亂點出征征不

返貞人遠望在高樓

杭城陷後時湖州郡城與諸暨包村堅守獨完賊往攻者率多

敗亡賊中稱婦皆美其名曰貞人賊自稱則謙之曰外鄉婆

校尉由來號摸金壁搜祕藏井鉤沈賊中偶有知風

雅整理圖書遇賞音

賊破城日徧搜金銀旁穿屋壁深入井底頃刻間無一遺者錢

貴仁賊兄某頗好古玩書畫如許氏之七十二峯孫氏之遺籍畫像皆密加保護克復後猶存百一云

三年飄泊苦猶甘虎口餘生廣塵談博帶寬衣長袖

舞一時風氣變湖南克復後城中半屬楚軍服式皆尚寬博

諸生文字課森嚴繼晷焚膏日月添從此投戈親講

藝何須軍旅學韜鈴克復後府仁錢三學招聚庠生先試月課以代書院初則月給

三兩後改番餅四枚由百名多至千名誠大府卹士之德也

屢經兵燹整歸帆故舊重逢絮語喃不覺草茅忘忌

諱亥開丑好未全芟偽文以秀作莠上作尚愧作忸王作汪龍作隆衰作師敗作助

離作利去作到雪作赤傷作口十二地支中亦多忌諱如亥作開丑作好耶作榮皆俚鄙極無理者斯之

謂賊矣

辛酉杭城再陷四弟婦姚氏罵賊遇害五弟婦

王氏自縊死節克復後檢得遺骸為葬龍井

祖墓側詩以哭之

錢唐

張徐鼎

漱珊

襟裾臨難或全身浩氣還憑巾幗申白刃如霜羅似雪吾家成就兩完人

殘骸收得骨猶芬為傍先塋替築墳張氏有人終奠

汝不須鵲血染斜曛

辛酉圍城作

錄四

錢唐

王

潔 養雲

暗渡中流事已非鳳皇山上偏旌旗那堪日極瓢兒

石墨燄紅灰兩岸飛

九月二十三日賊分股詐為敗兵渡江焚掠漸乃環偏省垣賊

目李秀成札營鳳皇
山上即偽忠王也

簫鼓湖樓曾幾許烽煙壕柵竟迷踪酒船此日羣酣

鬪繡幟雲幡逐火龍

西湖庚申亂後樓榭一空畫舫悉改作礮船

市月環攻作杞憂援師聞說及星郵嚴城夜靜疏鳴

吠猶有兒童唱狗頭

小兒有張打頭李打頭不打貓頭打狗頭之謠是時請援李元

度被阻張玉良江干觀望賊勢愈逼雞犬食盡果應其讖

幕府高張成兩地將星虛左隔三山胡兒滿載嗟浮

海庚癸嘔心報李難

張玉良礮傷左宗棠援師未至胡光墉辦糧物數十艘江心遙

盼李元度曾受王有齡保舉意請援必有以報而賊勢滔天食盡城破矣

劫後湖墅雜詩

仁和 王金鈺 湛廬

柘軒歸隱菟裘營柳外樓臺水上亭賸有珠兒潭水

綠照人霜鬢幾回青

凌燕庭司馬家珠兒潭園林之勝不減養素劫後惟潭水尚存

其舊

風來吹出唱籌聲八景猶傳夜市名可惜趙家乾淨

土謝公古廟未經營

北關夜市湖墅八景之一大王廟祀宋謝公緒卽世傳金龍四

大王也劫後米市蕭條廟祀亦未復

絕命詞

仁和女史沈翠娥

百感叢生淚雨潛遼陽音信斷刀環堅心苦節從何

表化作蒼苔石一彎

按兩浙忠義錄云沈氏未詳其夫家咸豐十一年冬杭城再陷

婦已乘閒出城匿難民館賊日董某見之昇以入欲強婚焉是夕大宴羣賊有杭人爲賊擄者在董所婦

見之潛語曰一死耳復何言因述母家姓兄號杏園
 為某科舉人余恐賊覺未遑及也夜半賊散董隨一
 賊去俄頃董歸沈給之日爾去後有某來命爾速去
 董信之往所謂某者與羣賊鬪飲時默識其姓名也
 董既去沈即自縊牀頭董歸駭甚杭人知其事者勸
 董覓棺而以所掠之衣斂焉將斂見衣衽間有白紙
 則絕命詞也卒
 年二十有四

庚辛泣杭錄卷十六終

庚申辛酉粵匪兩次陷杭城予俱在城中目擊剝擊
屠戮之慘焚掠奸淫之毒凶燄肆張屍橫遍野今讀
丁君所輯庚辛泣杭錄十有六卷回憶前事宛然在
目痛定思痛淚未嘗不涔涔下也曾有小詩數十首
以記當日傷心慘目之事後因東奔西竄稿亦隨以
散失所詠之事與集中諸君之記載詩辭互相出入
蓋同在圍城所見聞無甚異也吾杭風俗人心自唐
以前見諸志乘者大約樸質近古與浙東相似北宋
猶然是以徐沖晦言子孫世世勿離錢塘可免兵燹
之患因錢塘地處東南人民樸實雖有湖山之美仍

存耕鑿之遺可免兵燹正在於此非形家者言也逮乎南宋建都王者之居漸次宏麗一百六十年中踵事增華東園游幸西湖歌舞上下相沿習爲奢靡麗閱數百年而不能易一旦有事則困粟空虛兵力薄弱束手而陷於寇盜前則苦於兵單後則由於糧匱此杭之可泣所由來也知其由來改絃而更張之一洗泄泄沓沓之習庶可奮忠義崇節儉純風俗厚人心而挽天意焉是所望於讀是書者之猛省也徒泣云乎哉光緒二十一年冬月仁和八十四老人蔡玉瀛謹序